

清代傳記叢刊·綜錄類⑦
周 駿 富 輯

國朝耆獻類徵初編(四)

卷二八八〇至
卷二八八八

(清)李桓輯



明文書局印行

www/ob

國朝耆獻類徵初編卷二百八十目錄

將帥二十

岳昇龍 子鍾琪

李林盛

吳郡

偏國

馬進賢

馮國相 子毅

祖良璧

國朝耆獻類徵初編卷二百八十目錄

四庫全書
目錄
卷之二

--	--	--	--	--	--	--	--	--	--	--

兩朝耆獻類徵初編卷二百八十

通奉大夫前署江西巡撫江西布政使司布政使湘陰李桓輯

將帥二十

岳昇龍 子鍾琪

岳昇龍甘肅臨洮人父鎮邦由把總歷任副將康熙十年昇龍以行伍拔補永泰營把總尋授千總十二年吳三桂據雲南反陝西甘肅將弁多叛應之永泰營遊擊許忠臣潛受偽劄昇龍密遣人赴提督張勇告變以大義開導兵民擒忠臣斬之十四年隨西甯總兵王進寶征蘭州叛賊賊燬浮橋官軍以革囊渡黃河昇龍奮勇登岸擊敗賊兵至城下立雲梯先登左股中毆傷蘭州恢復後

敘功遷莊浪守備十五年大兵克臨洮平關隴昇龍皆從征有功
加都督僉事銜二十年遷黑城堡遊擊十七年推補山西得勝路
參將三十一年遷湖廣寶慶副將 特旨調江西九江副將明年
擢山東登州總兵逾年調鎮天津三十五年三月 上親征噶爾
丹 賜從征滿漢大臣及將校宴 上酌賜昇龍又 賞御用緞
匹 命昇龍押運中路糧米昇龍以米車前後非得騎兵不能往
來巡護請選精騎直隸二百名山東百名以往 從之 諭行在
兵部曰岳昇龍馬進良白斌人材壯健饒有韜略係朕簡用之人
今已逼近噶爾丹若遇敵時副將以下有退怯違令者該總兵卽
於軍前正法奏聞五月大兵擊敗厄魯特眾於昭莫多凱旋敘功

子昇龍雲騎尉世職尋擢四川提督 特賜御書仁愛士伍額並
鞍馬弓矢三十六年疏言臣生長西北三任邊營聞噶爾丹狡謀
狂逞非一日矣天下皆以爲小醜而不知其爲準噶爾酋長之弟
出家已久又復還俗煽惑部番始於康熙九年謀奪車臣台吉人
馬遂僭博碩克圖汗名號據厄魯特地方鯨吞西套諸鄰後因喀
爾喀構讐託故興戎自二十七年抗違 敕命往往稱戈屢瀆
宸衷肆張撻伐值舊歲 御駕親征決策運籌分兵三路臣幸叨
扈從隨眾前驅及至克魯倫偪其巢穴方驚懼奔逃遇我西路官
兵密道 廟算出其不意麾兵截殺雖未就擒妻孥皆失猶不知
悔悟解甲來降復伺 天兵凱旋招搖出沒收集殘敗部落希圖

乘閒西歸我 皇上復臨塞外分布各處要隘撫定西域番回更
令甘肅諸臣堵禦昆都侖一帶遂擒其孽種撲其餘燄噶爾丹迫
欲投西而烏思藏難至再欲往北而鄂羅斯不畱欲戰則畏我兵
威不敢迎敵欲守則踉蹌沙磧無力圖存卒之勢急計窮身亡族
滅邊塵胥靜 鑿輅始旋成萬世不朽之功造邊境安甯之福所
有 親征機宜伏乞 宣付史館 頒布中外昭示臣民蓋已除
數十年不可息之患應識 大聖人不得已之心耳疏入 諭曰
岳昇龍隨朕出師塞外故於噶爾丹始末知之甚詳武職中未有
如其明晰者章下所司知之三十七年以建昌鎮屬之化林營當
打箭鑪漢番交易地距鎮所遠而偏近瀘河表延三渡僅設守備

一員兵二百名孤處山峽汎廣民單而夔州協之梁萬營止防萬縣梁山二邑介在重慶夔州適中地請將梁萬營參將並千總二員把總三員兵三百七十五名移駐化林畱梁萬營守備一員把總一員馬步兵二百名足資防守下部議先是康熙三十五年因藏番竊據打箭鑪命兵部郎中金圖等會同川撫于養志查勘地界養志以藏番非茶不生營官錯處鑪內專司貿易不預地方事入奏至是營官喋吧昌側集烈擅發蠻兵數千據瀘河以東擦道若儀等堡阻商旅途昇龍調兵五百至化林營協防並禁茶煙米布過鑪養志以事涉已疏參昇龍未經會商輒發兵並列其贓私數款昇龍亦劾養志交結藏番委棄疆土剝削商旅苛虐土司

私收雜稅勒索屬員諸款 遣工部侍郎羅察學士布泰察審未
得實 上命署川陝總督吏部尙書錫勒達復訊養志欺罔屬實
擬斬昇龍以有玷職守革職三十八年十二月提督唐希順奏營
官喋吧昌側集烈毆斃明正長河西土司蛇蜡喳吧殺傷官兵調
兵征勒 命昇龍軍前效力事平值希順病解任仍以昇龍爲四
川提督四十一年大小涼山野獐馬比必等率眾歸誠昇龍奏授
爲土千戶職 詔如所請四十二年冬 上西巡 駐蹕臨晉縣
昇龍迎 覲 賜威信普聞額及貂帽袍褂并 御書重圍錫類
額 賜其母張氏四十九年瓦都瓦尾生獐擾甯番衛殺遊擊周
玉麟昇龍勦復賊渠羅都等瓦都月落口等生番投誠明年擒賊

瓦尾白宿等生番七十餘諸蠻悉降招撫番民十萬九千二百二十八戶得旨嘉獎未幾以病乞休且以母年逾九十請入籍四川俱蒙 俞允五十二年卒 子祭葬如例雍正四年追諡敏肅弟超龍任至湖廣提督子鍾琪四川提督以軍功封威信公自有傳

右 國史館本傳

岳鍾琪

岳鍾琪四川成都人父昇龍官四川提督諡敏肅康熙五十年鍾琪由捐納同知改武職奉 旨以四川遊擊用補松潘鎮中軍遊擊五十七年遷直隸因關參將未任擢四川永甯協副將五十八

年準噶爾擾西藏都統法喇督兵出打箭鎗招撫裏塘巴塘番眾以通藏路鍾琪奉檄前驅至裏塘達瓦喇木扎木巴第巴塞卜騰阿住不受撫誅之巴塘喀木布第巴懼獻戶籍乍了察木多察哇番人均乞降五十九年隨定西將軍噶爾弼由拉里進藏準噶爾敗遁六十年二月師還議敘功加十等授左都督五月擢四川提督閏六月 賜戴孔雀翎十月 命勦郭羅克逆番鍾琪以郭羅克隘口三宜步不宜騎若調內地兵多賊聞得備不若以番攻番與總督年羹堯議檄附近郭羅克之雜谷等土兵率往勦至則擊敗伏賊千餘連破下郭羅克二十一寨中郭羅克十九寨擒首惡駿塔榜素布六戈乘勝攻上郭羅克押六等寨首惡假磕亦就擒

餘眾悉降 上嘉其功下部議敘 予騎都尉世職六十一年平
羊峒番於其地設南坪營雍正元年青海羅卜藏丹津叛鍾琪率
松潘及土司兵防勦撫遠大將軍年羹堯奏授鍾琪參贊大臣由
德貴堡分勦上寺東策卜下寺東策卜賊番之助逆者會南川口
外郭密九部乘閒肆掠而呈庫和爾嘉尤橫移師擣其巢盡平之
二年正月授奮威將軍進征青海時西甯東北郭隆寺喇嘛通賊
勦之燬其寺二月大軍出邊羅卜藏丹津黨阿喇卜坦温布等竄
伊克喀爾吉追擒之遂由布爾合屯偪額穆納布隆吉爾賊巢三
月抵柴達木羅卜藏丹津以二百餘人遁追至烏蘭白克擒其母
並首惡吹喇克諾木齊扎什敦多卜等以歸青海平 諭曰岳鍾

其奮勇殺賊於十五日內卽能將逆賊剿滅平定殊爲可嘉著授
爲三等公尋 賜黃帶先是莊浪謝勒蘇番據卓子山碁子山作
亂西甯納朱公寺朝天堂加爾多寺諸番應之四月鍾琪率諸將
由西甯分十一路進剿凡五十餘日賊番悉平得 旨嘉獎六月
兼甘肅提督三年二月兼甘肅巡撫四月署川陝總督疏言河州
松潘向爲青海蒙古互市所年羹堯奏移那喇薩喇地方查青海
王察罕丹津等部落居黃河東踞河州松潘近請仍於二處互市
郡王額爾德尼額爾克托克托爾等部落居黃河西踞西甯近請
移互市於西甯口外丹噶爾寺再蒙古生業全資牲畜請六月後
不時交易 上允之初四川雜谷金川沃日等土司爭界年羹堯

以舊屬金川之美同諸寨剽歸沃日致讐殺不已至是鍾琪奉
命秉公詳勘美同諸寨仍歸金川而以龍堡三歌地歸沃日各土
司悅服 詔獎其甯番息事辦理有方七月實授川陝總督八月
疏言各省土司承襲例由地方文武官申督撫具題往往勒索陋
規封其印信至數年不能管事致番目專恣釀成讐殺請嚴立定
限應襲時取具宗圖冊結鄰封甘結并原號紙限半年內具題承
襲未經具題之先卽令應襲者署理地方官不得勒封印信至土
司嫡長子孫承襲外支族中有循謹能辦事者許本土官詳督撫
請酌給職銜下本土官各二等分管地方視本土官多則三之一
少五之一庶勢相維而情亦相安下部議行九月奏請 陛見

允之尋加兵部尙書銜十一月疏言打箭鑪外裏塘巴乍了察木多雲南之中甸及察木多以外魯隆宗察哇坐爾剛桑噶吹宗衮卓諸部落舊非西藏達賴喇嘛所轄但距打箭鑪遠甚遙制不便請 宣諭達賴喇嘛給令管理其中甸裏塘巴塘及得爾格特瓦舒霍耳等處並歸內地土司轄又言巴塘舊隸四川中甸舊隸雲南而巴塘所屬之木咱爾邾宗拉普維西等處逼近中甸總會於阿墩子實中甸門戶請改隸雲南與四川之裏塘打箭鑪互爲倚角王大臣議均如所請十二月疏請移四川松茂道駐茂州四年三月請選西安八旗兵千駐潼關撫民同知改理事同知又請延安所屬州縣丁銀槩從下則以二錢爲率歲減舊額銀萬二千八

百有奇九月請移四川重慶府同知駐黔江裁酉陽司經歷其雅
州天泉二經歷瀘州九姓司吏目改州同以資彈壓十二月又請
將陝甘兩省丁銀攤入地畝征收以雍正五年爲始著爲定例其
由衛改縣未經載丁及原有丁銀者按其額賦均載丁銀至陸續
開墾及新開渠閘屯墾之處亦照此糧額一例增載再川省多係
以糧載丁間有以人載丁之處應改畫一俱下部議行時四川烏
蒙土知府祿萬鍾擾新隸雲南之東川府其黨鎮雄土知府隴慶
侯助逆而隸建昌之冕山涼山諸苗爲之羽翼鍾琪遵 旨與雲
南總督鄂爾泰會剿五年正月擒萬鍾慶侯降烏蒙鎮雄改土歸
流冕山涼山亦以次底定 諭獎鍾琪調度有方下部議敘八月

議覆四川永甯副將張瑛條奏可行者四事一修築松潘鎮城堡
一遷雲南東川府之會理州貴州威甯府之永甯縣土目於內地
令其民遵漢俗一改永甯縣歸四川轄一設東川義學又奏稱於
西甯北川口外之大道川白塔川及策爾圖設鎮營駐守量增官
兵三千六百部議均從之時成都有謠言鍾琪以川陝兵馬謀
反者鍾琪疏聞諭曰數年以來在朕前讒譖岳鍾琪者甚多
不但謗書一篋而已甚至有謂岳鍾琪係岳飛後裔意欲求宋金
之報復者其荒唐悖謬至於此極岳鍾琪懋著功勳朕故任以西
陲要地付以川陝重兵而檢險奸邪之徒造作蜚言煽惑人心讒
毀大曰其罪可勝誅乎此成都造言之人斷非出於無因著交與

黃炳黃廷桂會同嚴審此係事關誣謗國家大臣重案非民間誣告比也至於川陝兵民向來淳良忠厚且受 聖祖仁皇帝六十餘年深仁厚澤淪肌浹體朕卽位以來又屢加恩澤伊等至誠感激西省數年用兵軍民人人踴躍急公其尊君親上之習實眾所共知共聞者今奸民乃云欲從岳鍾琪謀反是不但誣岳鍾琪一人而並誣川陝兵民以叛逆之罪矣黃炳等務將實情審明具奏十月審係湖廣奸民盧宗寄居四川因贖田私事希准狀播造浮言並無主使之人論斬如律六年二月疏言建昌苗疆善後事宜一建昌土司惟河東河西宣慰二司甯番安撫司地最廣而河東半近涼山半近內地涼山仍歸長官司其近內地者改隸流官至

河西甯番近內地悉改歸流其阿都宣撫司阿史安撫司及紐結歪溪等土千百戶共五十六處俱改流近衛者改歸衛轄並擇苗番老成殷實者爲鄉約保長令約束一裁建昌通判改置府設知府經歷建昌衛及左中前三所禮州守禦所改置一縣甯番鹽井二衛改置二縣各設知縣典史會川衛併入會理州移會川營千總分防州屬之會理苦竹者保三寨均隸新設府轄一建昌爲邊疆重地請於越嶲所屬之柏香坪增守備千把總各一冕山貼近乾縣增遊擊守備各一千總二把總四移冕山營守備駐甯番衛城甯越營守備改都司增千總一鹽井衛城遊擊一千總二把總一其原設守備移駐河西會川所屬之披砂建昌增遊擊守備各

一千總二把總四再撥建昌鎮標中軍守備移駐建昌東之木托
建昌鎮右營遊擊移駐建昌西北之熱水協同該地方原設弁兵
防守一苗民頑蠢地方文武官如勒索科派計贓治罪上司失察
議處一各衛所漢苗雜處田土交錯多欺隱相訐地方官於農隙
履畝親勘俾各守業一漢民每以苗獠爲奴婢地方官查明發還
酌價追贖違者治罪一漢番交界每月三交易官選兵役稽查不
許漢民短價滋事及兵役藉端勒指其私入夷穴別有勾結者罪
之一苗民向化卽與齊民無異該管流官一體編入保甲稽查一
嚴禁漢民誘取苗民什物及凶蠻將漢民綁擄一苗民散處該管
官編戶清查住址有事犯者卽於該地方追究一嚴禁苗獠帶刀

出入及私藏鳥槍違禁之物一苗民處密箐易逃遇地方失事汛官帶兵巡捕地方官差役嚴拏並移會鄰汛協追務獲徇庇疏縱及牽累良苗者分別議處疏下部議如所請定建昌新設府曰甯遠縣曰西昌甯番新設縣曰冕甯鹽井新設縣曰鹽源九月奏言川西因岷州兩土司朋比爲奸番民不安請改歸流十月又言陝甘二屬丁銀偏累向題准攤入地畝徵收但甘屬河東糧輕而丁多河西糧多而丁少若將河東丁銀攤入河西是兩屬糧輕者益輕重者益重請將二屬各自均派河東則丁隨糧辦河西則糧照丁攤較爲便民十一月請升四川夔州府屬之達州爲直隸州轄東鄉太平二縣又請升陝西鞏昌府屬之秦階二縣爲直隸州以

清水秦安兩當禮縣及新改之徽縣隸秦州文武二縣隸階州七年三月請升肅州爲直隸州轄高臺縣又請於陝西子午谷隘口增防守官兵四川裏塘巴塘等處設宣撫司安撫司長官司副土官千戶百戶等官照流官例題補俱議行尋奏遣兵平西川不法之雷波士司楊明義得旨嘉獎並下部議敘有逆犯曾靜者湖南靖州生員因考劣等憤鬱謀叛潛遣其徒張熙詭名投書於鍾琪勸以同謀舉事鍾琪拘熙訊主使者堅不吐乃誘置密室中許迎聘其師佯與設誓得靜逆狀具以聞上獎鍾琪忠赤命侍郎杭奕祿等至湖南會鞠得靜與呂畱良之徒嚴鴻遠往來妄生異心並得畱良日記悖逆狀王大臣等合詞請坐靜熙大逆律

詔寬宥其罪 命杭奕祿帶靜由江甯蘇州至杭州遣人送至湖
南巡撫衙門聽其他往至十三年九月 今上御極以靜罪不減
畱良與熙均解京伏誅先是準噶爾台吉噶爾丹策凌匿青海叛
賊羅卜藏丹津且謀擾我藩部喀爾喀至是 上命鍾琪爲西路
甯遠大將軍率師與北路靖遠大將軍傅爾丹討之加少保鍾琪
疏言噶爾丹策凌三世弗庭百夷被虐天怒人怨眾叛親離我
聖祖至德洪慈再三寬宥 皇上深仁厚澤屢欲矜全終不悛悔
若不大彰 天討則冠履之分不明番夷之禍不息臣仰承 廟
謨至周極備約舉 王師之十勝決逆酋之必敗一曰 主德二
曰天時三曰地利四曰人和五曰糗糧之廣備六曰將士之精良

七日車騎營陣之盡善八日火器兵械之銳利九日連環迭戰攻
守咸宜十日士馬遠征節制整暇臣得奔走行閒竚見長驅直入
指日獻俘奏凱報 聞八年五月噶爾丹策凌表獻羅卜藏丹津
既而不至 諭鍾琪來京籌辦軍務十月奏改陝西榆林廳爲府
設知府照磨并設榆林靖邊定邊懷遠四縣隸之各設知縣典史
悉汰舊同知巡檢等官 從之是月準噶爾乘我西路不備犯科
舍圖汛盜駝馬總兵樊廷等擊敗之奪所盜還 命鍾琪還軍營
九年二月奏軍機事宜十六條 諭曰岳鍾琪所奏朕詳細披覽
竟無一可採岳鍾琪以輕言長驅直入之說又爲賊夷盜趕馬駝
既恥且憤必欲襲擊進勦勉強踐復前說甚未妥協著將朕旨傳

諭之六月 上又以鍾琪前遣兵赴吐魯番運糧米並未具奏致
準噶爾劫糧屢擾吐魯番鍾琪乃請往援奉 旨訓飭七月準噶
爾傾眾犯北路傅爾丹禦之於和通呼爾哈諾爾失利鍾琪請督
兵襲擊烏魯木齊分賊勢 上報可鍾琪尋由巴里坤越木壘渡
阿察直抵額爾穆克河分三路擊賊旋奪據山梁斬殺甚眾烏魯
木齊附近賊悉遠徙遵 旨振旅還營 諭曰岳鍾琪此次領兵
襲擊賊眾進退遲速俱合機宜甚屬可嘉著交部議敘十年正月
奏言臣去年擊賊至木壘見其地勢險要且可屯種請卽彼築城
駐兵二萬截賊來路得 旨定議舉行二月賊眾三千偪哈密鍾
琪遣總兵曹勳等擊敗之於二堡又遣將軍石雲倬等赴南山口

梯泉等處截其歸路而雲倬兵遲發一日賊遂由塔呼納呼路竄
鍾琪劾之 諭曰此次賊夷狂肆昏亂深入重地自投羅網乃坐
失機會不但不能屠剿且使賊人由坦途而遁其領兵之石雲倬
已降旨治罪至岳鍾琪素諳軍旅緣懷游移之見致乖戰守之宜
前車之鑒非止一端嗣後當深悟前非痛自省惕以觀後效尋大
學士鄂爾泰等劾鍾琪身爲大將軍專制邊疆賊夷以五六千人
由烏克克嶺入卡倫犯哈密鍾琪茫然不知致賊劫牲畜復從塔
呼納呼緩騎遁歸智不能料敵於平時勇不能殲敵於臨事玩忽
縱賊應議處得 旨削公爵及少保降世爵爲三等侯仍畱總督
銜護大將軍印戴罪立功七月大軍由巴里坤移駐木壘 上因

國朝通志卷之二十一
鍾琪辦理軍務未協 召還京以副將軍張廣泗護大將軍印廣
泗尋劾鍾琪調度乖方各款且言準噶爾賊專資馬力我兵對敵
必須馬步兼用而岳鍾琪立意用車自巴里坤至木壘沿途溝塹
崎嶇紆繞沙磧用車甚不相宜且木壘四面受敵牧廠運道在在
可虞必不可駐大兵 詔速撤軍回巴里坤十月 諭曰岳鍾琪
受朕深恩重加任用西陲討賊之舉伊亦身任不辭是以用爲西
路大將軍乃伊秉性粗疎辦事怠忽且賞罰不公號令不一不恤
士卒不納善言傲慢不恭剛愎自用以致防禦追擊屢失機宜士
氣不振而陳奏者又皆虛假詐僞爲怙過飾非之計誤國負恩罪
難悉數著革職交兵部拘禁候議十二年大學士等覆訊擬斬決

得旨改斬監候乾隆二年上諭曰岳鍾琪貽誤軍機罪無可宥皇考念其曾經效力是以未將伊正法朕體聖心不忍令久繫囹圄著釋放令其自愧十三年三月大軍剿金川逆酋莎羅奔諭曰岳鍾琪久官西蜀素爲川省所服且夙嫻軍旅熟諳番情伊雖獲罪西陲亦緣準噶爾夷情非所深悉若任以金川之事自屬人地相宜伊三世受國厚恩自必竭力報稱以蓋前愆著調至軍營以總兵銜委用未幾授四川提督五月鍾琪由黨壩一路進剿賞戴孔雀翎閏七月上以經略訥親總督張廣泗督剿久無功而鍾琪與原任將軍傅爾丹均老成宿將起於廢弁之中親在行間未聞發一謀出一策傳旨詢問八月鍾琪疏劾張廣泗

言黨壩一路爲逆酋門戶礮卡嚴密漢土官兵名爲一萬除守營放卡及分防糧站實止七千餘而土兵多無用漢兵不敷分布臣咨商張廣泗增兵三千廣泗以業經分派十路無兵可撥不肯給又廣泗專主由昔嶺卡撒進攻之策此二處中隔噶拉依距賊巢尙百餘里黨壩至勒烏圍僅五六十里若先破康八達卽可擣巢濟事較速商之廣泗則云不便更易而廣泗反信用新降土舍良爾吉及漢奸王秋等恐生他變會訥親亦訐廣泗糜餉老師各款詔治廣泗罪尋命大學士傅恆代訥親爲經略九月鍾琪疏請卡撒昔嶺進勦別選精兵三萬五千以一萬由黨壩及瀘河水陸並進以一萬由甲索攻奪馬牙岡乃當兩溝與黨壩兵合直攻勒

烏圍仍於卡撒畱兵八千堵禦俟克勒烏圍後前後夾攻噶拉依
再於黨壩畱兵二千護糧正地畱兵一千防瀘餘四千隨機接應
一年之內莎羅奔暨其姪郎卡必就擒臣年雖老請肩斯任 詔
以所奏交傅恆酌行是月鍾琪由黨壩攻康八達山梁大敗賊眾
十二月復連敗之於塔高山梁 諭獎之鍾琪初爲川陝總督時
勘金川爭界事甚公且奏給莎羅奔印信號紙莎羅奔甚德之十
四年正月經略傅恆抵軍營卽召良爾吉至帳下誅之下令剋期
進勦莎羅奔懼遣心腹人至鍾琪軍乞降鍾琪請於傅恆輕騎入
勒烏圍賊巢諭順逆大義莎羅奔及郎卡隨赴卡撒大營泥首歸
命傅恆以 聞 詔班師 諭曰提督岳鍾琪能承經略大學士

忠勇公傅恆指示開誠布信直造賊巢用使番酋弭耳惕息厥角
恐後成勞懋著功在諸將右著加太子少保仍交部議敘二月鍾
琪疏言莎羅奔郎卡悔罪輸誠蒙 皇上天恩網開三面貸以不
死自茲畏威懷德必能安靜但防範不可不預查近金川之士司
除雜谷地廣人眾綽斯甲布本屬姻親其革什咱巴底巴旺小金
川沃日等處勢孤力單從前金川常懷兼并之心恐日久別生事
端請於卡撒兵糧盡撤後暫駐小金川諭各土司聯絡和好以杜
窺伺 上是其言三月 諭曰金川平定邊徼紋甯大學士忠勇
公傅恆凱旋奏番酋歸順全仗天威至歷練戎行信孚蠻部深入
賊巢膽勇雄決則岳鍾琪洵爲克副委用此固出於傅恆之推能

讓美然岳鍾琪之奮往任事實屬可嘉前已降旨晉階太子少保
交部優敘伊爾於青海奏捷曾封公爵茲復樹績蠻方收桑榆之
效著再加特恩授兵部尙書銜於本身封爲三等公以昭錄功懋
賞之典俾宣力疆場者知所勸焉十月 陸見 命紫禁城內騎
馬免西征應賠銀七十餘萬兩予泐勞俱授藍翎侍衛 賜公號
曰威信 御製七言詩賜之曰劍佩歸來翼鏢翁番巢單騎志何
雄功成淮蔡無慚李翼奮澠池不獨馮早建奇勳能鼓勇重頒上
爵特褒忠西南保障資猷略前席敷陳每日中尋 命還四川提
督任十五年西藏珠爾默特那木扎勒作亂總督策楞赴藏鍾琪
駐打箭鑪就近彈壓藏地旋定十七年雜谷土司蒼旺構逆鍾琪

同策楞以兵奪維關直抵賊巢擒蒼旺誅之分其地歸松岡土司
轄下部議敘加三級十九年重慶奸民陳琨等滋事鍾琪力疾親
往督緝還卒於資州 賜祭葬如例諡襄勤二十年 諭曰原任
四川提督岳鍾琪於 皇考時宣力西陲勞績頗著卽如逆犯曾
靜遠張熙投遞逆書一事岳鍾琪與之設誓誘令供出實在姓名
卽行奏參居心甚爲誠實其在西路軍營時驕縱狂妄於辦理軍
務亦多錯誤然覈其功罪自不相掩至金川之役用爲提督雖彼
時番酋有效順之意而岳鍾琪能直入番巢住宿碉寨曉以順逆
示以不疑亦其忠信素著所致是以加恩特於本身授爲威信公
爵今伊已身故雖公爵不應世襲而其子孫竟無一世職朕甚憫

馬岳鍾琪賞給一等輕車都尉令其子孫世襲罔替以示朕追念舊勳之至意尋以鍾琪少子濬襲四十四年 御製懷舊詩列入五功臣中詩曰 三朝師武臣鍾琪爲巨擘車騎伐準夷實其算之失設誓誘張熙忠誠天鑒赤家居十餘年命董金川役單騎入賊砦大義示順逆勇而且有謀羣番讐辟易受降遂凱旋實亦資宣力所見綠營多鮮克踵其迹卓有古將風書勳太常冊子五人濬泐滂瀆潯長子濬初由廕生授安西同知以父任川陝總督迴避以科道用尋授口北道雍正五年擢山東布政使六年調山西未幾 命署山東巡撫七年四月鍾琪勦準噶爾 詔濬送至肅州再回原任七月疏請增設兗州督捕同知 從之八年鍾琪

陞見 命濟來京就省尋疏請將兗州莒州沂州二十一州縣一
衛一所設分巡道管轄十二年疏言德州衛河回溜頂衝處每雨
水驟發直潰東隄請於城北哨馬營濬新河建滾水壩一兩岸各
築遙隄酌開涵洞備宣洩部議如所請乾隆元年六月疏言堯陵
實在濮州城東南六十里古雷澤之東穀林莊明代設建於東平
應改建以爲祭告行禮之所仍於陵前設堯母靈臺祠配以堯妃
中山夫人其東平陵仍令有司時祭 從之八月 命勘郊城蘭
山等處水衝地千三百六十有奇應徵地丁麥米得 旨全行豁
免又請於登州成山汛養魚池增設水師守備十月又請以兗州
舊設沂兗海寧同知改隸沂州府沂州舊設鹽捕通判移駐蘭山

縣之向城向城巡檢移駐蘭山之青駝寺下部議行十二月調江西巡撫二年請豁南昌府屬浮糧三萬七千餘兩 允之三年奏言豐城濱大江當吉南贛袁臨五水之衝惟藉一隄捍禦向派民修築官爲經理並無保固之例隨修隨傾難資捍禦請動項興修又江關爲商旅通津商船夏秋上稅俱泊於龍開河冬春泊大江北岸難免風濤請深濬河關河口以爲停泊之所得 旨如所請五年七月御史朱績暉奏請行社倉法 敕各省督撫酌議濬疏陳十條一每年冬季保正造煙戶清冊送地方官驗給門牌懸挂賑借撥算易清經管之正副社長毋庸更設隊長鄉官各自收支報明州縣計口給發一逐年收支社長任其事州縣官稽查毋干

國朝書牘類稿卷之二
預出納一取其領狀保結責成社長認識借給毋庸設立隊長大保名色一借米出入照部頒斗斛一江省每年借四省六卽朱子存一開二遺意或款歲全借散賑隨時酌辦一江省見儲社穀十五萬餘石不必動借常平官米其社穀每石收息一斗款歲免息許次年交倉一收穀不論里都隨到隨收一捐貯社穀年終取具動存各數清冊送部查覈一煙戶門牌俱將戶口生理產業逐一註明一社長缺出令地方鄉約公舉報官充補一設立社簿二一存社長一繳縣鎖鑰歸正副社長分管 詔如所議行十一月署兩江總督楊超曾劾濬與知府董文焯劉永錫朋比作奸徇情納賄 命侍郎阿里衮同江南河道總督高斌往鞫得實得 旨革

濬職從寬免罪餘論如律六年授光祿寺卿八年六月補福建按察使七月丁母憂服闋補廣東按察使十一年九月遷湖南布政使十二月調山東十二年擢廣東巡撫十三年疏言提塘發鈔命盜重案部咨未行邸報先至不足以昭慎重請嗣後緊要科鈔俟交部十日後發鈔發報下部議行十五年正月調雲南巡撫七月兩廣總督陳大受疏參廣東糧道明福婪贓前任巡撫岳濬並未糾參且列入計典卓薦又購辦枌木修築海陽隄工二案一任屬員弊混 諭曰岳濬受朕深恩屢由廢員擢用伊父見蒙格外殊恩岳濬理宜感激圖報乃一味優柔姑息以取悅屬員且於明福之婪取多贓曲意瞻徇吉木隄工二案並不畱心查辦深負朕恩

著來京候旨十八年四月授鴻臚寺少卿五月轉通政使參議十月卒十九年鍾琪奏言臣子濬巡撫任內未完庫項八千八百餘兩交抵外請將臣公俸按年扣還 諭曰此項未完銀兩原係岳濬名下應追之款若使岳濬尚在自應按數追完今伊子物故岳鍾琪尚屬舊人從前曾經出力著將岳濬未完銀四千九百餘兩加恩免其追繳次子泗三子澆均官藍翎侍衛四子澆官戶部主事五子澆襲一等輕車都尉

右 國史館本傳

乾隆己巳春四川提督岳鍾琪以平金川功 陛見 皇帝賜爵威信公太子少保許乘馬禁城復 命西洋良工寫公像先是

世宗憲皇帝嘗使莽古利爲公寫像二二存內府一 賜公至是
凡再寫矣公歷事 三朝威望著海內窮巷窾谷之民販豎婦人
孺子之微無不知有岳將軍蓋以身爲社稷重者四十餘年公爲
宋忠武王裔居蘭州徙西河祖父世爲名將父諱昇龍提督四川
因家焉公於經史騷賦天文地理風角之書無不究尤好孫吳兵
法由捐職同知改松潘遊擊進永甯副將定藏擢四川提督平青
海 封三等公移提甘肅署甘撫晉川陝總督征準噶爾罷居家
金川再起終提督任當公之家居也羣蠻傳公已老死而金川土
司莎羅奔跳梁用兵者一載無功及公起募啁嚙爲新兵啁嚙者
游手無賴者也標銳甚連破其根雜碉樓及葛布基石卡賊死拒

於康八達之大礪公以糧運誘之出火攻殲之金川倚勒歪爲門
戶而康八達尤勒歪之隘旣破賊氣奪偵知督師者爲經略傅公
及公則大驚乞降公單騎入賊營索茗飲盡器再索慷慨諭以禍
福金酋涕泣受命送公由皮船歸一番卒擗之羣賊夾道奉香跪
戰慄猶觀天神而大學士傅公復戮其奸謀王秋良兒吉及土婦
阿扣乃匍匐臺下乞免死誓不復反金川平蜀之蠻部金川爲險
其外則烏思藏地最大藏北通準噶爾以及青海石堡城抵西甯
邊外諸夷錯處叛服不常公家邊夷悉夷情故所向有功而青海
之戰尤聲震天下雍正癸卯青海羅卜藏丹津恃諸番以爲之蔽
不順命石堡賊復劫我行旅大將軍年羹堯以屬公佯置石堡不

問而先乘雪夜襲斬鎖葫蘆番擣上寺東轍下寺降果密番據大石揮兵直上赭其山燔喇嘛格弄寺青海道除大將軍使公於四月率兵萬七千進公曰非策也當攻其不備選鋒五千馬倍之遂以二月疾馳途絕水禱而出泉途遇小部落游牧且勦且撫謀知羅卜藏丹津同六台吉眾數萬牧於烏蘭木呼兒公駐師享士秣馬夜馳百六十里平明至其地四面斫營賊半自夢中起索兵鬪者竄者號泣者大擾我師奮勇斬殺呼聲動天地人操刃雪一以當百賊潰崩填滿壑谷生擒丹津之母妹並六台吉丹津乘走駝鼠準噶爾是役也降王三擒王十五斬首八萬俘獲無算乃悉兵破卓子山山絕險唐人所謂不取西蕃石堡城者也公以精兵躡

城背自上下擊大破之寫爾素六族餘老弱千人安插爲平番縣
當是時公威誓塞外西北屹然長城而羅卜藏丹津數挑準噶爾
伺邊隙 世宗憲皇帝以公爲甯遠大將軍討準夷公入都奏機
宜邊將違公部署賊遂入掠公得罪削爵繫刑部 今上御極之
次年放歸田公長子江西巡撫濬迎公南下所歷關隘之雄江流
之洶涌昔人南北戰守之壘慨然弔古一發之於詩歸營安素園
成都郭外娛老焉年六十三乃再起初準噶爾數窺哈密地又欲
并西藏策妄阿喇布坦謬與藏汗拉藏約婚戍以喇嘛五百而遣
其甥車凌敦多布襲藏內應起殺拉藏據地時康熙己亥事也撫
遠大將軍統諸路兵討之公先奉 命安撫巴塘乍了落隆宗各

蠻而誅藍占巴墨喇嘛之助逆者將深入定西將軍噶爾弼曰大將軍令軍集乃發公笑曰今軍糧支半月大將軍在西甯何可待遲則賊備堅矣單旅竟進十日抵藏擒僞藏王達格咱殺諸喇嘛敦多布僅以身免諸道兵罷不用乾隆十五年駐藏大臣傅清拉布敦誅逆藏汗諸爾墨特藏亂兩臣死殉藏小公班第達方以其兵定難時公以提督進兵打箭鑪藏人聞公至遂不敢動亂復定藏

在唐爲吐蕃強甚今懷威德如郡縣矣公字東美號容齋長身頰面隆準而駢脇所用二銅鎚重百餘斤沈毅多智發若雷霆之疾御卒嚴而同甘苦能知人治大雄高雄皆自麾下至節鎮敦多布據藏遣人調落隆宗守隘公使治高兩卒偵之兩人善夷語爲

番勾者見落隆宗酋爲畫計進蠻婦醉其使託託哩等盡擒之故
入藏無所阻得以速成功公之平雜谷關也知蒼旺有異志突偏
其巢縛之出亦以猝故賊不及謀公承 世宗憲皇帝賜御製詩
三章及衣物金綺弓馬之屬 皇上尤眷顧老臣 御書扁額製
詩以寵之免應追銀七十萬兩官其子泐勞皆侍衛瀆主事嗟乎
公固奇才而遇亦隆矣哉甲戌以捕忠州逆黨道卒年六十九
上深爲悼惜 賜祭葬諡曰襄勤而移其弟廣西提督鍾璜爲四
川提督

論曰余讀公蚤吟藎園諸集一飯不忘 君國惓惓乎其言之又
聞公左股有癩痕所割以愈蒲太夫人疾者也忠孝而文庶幾乎

鄂王矣公歿二年準噶爾平俘羅卜藏丹津於京師是臣志也余入蜀未及謁公公遽卒惜夫得拜公像者亦可矣

右傳周正撰

公姓岳諱鍾琪字東美一字容齋先世湯陰人爲忠武王飛之後十七世徙居蘭州父昇龍以百夫長從征吳三桂立功累遷至四川提督因家焉薨諡敏肅公生有至性母苗太夫人疾刲股以療敏肅公命之射猶忍痛發矢爲兒時好布石作陣進退羣兒頗有法敏肅公器之奏以同知銜改武授松潘鎮遊擊遷永甯副將康熙五十八年西藏達哇藍占巴等叛天子命十四親王爲大將軍噶爾弼爲副將軍率公征之公領兵四千先至察木多獲逃酋

探知有準噶爾使者在其地誘各番酋守三巴橋遏我兵公念三巴橋者進藏第一險也賊若斷橋守之我兵勢不得過而其時兩將軍隔數千里無由咨詢乃選能番語者三十人衣番服飛馳至落籠宗禽其使者五人殺六人諸番聞之驚以爲神兵自天而降相與匍伏降無梗道者已而副將軍率諸將來會將鼓行入藏忽大將軍以調蒙古兵未至檄諸將各就所到處屯兵待之毋輕動公請於副將軍曰我兵齋兩月糧自察爾多來已四十餘日若再待大軍糧且盡聞西藏部落有公布者爲其右臂最強能檄令先驅當無俟蒙古兵也副將軍許之公卽招撫公布渡江殺逆番七千人禽首犯達哇等自四月十三日用兵至八月十九日西藏平

聖祖嘉之由副將遷四川提督駐松潘雍正元年青海羅卜藏丹
津寇西甯大將軍年羹堯召公會謀公沿途勦撫有潘下等番爲
賊阻道者滅之有哈齊等番爲賊虜者撫降之有果密等番盜官
馬聚大石山喊搶者擊殺之自松潘行至西甯五千餘里烽煙肅
清青海爲之奪氣旣見大將軍卽奉檄征爾格弄寺喇嘛於華里
羅氏黨也華山甚險其下五堡環峙軍到寂然公曰是有伏也遣
騎搜之堡內賊果起公三分其軍奪山殺賊賊敗走追至一山有
高樓賊伏其中發矢石公命健兒二十人密攜引火木梯從兩旁
進而躬率大隊迎戰戰方塵樓上煙起天大風燄光灼耀賊累累
然焦爛墜矣是役也破賊萬餘公兵止三千也還營大將軍喜謂

公曰 上知公勇將命公領萬七千兵直擣青海約四月啟行何
如公曰青海賊無慮十萬我以萬七千當之宜乘其不備且塞外
無畜牧所不可久屯鍾琪願請精兵五千馬倍之二月卽發大將
軍以公言奏 世宗壯之加奮威將軍如期出塞行至崇山見野
獸羣奔公曰此前途有放卡賊也尋食速驅果禽百餘自此賊探
信者斷矣至哈達河賊據河立營公渡河戰斬千餘人賊竄而西
追之其黨貝勒彭錯等降告知羅卜藏丹津擁眾數萬駐烏蘭大
呼兒公拔營夜行遲明至其處賊尙臥馬未銜勒聞官軍至驚不
知所爲則皆走生禽賊母阿爾太哈賊妹阿寶等羅卜藏丹津衣
番婦衣騎白駝走噶爾順公畱兵守柴旦木要害處而躬自追之

日行三百里至一地見穆穆然紅柳蔽天目不能望遠夷人曰此桑駝海也路自此窮矣公乃班師是役也公以五千兵往返兩月降台吉三尙台吉十有五斬賊八萬餘生獲男婦軍器駝馬甲帳無算獻俘京師 世宗告 廟御太和殿受賀以青海平大赦天下加公公傳賜詩褒寵仍命率師二萬征莊浪衛諸番皆青海餘孽也所至嚮服乃安插洛力達等十六族耕地起科而奏改莊浪爲定番縣三年遷川陝總督五年準噶爾叛 上命大司馬查郎阿至關中築壇拜公爲甯遠大將軍征之公率師至巴爾庫勒賊逃公築東西城將屯兵會 上召公乃交印於提督紀成斌身自入都賊伺公行入劫馬廠紀蕙縮不救廷議者劾公失機所薦非人

上斬成斌下公於獄。今上登極之二年赦歸田里。十三年起公爲四川提督征大金川。先是經略張廣泗等皆無功。公到命撤土兵募新兵。揚言攻康。入達而暗襲。根雜奪四十七礮樓。復臨勒歪口。僞運糧狀誘賊。伏火器待之。賊果出搶糧。槍筒齊發。爛。先是金川聞天子用公。皆不信。曰岳公死久矣。至是大挫。方疑公來。然猶未知公果在否也。會天子命大學士傅恆視師。誅姦人阿扣。王秋等賊懼。欲降。恐降而誅。負固未出。公請於傅。公曰鍾琪願詣賊巢。驗誠否。問帶若干人。曰多則賊疑。非所以示信也。乃袍而騎。從者十三人。傳呼直入羣苗。千餘皆屬布衲。襠衷甲持弓矢迎。公目酋長。故緩其轡。笑曰汝等猶認我否耶。驚曰果然岳公也。皆伏。

地羅拜爭爲前馬導入帳手茶湯進公公飲盡卽宣布 天子威德待以不死之意羣苗歡呼頂佛經立誓椎牛行炙畱公宿帳中次日酋長莎羅奔等從公坐皮船出峒詣大軍降事聞 天子加公太子少保兵部尙書復還公爵加威信二字以寵異之十五年冬西藏朱爾墨突叛殺都統傅清等公會同總督策楞討平之十六年雜谷關土司蒼旺有異志窺取舊保城公得信亟言於策公曰雜谷關卽唐維州最險要聞蒼旺密調九子龍窩等處兵據維關此地一失後將噬臍宜及其未集擊之若待奏下則遲矣策公深然之卽會奏便宜行事支武弁一年養廉兵三年糧率大軍夜圍雜谷禽蒼旺斬之撤土司設營置戍羣番懃服十九年再討墊

江酋陳崑未至卒於軍年六十九 天子震悼予祭葬賜諡襄勤
公長七尺二寸駢脅善射寡言笑目炯炯四射食前方丈饒飲兼
人其忠誠出於天性征青海至哈喇烏蘇天寒溝洫軍渴公禱於
天水卽涌出督川陝時有逆人曾靜者上書勸反立禽以 聞放
歸十餘年廬於百花潭北野服蕭然忘爲大將所製鉤梯戈甲精
思詣微他人依古法爲之俱不能及閒居手通鑑一編好吟詩有
薑園蚤吟二集行世相傳番僧號活佛者倨受王公拜不動見公
則先膜手曰此變身韋陀也僧言雖誕然亦可想見公之狀貌云
舊史氏曰枚與公次子涸同舉孝廉於公爲年家子以不及見公
爲恨第七子瀟爲六安參將恂恂儒將有父風與枚雅遊甚懽持

公狀索枚立傳惜當時秉筆者敘次回冗讀之不甚了析爲以意纂輯著於篇恐未足以傳公也公長子潛甫弱冠巡撫山東明達寬靜吏民懷之爲公入獄故終歲七糲衣蔬食不宿於內亦偉人也當集其遺事爲別立傳

右傳袁枚撰

威信公者姓岳氏名鍾琪字東美別號容齋四川成都人也祖鎮邦居河西番夷數侵掠鎮邦散財募士練鄉勇以衛桑梓時多爾吉部落入寇躬率五百人大破之虜其酋名聞當事薦授南川營守備擢甘肅撫標中軍值吳逆亂竊據漢中直犯臨鞏賊將李虎牙潛登樂門山鋒甚銳復以護糧五百人殺賊萬餘軍威大振所

在克捷歷官左都督管浙江紹興副總兵父昇龍吳逆時初爲永泰營百夫長本營遊擊許忠臣暗受逆劄數以言誘之陽許諾而夜遣人縋城出馳告變於靖逆將軍是夜伺忠臣醉臥襲執之未幾蘭州兵亦據城從逆斷黃河浮橋酣歌不爲備昇龍聯車爲筏以濟破其壘隨征噶爾旦又所在有功由總兵官授四川提督而建昌瓦都瓦尾摩狴生狸跳梁勦撫兼施不三月而底定大小涼山竹墨諸蠻獠皆聞風向化入版圖者十餘萬戶旋以目疾告休入籍四川以沒公生而駢脇目炯炯光四射魁奇沈雄寡言笑兒時嬉戲好布石作方圓局進退羣兒羣兒咸懼伏之博涉羣籍經史外說劍論兵旁及天文地理風角占驗之術靡不殫精盡力焉

嘗隨父入蜀過山川險隘必圖其形勢長從戎馬閒閒出奇謀無不中冑弱冠由捐職府同知請改武初授松潘遊擊旋擢山西參將繼以公熟諳番情與川省宜遂授永甯協副將刁斗整嚴仁愛士卒人心服而樂爲用 聖祖皇帝五十八年裏塘喇嘛達哇藍占巴諸夷犯順廷議用兵遂有事於西藏公時以兵六百駐打箭鑪計擒首逆達哇藍占巴並其喋巴二人殺散助逆番兵三千餘眾餘部落皆納款請降又帶前鋒兵進取巴塘乍了察木多各處所至羣番震懾因撫之逾年定西將軍以四川綠旗兵四千餘屬公總統先駐察木多俟大兵集進取西藏由巴塘起行途次獲蒙古喇藏汗自落龍宗逃出者且云落龍宗見有準噶爾策凌登

多布差來寨桑托托哩行調各處番兵欲守饒耶三巴橋以遏大兵饒耶三巴橋者西藏第一險也斷橋守隘則勢難飛越時定西將軍尙隔數千里無由取進止因思準噶爾之調兵寨桑計程二千餘里非旬日可集乘未集擣其心腹散其黨羽可以先發制人選素通番語之馬兵高雄冶大雄三十人易番服持檄往晝夜馳九日抵落龍宗出示三圖勸令協擒之卽夜於其住處生擒托托哩金巴五人殺六人而莫測我兵何以至諸番聞者無不震驚乘機招撫朔般多打龍宗龍布結樹邊噶結果三打奔公六處數萬戶直抵喇哩無或梗道者而大兵乃來會時喇哩有奸人黑喇嘛者以猛悍聞諸部助逆狂跳公復以計擒之遂得喇哩督師前進

忽大將軍以青海蒙古兵不能如期集令就所到屯兵毋輕動定西將軍暨諸統領俱相持不敢發公密謂將軍曰我軍自察木多裹兩月糧今已四十餘日見糧止支半月若俟大將軍會齊並進則軍糧一盡進退維谷矣況公布於西藏部落中稱強盛及此兵威先行招撫卽調各處番兵進剿據其右臂則勝算可先得將軍然之令千總趙儒效力喋巴吉果兒諸人持檄往不數日卽領公布大頭目三人兵二千人來輸誠效力公語將軍曰公布番兵一調卽至人心向順可知若乘機晝夜行十日可抵西藏儻再遲是自困也將軍心知其可而闕於大將軍之令猶豫未決公復昌言曰事在必行何議之有令大將軍今在此某猶力爭也某惟有一

腔熱血仰報 朝廷請以旦日行矣將軍壯其言遂進兵抵噶爾
濯木魯公首先渡江降兵無算委之藏王達克咱遂抵藏生擒準
噶爾襄應外合之喇嘛四百人收回堵禦西路官兵之助逆者七
千餘西藏平班師由副將超擢四川提督越數月征勦郭羅克督
兵直入生擒賊首酸他爾蜂三人陣斬無算往返七十餘日而上
中下三郭羅克悉平松潘接壤之羊崗生番屢肆搶劫爲邊患公
與總督會商進勦番眾率服請設南坪營甯謐至今 世宗皇帝
元年青海羅卜藏丹津反奉 命駐松潘時賊犯西甯大將軍令
沿途相機勦撫公帶漢士兵六千人出口至鎖葫蘆逆番播下及
上中下三作格四部萬餘人舉火焚草阻我兵公乘雪月交輝之

夜分兵攻襲之斬馘納降沿途招撫哈齊收木漢拉查布二部落
二千餘戶而插漢丹進夷人向被賊虜者并皆就撫是時逆番上
寺東轍三大部落共圍歸德所城聞州兵將至各撤回爲迎敵計
公料其聞信初回必難遽集乃兼程進次日抵上寺東轍分兵攻
擊自卯至酉破堡寨三十有七斬首數千下寺東轍及公哇番民
皆望風降時西甯賊兵已敗歸巢大將軍令帶所部兵赴西甯歸
德之北有果密番部者曾盜進藏官馬并傷弁兵聞東轍旣靡乃
集沙密各部聚大石山守隘自固我兵至賊番猶鳴槍警眾公戒
令勿驚故爲去而弗畱之勢且營於山口數里之外示長驅無攻
險意及夜分則督兵三路并進以兩路登山而一路斷山口賊匿

山腰叢樹中皆驚潰奔山頂是山三面絕壁一路可上我兵奮勇
追擊殺賊三千餘墮崖死者不可勝計遂抵西甯州距西甯數千
里番部豪強者相望自出口閱五十日而翦滅殆盡其播下及公
哇七部落尤青海羽翼已先挫其鋒矣又降番爾格弄寺喇嘛聚
萬餘人叛欲奪西甯公領兵三千往次華里橫阻一山下有五堡
寨內寂無人聲料其有伏乃分兵一千先行餘列陣山前相機進
勦須臾寨內伏兵起我兵奮勇登城克一堡山後賊聞聲齊出眾
萬餘阻遏我軍則三路并進乘勢攻奪山梁至寺賊已潰散兵進
至一大山危樓高峙遣兵往偵則樓上矢石齊下公選健兵二十
人帶引火之物持皮牌夾進而大隊兵仍施槍礮向樓攻截住賊

番皮牌兵得乘閒舉火賊皆焦頭爛額尸填峒內矣是役也以三千眾破萬餘賊窮二日之力殲滅無遺師旋遂與大將軍議征青海則先已奉 命令統馬步兵萬七千於四月內青草生發出口矣公曰青海之眾不下十餘萬我兵不及十分之一既眾寡不敵況口外地勢衍曠住牧無定所賊集一處何難與決死戰若散而誘我將四面受敵非上策也請選兵五千馬倍之二月初旬即發攻其無備事乃可集大將軍入 告授公奮威將軍領兵星馳至哈喇烏蘇賊方就寢夜即旣帳中擒斬千餘驚覺者皆覓騎而遁則尾之追馳一晝夜兵饑甚而四覓無水左右以爲憂公竭誠禱之水出味甚甘溯之乃涸泉中涌出者我軍既得甘泉益踊躍賊

已遁入崇山勒兵攻之生擒合吉阿爾布坦温布與妻長馬兒及
青黃台吉兄弟並台吉吉札布二百餘人乘勢前進獲一賊詢知
奉其台吉吹喇克諾木齊之命在前途放卡見野獸奔逸更遞偵
探備中國兵公以賊番識獸逸必設備不迅速往出其不意則恐
免脫時日已暮令兵飽食裹糧疾走先擊其卡復統兵飛馳黎明
至天城插哈達賊分駐下哈河南北我兵至河南擒斬數百甌廬
之賊而賊在河北之有備者則渡河用銳箭繼用短兵自辰至午
擒斬賊番千餘吹喇克諾木齊挈其妻犇吉卜弟端多木什及台
吉扎什端多布五十餘人俱竄而西我兵一晝夜馳三百餘里暫
休息未窮追適貝勒彭錯貝子噶爾旦代慶率領所部千餘投誠

公曰是足以追亡虜矣前進須神速不可緩因派彭錯而以守備
劉廷言協追之是夜公仍率我兵進次日有台吉吹因迎降言羅
卜藏丹津同額爾得尼藏巴扎布格爾格竹囊額爾克代慶庫勒
七台吉駐烏蘭大呼兒有眾數萬去此百五六十里我兵卽安營
牧馬薄暮拔營起黎明奄至時賊人各占水草錯落居住夢中驚
起馬未就羈勒我兵四路勦殺生擒藏巴布六台吉并獲藏丹津
之母阿爾太哈與其妹阿寶惟羅卜藏丹津攜其妻妾以逃晝夜
尾追至柴旦木知羅卜藏丹津有一駝故善走已易番婦衣挈其
妻妾走噶順矣乃畱兵守柴旦木而自率兵馳追至一地則紅柳
蔽目不能遠望蓋桑駝海也地窮於西路絕兵疲乃班師而劉廷

言彭錯亦將吹喇克諾木齊夫婦並其地台吉五十餘人擒獲來獻是役以王師五千深入十數萬虎狼之窟往返未兩月埽穴犁庭降王十有五陣斬賊番八萬餘人俘獲男女數萬口軍器牛馬無算青海平三月解阿爾布坦溫布吹喇克諾木齊并藏巴扎布赴京師獻俘如禮冊功晉三等公爵世襲罔替當是時寫爾素噶住六族分踞莊浪衛之西卓子棋子喇布藏三山縣互二百餘里中有天王溝石堡城極險要石堡城者南臨大通河北倚卓子山四面懸崖羊腸一線其東沒毛山蜿蜒四百里山下南衝寺黃羊川藥水打魚溝皆紅番黃番部落住牧兩山夾峙道東西有眾數萬剽掠行旅爲民患國家有事於青海也降而復叛殺官阻

道公統兵進勦至中途而降番甲爾多等亦梗道公選兵進攻直
擣其巢盡誅醜類乃區畫兩山事宜而引兵薄其西先是大將軍
遣兵進勦擊西匿於東擊東復匿於西不得已而議撫而旋撫旋
叛無可如何公至寫爾素逞其故智盡驅老弱牛羊之東山而自
畱精壯以便奔馳公分兵兩路一距西山之石門諸隘聲言數日
內進攻卽於是夜親率精兵暗襲其東黃羊川旋上沒毛山賊以
眾迎我兵擊殺一千七百餘人復多生擒者其餘俱奔藥水打魚
溝乃遣黃羊川投誠之喇嘛洛力且達兒招撫之更諭令獻出寫
爾素諸人家屬數千牛羊萬餘畱兵守東山而自領兵馳回石門
寺賊聚石堡城公先選川兵之登山趨健者兩路攀藤躡空而下

一以當十賊番恃險無備蒼黃失措我兵繼至斬首三千遂獲阿屋側零諸人賜酒食令爲嚮道分路搜勦擒殺二千餘人逆酋食盡力窮乃求降覈其人僅一千一百耳遂收其器械給以牛種耕牧其洛力且達兒十六族五千七百餘人檄文官分布安插奏績之日改莊浪爲平番縣旋以奮威將軍兼甘肅提督駐西甯權甘肅巡撫三日升授川陝總督又五年入朝請訓賜予便蕃命寫公像二幅一畱內廷一予還家旋任適準噶爾噶爾旦策凌殺兄妻嫂效其父策妄阿喇布坦之所爲逆蹟昭著邊境靡甯公自維疊荷殊恩莫由仰報乃力請西征命卽關中築壇東郊拜甯遠大將軍凡遇小敵毋使親臨公感激涕零有樓蘭誠

狡黠不滅不生還之句然逆賊地廣人多出沒無定且善馳驟利
用長戟兼多戈壁阻阨非旦夕可奏功者師至巴爾庫爾賊皆引
匿公以賊避愈深陰謀愈驚非精銳直搗不可而將士去長安數
千里糗糧輸輓動逾數月非所以壯士氣而挫強敵也又援兵不
固不可深入爰築東西二城爲犄角作儲蓄屯兵計錄勤勞甄猛
烈簡練車徒詢士卒疾苦縱之超距投石使人自爲戰士氣百倍
未幾上召公面授機宜委人代其事預爲部署然後行代事者
不用其策賊番乘隙搶劫馬廠並五堡各處上更授公撫遠大
將軍命速往公自恨籌畫未周知人之未明也慷慨陳奏統兵
直搗阿公山襲擊烏魯木蘇行十餘日至木壘日遇敵無已乃城

木壘旦夕冀贖前愆會論者交章劾奏遂繫西曹 今上皇帝御
極之次年放歸田里築室百花潭北顏其園曰安素洲曰愛閒課
子讀書其中時或父老滿座傾榼獻酬不自知上公之貴而諸父
老亦相與其忘之爲田閒樂藹如也居久之又嫌近城市不乏應
酬更卽鳳山祖塋之側築室以居自分終身矣越十年而有大金
川征勦之事大金川處蜀西南酋長莎羅奔與姪耶卡特勒歪刮
耳崖之險抗拒官兵且逾年 上思公官西蜀素爲川人所服且
夙嫻軍旅熟諳番情又迺祖迺父世篤忠貞公承其後受 恩深
圖報必切下 命徵之抵營卽授四川提督公感泣謂其子曰金
川不滅若等欲與吾相見於安素園不可得矣乃統四路兵駐黨

壩偏臨賊隘上有康八達爲勒歪門戶下卽根雜東則葛布基惡耳溪西爲木耳金剛塔高諸處堅礮林立聲息相通進剿逾年設備益固我兵出不獲賊有情志而各處土兵皆孱弱不力勢難克敵公思與其用土兵而糜餉無功不若募新兵可資實用具狀奏聞廣募健勇至則嚴加訓練不數月獲勁兵數千公見士氣已振遂聲言攻打康八達勒兵前進而暗遣精銳新兵直趨根雜出賊不意克其大小戰礮平房四十七處得糧十二倉田一千四十餘段焚斬男婦無算餘潰奔則乘勝攻取葛布基得木城大礮平房石卡十餘處及木耳金剛之上卡平房三水卡一擒斬數百人墜崖死者無數賊鋒大挫士氣百倍遂督兵直徧勒歪隘口時康八

達有大礮賊伏其內併力抗禦槍無虛發我兵不能進公以爲賊利在守不誘之出不得擊乃卽礮前囊土爲城作趨運軍糧狀將以偪礮而夜伏兵持噴筒烏槍以伺之賊果出襲糧則噴筒齊發火光如晝賊被煙觸目皆糜爛舉槍擊之死傷甚眾自用兵以來賊之受創未有若此之甚者先是賊聞公至笑曰岳公已死矣來者僞耳及屢被挫衄乃使識者來觀知其不謬始萌悔心然以負隅之勢猶相持不肯下 上遣經略大學士忠勇公來視師分路進剿抵營卽斬句通逆賊之小金川土舍良兒吉土婦阿扣並附逆之奸人王秋磔以殉羽翼既除聲援遂絕賊大懼乃乞降大學士入 告仍請剿滅公方造皮船爲直擣勒歪計 皇帝好生許

其降公曰賊雖窮蹙乞降誠否未可知某請身往以驗之或勸公多帶兵弗聽又請衷甲往弗聽僅率親丁十餘人往而是時莎羅奔耶卡猶率千餘人以待見公單騎至乃起伏道左莫敢仰視公察其無異志直入其寨甫坐定番酋進茶一飲而盡再索之示無疑也耶卡諸酋且感且泣長跪乞命公乃宣布皇恩貸以不死令其赴營請降各酋惴惴奉命唯謹遂由水路乘坐皮船命一番奴駕以行徑過賊巢帶莎羅奔諸人詣經略大營歸命大學士登臺受降各酋悔罪乞哀立誓不再反矣大學士回京公畱與總督董其後成善後十三條上之內如請禁漢入夷地夷買漢田附近金川土司互相連絡彼此救援之條又雜谷土司地廣人眾恐爲

後忠請升校磨爲安撫司卓克基爲長官司以分蒼旺之勢尤邊防要策也功成班師 上以公功在諸將右加太子少保仍交部從優議敘大學士奏曰臣仗 天威勉效馳驅而歷練戎行信孚蠻部深入賊巢膽氣雄決則岳鍾琪洵爲克勝委任乃擢公兵部尙書再 封威信公提督四川如故公力辭 上不許又以年老提督重任非所敢承如有邊事願以公爵與提臣相助爲理又弗許拜 命入見詢及西藏青海之蹟及邊地情形奏對稱 旨 上大悅願謂侍臣曰此三朝老臣也 命西洋近侍再寫公像於南書房乃歸任公前在塞外受溼染骭疾至是復發步履需杖時雜谷土司蒼旺侵奪鄰封日益強盛果謀叛十六年七月薤鬢易

服偕心腹易沙數人潛窺舊堡城冀圖進取部下頭目生根安朋泣諫不從慮易沙三人爲害磔殺之逆酋卽誅生根二十二人而密約梭磨卓克基令與同謀兩土司不聽乃借殺易沙故以梭磨土司阿忠卓克基土司阿甲曾與同謀向梭卓索取兩土司堅執不與因發上塞松岡之兵攻卓克基下塞雜谷鬧之兵攻梭磨公聞報卽與總督商進取總督先期委官剖斷則抗不服公時正患病足不良於行而審時度勢實難緩蓋雜谷鬧地近舊堡中有古維州關居山頂三面阻江一人踞隘卽千夫可遏任其迭次并吞梭卓旣合爲一又踞險守隘則其勢更大驟難成功乃語總督曰聞蒼旺已密令土目中忠調孟董九子龍窩各處番兵將據維關

以防征討 國家之事利無不爲今乘其未集亟擊之毋令釀成
大患貽 聖主西顧憂遂檄城守參將六格會同威茂協和楞額
松茂道張之浚茂州知州黃庭銑密授機宜帶兵往仍以剖斷爲
名馳入維關撥兵守隘直趨雜谷關以扼其要而中忠所調之兵
尙未集也一面具奏卽調兵進發途獲逆酋入內地偵探之奸細
十七人不許一番回寨聲息不通抵雜谷得助逆首目中忠梟首
以徇番民皆籲請歸流公以其地屬威茂門戶土兵本內地熟番
向爲蒼旺之祖良爾吉占據部落日強爲邊患今聽其歸流設營
置戍則內地永安乃許之仍督師馳赴卓克基分兵三路抵猛古
賊番固守抗拒我兵奮勇乘勢奪山梁斷其汲道連夜攻奪若角

未登甲各處兩日一夜已近賊巢用反間殺其用事頭目阿拉三人眾番解體而蒼旺猶負固不出則率兵直擣松岡巢穴會賊內訌爭開門迎降我兵入獲蒼旺奏聞斬之漢夷兵民無老幼歡呼震林木遂班師并條議善後事廷議以蒼旺一人之悖逆合伏誅而雜谷百年之歸誠宜有後請於松岡設長官司統其地仍以蒼旺近屬爲之而雜谷無患當公之馳奪維關也甚急病益加而墊江逆匪陳琨謀不軌又力疾往事將竣歸沒於途天子震悼諭祭葬子謚襄勤公性至孝母有疾割股以進父命射猶挽強終日恐傷父心而母亦愈少嫺詩歌戎馬囹圄中吟詠不廢嘗自哀其生平所作爲二集一曰薑園詩集一曰蛩吟詩草藏於

家前後在官四五十年躬擐甲冑徧歷遐荒其進藏次於錫松工也目感積雪失明者半月踰郭喇大嶺觸啞瘴失音旬日甚至食盡炊斷則河魚野獸亦與軍士同啖其飽極人生未有之阨生死利害毫不介意卒能建殊功享盛名承先志而光史冊總其始終所謂智勇兼備誠能動物者威信嘉名蓋稱其實云

論曰謀定後戰古名將類如是威信公數當大任所至成功有以也余讀唐史李德裕籌邊西川悉坦謀率所部叩關請降牛僧孺不許敵人戮之境上患終唐世夫維關之險夷得之足以援蜀我得之則可以斷諸夷之臂而西南永無患公先事乘機一舉而定無赫赫之功而功遠矣公嘗自誦曰大丈夫威行沙漠完古人未

完之志生平願足嗚呼豈空言哉豈空言哉

右家傳范泰恆撰

江甯嚴星標馨常熟徐芝仙蘭皆以耆士在陝督年夔堯幕府雍正元年青海酋羅卜藏丹津不順 憲皇帝授年爲撫遠大將軍四川提督岳鍾琪爲奮威將軍率兵討之功成年以徐嚴二叟年衰贈金幣送歸宿蒲州有兩騎客來狀虓猛所肩行李擔鐵也天明行晚復來宿心悸之卒無如何又客館逢二僧皆獼黠少年二叟目之一僧吳語云誰無眷屬何看爲始知其一爲尼急亂以他語出不敢按站行十餘里卽宿僧來排闥踞上坐揚其目而視之曰我疑若書生也乃亦盜耶囊內赤金二千從何來二叟駭曰天

下財必爲盜而後得耶朋友贈何妨僧曰若然二君必年大將軍
客也曰然曰幾殺好人起挾女尼走東廂酌酒飲倚而歌聽之秦
聲也抵暮兩騎客亦來解鞍宿西舍庭月大明二叟閉門臥僧獨
步簷外嘖嘖曰好馬好馬亡何兩騎客去僧闐然叩門嚴窘挺身
出曰事至此尙何言行李頭顱都可將去但有所請於和尚指芝
仙曰此吾老友七十無兒殺之耶釋之耶僧笑曰我不殺汝先去
之兩騎客乃殺汝者也詰其故曰凡綠林豪測客囊皆視馬蹏塵
金銀銅分量望塵了然兩盜雜耳雖相伺而眼眯誤赤金爲錢鏹
故不直一下手然非我在此二君殆矣問僧何來曰余亦從年大
將軍處來也公等知將軍平青海是誰助之功耶余故吳人少無

賴好勇被仇誣作太湖盜不得已逃塞外隨蒙古健兒盜馬久性
遂愛馬亡何見岳公鍾琪所乘彪彪然名馬也夜跳匿廄中將牽
其韉未三鼓公起親自飼馬四家僮秉鐙至余不能隱被擒公上
下視問行刺者乎盜馬者乎曰盜馬問白日闌入者乎夜踰牆者
乎曰踰牆公微瞠若有所思秣馬訖命隨入室案上酒殺橫列公
飲巨觥而以一盞見賜隨解衣臥大鼾遲明公起盥沐畢喚盜馬
人同往大將軍府公先入良久聞軍門傳呼曰岳將軍從者某賞
守備銜效力轅下岳旋出上馬顧曰壯士努力將相甯有種耶亡
何余醉與材官角鬪將軍怒賜杖甫解袴岳公至曰我將征西藏
爲汝乞免汝從我行時雍正二年二月八日也公命侍衛達爾西

甯總兵黃喜林各領兵先自領五百人爲一隊約某日會於青海界之日月山至期天暮公立營門諭二領隊曰此行非征西藏也青海酋羅卜藏久稽天誅昨其母與丹津紅台吉二酋密函乞降機不可失手珠寶一囊金二餅顧余曰先遣汝召賊母來賊有城甚高非善踰者不入賊營帳四上有三紅燈者其母也對面帳居羅卜藏左右帳居丹津紅台吉二酋珠寶與金將以爲犒此大事汝好爲之解腰下佩刀授余余受命叩頭公起身入天大霧余乘霧行三十餘里至賊城騰身而登果帳燭熒熒然母上坐二酋侍側母年六十許面方髮微白披紅錦織金袍叱余何人余曰年大將軍以阿娘解事識順逆故遣奴來問好囊寶貝奉贈金二餅餽

兩台吉三人聞之喜叩頭謝余知功將成昨日將軍在三十里外待阿娘阿娘速往三人相顧猶豫余解佩刀插其座氈厲聲曰去則去不去我復將軍其母曰好蠻子行矣上馬與二酋隨十餘騎行不十里岳公迎來將其母與二酋交達爾黃喜林分領之須臾前山火光起來道礮發斬母與二酋回入軍營次日謀者來報羅卜藏丹津已逃準噶爾部落岳公命竿三頭徇三十三家台吉皆震悚乞降二十二日至年大將軍營往返裁十有五日三月朔凱旋岳公首舉余功大將軍賞游擊銜余指軍門謝岳曰某杖此僅半月耳大丈夫何顏復來願辭公歸別思所報公笑曰咄吾知汝終爲白頭賊也厚賜而別歸次涇州宿回山王母宮昵妓女金環

年餘資用蕩盡不能歸憶幼時習少林寺手搏法彼處可棲遂與金環同削髮赴中州苦無馬逢兩盜騎善馬故奪之二叟不信曰彼不受奪奈何僧笑拉二叟出視廐則夜間已將兩盜所肩鐵擔屈而圓之束二馬首於內不可開二盜氣奪故遁去言畢挾女尼舒其擔牽馬門外拱手作別曰二君有戒心勿北行可南去凡李衛田文鏡兩總督所轄地方毋憂也後三十餘年二叟亡嚴之孫用晦過河南登封縣遇少林僧論拳法曰雍正初有異僧來傳技尤精然無姓名好養馬因稱馬和尚後總督田公禁嚴僧轉授永泰寺尼環師今環師亦亡其徒惠來者能傳其術用晦心知馬和尚即此僧環師者即金環妓欲訪惠來以二寺相距十餘里天大

雪不果往

論曰馬僧事類小說爲正史所不書然岳公獲一盜馬賊能畱心錄用使奏其能真大將矣其行聞致敵不戰而屈人兵機有足法者年羹堯威勝不恤士馬僧太跡弛故無成功皆足爲規戒備書之亦自附於李玉溪之書程驤羅江東之記石烈士云

右書事袁枚撰

岳威信公佩撫遠大將軍印以入 親命提督紀公成斌權其篆會準夷入寇携馬駝萬餘紀不時奏乃爲總督查郎阿所發遂褫岳公爵置紀於法然嘗聞老卒有云岳旣入朝也紀以滿人強勁因以駝馬命副參領查庫領卒萬人驅牧庫性懦蕙畏邊地寒因

以馬駝付偏裨以五十人放牧而已率眾避寒山谷閒日置酒高
會挾娼妓以爲樂會準夷入寇偏裨報廩廩笑曰鼠盜之輩不久
自散因按兵不往及馬駝被擄廩聞信乃先棄軍去過曹總兵勦
壘呼曹救之曹性卞急因率兵往爲其所敗單騎而奔賴樊提督
廷率本標卒追之轉戰七晝夜始卻敵廩見紀公皆委罪於曹勦
紀笑曰滿人之勇固如是耶將收縛斬之會岳公至紀告其故岳
公驚曰君今族矣滿人爲國舊人宗戚甚眾吾儕漢臣豈可與之
相抗以干其怒耶因解廩縛以善言諭之因皆委罪於曹斬之以
徇而以捷 聞廩乃恨公次骨會查郎阿巡邊故廩戚也廩因矯
控岳公諸不法事以及紀公掩敗爲功諸狀查故怒岳公因誣實

其言以聞上大怒斬紀公於營置岳公於詔獄而廩官因如故也嗚呼世宗之於岳公君臣之際可謂至矣因誣一滿人卑賤者乃使青蠅之譏爲禍若爾持國柄者可不省歟

右錄宗室昭榘撰

李林盛

李林盛漢軍正黃旗人父向舜以署佐領從豫親王多鐸南征督
礮攻武岡寨克其城及攻揚州中礮歿於陣 贈雲騎尉順治三
年林盛襲父職七年 恩詔加授騎都尉十五年隨信郡王多尼
征雲南康熙元年授佐領十一年遷參領十八年擢山東登州總
兵二十一年以舉首劣員郭盛春胡鼎通同行賄得 旨嘉獎下
部議敘加一級二十三年擢廣西提督三十六年 諭獎其和輯
兵民安靜謹守三十七年五月調陝西固原提督十一月 陛見
賜戴孔雀翎加右都督銜尋 諭大學士等曰李林盛居官甚優
前者陸見所奏絕無隱諱廣西武弁賢否皆從公敷陳其言朕皆

書而諫之矣三十八年七月 御書明信敦義額賜之八月因湖
南賊黃明等盤踞廣西年久失於覺察奉 旨降二級戴罪圖功
四十年 諭曰頃聞甘肅提督雷繼尊病故彼雖到任不久居官
不下於孫思克今甘肅地方緊要固原提督李林盛雖已年邁其
人才亦與孫思克等著調補甘肅提督四十三年以病免四十七
年 特授鑲紅旗漢軍都統五十二年以老乞罷得 旨卿才品
優長簡任都統正資料理覽奏求罷情辭懇切著以原官致仕五
十三年卒 賜祭葬如例

右 國史館本傳

吳郡

吳郡字雲士其先鳳陽人祖高明季官京衛指揮使李自成偪京師與父貴及家屬七人同日殉難郡時年八歲同老僕逃至閩省及長膽力絕倫落魄汀泉閒久於泉後乃居浦城之黃溪洲會海疆未甯乃仗劍從軍康熙癸亥六月隨靖海將軍施琅攻取澎湖澎湖爲臺門戶賊之精銳聚焉郡隨舟師夜衝賊艘礮發賊大驚賈勇而前火矢交攻賊艘被焚覆溺投水者無算官兵乘勢夾擊遂克澎湖進攻鹿耳門乘勝直偪臺城七日而逆藩鄭克塽率眾歸降敘功十九等加左都督銜補授山西大同鎮標遊擊嘗從鎮將俞某出獵槍斃一虎眾詫爲神勇俞益謨提督湖廣奏郡與俱旋

補天柱營參將大將軍席某督兵征紅苗命郡爲前驅同破天星
懸落愁歎諸砦苗患平郡以天柱界接滇南夷民雜處易構衅因
椎牛饗士耀以兵威使知畏戢苗民苦雜派夫徭會同有司禁革
俾嗣後皆官自雇募苗人悅服鎮將疏薦擢黃州協副將調廣東
香山協廣東大盜東瓜三出沒海島爲民患郡請寬其罪使捕盜
自效又賊有花芋芳船身窄而長可容三四十人涉水如飛歸則
沈諸水底郡嚴稽察禁出口盜無所容皆遠遁四十七年升浙江
定海鎮總兵駐軍舟山相度機宜添設兵船於倒斗澳長途雙合
山兩頭洞等處蚤夜巡防凡商賈往來必護送過境舟山民結茅
而居易罹火患郡設撲火具火發立救滅次年聞省告饑 上命

截留江浙漕糧賑濟郡請自僦商船與子興業分途運送自乍浦起行不半月五萬石米齊集漳泉民喜若更生旋署松江提督五十一年擢浙江水師提督惕勵官方簡練士卒葺墩臺勤巡緝念洋盜爲患多內地奸民爲之耳目因指陳近海居民惡習四條移咨督撫通飭嚴禁又以水師非熟練者未克奏效舊例遊守以下因公里誤輒停升轉因疏請遇有水師員缺許破格揀用旣得請人人皆感激奮勵踰二年卒於官 子全祭葬授榮祿大夫加贈太子太保謚武甯從祀昭忠祠

右傳朱秉鑑撰

月日
年
月
日
時
分
秒
分
秒
分
秒

日

偏圖

偏圖漢軍正白旗人本姓李隸內務府 聖祖仁皇帝康熙十三年八月由奉宸苑催長應 詔揀選授都司銜赴陝西勦逆藩吳三桂叛黨署督標右營遊擊十四年二月叛賊李長骰引賊千餘犯淳化三水焚劫三原縣之杜寨偏圖與遊擊繳應善率兵六百自涇陽進勦至紅水溝擊李長骰等生擒四十餘人獲旗械馬騾又隨揚威將軍阿密達軍長武率綠旗前鋒兵由南路抵瓦雲驛擒僞守備二遂與副都統鄂克濟哈兵趨涇州遇賊眾扼踞險隘迎戰數次俱擊敗之進薄城下賊出城迎拒復斬三百餘級克其城僞總兵衛民譽等逃出南門踞寨拒守偏圖率兵圍寨斬衛民

警降其餘眾三月同護軍統領舒淑擊敗賊首馬瑞軒於靈臺賊
退踞陶家堡攻克之斬級百餘四月同鄂克濟哈赴慶陽進援甯
州沿途招降二十餘寨入州城僞總兵魏虎山馮嘉德等領賊兵
八千踞山城出拒偏圖率綠旗爲前隊進攻自辰至未攻克山梁
擒斬甚眾賊遁蕭家山斷壕踞守翌日偏圖分兵兩路夾攻斬殲
過半餘賊遠竄乃旋軍涇州六月同副都統穆舒琿敗賊於鎮原
縣八月隨貝勒洞鄂勒叛鎮王輔臣於平涼偏圖率兵二百五十
名同護軍統領阿哈多等仰攻高阜賊壘破之十二月實授右營
遊擊十五年二月同副都統吳國正援商州復山陽縣旋師擊敗
僞總兵李茂榮於寬平里斬級百餘四月賊眾陷三原之西陽鎮

偏圖馳救賊潰遁追至鳳凰山收撫陷掠男婦百餘五月隨大將
軍圖海圍平涼偏圖駐軍虎山墩斷賊糧道王輔臣乞降圖海以
偏圖屢著戰功題升潼關副將得 旨偏圖曾經效力行間今勦
滅賊寇之時仍畱軍前征勦遇缺另補十六年六月授陝西督標
副將十七年閏三月進勦興安偵賊二千餘踞小山嶺掘塚樹柵
偏圖由窰兒溝繞出嶺旁攻毀賊巢追逐至香泉殪賊無算十八
年十月攻梁河關破賊營七遂復興安及漢陰石泉等縣偏將軍
謝泗僞總兵王永寶等各率眾降十九年三月 諭獎偏圖屢著
戰功令隨勇略將軍趙良棟恢復四川進征雲南貴州二十年正
月 詔設雲南總兵七以偏圖與副將馬山等卽補時逆賊胡國

柱王緒擁眾二萬餘拒馬湖趙良棟檄偏圖堅守雅州整飭官兵
相機由閒道規取象嶺大渡河曬經關擒偽守備楊名聲於榮經
縣斬賊一百二十餘五月隨大軍克關山關沿途屢敗賊眾陣斬
墮崖死者無算復黎州奪大渡河隘口沿河追賊於火場壩山谷
中偽總兵蔡國明戴聖明於登明楊泗等窮蹙乞降六月復越嵩
衛建昌等處乘勝入雲南八月渡金沙江駐兵石虎關十月領兵
奪取玉皇閣及土橋東寺西市三市街進薄城下城中賊平二十
一年實授永順總兵彙敘軍功加左都督三十年正月入 覲擢
雲南提督四十五年復入 覲 賜孔雀翎良馬五十年內遷鑲
白旗漢軍都統五十五年九月卒年七十有七得 旨偏圖才技

優長久著勞績簡任都統謹慎持身實心盡職忽聞溘逝深爲軫
惻下部議卹 賜祭葬如例諡襄敏又 諭部曰偏圖前在軍前
立功同綠旗官員一體議敘加左都督今可照八旗例議給世職
尋 允部議予騎都尉世職以其第三子李棟襲

右 國史館本傳

國軍軍事委員會
第一〇〇一號

甲

馬進良

馬進良甘肅西甯人由行伍拔補把總遷千總隨將軍孫思克勦
叛鎮王輔臣於平涼有功升授守備遷山丹營遊擊康熙三十二
年思克疏奏進良隨臣征勦有年深知其謀勇兼全諳練軍務自
調補臣標遊擊以來每遣發防禦果敢爭趨且愛士卒得人心請
就近題補臣標中軍參將部議不准 特允所請三十三年授直
隸河間副將三十四年擢古北口總兵三十五年正月入 覲
賜冠服三月 命率兵千五百扈 駕征噶爾丹 諭日行軍法
令最爲緊要奮勇前進者賞功怯敵退後者治罪此係定例馬進
良與總兵岳昇龍白斌均才力壯健素有謀略經朕簡用倚任之

人此次隨征遇敵臨陣時副將以下兵丁以上有違令退縮者著該總兵等先行正法再爲奏聞五月凱旋 命回任三十八年賜驍勇飛將額次年 賞戴孔雀翎四十二年擢直隸提督四十六年 諭獎其整飭營伍訓練嚴明於地方有益四十九年八月上諭大學士等曰曩者將軍孫思克在平涼與賊大戰其手被賊斫中時馬進良爲孫思克標下武弁聞之曰斫我總兵之手者吾必殺之遂突入萬軍追殺斫傷孫思克手之賊身被數創至今尙有傷痕可謂奇勇矣十二月提標中軍參將員缺 詔卽以進良子龍補授五十二年以老乞休 上以情詞懇切 命以原官致仕加 恩賚五十六年卒於家 諭曰馬進良效力多年勤勞懋著

予告未久忽聞溘逝朕心深爲軫惻應得卹典該部察例具奏尋
賜祭葬如例諡襄毅

右 國史館本傳

西曆一千九百零六年二月二十二日

16

--	--	--	--	--	--	--	--	--	--

馮國相 子毅

馮國相漢軍鑲白旗人父有功 太宗文皇帝崇德八年從征明
中後所前屯衛凱旋授佐領 世祖章皇帝順治元年隨都統葉
臣征山西以紅衣服攻克太原城二年隨都統金礦征湖廣擊敗
偽總兵馬進忠於武昌獲賊船十有三敘功授雲騎尉世職五年
擢杭州協領七年九月疊遇 恩詔晉世職至三等輕車都尉十
八年卒國相襲職 聖祖仁皇帝康熙十三年逆藩吳三桂踞湖
南國相隨順承郡王勒爾錦往征賊將陶繼智劉之復等犯宜昌
國相領隊發嚴擊卻賊眾尋隨貝勒密尼敗賊於岳州十八年正
月隨都統根特敗賊於虎渡口遂進征澧州常德屢立戰功十九

年凱旋授佐領尋授參領三十年十二月擢鑲白旗漢軍副都統
三十四年調右衛左翼副都統時噶爾丹侵擾邊境國相率兵至
阿爾丹蘇臺偵賊聲息明年 上親征駐蹕克魯倫河國相運礮
至軍前卽隨撫遠大將軍費揚古等由西路督兵敗賊眾於昭莫
多俘獲無算是年冬還京授鑲白旗漢軍副都統三十六年敘功
予雲騎尉世職合所襲之職爲二等輕車都尉尋調鑲黃旗漢軍
副都統四十一年擢正藍旗漢軍都統五十七年十月卒 賜祭
葬如例子殺襲二等輕車都尉六十年由參領授廣州副都統明
年擢廣東提督雍正元年十月卒於官 賜祭葬如例子瀚襲騎
都尉三年四月 世宗憲皇帝以八旗公庫事務惟國相辦理時

綜計明晰下部議敘於見襲之騎都尉加一雲騎尉十年九月
諭九卿曰原任都統馮國相謹慎小心樸誠自矢服官辦事從無
過愆向來各旗公庫俱有虧空惟馮國相所管正藍旗全無欠缺
此卽其出納謹嚴操守潔清之明驗伊係朕藩邸之人知之有素
應否入賢良祠會議具奏尋九卿以詳考事實洵爲賢良大臣允
宜入祀議行 今上乾隆元年 詔九卿覈議已祀賢良諸臣之
應追諡者列奏 賜國相諡曰桓僖

右 國史館本傳

馮國相漢軍鑲白旗人父有功以佐領屢從征討累勲至三等輕
車都尉順治十八年卒國相襲世職康熙十三年隨征湖廣岳州

之圍國相戰甚力十九年授佐領旋升參領三十年擢本旗副都
統尋調右衛副都統三十五年 聖祖親征厄魯特鳴爾丹國相
從撫遠大將軍費揚古由西路進擊多所斬獲論功加世職爲二
等歷任至正藍旗漢軍都統 聖祖以其才命管公庫五十七年
卒 予祭葬如例 世宗在藩邸卽深知之雍正三年 特恩追
敘加一雲騎尉致祭一次嘗 諭禮臣曰馮國相謹慎小心模誠
自矢服官莅政少有過愆司公庫十數年無纖毫虧蝕此卽其出
納謹嚴操守潔清之實據矣其見 褒賞如此乾隆元年 賜諡
曰桓僖

右 國史賢良小傳

祖良璧

祖良璧漢軍鑲黃旗人父澤洪官吏部侍郎以軍功授三等子遞加至一等子爵自有傳康熙九年良璧繼其兄良棟襲世職十九年授參領兼佐領二十九年從裕親王福全征噶爾丹謀賊伏烏蘭布通阻河據林阜結蛇陣自障良璧隨左翼由山腰奮擊大敗賊眾覆其巢三十年擢西安副都統三十五年二月撫遠大將軍費揚古由西路勦噶爾丹良璧請從軍上以西路軍糧屯翁吉命偕副都統席爾哈達畱兵督運六月由巴罕厄里根赴納喇特遇風雨牲畜道斃不能前以狀聞時噶爾丹已爲費揚古所敗攜其從子丹濟拉由昭莫多西遁上慮其劫翁吉糧詔良璧

速歸翁吉以所運米支給運丁餘悉焚之良璧得旨馳還九月
將護糧赴甯夏丹濟拉果率賊數千伏翁吉山谷中偵我軍半度
突出良璧麾殿後兵力戰前軍還擊大敗逐北二十餘里上方
聞丹濟拉驟至慮良璧勢孤及奏捷優詔嘉獎四十二年十一
月 上西巡閱西安兵諭大學士馬齊曰滿洲兵丁整肅俱係
將軍副都統訓練所致著各加一級十二月調正藍旗漢軍副都
統四十四年 上追念良璧翁吉破賊功且人才亦優擢福州將
軍 賜孔雀翎及蟒服鞍馬四十六年 上南巡良璧至清江浦
迎駕 御書兵民協輯額及四時常喜戈船靜千里須教壁壘
新聯賜之並蟒衣一襲四十九年三月疏言康熙二十二年撥耿

精忠藩下兵一千歸上三旗因閩省無正黃旗駐防將應歸正黃旗人改撥正藍鑲白二旗查駐防驍騎校等缺出各旗藩下人皆得揀補惟此項因係改撥從未咨放其中不無弓馬可觀之人登進無階情殊可憫請嗣後正藍鑲白旗缺出將改撥兵丁一體拔補部議從之八月以泉州漳州等處旱歉奏命侍郎塔進奏李旭升會同江浙兩省督撫截畱本年鎮江漕米十萬石運至狼山松江湖州漕米各十萬石運至乍浦令福建督撫等以戰船轉運賑災會總督梁鼎芬憂特旨以良璧署理五十二年至京恭慶萬壽賜冠服尋遣還任五十七年卒改世職爲一等男兼一雲騎尉子應樞襲

國史館本傳

右 國史館本傳

三

國朝耆獻類徵初編卷二百八十一目錄

將帥二十一

佟國維

潘育龍

孫紹周從孫之善

藍理

穆廷杖

婁德納

張國棟

費俊

王文雄

王允吉

董象台

楊長春

弟長泰

晏嗣漢

噶爾弼

林亮

李麟

周一德

鄂克遜

補錄

王澄

國朝耆獻類徵初編卷二百八十一

通奉大夫前署江西巡撫江西布政使司布政使湘陰李桓輯
將帥二十一

佟國維

佟國維滿洲鑲黃旗人都統佟圖賴次子順治十七年任一等侍
衛 聖祖仁皇帝康熙九年授內大臣十二年冬逆藩吳三桂反
其子吳應熊居京師明年春逆黨謀爲不軌以紅帽爲號國維發
其事奉 命率侍衛三十人至大佛寺擒縛十數人械送刑部鞫
實伏法二十一年授領侍衛內大臣尋列議政大臣二十八年因
國維爲 孝懿仁皇后之父 封一等公二十九年七月大軍征

噶爾丹 命國維參贊軍務八月次烏蘭布通國維與兄都統佟國綱並率左翼兵進擊國綱循河岸戰歿國維由山腰繞賊後擊之潰遁師還以噶爾丹既敗不率兵追剿部議革職得 旨罷議政降四級畱任三十五年 上親征噶爾丹國維從甫出獨石口以駝載遲滯疎於管攝自請處分 上賞之三十六年復從 上征噶爾丹至甯夏聞噶爾丹竄死 上回鑿敘前隨征功復所降四級四十三年 詔賑山東流民之就食京師者以國維同內大臣明珠等監賑尋以年老解任四十八年正月 召國維與諸大臣並集傳 旨詰問曰前因有人爲皇太子條奏朕降硃筆諭旨示諭大臣爾曾奏稱皇上辦事精明天下人無不知曉斷無錯誤

之處此事於聖躬關係甚大若日後易於措處祈速賜睿斷或日後難於措處亦祈賜睿斷總之將原定主意熟慮施行爲善爾係解任之人此事與爾無涉乃身先眾人啟奏是何心哉國維奏曰臣雖以庸愚解任蒙 皇上優厚因 聖體違和冀望速愈故奏請速定其事今奉 明旨詢問實無詞以對奏入奉 諭曰將來誠如爾言朕有難於措處自不必言眾人亦將謂爾所奏果是矣若朕無難措處到彼時自知之耳人其可懷私仇而妄言乎明日復 諭曰爾年老之人屢向朕所遣人云每日祝天求佛願皇上萬歲朕思自五帝以至今日尙未及萬載朕何敢侈望及此此皆以荒誕不經之談欺朕朕不信也爾既有祈望朕躬易於措處之

言嗣後惟篤念朕躬不於諸皇子中結爲黨羽謂皆係吾君之子一體看視不有所依附而陷害其餘卽俾朕躬易於措處之要務也二月又諭曰爾前此易於措處難於措處等語竟似捨命陳奏爾乃國家大臣榮貴極矣年已老邁子孫甚多若欲捨命則見朕之病勢漸增卽當親身入內奏云醫生等既可入內我又何不可入親身領醫生診看晝夜侍奉湯藥使朕病得痊方可稱爲實心乃漠不相關並未嘗念及朕躬朕仍賴皇太子及諸皇子晝夜侍奉率領醫人診看進藥調理仰蒙上天護佑今已全愈由是觀之爾並非實心乃置身兩可意謂皇上若獲全愈我仍需祿食苟且度日儻有不測則皇太子將何所往必合我言矣此非爾之

本意乎皇太子允初前染瘋疾朕爲國家而拘禁之後詳察被人
鎖魘之處將鎖魘物俱令掘去其事乃明今調理全愈始行釋放
朕將此情由俱會硃筆書出詳悉諭諸大臣今譬有人因染瘋狂
持刀斫人安可不行拘執若已全愈亦安可不行釋放而必欲殺
之乎朕拘執皇太子時並無他意殊不知爾之肆出大言激烈陳
奏者係何心也諸大臣之情狀朕已知之不過碌碌素餐全無知
識一聞爾所奏之言眾皆恐懼欲立允禩爲皇太子而列名保奏
矣朕臨御既久安享太平並無難處之事臣庶託賴朕躬亦各安
逸得所今因爾所奏之言及羣下小人就中捏造言詞所以大臣
侍衛官員等俱終日憂慮若無生路者此事關係甚重亂臣賊子

自古有之今觀眾人情狀果中爾所奏日後難於措處之言矣爾聞外邊匪類妄言理應禁止爾乃倡造大言驚駭眾心有是理乎爾既捨命陳奏必有確見其何以令朕躬及皇太子諸皇子志意安舒不致殷憂亦可明白陳奏朕特降此旨非欲誅爾也因眾皆憂慮須事明後眾心乃可定爾當體念朕心若懷藏私意別有作為天必誅之國維奏曰臣前所奏之言俱載在檔案今並不推諉眾人因臣大言妄奏皆畏懼列名致貽 聖體及皇太子諸皇子之憂臣罪莫大 皇上雖憐憫不誅臣何顏生斯世祈速 賜誅戮以示眾奏入復奉 諭曰朕今特爲安撫羣下降旨申明非欲有所誅戮也爾前啟奏時外間匪類不知其故因甚贊爾云如

此方謂之國家大臣不懼死亡敢行陳奏今爾之情形畢露人將謂爾爲何如人耶洵可恥之極矣朕若誅爾似類沽名朕今斷不誅爾其坦懷勿懼但不可卸責於朕躬觀爾迷妄之言其亦被人鎮壓歟五十八年正月卒 賜祭葬如例 世宗憲皇帝雍正元年 贈太傅諡端純子隆科多襲一等公別有傳

右 國史館本傳

佟國舅國維爲 孝康皇后之幼弟人謹恪雖屢膺重任不以攬權爲要暇時惟延學士講文藝以爲樂故其歿後 憲皇帝手書仁孝勤恪之額表於墓道以旌之蓋有以也

右錄宗室昭槩撰

潘育龍 孫紹周 從孫之善

潘育龍甘肅靖遠人以行伍隨征湖廣茅麓山賊李來亨有功補把總康熙十四年以陝西提督王輔臣叛應逆藩吳三桂育龍隨副將偏圖勦三水淳化賊二月隨揚威將軍阿密達擊賊於涇州俱陷賊甯夏道梗育龍赴提督陳福軍前由紅河川白馬城等隘轉戰七晝夜達甯夏駐靈州招撫散卒旋以陝西總督哈占調援山陽敗賊於甘溝口擢千總十五年五月隨撫遠大將軍圖海率兵討王輔臣奪平涼城北虎山墩斷其餉道輔臣乞降十六年六月敘功擢守備十七年四月賊犯牛頭山香泉育龍同總兵王好問等由小嶺前進賊夜遁追至渭水渡口擊斬甚眾十八年十月

克梁河關斬僞遊擊李景才守備景文略等復興安僞將軍謝泗
總兵王永世降十九年二月敘功加一等擢都司僉書十月隨總
督哈占進剿四川逆賊恢復大竹渠縣二十一年六月敘功擢提
標遊擊二十七年四月陝西總督噶思泰疏奏育龍才識明敏深
悉河西地利番夷情形且久經戰陣屢著功績請升肅州副將
上允之十一月學士達瑚郎中桑格自西藏使旋至嘉峪關外爲
西海阿奇羅卜藏所劫振武將軍孫思克遣遊擊朱應祥計質宰
桑於關內送歸我使臣育龍同遊擊韓成等搆其巢穴斬馘四百
餘阿奇羅卜藏遁事 聞得 旨嘉獎三十年二月赴甯夏防剿
噶爾丹時改肅州協爲鎮卽擢育龍爲總兵官三十一年五月降

番罕篤與羅卜藏額林臣奇齊克等復叛育龍追至庫列圖嶺斬
所屬四十餘級擒百二十人三十四年八月噶爾丹所屬回子塔
什蘭和卓等五百餘人過三岔河育龍擒之三十五年五月育龍
從征噶爾丹師抵昭莫多賊飛轍迎擊中育龍右頤猶力勦賊賊
敗遁八月 召赴京 上撫視其創 命御醫調治 賜衣一襲
尋調天津總兵三十七年六月敘功給雲騎尉世職三十八年二
月 上南巡育龍迎 覲 命綠旗官兵射以育龍訓練有功
賜貂褂十二月疏言各省候選武舉請分提鎮標效用果騎射嫻
熟卽以千總把總題補三十九年正月疏言通州迤南漕運孔道
副將轄十三營距遠難於約束應裁滹縣香河楊村三營守備改

國朝通志卷之二
務關營遊擊爲參將設中軍守備一千總二把總六並三營原設
把總及寶坻崔黃營守備把總俱歸務關營參將轄並下部議行
四十年四月擢陝西提督 賞戴花翎四十二年十一月 上西
巡育龍迎 鑿於山西洪洞縣 賜輸忠闡外額 上駐蹕渭南
閱固原官兵射 諭大學士馬齊兵部侍郎布雅努曰朕巡歷諸
省綠旗兵丁無如潘育龍之兵者加育龍一級四十八年八月
諭兵部陝西提督潘育龍久歷戎行蔚建勞績歷二重鎮克殫謀
猷自擢任西秦以來馭兵飭伍有勇知方邊境肅清閭閻安堵旣
威望之懋著亦年齒之日增宜晉加顯秩用彰異數著授爲鎮綏
將軍仍管提督事務以示朕優眷老臣至意四十九年二月 上

幸五臺山育龍入 覲迎 鑿於直隸瀑水 上念其遠來勞頓
命在王快莊憩息育龍請扈 蹕五臺 賜御馬二令乘以隨四
月 陛辭復 賜宴並蟒袍補服一襲五十年九月 賜詩有守
土防邊資壯略披堅敵陣表彤弓之句五十一年二月疏言卦匪
陳四等率妻子遊走外方憑走馬上竿躑索算卦爲生俗名日卦
子大抵江北皆有之原屬不務耕織游手好閒之徒結連多人沿
途搶奪臣飭所屬營汛拏獲二十八起合計男婦大小五百八十
九名並馬騾豬羊六百一十俱移咨督撫審訊但此輩盡行查拏
未著惡跡否則難保不滋事端臣以爲莫若通行各省督撫責令
所屬於鄉村堡寨查令改業或編入見住地方爲民或撥絕戶田

畝或令開墾荒地馬騾牲畜變爲牛種載入賦役全書內按季取
鄉約保結出外生事者拏究地方官縱容發覺者定以處分載入
例冊下部議行五十八年正月以病乞休得旨卿簡任提督授
爲將軍以來效力年久勞績素著邊圉重地正資料理著在任調
理三月再疏乞休上仍慰留七月卒加贈太子少保賜祭葬
如例謚襄勇孫紹周襲雲騎尉世職官提督卒子忱因病退子雲
瑞見襲

右 國史館本傳

潘紹周

潘紹周陝西西安人原籍甘肅陝西提督鎮綏將軍育龍之孫父

福官廣東右翼鎮標遊擊康熙六十年紹周襲育龍所遺雲騎尉
世職授二等侍衛雍正三年授山西老營參將四年遷廣西慶遠
協副將七年西隆賊蠻肆擾紹周率守備許應虎由洛崗追捕至
淶村山斬賊首樊匡科又擒賊首樊李旺於龍霸巢八年正月雲
貴廣西總督鄂爾泰奏開古州都江河道以定旦來牛二寨頑苗
梗路調兵協勦紹周偕參將施善元統廣西兵赴古州諸葛營與
貴州黎平副將趙文英會勦定旦破其寨首惡阿當就擒尋會副
將董芳兵勦來牛都江路通五月車寨諸苗糾黨謀劫善元馳赴
永鎮關扼賊前紹周偕文英以兵千餘繞出山後夾攻日月寨頭
藏弩江墨田墨六寨擒斬甚眾六月進攻龍早佳沙直搗賊巢賊

道追至大雄菁多斬獲餘眾悉繳械歸誠九年調雲南督標中軍副將十年擢廣西右江鎮總兵十二年丁祖母憂 命在任守制給假回籍治喪十三年回任乾隆二年 陸見 賜鞍馬三年調四川松潘鎮總兵四年疏言臣於本年八月出口化番親見番眾感戴 皇仁漸知禮法均安住牧臣等每年帶兵出口所需馱載烏拉馬牛一百五十例由口內番人送出口外番人送回每一馬牛日給茶葉一斤不敷往返路費請按日給腳價銀一錢 從之六年擢雲南提督七年疏言滇銅運京經貴州威甯至四川永甯均係陸路崇山峻嶺淫雨不絕既苦崎嶇兼患坎窞請 敕令地方官詳勘平治疏下總督張廣泗等議行十一年 陸見 賜職

孔雀翎十三年調古北口提督十四年以疾請解任回籍調理
允之 遺醫診視十八年卒三十二年 上追獎紹周之祖育龍
軍功卓著 特賞恩騎尉世職以紹周子忱襲

右 國史館本傳

潘之善

潘之善甘肅靖遠人固原提督育龍之從孫育龍爲肅州總兵之
善隨營效力康熙三十五年從征噶爾丹於昭莫多中火器傷
詔來京醫治四十二年 上幸陝西之善迎 駕於臨潼 特授
藍翎侍衛四十四年 賜孔雀翎四十九年授肅州鎮標前營遊
擊五十二年領甘州肅州兵駐防哈密五十四年三月策妄阿喇

布坦遣賊二千侵哈密之善同筆帖式常保住率兵二百擊敗之
甘肅提督師懿德以聞上因官兵奮勇殺賊以少擊眾諭
大學士及兵部曰遊擊潘之善率領兵丁二百擊敗賊眾二千當
此承平日久兵革休息時乃倉猝聞能如此奮勇直前殊爲可嘉
非尋常可比前雖諭令給賞朕心猶爲未足應再加恩著速議具
奏部議之善應越等升用從之九月遷陝西潼關副將五十六
年隨靖逆將軍富甯安擊準噶爾於烏魯木齊多俘獲命事平
日議敘尋諭廷臣曰近日綠旗武官感朕之恩皆有捐生敢死
之心遊擊潘之善駐防哈密策妄阿喇布坦二千兵來侵潘之善
率所屬兵二百卽行擊敗臨陣時一手持刀一手持弓笑曰是我

等報效皇上之日也哈密回子及被獲厄魯特等無不言潘之善漢人而有勇如此爲之極口稱贊朕甚嘉之五十八年遷湖廣洞庭副將畱原任五十九年復擊準噶爾於烏魯木齊有功 諭部優敘六十年調福建延平副將仍畱原任雍正元年青海台吉羅卜藏丹津叛侵布隆吉爾參將孫繼宗遊擊孫超節迎擊遇賊三千餘與戰之善引兵繼之并力夾擊斬獲無算川陝總督年羹堯以 聞 優詔嘉獎四年正月擢四川川北鎮總兵入 覲 命叩謁 景陵 賜賚甚厚三月調陝西西安鎮總兵尋 命署四川提督六月奏言臣准督臣岳鍾琪調漢土官兵駐冕山備勦撫金格等蠻臣會商撫臣法敏給兵丁秋季餉銀自製行裝又借支

冬季錢糧贍家惟土兵未食名糧臣商之撫臣所給口糧外再加賞資以鼓其氣臣隨於川省鎮協各營存公銀內動用已將紬緞布匹煙茶等物賞給頭目其土兵到建昌及凱旋賞資臣同撫臣料理隨差解往賞給庶土兵各戴 隆恩踴躍從事至金格等蠻本係小醜大兵一到自應傾心歸化但臣謂建昌處萬山中賊蠻種類不一若不預備兵馬恐一時調遣不及隨檄行各處再派漢兵一千土兵一千備調遣奏入得 旨凡事甯可備而不用所慮甚當向來但知爾勇未料爾有此才情也十月抵西安鎮總兵任十一月奏言口外地方遼闊關隘最多若不預設卡路保無賊人窺伺查沙州西路八百餘里有地名伊遜察罕齊老圖東南四百

蘇里並有察罕烏蘇諾爾爲賊人來路最爲險要臣飭沙州駐防
遊擊派把總一員帶兵六十名赴伊遜察罕齊老圖另派本標兵
五十名赴察罕烏蘇諾爾分路偵禦又阿魯巴魯固及色爾騰二
處應安住牧熟夷三百戶西哨伊遜察罕齊老圖南哨麻鞋戈壁
口察罕烏蘇諾爾及烏喇大坂二處應安住牧熟夷三百戶西南
哨阿羅衣南哨鹽池戈壁口東哨烏喇大坂口外熟夷哨探於外
官兵應接於內少有聲息遞相傳報一舉可擒 諭曰爾原係朕
極賞鑒之人今果不謬所奏可嘉之至五年四月奏言西安兵餉
按季赴蘭關頭往返數月倉猝調遣未免遲誤請每年 敕撥預
貯肅州道庫庶緩急有濟得 旨允行五月奉 旨督修西安城

及沙州五堡九月奏沙州原議安置民二千四百戶路遠到遲有
誤春耕正月聞臣商請督臣岳鍾琪將舊屯熟地令臣標兵盡行
播種俟民戶到日交給但舊屯熟地萬四千餘畝祇種籽粒千四
百餘石不足二千四百戶民食臣令再開生地萬五千餘畝共種
籽粒三千石又屯田牛騾祇三百餘不敷應用撥營馬六百供耕
作閏三月及四月陸續到沙州者七百三十戶無可居處卽將兵
房撥給不敷令搆帳房聊蔽風雨越令伐木修屋六月又到五百
餘十四戶值暑多病所攜牲畜損傷不能赴沙撥給西安兵房暫
住其續到之一百四十九戶以兵房少畱住柳溝時屆西成督臣
檄令分給民戶自收奈已到沙州者急於造屋暫住西安柳溝者

爲家所累又病不能往臣復令兵代爲收穫十一月奏言沙州收
麥萬四千三百餘石見到千四百二十三戶足敷明歲食用未到
九百七十七戶若於明春二月起發到沙恐不能及時耕種臣詳
明督臣請將未到戶於來年交秋起程八月到沙牲畜可免道斃
亦省半年餘口糧又不妨造屋之工奏入 諭曰諸凡料理甚屬
妥協實心任事朕深嘉之凡百咸能似此據實不隱封疆大臣中
更屬難得勉之七年二月以目疾乞休 諭曰潘之善老成歷練
人品端方效力行閒多著勤勞實難得之將官奚忍聽其力疾辦
事著將伊總兵員缺委員署理再遣太醫一員馳驛診視若伊欲
在西安或回本籍調養聽其自便并賞銀一千兩以佐路費調攝

之用五月之善目疾愈疏請隨征效力 上不允八月 命署固
原提督 諭曰此任乃汝叔祖潘育龍之所整理爲天下第一營
伍其流風餘韻至今猶屬可觀若不能企及何顏以對朕耶但汝
叔祖之操守斷不可做效一二必棄其所短取其所長則汝可謂
一全才勝汝叔祖之人物矣八年九月入 覲目疾復作 遣太
醫隨往任所醫治尋 命解任調理十一年五月卒 賜祭葬如
例

右 國史館本傳

監理

監理福建漳浦人康熙十三年耿精忠反康親王傑書爲奉命將軍統師征之理於浙江迎降爲鄉導破僞都統曾養性於溫州十五年隨師入閩授建甯遊擊十七年都統賚塔等敗海賊於蜈蚣出復長泰縣理在事有功十八年遷灌口營參將十九年賊將何祐領象屯烏嶼理隨昭武將軍提督楊捷分三路夾擊大敗之總督姚啟聖令理分兵守高浦辭不赴又以虛兵冒餉事爲啟聖所劾奉旨革職下部議罪擬杖徒理自請勦海賊贖罪上允之發臺灣效力二十一年提督施琅奏署右營遊擊委管舟師部議以前經獲罪不准所請特旨允行時琅統師進勦賊將劉國軒

分眾拒守澎湖理備遊擊曾成等首先衝擊燬沈其舟爲飛礮所傷裹創力戰自辰至午殺賊殆盡遂克澎湖臺灣平功加左都督以參將先用尋丁憂二十六年服闋引見上諭兵部藍理效力行間著有勞績升授副將補神木營副將旋擢宣化鎮總兵掛鎮朔將軍印二十九年調浙江定海鎮三十二年以保奏閩省功加人員蔡明等不合部議降二級以功二次抵銷四十二年調天津鎮賜孔雀翎及冠服並御書所向無敵額四十三年以舊傷疾作請解任上曰藍理勇於軍旅勤勞懋著自簡任總兵整飭營伍和輯兵民覽奏雖舊疾屢作醫治即可全愈著照舊供職不必求罷並賜御醫診視四十五年三月偕直隸巡撫趙宏燮

請於直隸所屬荒窪田地開墾水田 上命理先於天津試墾冬
後奏聞嗣內務府總管黑碩子等奉 旨往勘以理所開墾稻田
計百五十頃入奏報 問六月擢福建陸路提督 御書畫錦萱
榮額 賜其母蘇氏四十六年 上南巡理迎 駕於揚州 賜
御書勇壯簡易額並衣一襲四十七年丁母憂奉 旨在任守制
五十年二月盜首陳五顯等糾眾二千擾泉州永春德化等縣界
六月理始以五顯潛匿山谷附近賊巢村落安集如故入奏奉
旨督撫提鎮平時不能卹民訓兵及事出又不能相機剿撫縱容
盜賊騷擾地方又不卽行奏聞轉稱百姓照常安集凡盜夥至二
四十人百姓尙且畏避況數千人爲盜豈得謂百姓安居舊業乎

此係掩飾已過巧行誑奏甚明著該部嚴察議奏尋議革職治罪
得旨藍理前曾奏稱福建地方有臣與水師提督吳英料理可
保甯謐儻猶有盜賊臣無面目再覲天顏今盜賊竊發不能卽行
勦撫迄今尙未盡獲且藍理居官不端殊爲溺職著革職從寬免
交刑部先是福建總督梁鼎面奏理貪劣剋扣兵丁錢糧貽害地
方上念其人材壯健未治罪至是福建巡撫覺羅滿保會同浙
閩總督范時崇劾理貪婪酷虐流毒士民狀上命兵部侍郎覺
羅和托等往審尋奏理霸市抽稅婪贓累萬流毒已極應斬立決
得旨藍理應依議處斬但在臺灣澎湖對敵時奮勇向前曾著
勞績著從寬免死調取來京入旗五十四年大軍分三路剿策妄

阿喇布坦理籲請赴軍前效力 上以其驍勇熟練軍機 賜總
兵銜隨都統穆爾賽協理北路軍務五十七年以病回京五十八
年卒 上追念理功 特旨免所追銀遣其妻子回原籍

右 國史館本傳

公諱理字義甫號義山漳浦人藍氏於南宋自青州遷閩族二萬
人多將材公幼膂力過人讀書一過不忘弱冠能詩文而不得志
於有司是時鄭氏負嶠臺灣靖南王跋扈之形已露公知閩難正
未已乃改習韜略康熙十三年十月耿精忠反康親王統大師臨
閩公時年二十八杖策閒道謁軍門陳平賊機宜王署爲前鋒破
仙霞關屢戰有功十五年提督段公某薦授松溪遊擊時海寇猖

獬公勦撫有方百姓安堵擢灌口參將一如在松溪時鄉人父老
爲立生祠上官過使誅求不遂誣以虛冒兵糧罷職二十二年靖
海將軍施公琅征臺灣奏公嫻方略且習海道檄署水師提標石
營遊擊六月領前鋒駕哨船發銅山賊哨屯花嶼苗嶼公出不意
自以輕舟薄之子母礮連環遞擊沈其數舟賊退守澎湖公卽安
撫島民越一日始進兵賊將魯遂沈誠率眾五萬來迎公指揮將
士出入賊舟殺傷無算用火攻沈其舟十餘賊已敗散而南潮適
至舟爲潮所涌迫近賊城賊復合以子鉤我舟不得行火罐火箭
彼此互攻賊有飛天鼠酋銜刀緣檣而上手捫我舟帆索一躍而
下公弟瑤應手斬之公手殺八十餘人身被十餘創正酣戰時忽

飛礮摩公腹腸出暈絕瑤從後抱持公裹創少頃卽甦復帶創奮
臂大呼曾遂名直搗中堅賊稍卻大軍繼至前後夾擊殺沈誠等
大小頭目七十餘其眾死者二千餘人旋取虎井桶及盤嶼翌日
官軍分道而進與靖海將軍直趨娘媽宮賊迎戰自辰至酉焚沈
賊舟無算又以計攻其礮船烏船共二十一艘舟中貯火藥皆自
爛殺僞將軍曾遂等四十七人僞監督以下三百餘人無名者萬
二千人海水爲沸賊從吼門遁去降僞將軍楊德等一百六十五
人及其眾五千遂克澎湖公請將軍駐師三日察夷傷檢兵器然
後揚帆抵鹿耳門時提督吳公某爲賊所困公率親丁衝陣自午
至酉不解遂飛盾躍過僞中軍舟連斬巨魁十餘及正副水手六

人復躍而還賊氣奪又鑿沈其巨艦二圍遂解乃引軍入港屯安
平蓋澎湖鹿耳門重險也二險失而賊無藩籬之固矣七月十五
日鄭克塽遣僞官馮錫圭曾蜚朱紹熙詣軍門納款臺灣平靖海
將軍以公裏創血戰首功上廷議藍某革職參將依有名外委官
例加十九等拔左都督記餘功二次有旨藍某首宜先用公以
二親年高乞終養明年丁外艱二十七年起復於趙北口召見
行在問澎湖血戰之狀聖祖仁皇帝令解衣驗礮痕吏部以公
原革職案僅授神木副將特旨賜白金三百兩掛鎮朔將軍印
未至擢宣化鎮總兵三十一年調浙江定海鎮定海者舊之舟山
也負山帶海時新立縣治屯重兵公通商惠民地闢貨聚居然一

都會矣嘗四攝甯波提督事在浙東凡十年調天津鎮召募丁夫
開稻田數千畝歲獲萬餘石充軍需營田奏上之 聖祖不許
賜名藍田著爲世業擢福建陸路提督至則濬漳州城壕除奸鋤
惡舉賢任能令行禁止而勢豪巨室多不便賂兩院吏胥萬金造
飛語中傷公而封疆大吏因舊嫌轉以捕盜不力上奏吏議欲付
刑部治罪 聖祖僅與罷職而已俄飛語上 聞令對簿當是時
文致羅織公不能辨亦不欲辨幾蹈不測而 聖明終念澎湖之
功又從寬典編入旗籍五十四年大軍征澤旺將軍富甯安出西
路大喪軍實公率子國英國庭國柱自備資斧從將軍眞穆
賽出東路駐二十五臺當師之初出也 上諭穆賽藍某諳練行

聞汝宜親信大有裨益至是 上又云藍某用兵合機宜久已知之今駐二十五臺正合朕意五十八年以疾徵還未至卒於天津藍田莊 聖祖命公妻子以喪歸漳浦除其旗籍有公案未完者一切免議猶以澎湖血戰功也嘗論自古名將多不善終而公又駸駸不合於眾 聖祖嘗云藍某率真又嘗 賜御書勇壯簡易四字公之生平盡之矣公固以澎湖之戰知名而開營田以作軍食有營平武鄉之風雖遭物議蒙 聖明照察始終矜全亦互古所未有當四十二年扈從 行在 賜所射鹿令弟荆門總兵瑤馳歸祭祖 敕建生祠其提督福建也 特恩封贈三代皆榮祿大夫一品功加左都督會祖妣以下皆一品夫人並屬異數其他

宸翰累褒 賚予優渥列行於狀者未暇悉數焉百二久耳公名
不得其實適文孫田璧相遇任城出公狀以家傳爲屬乃依狀敘
次其略云

右家傳盛百二撰

公諱理字義甫號義山福建漳浦人少桀驁自大不屑與羣兒偶
長益卓犖偉軀幹虎頭燕頤巨目豐頤口可容拳力舉八百鈞足
追奔馬曳其尾倒行刀盾槍礮靡不精絕時拊腹跳叫曰丈夫不
封侯拜將非人也年十六無以資生或勸之業染笑曰君子固窮
吾姑試爲之設缸置甃收里布躬染濯一日遇族叔贊皇於道見
手青問何爲以實告贊皇怒舉扇撲其額罵曰天生一具銅筋鐵

助不立功萬里外作此不肖可鄙公矍然歸持斧擊斃缸破之集族中雄健者十五人謀曰我欲爲國家出力願世莫我知無尺寸憑藉今海寇盧質擁眾岱嵩井尾閒荼毒生靈我與若往殺之官以我爲能必聞於朝用我矣皆曰善遂行出洋尾橋招邀得五十人至岱嵩屯駐盧質居井尾隔一江遣二小賊遊巡公傳言吾欲與質鬪令質來質聞率眾三百至公城然大笑曰人言盧質英雄僞耳質曰若何名公曰豈不聞藍理質曰乳臭耳吾安得聞之公曰吾素聞若勇今始知若非勇若所恃二三百人耳假令二三百人弗動手獨若隻身與吾鬪吾擒若矣質喜曰有是哉令軍皆壁立毋擅動質與公各攜籐牌短刀躍出沙場鬪百合不分勝負

盧質有名劇賊身長七尺餘白面長鬚揮刀盾如閃電百夫莫能當其勇見公少年心易之至是始知爲勁敵悉殫其技不能勝公度質氣餒忽虎吼大呼曰著矣質愕然趾出盾外公截其趾顛遂斬之謂其眾曰降者免賊眾皆降其副王都聞之亦降公議馳詣郡獻功都請緩數日言有仇欲報實潛出剽掠後以傷卒公始自詣郡郡中當事方疑公作賊又慮海寇侵擾戒嚴公指天誓日言屠賊狀弗信逮公於獄雜羣賊中鞠治之爰書置極刑屆期將斬計五十有三人議畱一人緩死待後來者令掣簽公曰死則死耳何掣爲羣賊向前競掣之遺一簽於地公曰地上者予我官揭視之乃生字由是五十二人皆斬而公獨畱久之同繫有謀越獄者

事洩當斬將及公迅雷忽作晝昏似夜當事度其冤乃止然終不能出獄公亦晏然無出意日束芻細屨以爲食康熙甲寅靖藩耿精忠叛悉縱繫者令更衣赴藩下授職公曰我豈從賊作亂之人哉閒道走上游出仙霞關聞親王統大師討逆星馳迎之具陳平閩策王嘉其忠令隨征爲前導屢立戰功奏授松溪營遊擊未幾遷灌口營參將灌口地當孔道軍興旁午供億甚繁閩督姚公啟聖駐漳籌海每使過有誅求公不應且執而鞭之由是諸使皆譖公姚糾公虛兵冒餉革職永不敘用公有卒鬪殺人當死公憐其母寡無昆弟白之官曰殺人者我也卒無罪得免死置公於理公在獄又經年始獲釋歲癸亥 朝廷以鄭氏父子竊踞澎臺數侵

擾泉漳爲邊患議大興師 命靖海將軍施公琅往剿滅之施名
宿老將善用兵聞公英勇奏請隨師平賊檄署提標右營遊擊領
前隊先鋒公喜得遂報 國志日在廈門練習水戰教演行陣有
二卒入市薪蔬遇將軍標噶叭什觀劇使酒擒二卒撻之並詆公
革職之員不可爲將卒歸愬公笑曰汝曹鬪毆常事且問汝勝耶
負耶卒曰受撻耳何敢爭勝負公怒命斬之曰汝二噶叭什不能
勝何能殺賊卒呼冤曰我等以主帥內標姑讓之請復與鬪如不
勝願斬公縱之再鬪曰勝矣大勝矣喜命二卒仆門板上刺一鷄
淋之昇以隨往見將軍請發噶叭什二人者付懲治施公不可公
固請曰今行軍用人之始士卒不敢愛軀命爲將軍出死力將軍

宜一體撫恤之惟公惟溥可服人心嗚叭什小輩恃將軍親暱無故鞭撻士卒且當眾大言謂某革職之員不堪爲將損先鋒威重搖惑眾心將軍不發此二人付某懲治恐軍士人人解體也施公不得已付之公馳至營遣卒齎公文飛報將軍曰今日上吉先鋒啟行殺賊卽詣海岸祭江縹噶叭什二人斬之轟然大礮九聲順風揚帆而去施公聞之不悅旣而曰虎將也必成功命治裝統諸軍繼之公帥師直抵澎湖鄭氏將會遂等以數萬眾迎敵戰艦蔽江公奮勇與戰自辰至午益力忽有賊礮斜飛過公腹公偃會遂呼曰藍理死矣公次弟瑤從背後扶公起立公空拳虎吼大呼曰藍理在會遂死矣喚草茵持刀來連呼殺賊者三聲如巨雷舟中

軍士皆氣壯無不一當百草茵族子法別號也持刀授公見公腹已破腸流出外爲掬而納諸腹中公四弟瑗傳以衣五弟珠持匹練連公腹背交裹之公大呼殺賊不暇顧伊時賊舟競進以鐵鉤鉤住公舟我師亦飛鉤賊舟火箭火龍火罐彼此對擲煙燄漫天賊中有飛天鼠者沿大桅而上伏篷陰銜刀捫繩負篷而立羣賊轉篷向外則持刀飛跳下我舟公弟瑤揮刀斬之賊人氣喪我軍賈勇先登公命以火藥桶盡傾賊舟燔斃賊無數沈其二艘賊大敗逐北數十里棄械浮屍盈海面遣弁赴將軍報捷施公大喜拜疏上公首功親至公舟慰勞有紅夷醫藥極神效命醫公醫言須七日勿動氣乃可平復施公曰大功已成安臥十日可也其後

施公將戰戒左右勿使公知將帥齊出千艘競奮賊悉銳拒我師日中小卻施公以大眾犁之過猛艦攔淺沙不能動羣賊環焉施公固善戰神閒氣定不以遇淺故挫衄賊見篷上書中軍二字弗知其爲施公遙望總兵吳公英一船高牙黃纛甲帳甚盛以爲此眞將軍多趨赴敵然潮漸退淺益甚施亦未得突圍出謀者飛報公左右偶語曰將奈何公聞問故紿曰無之公拔劍起大驚乃言將軍遇淺被圍狀公傳令往救左右弗能止遂行時諸將所乘舟皆書官爵姓名篷上字大二尺許遠難辨獨公舟止書藍理二字字方廣各二丈賊遙望見相謂曰藍理來矣稍卻公追擊大敗之奪賊舟請施公更舟施執手慰勞曰愛我也但醫言七日勿動氣

是以戒左右無令公知今方三日奈何遽動公笑曰主帥被圍吾
安忍偷生卽瘡裂以死亦有天定無悔也於是與施公乘勝殺賊
賊大敗死傷不計窮追至西嶼頭賊退守城壘不敢出施復拜疏
上公功數日公瘡平復與施謀出輕師以擾之賊數敗首尾不能
相顧大困弗支鄭克塽聞之懼遣使納降我師入臺灣百姓安堵
海疆底定 朝旨以公血戰破敵功在首先遇缺先用而公以二
親且老乞歸省弗赴未幾丁父艱服闋又越二載戊辰始入都過
趙北口遇 聖駕出水圍將迴避騎凝立道中弗肯行鞭之數十
不動乃舍騎步入蔬園中 駕至遣侍衛問誰騎公乃出曰臣藍
理從福建來者 上問是征澎湖拖腸血戰之監理否公奏曰是

上曰來何遲也召至前問血戰狀解衣視之以御手撫摩傷處
嗟歎良久復召至行宮極慰勞廷議授官部臣以公革職閒
員擬守備弗可擬遊擊參將俱弗可乃擬授陝西神木副將賜
帑金三百兩未行特授宣化府總兵官挂鎮朔將軍印越三載
以海洋多盜調補浙江定海鎮在浙十餘年四署理提督事兵民
相愛山海肅清修定海文廟祀忠烈墾荒蕪築道頭通洋舶海外
蒼黎欣欣大有起色焉尤重斯文禮賢士諸生單寒者必周恤培
植之鄉會大比皆資行李之費浙人士籍籍弗衰每遇上南巡
接駕或入京陛見恩眷之隆羣臣無比上嘗向諸王大臣
言公拖腸血戰狀又引見皇太后曰此破虜總兵也蓋愛公如

家人父子 賜賚優渥不可悉數公每敷奏侃侃指畫或手舞足蹈 上嘉其真率 手書所向無前及勇壯簡易扁額賜之尋以天津爲京東重地調公鎮守公以畿輔產米無多而天津一望平原皆沃衍閒曠可清河引水開灌稻田率兵疏鑿躬胼胝負土築堤市牛種農具募民耕種得水田數百頃歲收稻穀 上俱以賜公丙戌遷福建陸路提督調公五弟獨石路參將珠赴天津接管營田事公至閩見桑梓父老歛歔太息道及微時顛沛事慨然有廣廈千萬閒盡庇寒士之意地方鼠竊盜賊搜除廓清盡撤街巷柵欄曰此非弭盜乃弭捕盜者漏下三鼓城門洞開民間夜戶不閉行旅戴星往來遺貨物於道無敢拾取數郡人民安樂之時謝

疾苦聞文武胥役弄權舞弊以及勢豪大惡訟師土棍朘削人民
悉關白當事按法區處親近者竟自治之堪輿家言漳郡人文鬱
塞乃後山仙殿壓學宮地脈東南田裏港未築水門直瀉所致公
毀仙殿大興工役填築田裏港又以江東橋被賊斷後險渡狂瀾
民苦病涉倡修江東大石橋二役費須鉅萬公偕諸文武官紳捐
貲不足則以郡人之不孝不弟爲富不仁者罰出錢附益之又狹
小市廛制度築漳州埔頭石碼泉州新橋安海沙溪塗嶺行鋪于
百間大開街衢便民貿易嘗曰以地方不義之財爲地方萬民之
利可以勸孝弟抑豪強轉移風化莫善於此或曰此有司事非所
宜公怒曰天下官管天下百姓腐儒何足以知之由是告訐不法

事者日接踵差弁句攝駱驛於道而假威藉叢之輩紛紛四出富人重足而立矣公左右親暱多陰交泉郡土宄偵訪素封詭稱公令恐嚇之獲利無算或遇豪黠不聽從則以抗拒爲大辱又不敢明目向公言伺公遊行處隔牕偶語故作嗟嘆不平聲公聞問故則故匿不言再問尙吞吐其說似絕不經意者公性急不能休乃言某某爲富不仁極害人不堪之處或暴橫孤寡諸非人類所爲事公曰豈有此理世閒無官法耶復極言勢力浩大官吏莫敢撻公曰治之則後此諸事皆公所爲其人不能支必請託左右納賂求解凡出入公門者皆致富而惡名盡公受之泉郡勢豪妬公者刻匿名帖繪一虎以比公多列條款傳播京師聲名大壞辛卯秋

以漳平陳五顯盜案解任壬辰入都值覺羅滿公保出撫閩據虎帖參劾 上命侍郎覺公和托廖公騰燧偕總督范公時崇巡撫滿公保並按之左右不肯承公曰吾大臣何必辨舉筆署曰皆實擬極刑追贖八萬家產皆籍入官 上念公功免死挈家歸旗俄以西藏用兵 命之軍前效力有進戰退守移營就糧數事合機宜 上深嘉之赦免所追贖而閩中家產俱經有司變鬻一空無復有立錐地矣越數載以老得 賜還京康熙五十八年卒年七十二公生平躁急性發如雷霆過卽忘之無藏怒宿怨劇談大笑聲聞里許惟好自尊大不服人尤善罵凡權勢赫赫位在其上者多倨侮挫之以示天下莫己若遇才人傑士雖寒賤徹骨亦必折

節禮下以此人服其藻鑑教家勤儉衣食粗糲無所擇家奴悉珍
羞自奉草蔬敗肉皆畱以待公公亦甘之好書大字濡毫伸紙有
求無不應者諸弟皆以平臺功加左都督最著者次諱瑤公功烈
居多未仕卒四諱瑗公仕至福建金門總兵官亦喜書大字拳能
入口揚盾一躍三四丈五諱珠公累官參將英勇不讓諸兄而好
學聰敏能背誦朱子綱目始終不遺一字文人畏之公有子六人
長國英歲貢生次文魁太學生早卒三國庭辛卯科副榜貢生以
軍功候選郡司馬四國定歲貢生五國柱六國桂皆效力禁門並
授京營千夫長康熙六十一年壬寅秋 賜公家屬出旗仍還閩
省爲民籍護其喪歸葬

論曰公一代虎將也起草茅建奇勳生平舉動種種異人可不謂非常之傑乎使公稍謙慎自持或官非棧里急流勇退千載猶將慨慕之以好大喜功卒爲左右所蒙垢晚節弗完深可惜也然公之奇氣終不可沒拖腸血戰功在社稷未可以儒者潔清之操墮國家干城之彥庶幾乎論得其平哉

右家傳藍鼎元撰

按篇中公弟瑤未仕瑗仕至金門總兵盛先生撰傳荆門總兵瑤疑謗

天津城南五里有水田二百餘頃號曰藍田因田爲康熙間總兵藍理所開濬也河渠圩岸周數十里藍嘗召閩浙農人督課其閒土人稱爲小江南

右紀聞陳康祺撰

穆廷杖

穆廷杖直隸臨榆人康熙六年武進士十四年授直隸蔚州路守備二十一年遷四川提標遊擊二十四年疊溪大定保山後生番阻截哨道恃列角雙馬廟山卓沙白卜等寨爲羽翼盤踞巴豬寨肆掠總兵高鼎遣廷杖擊李鎮鼎等先攻列角寨渡河進擊逆番退走山寨廷杖督眾追殺縱火焚礮三十八直抵寨下三面攻擊復燬礮九十餘殲其眾雙馬廟山等寨悉降官軍遂分三路進剿巴豬寨廷杖由廟山攻中路大破之圍其寨燬礮百餘逆首挖子焚死餘孽冒火逃匿廷杖追殲之山溝復窮追於黑水江搜獲僞印劄生擒逆黨三加普等三十年九月駐威川防守西番十月牛

羅寨逆番入保山界肆掠廷杖擊擒寨首白止泰十二月 詔各
督撫提鎮保舉武職四川巡撫噶爾圖提督吳英陝西固原提督
何溥交章薦引 見稱旨三十六年遷威茂營參將四十年轉永
甯協副將明年擢蘇松水師總兵四十四年 上南巡廷杖赴山
東迎 鑾 賜御書精肄堂額 皇輿表古文淵鑑等書四十六
年 南巡 召見 御書勤訓練額賜之五十一年 賜平定期
漠方略五十二年五月以廣東米貴 命廷杖總管水師營戰船
運江南倉米十萬石至廣東賑濟尋分五萬運福建備賑五十三
年擢江南提督十二月 陛見 賜戴孔雀翎五十四年二月調
福建陸路提督 賜御書八閩邦屏額六十年臺灣奸民朱一貴

等逞亂廷杖赴廈門駐守九月卒遺疏言自調任福建無力挈眷
暫留家江南居住今懇 恩准臣家口仍居江南得 旨穆廷杖
效力年久勞績茂著簡任提督整飭營伍和輯兵民廉潔自持實
心盡職正資料理忽聞溘逝朕心深爲憫惻著加贈左都督其家
口著照所請行 賜祭葬如例諡清恪

右 國史館本傳

--	--	--	--	--	--	--	--	--	--

婁德納

聖祖既廢理邸揆敘王鴻緒輩恐其復立招禍因造諸蜚語以聞仁皇帝怒欲置王於重典眾莫敢諫領侍衛內大臣婁公德納仁皇帝近侍也年已耄善解人主意時上自暢春園還宮欲明頒詔旨公先日燕見日間護軍統領某得暴疾肉盡消瘦已骨立矣某公素以體胖著者次早上入宮某統領佩刀侍神武門豐偉如故上詰公公笑曰可知人言未可信也體之豐瘠乃見於外者尙譌傳至此何況暗昧事哉上首肯其言立罷其詔云

右錄宗室昭輝撰

中華民國二十六年七月二十一日

一頁

--	--	--	--	--	--	--	--	--

張國棟

張國棟甘肅甯朔人初名谷貞由行伍於康熙十九年隨勇略將軍趙良棟征四川雲南有功加遊擊銜三十五年大兵征噶爾丹詔良棟率甯夏火器兵二百巡塞外谷貞自備鞍馬隨良棟效力三十五年授直隸薊州城守營都司三十八年遷紫荊關參將四十一年遷真定副將四十二年擢湖廣襄陽總兵時鎮筓紅苗剽掠上遣吏部尙書席爾達同副都統圖如海等率荊州及廣西貴州湖南兵會剿谷貞疏請效力 諭令帶本標兵五百名往次年正月大兵抵鎮筓苗已歸服谷貞駐乾州彈壓兩月歸四十六年調鎮筓總兵疏言紅苗黠悍叵測爲患邊疆畏威而不知懷德

且恃界連黔蜀籌密山深防禦固難搜捕非易嗣後蠢苗斂跡不擾臣何敢違 皇上好生之仁擅加兵威若仍蹈故轍請會同文員道應請臣飭土百戶長查察係何寨兇苗撥官兵壓臨勒獻僅拒捕狂逞卽督兵勦擊下所司令督撫提會議尋總督郭世隆巡撫趙申喬提督俞益謨議如谷貞奏得 旨俞允四十八年入覲 賜孔雀翎並鞍馬五十年十月疏報毛都塘苗蠢頑不馴臣欲督兵搜勦苗人吳天星等聞聲震恐輸忱向化下部知之十一月擢雲南提督五十一年以不嚴擊卦匪陳四等議革職 特旨寬免降一級畱任十一月 賜平定朔漠方略一部五十四年 賜周易折中一部五十七年軍政自陳乞休得 旨張谷貞人才

壯健效力年久簡用提督整飭營伍聲名素優著照舊供職五十九年大兵征西藏九月谷貞領本標兵二百名於麗江中甸適中地駐劄聲援十一月回任雍正元年奏改今名尋授都督同知管提督事八月卒奉 旨張國棟久鎮巖疆勞績茂著和輯兵民聲名甚優忽聞溘逝朕心深爲憫惻應得卹典著察例具奏初國棟遺疏言雲南地處極邊副參遊守員缺舊例在外題補康熙十一年新例必銜缺相當者保題不得其人聽候部推夫部推人員省分遠近不同到任遲速未定所選果能彼省勢必題留若聽其來者恐非才幹又初到不諳邊情留之無益營伍劾之又無大過且武員挈家萬里乃歷任未久又復遷移若非素豐而欲其廉潔自

持恐難必得查雲南無都司缺從前保題者俱以守備補遊擊越缺已經二等而上之參將副將更無一銜缺相當之員一省中雖有熟練邊情才能出眾者格於新例惟候部推舍已效之人才待未來之將弁營伍如何整理請嗣後仍照舊例許督撫提臣遴選越補九月部議從之予祭葬如例加贈右都督諡勤果

右 國史館本傳

張谷貞改名國樑甘肅甯夏人康熙四十七年任鎮筵鎮總兵值逆苗不靖谷貞攻破十餘寨苗憚之皆奉法鎮初無學宮巡道議勸建谷貞亦捐俸助遂得舉行

右傳李元度撰

費俊

聖祖深仁厚澤積六十一年當棄羣臣之日溥海內外罔不號擗
欲絕爪牙心膂之臣遠寄封疆攀髯無路有不勝貶瘁竟至毀滅
者則福甯大總戎費公其人是也公感先帝殊遇請得一泥首
梓宮前卽溘先犬馬無憾戴星而奔不自訾省及中道而疾作抵
京師遂劇不起上聞震悼贈加左都督賜四世一品予全祭
葬誠異數也孤孫我衡奉匱還某年月日克葬公於菁山之支寶
明山之原來乞碑銘按狀公諱俊字慧先號鵲峯宋端明殿學士
諱若者始居湖州歸安縣之射邨繼遷郡城南道場山曾祖考某
祖考某考永瀾均以公貴贈榮祿大夫昭勇將軍公少有大志

上世皆以文學名而公獨用武功顯既成進士出居庸並塞垣西至右衛歷覽山川阨塞道紫荊而歸每與賓從燕談洞如指掌窮日夕不厭也初授溫州鎮標中營遊擊繼調河標左營晉嚴州協鎮副將積功至福建福甯鎮總兵官溫州負山倚海賊王大順等出沒海上爲民害公設方略招之卒就撫餘黨解散比歲大稔米價踊貴溫人聳懼公請於督撫凡商人由海運赴閩者悉遮畱之民食遂裕河標駐營濟甯餉米敗惡不堪食兵以爲苦前事者遵例不敢同異公申請改給自買利貽至今兵貧有不能備衣甲者出錢資助之士氣爲之一新 聖祖閱視河工顧見所部嚴整垂問姓名遂蒙 知遇 涇州山水暴至漂沒廬舍沈溺者不可勝紀

公懸重賞募舟數十濟之凡活數千百人去嚴之日嚴人繪攀轅
圖以進爲樹碑於峴山之陽立石本郡稱僅事云福甯婦女有茶
會相約結羣聚遊戲迭爲主賓公力禁之懲其夫男俗爲衰止州
南隅長溪水自萬山中出迅疾湍悍舊有橋名太平歲久而圯公
爲重新之民不病涉臺灣事起公方病暑臥聞警力疾起治兵事
發卒詣廈門以資聲援親視海口諸汛颶風陡作舟幾覆者數矣
幸而獲濟遂得嘔疾公長身豐髯兼資文武書法文董爲詩操筆
立就相國李文貞公許其熟於聲病精於律切所著玉樹堂草廐
魯詩存可覆也奉命制府編輯兵書分閱操督戰陣法兵械爲四
卷立可施設人謂戚繼光俞大猷不能過也公生於順治丙申某

月日薨於雍正癸卯某月日年六十有八配顧夫人子男四人啟
昭歲貢生卽我衡之父也顧夫人出先公卒岱昭泗昭建昭皆側
室沈氏出公旣沒三孤尙幼我衡官戶部員外郎翼之以至於長
泗昭今成進士銘曰

弁峯靠鬼茗水清利蘊靈坤輿誕產國器馴以虎韜施此猿臂蔚
爲儒風專閫攸寄甫莅東甌化剛爲柔貔貙封狼負嶠魚然一矢
不遺卒抗其酋礪礪徙營釣臺弭節水無溺人士不艱食 帝嘉
乃庸喜見顏色建牙海疆化行其鄉菰簞菁廠流人俯張畏公嚴
重孰能不臧潢池弄兵勞我撻伐飽帆高張破浪爰發風伯肆饗
朋比海若震驚我師幾不得脫恃公福星重險斯拔自公之生際

時永清鷹揚橫海隱然長城暨公之死素車北指一弓墮號龍卷
殊駛秉馭不迷 帝心用淒封其高冢與菁山齊豐碑屹屹俾無
顛隳公後宜熾有孫繩武謂我知公揭銘於墓我銘不誣 國史
可補鑄公兵謀照耀千古

右神道碑銘杭世駿撰

國朝詩林卷之八十一

三

王文雄

王文雄順天大興人康熙二十二年由行伍隨提督施琅剿海賊
鄭克塽於臺灣僞侯劉國軒率賊二萬餘踞澎湖文雄隨遊擊藍
理由銅山進攻衝鋒奮擊連敗賊兵敘功加左都督銜二十九年
六月大軍征噶爾丹 詔綠旗候缺有職銜人員赴軍前效力文
雄隸火器營敗賊於烏蘭布通得 旨錄用部議以遊擊候補尋
授張家口遊擊三十五年 上親征噶爾丹文雄隨軍至拖諾山
九月遷張家口副將三十八年調江南督標中軍副將四十一年
軍政卓異四十二年二月擢登州總兵四十三年二月疏言臣母
未葬心不能安雖武職從無給假養親之例乞破格 俞允以遂烏

私 特旨給假四十日八月疏言東省沿海二千餘里自開海禁
以來商民舟楫往來姦宄不無覬覦登州坐臨大海控禦尤要向
來水師無船設額兵僅三百八十六名請增至一千二百於所屬
各官抽調定數酌撥鎮江松江狼山崇明等處趕繪船二十備用
改設遊擊一守備一千總四把總六操演水師防汛巡島商民均
有裨益下部議行四十六年五月 上南巡回鑾文雄扈從至臨
清 賜孔雀翎 御書輯和東土匾額並 賜之四十八年二月
擢貴州提督先是提督李芳述疏言黎平一協孤懸邊徼最易藏
奸距省窻遠呼應不及請以黎平府制歸湖南改協爲鎮部議令
二省督撫提督會議僉以地畝錢糧分省已久應仍舊制文雄言

黎平一隅界連粵西邊徼偏近九股生苗所轄西山一汛尤爲緊要應專設一營增守備一千總一把總二移兵三百名駐防彈壓仍歸黎平副將管轄又黎平至省必經湖南之天柱靖州往返四五十日若由所屬之湖耳司經天柱縣及瓦寨卽抵鎮遠祇十餘日宜安設塘汛以便往來文移與巡撫劉蔭樞會疏以聞下部議從之五十年八月疏言安籠鎮所轄之黃草壩接連滇粵偏近三江去普利州二百餘里必須大員駐守原係安籠鎮左營汛地以左營遊擊一千總一把總二兵三百名駐防庶足控扼要隘其右營遊擊之分汛新城者撤回鎮標操防又安籠一鎮深處萬山之中與滇屬之羅平廣南粵屬之西隆泗城接壤去石門坎二

十里卽鄰粵西煙瘴之地實爲貴州要區請照威甯大定等處事
例遇武職缺出遴人地相宜之員題補以收得人之效得 旨俞
允五十一年十月調廣東提督 諭曰王文雄任山東總兵時布
置有方調度得宜建造戰船大有裨益今調廣東提督人地尤相
宜也尋以流匪陳四等沿途搶奪經由貴州與巡撫劉蔭樞同議
降四級調用得 旨從寬畱任五十二年五月疏言廣州府番禺
縣之市橋人煙輻輳兼有附近之石碁等處奸民相濟爲匪漁船
而外私造花漁奶船一船可容四五十人出海截劫商民如此要
區旣無文員駐劄僅有千總一員兵三十四名不足資防守又歸
善縣屬之飯籬岡一汛濱臨大海密邇外洋土著之民無幾多聚

無藉之徒日有漁船四五百出入澳口雖有水汛把總一員兵六十六名遠駐稔山相隔數里未免鞭長莫及請撥虎門協都司千把總各一兵三百駐守市橋內外千總一員兵百名分防石碁互巡外海內河並移沙灣司巡檢同駐市橋以廣州協大龍汛把總及兵六十名移駐石碁以平山汛守備及兵百名移駐飯籬岡又移平海營稔山水汛把總及兵船駐海口以文官稽覈保甲漁船以武官盤詰海口奸匪水陸交嚴庶可戢奸弭盜下部議從之五十六年六月疏言海洋商船准帶軍器原爲禦賊之計但商船被劫從未聞與賊相拒所帶軍器不特不能禦賊翻以資賊請嗣後沿海各省商船出洋貿易不許攜帶槍礮等軍器其原有者盡

繳入官事下九卿覈議器械爲防賊之具不宜槩行禁止應照前
閩浙總督金世榮奏礮不得過二位槍不得過八桿腰刀片刀不
得過十五得 旨令閩省總督滿保等公同定議覆奏槍礮弓矢
皆非商船水手所素習徒借盜資應槩行禁止除官兵外無軍器
出洋儻有賊船一覽可知亦屬防海久遠計如文雄所請是年十
月疏言參將裴縉緝獲三盜於海陽縣官避處分妄行搶奪巡撫
法海疏言擒賊實係縣役營將奪賊捏功 詔總督楊琳覈奏仍
下部議以文雄平時不能禁戢盜賊又思脫罪粉飾陳奏應革職
得 旨王文雄屢著戰功著自備鞍馬赴進藏軍營效力時其子
廷梅官侍衛奉使軍營文雄因偕行尋以疾還京雍正元年卒年

六十有二乾隆八年祀山東名宦

右 國史館本傳

國史館本傳

新刊... 卷之四

三十一

--	--	--	--	--	--	--	--	--	--

王允吉

公諱允吉號滿江蜀安岳人也先世未有聞人至公始顯少從戎嘗爲某制軍齋摺日夜行六百里不倦制軍喜之拔督標把總未幾再拔千總會制軍觀兵校場傳令箭道首尾設矢的各一列綵架於中衢暗置鶉鴿瓦罐中懸其上命將卒初矢次槍次復矢軍中無當意者序至公公攬轡而上一矢破的馬縱不能止已越綵架數武公回身舉槍辨其罐鶉鴿羣飛一軍齊賀公倚槍復從容發矢矢畢以報制軍制軍曰真將材也旋擢瀘定橋守僭時蠻人爲亂抄劫商賈道路不行公申其狀於制軍遣提督唐某領兵勦之命公爲前鋒公初與蠻人戰失利唐將斬之同官守備李琳者

以其家十數口保公曰王某驍將也將軍令再戰不克琳願與俱
戮唐限三日破賊飭曰若失機持汝頭來當是時蠻人既勝橫據
大岡壘木石於上堅不可破公潛命熟蠻探其形勢回報曰大岡
三面險峻獨後面稍平悉深箐公曰吾知所以破賊矣於是揀營
中健卒五百人餉以牛酒令其醉飽約曰吾與公輩願生乎願死
乎眾曰何謂也公曰三日能破賊則生不能破賊則死眾曰惟公
是命於是括諸營羊數百頭以火縛角上夜半令老弱軍驅至大
岡下用巨礮飛擊鷲以鉦鼓示欲上狀蠻人醉驚不悟其誘也羣
譁曰官兵至矣盡木石下墜公潛與五百人閒行從深箐中攀藤
附葛而上排刃突擊火其巢蠻大亂爭竄不及凡斬首千餘級生

擒數百人報至唐驚曰遂能破大岡耶列戰功第一提督唐惡蠻人叛欲示以威設營郊外縛所擒蠻眾數十人跪列左右命公斬之公立刃數十人而色不變觀者咸欽其勇蠻平擢督標遊擊再遷參將數年升秩洞庭副將又數年升秩川北鎮總兵會西藏之變制軍年請命岳公鍾琪將兵公副之藏中素聞公名曰是昔年能取大岡者公至藏營伍整肅刁斗森嚴一夜賊窺營營驚公下令靜鎮毋譟賊旋遁因問司夜爲誰或以公子某應公命斬之於是營中諸將卒齊赴轅門請免公曰軍令如山不可移若徇吾子何以服眾遂斬之軍中股慄無敢犯者是役也制軍區畫得宜自成都去西藏近萬里不勞一軍不煩一卒而糧餉充足故公輩

得從容破敵二年西藏平 上召見授鑾儀衛正使而公年亦已邁矣未幾以老辭歸 上不拂其意深慰勞之賞賜逾常家居數年卒卒之日年七十餘歲

贊曰公與余家爲世戚余未獲親炙公余弟磬泉爲余言狀貌雄偉絕人舉止嚴肅不可犯一飯斗米一飲百杯談往事聲壑不倦蓋古名將未有過者嗚呼西藏之平公有奇勳爲當事者所忌反見黜李廣不侯可勝慨歎

右傳彭端淑撰

董象台

董象台漢軍鑲黃旗人雍正三年任鎮草鎮總兵講武之暇兼修文事率遊守立義學訓營籍子弟民間有來學者咸獎誘之居一年以升任去

右傳李元度撰

楊長春 弟長泰

楊長春漢軍鑲黃旗人父廷楡任杭州駐防協領以從征逆藩耿精忠於台州陣亡長春廕八品監生康熙二十五年授佐領三十五年由中路隨征噶爾丹管礮有軍功三十八年都統公鄂倫岱奏薦長春 上親揀選以直隸遊擊補用四十一年授京口參領四十四年 駕南巡長春以沙船備操 上追念其父陣亡 賜壯節流芳額四十九年鎮海將軍馬三奇奉 旨緝海賊鄭盡心黨與令長春帥兵船出洋搜捕長春由吳松出口歷內外洋及江南浙江接壤之盡山花鳥等處抵浙省定海於衢山舟山閒獲賊船三賊五十餘三奇以長春於陸路水性皆諳練奏請授中軍副

將 上允所請五十一年三奇保題長春引 見 親詢出海緝
賊情形得 旨嘉獎五十七年調鄖陽城守湖廣營副將五十九
年遷江西南瑞鎮總兵雍正元年 賜孔雀翎二年擢浙江提督
隆見 賜秉心誠悃額並冠服 命長春於浙省道府以下官舉
所知者一員長春奏言臣到浙未久整飭營伍文員內才幹廉潔
者未盡所知不敢冒昧陳奏得 旨所奏合宜應如是時長春弟
長泰任肅州總兵以長春授浙江提督具疏謝 上諭之曰汝兄
楊長春德勝於才和平忠厚謹慎有餘所嫌者稍覺偏於善柔雖
然武臣中可謂一好提督四年長春卒 賜祭葬如例諡勤恪長
泰由營總於康熙二十九年從裕親王福全征噶爾丹三十二年

授佐領三十六年由中路隨征噶爾丹四十年授參領五十年擢
西安左翼副都統五十四年策妄阿拉布坦擾哈密長泰隨將軍
富甯安駐防巴里坤五十六年襲擊策妄阿拉布坦賊眾於烏魯
木齊多俘獲還仍駐巴里坤下部議敘五十七年遷肅州總兵雍
正三年富甯安以策妄阿拉布坦已歸順奏撤巴里坤等處兵長
泰率吐魯番撤回官兵赴肅州汛鎮守六年授杭州副都統十年
五月以老解任尋卒

右 國史館本傳

RECEIVED
MAY 10 1967
U.S. DEPARTMENT OF JUSTICE

• 110 •

晏嗣漢

晏嗣漢字浚雲湖南新化人幼隨父景瑞徙貴州有膽識隸撫標爲兵雍正四年以把總隨征長峇苗賊踞高山四面皆設險號十萬官軍亦據山對壘置礮以當其隘夜半嗣漢起巡營見賊營舉火如螢燦燦自山下知將劫營不及稟白暗伏大礮側俟賊至發礮殲賊無算舉營驚起得斃賊狀賊遂墜壁不敢出官軍亦憚於仰攻嗣漢約敢死士二十餘人請於主將各懷繩鉤火藥短刀夜分由山背攀蘿懸縋而上遇賊邏者殲之嗣漢持柝徧巡賊營分布火藥伺賊熟睡舉火賊自夢中起以爲神兵自天降也遂大亂冒火衝突官軍擊其前二十餘人者自內出殺賊無算嗣漢手擒

首逆阿金阿順敘功補黔西協千總次年出師烏蒙嗣漢以百人
直搗賊巢擒首領二十九人事平調赴陝西甘肅所至有勞績累
遷總兵乾隆中一 賜綵緞再 賜蟒袍其卒也奉 旨歸葬
賜勘合異數也

右傳李元度撰

噶爾弼

噶爾弼滿洲鑲紅旗人姓納喇氏父額爾德赫任敬謹莊親王尼堪府長史從王征伐著績順治十六年署護軍統領偕安南將軍達素等剿海賊鄭成功於廈門額爾德赫率右翼兵擒偽安民侯周序命署鎮海將軍康熙元年還京尋卒噶爾弼初任前鋒參領康熙四十四年授正黃旗蒙古副都統四十五年調正黃旗滿洲副都統五十一年遷正紅旗護軍統領五十七年調鑲紅旗護軍統領五十八年準噶爾賊酋策凌敦多卜三濟等襲據西藏命噶爾弼馳赴四川協理總督年羹堯軍務噶爾弼諜知策凌敦多卜與三濟不睦疏請遣諭策凌敦多卜降以分賊勢詔可

五十九年二月平逆將軍宗室延信奉命由青海往定西藏

詔授噶爾弼爲定西將軍偕都統武格率四川雲南兵由拉里協
勦時策凌敦多卜自拒延信軍而遣其黨春丕勒宰桑以兵二千
六百由章米爾戎來拒我軍乘其不備取道莫珠貢喀集皮船渡
河直趨西藏八月克之噶爾弼集藏地大小第巴頭目及各寺番
僧等宣示皇仁封備達賴喇嘛倉庫遣兵守隘截準噶爾糧道
擒斬策凌敦多卜所授總管喇嘛五人策凌敦多卜等爲延信所
擊大敗遁西藏平捷聞諭曰噶爾弼等遵朕指授率領官兵
歷從古用兵未到之絕域各加奮勵克取藏地撫綏唐古特人民
甚屬可嘉凱旋之日著從優議敘是年延信畱駐藏六十年四月

以病 召還 命噶爾弼往代仍佩定西將軍印閏六月授鑲藍旗蒙古都統九月至瀘定橋託病不行年羹堯以 聞下部議革職尋因來京逗遛擬斬雍正元年六月 詔貸其罪 賜都統銜赴軍營效力七月署固原提督二年正月署布隆吉爾副將軍十一月授鑲紅旗漢軍都統三年九月調鑲藍旗滿洲都統兼右翼前鋒統領十一月擢奉天將軍四年奏言臣父額爾德赫數從征有功因任長史未邀議敘懇 恩賜諡奉 旨致祭一次諡果毅五年正月疏言奉天金銀銅鉛等礦雖久禁開採而竊掘者尙多利之所在聚集多人恐其中潛藏匪類致生事端除盂犀湖等處所產鐵爲居民犁鋤所必需無須禁止外請將遼陽屬之黃波羅

峪關原屬之打金廠等處均照錦州大悲嶺例永禁開採以靖地
方疏下部議如所請先是盛京戶部員外郎滿達禮等侵用買米
帑銀爲侍郎王朝恩所劾 諭曰鳴爾弼係赦罪擢用之人理宜
稽查積弊整頓陋規有應奏聞之事卽行奏聞此等情弊如伊云
不知則是於地方之事全不畱心訪察負朕任用之恩如云知而
不奏謂非徇情隱匿可乎著明白回奏二月鳴爾弼以失察請議
處 詔下部議會鳴爾弼卒免議

右 國史館本傳

林亮

林亮字漢侯福建漳浦人生四歲喪母八歲失所怙依從父撫養甫二年從父又沒事從母如所生未幾從母亦棄世伶丁孤苦難名狀然性不羈好結納當世賢豪嘗曰男子桑弧四方安能屈守鄉閭長爲農夫沒世哉屬濱海多事決意從戎習騎射擊刺留心海務島澳險夷舟航利鈍營陣戰伐靡不講求熟悉識者覘其有將才矣康熙丙戌擢臺灣水師右營把總壬辰遷福甯鎮左營千總丙申授桐山營守備其明年以熟諳水務調澎湖協右營守備辛丑夏臺灣土賊朱一貴作亂竊踞全臺文武守臣或殉難戰死或逃歸澎湖澎臺相距一水居民洶洶澎湖協將弁以孤島難守僉

議撤歸廈門各出家屬登舟亮力排眾議按劍厲聲曰 朝廷封疆尺寸不可棄我等享昇平食祿廩捐軀報 國正在今日焉有鋒刃未血而相率委去之理丈夫死忠義耳甯能駢首市曹爲法吏所辱耶請整兵配船守禦要害賊至決一死戰戰不捷而亮死公等歸亦未遲皆曰諾願死守亮馳出江干申主將號令驅官民家屬各登岸敢言退廈者斬眾心始固又以臺米弗至慮行閒乏食捐家財買穀碾米給軍製造戰攻器械及諸軍需以俟大兵進剿共圖克復水師提督施世驃南澳總兵官藍廷珍統師至澎以亮膽識超羣忠勇出眾委爲前隊先鋒領舟師五百七十人自澎進發六月十有六日黎明大師咸抵鹿耳門外賊目蘇天威據鹿

耳礮臺發大礮以拒我師百千奔雷飛轟海面亮奮勇爭先以六
艦冒死直進盡銳攻擊遙望礮臺火藥桶堆積如山命施巨礮專
攻其火藥桶中之火起烈燄衝天燔斃賊不可數計賊眾大敗奪
取鹿耳門礮臺焚賊營壘乘勝進攻安平鎮賊目鄭定瑞悉眾抵
敵亮復先士卒登安平城登大軍旗幟遂克之鹿耳安平皆天險
臺之要害一日而兩大捷百姓歡呼昇酒饋食知賊不難平也十
七十九兩日我師屢戰鯤身亮駕舟夾擊橫衝賊陣賊大敗入水
淹斃斬獲殺傷無算自是賊人退保府治不敢復出晝夜固守以
老我師施世驃命亮及董方魏大猷洪平率兵千二百人分兵間
道從西港仔暗渡出府治之背藍廷珍復統大軍繼之二十二日

黎明大戰於蘇厝甲賊死傷遍野夜戰犁頭標又大敗之次日窮追敗之於木柵仔復敗之於蔦松溪遂克府治七日之內恢復全臺紀功第一總督滿保手書褒揚勞以白金四百兩方之古賢將馮異曹彬云雍正元年春授南澳鎮左營遊擊秋八月擢臺灣南路營參將俱未之官以議敘平臺功加都督同知世襲拜他喇布勒哈番再加一等九月引見 溫綸褒嘉 特擢臺灣水師副將 賜孔雀翎寶刀貂皮緞匹火鏢包帑金二百兩蓋異數也途中聞邸報奉 旨特授臺灣鎮總兵官臺灣海外重地甫離兵火亮撫恤窮黎正己率屬整飭水陸兵防和衷文武勦建郡治木城民歡樂之南北路內山生番未習教化性嗜殺時出沒爲民害亮

設法招撫傾心歸順者一百八社男婦一萬八百八十七人於是
附山居民咸得安堵事 聞 上大悅賜金一萬兩從優議敘
特加四級亮仰體 皇仁因番性所嗜購色布漳煙鹽餼等物遣
官徧歷各社宣 朝廷德意賞賚諸番歡呼之聲震山谷計動用
賜金一千八百九十餘兩尙餘八千一百四十兩有奇封貯臺庫
流交公用絲毫不私爲己有也雍正五年春奉 旨移鎮浙江定
海定海四面汪洋爲浙東吭阨亮殫心綢繆訓練卒伍日率戰艦
弁兵巡防周歷南抵溫台北窮盡山花鳥不敢一日自暇逸積勞
成疾卒於官年六十有四 賜祭葬

論曰林元戎名將也人知其平臺先登功第一不知保守澎湖尤

爲節之大者門庭寇偪僉謀委去獨以一末弁排眾議仗劍奮呼
遂固疆圉不特忠勇冠三軍於大義皎然星日矣以此制敵何敵
不摧宜其虎吼雷奔鹿耳鯤身莫之能禦也分兵西港永奠東甯
千秋百世之後扶桑日出之區言臺澎遺事者不能不爲此君屈
一指嗚呼可不謂奇男子哉

右傳藍鼎元撰

李麟

李麟陝西咸陽人康熙十八年由行伍隨勇略將軍趙良棟自四川進征逆孽吳世璠克關山象嶺三市衛得勝橋等處復雲南省城下部議敘二十七年良棟遵旨覈平雲南功應加獎勵人員以麟材技堪用膽勇可取保奏部議以都司僉書錄用三十五年五月隨振武將軍孫思克擊噶爾丹於昭莫多大敗之敘功授副將職銜十一月授直隸張家口右營遊擊三十八年遷四川化林營參將川省打箭鑪舊屬內地 上以西藏番部嗜茶許藏內營官在鑪管理土伯特貿易事三十九年九月營官喋吧昌側集烈據鑪地並侵河東烏泥若泥嵐州善慶擦道等處戕明正長河西

土官蛇蜡渣吧川陝總督錫勒達奏請檄麟領化林營官兵駐鎭
彈壓查拏喇喋吧昌側集烈抗不令凶犯到官復阻移鎭官兵屢
犯內地麟移兵渡鎭招安咱威子牛烹壩魁梧四處 上命副都
統滿丕統荊州滿兵進勦並 命四川提督唐希順相機行事十
二月希順偵知哪吒頂與夫岡兩處有蠻兵四千餘其咱威一路
係入鎭大道喋吧昌側集烈領蠻兵五千餘在磨西面及磨岡二
道水等處議分兵三路進攻一由子牛攻哪吒頂一由烹壩攻大
岡希順自領官兵攻磨岡令麟順鎭水至哦可繞磨西面後夾攻
磨岡麟軍夜迷失道比明反出磨西面前遂爭先攻蠻營奪磨西
面連戰五日各路俱克捷斬喋吧昌側集烈喇嘛番民悉投順遂

復打箭鑪四十年正月希順以捷 聞下部議敘嗣希順追劾麟
移兵赴鑪時避險就易駐咱威至失烹壩又進征時令麟領兵由
哦可繞磨西面麟不由哦可貽誤軍機 諭曰李麟人材壯健馬
步射俱優係朕簡用之員打箭鑪未復之前李麟會呈報錫勒達
應分三路進取錫勒達據以具奏載在打箭鑪捷書甚明今唐希
順劾李麟規避誤機著交錫勒達察議具奏嗣經錫勒達審訊失
守烹壩係守備陳大樹懦怯無謀應嚴加處分麟雖不由哦可進
而從大路爭先攻克蠻營功過自可相抵應給咨赴部令補疏入
上命滿丕會同提督岳昇龍巡撫貝和諾再議具奏尋滿丕等會
鞫麟失察防守烹壩之守備陳大樹應革職治罪但烹壩旋即收

復又奪取磨西面請免治罪 詔如所請四十一年遷江西九江副將四十四年調湖廣黃州副將四十五年調江南江西中軍副將四十九年兩江總督噶禮劾麟訓練怠忽弓馬生疏 命解任五十年 上行圍塞外麟以謝 恩來京扈 駕隨圍五十二年特授山東膠州副將五十五年擢登州總兵五十七年策妄阿喇布坦擾西藏 命麟於所屬內選精兵百山甯夏赴軍前五十九年五月 命都統延信爲平逆將軍率兵進藏以麟參贊軍務四月護送第六世達賴喇嘛進藏八月至沙克河賊夜襲我營擊敗之連敗賊於齊諾郭勒綽瑪喇等處西藏平麟率兵由拉里凱旋六十年三月授陝西固原提督六月疏言臣前進藏時所領山東

兵丁曾借司庫銀兩今中煙瘴死者百餘故兵之父母妻子無依
可憫卽生回山東者俱效力疆場亦屬勞苦請照 恩賞川兵例
免其扣追 特旨允行雍正元年遷鑾儀使二年追敘安藏功加
右都督授騎都尉三年以老致仕六年卒孫彩見襲世職

右 國史館本傳

周一德

周一德山東金鄉人雍正六年任鎮筭鎮總兵六里居苗不靖奉命與辰沅道王柔往撫柔欲取道上龍潭一德以其地險固苗最頑悍不若由乾州之鴉溪相機集事柔不從一德至鴉溪偵知其地有天王廟苗奉事甚謹門常扃非盛祭不敢入乃陰以三蠶置廟中宣言天王見夢賜我三蠶命撫綏我苗眾有不服者奉蠶殄之且言神黑白侍從甚悉將入廟以驗蠶有無苗聞麋至一德椎牛陳酒碎鑰以入長揖畢令其酋向神左右覓蠶須臾奉出果三蠶也乃張樂酌酒復長揖擁蠶歸苗眾爭稽顙乞撫一德令飲血設誓於是鴉西崇山數百寨相率來飲血至上龍潭時柔已爲苗

所困一德秉彙攻之斬其魁惟楊孟等三寨尙恃險復鼓勵士卒
悉擒獲置之法苗盡平遂築永綏城於古多坪建天王廟於潮水
溪以三彙歸焉旋調任去苗數百人送至巖門多泣下者

右傳李元度撰

鄂克遜

鄂克遜滿洲鑲黃旗人姓富察氏父鄂通武 世祖章皇帝時隨
征鄂羅斯奮勇進戰獲其船敘功授騎都尉世職尋卒以鄂克遜
襲 聖祖仁皇帝康熙十二年逆藩吳三桂反奸民楊起隆乘機
作亂詐稱朱三太子糾黨鄭得勝黃吉陳益等約於京城內外放
火舉事潛聚鼓樓西街已故降將周全斌家全斌之子周公直甫
出首告鄂克遜行過鼓樓值火起升屋望之賊已披甲露刃鄂克
遜知有變遂馳告兵部尙書明珠都統圖海等率兵圍之賊益縱
火流矢如雨鄂克遜奮勇先入斬十餘人生擒陳益黃吉復率眾
捕獲鄭得勝等於燈市口十三年正月以參領銜隨征逆藩吳三

桂至江西南昌賊陷龍泉縣僞將軍陳昇僞總兵陳邦俊踞石灰
澳隘口南有山都澳僞副將劉鳴贊踞之北有河塘澳僞副將黃
世標踞之各立營壘築土排椿內列礮銃擁眾萬餘我師分隊進
擊鄂克遜攻奪石灰澳隘口遂乘勝破山都河塘二澳賊壘賊眾
潰遁躡擊二十餘里直抵曹林攻取十餘寨焚其糧糗獲器械無
算遂復龍泉縣有僞將軍朱姓者與僞總兵黃乃忠合兵復來犯
鄂克遜隨副都統幹都海擊敗之十五年四月僞將軍高大傑糾
眾三千踞吉安北關列陣施放槍礮鄂克遜攻剿其壘賊眾奔潰
我師乘勝掩殺賊兵墮壕溺水死者甚眾未幾僞將軍馬寶韓大
任引賊數萬來援戰於螺子山大軍失利鄂克遜突前衝擊身受

數創所乘馬中槍倒鄂克遜墮地卽躍起大呼步殺數人賊有騎
花馬者奪乘之復入陣收戰死士屍擊賊益力殿後以還十七年
二月韓大任竄萬安走福建鄂克遜隨將軍額楚分路進剿敗賊
於汀州之老虎洞焚其營寨殲賊六千餘七月隨征南將軍穆占
剿賊湖南時護軍統領拉寨署前鋒統領薩克察自安仁赴永興
爲賊所困穆占令鄂克遜送米四十四船火藥一船接濟遇賊拒
阻鄂克遜屢擊敗賊眾船乃得達十八年二月剿賊將郭應輔吳
國柱等於永州斬獲甚眾十九年十月進征貴州至新田衛擊走
僞將軍韓天邦師次鎮遠僞將軍張足法楊應選乘夜遁鄂克遜
率兵躡擊斬殺殆盡進克偏橋興隆二衛穆占令鄂克遜襲取重

安浮橋大軍得濟進取平越直取貴陽二十年二月進征雲南僞將軍胡國柄率眾萬餘列象陣以拒鄂克遜奮勇衝擊奪歸化寺東西二營是年賊平凱旋二十五年授江甯駐防佐領二十七年六月湖廣裁兵夏逢龍作亂鄂克遜隨振武將軍瓦岱討平之三十六年遷協領四十一年六月擢江南副都統四十六年三月上幸江甯鄂克遜奏陳節次出兵事尋擢江甯將軍 特旨嘉獎敘前戰功 予騎都尉世職合所襲騎都尉爲三等輕車都尉五十七年以老病乞休 予原品休致 世宗憲皇帝雍正七年正月卒年八十有六 賜祭葬如典禮諡武襄子傅學襲職

右 國史館本傳

國朝耆獻類徵初編卷二百八十一補錄

將帥二十一

王澄

曲阜王梅谿嘗云先世提督公微時卑視鄉里不檢細行膂力膽智當時無其匹或有勸習弓馬者然之性尙豪俠俗目者以爲有季布周處之風公患之鄉里亦患之旋改行奮志弓馬省試殿試皆捷補王府三等護衛或言王府護衛外放者百不一二當設法改途爲善公曰嘻天命豈易挽耶同官者年者覺羅也妻死貧不能備喪具公知往唁執耆年手曰嫂身後費若干曰四十金可敷衍矣曰易耳午去未來以四十金贈曰速備喪母泣爲耆年者感

謝泣涕謂苟富貴決不敢忘弟之德公曰嘻吾豈欲報者耶耆年素知公貧偵係質車典裘所得不忍沒其善頻頻道之都下聞者靡不謂公賢未幾耆年爲內大臣畀千金以報公取四十金而已嗣爲浦口營都司累官至甘肅提督轄四鎮乞休不許卒於官或曰公得簡外任者耆年有力焉至歷數任善政嘉猷邑乘載之茲所錄迺梅谿所述公逸事公諱澄字漪清雍正甲辰武進士嗟乎人生行善不在於輕重大小在誠與不誠耳當其困於京師車裘外別無長物一聞人急則盡棄之是何胸襟及耆年貴後酬以千金在他人方以爲得計而竟視之蔑如又何胸襟焉有如是胸襟而不具用世才者哉

右記謝莖撰

通明經傳類纂卷之二十一 將帥二十一 補錄 二

國朝耆獻類徵初編卷二百八十二目錄

將帥二十二

蔡良

藍廷珍 孫元枚

楊鯤

錫伯

魏經國

蘇大有

魏壽國

張起雲

克什圖 子阿蘭泰

袁立相

大清高宗純皇帝實錄卷二百八十二目錄

國朝詩人姓名表

卷之三十三

國朝耆獻類徵初編卷二百八十二

通奉大夫前署江西巡撫江西布政使司布政使湘陰李桓輯

將帥二十二

蔡良

蔡良漢軍正白旗人祖士英順治年間官漕運總督自有傳父毓
茂康熙九年補佐領二十一年授參領三十五年從征噶爾丹逾
年擢京口副都統四十五年高家堰濬河築隄偕都統孫查齊等
往督工四十七年卒 賜祭葬良由閒散於康熙四十二年授佐
領四十八年授參領駐防福州五十八年遷浙江台州副將雍正
二年七月 詔直省副將以下游擊以上員弁輪流來京視其漢

仗弓馬以辨優劣十一月良於箭亭引 見射中 命發往陝西
四年四月補漢中副將六月遷延綏總兵八月調江西南贛總兵
九月擢福州將軍五年二月奏言閩省四旗披甲人等臣見在訓
練槍箭務令精熟行走不許怠惰其不能節省行事不合者盡力
整頓更有兵丁之弟男子姪雖係壯丁尙未披甲遊手好閒遇事
生風自以閒散無人約束官長亦漫不稽察今飭令各旗協參領
防禦驍騎校等官將壯丁內力可營生者任其自贍仍不時查察
其餘皆帶領習學槍箭稽查出入行走之處若技藝嫻熟毫無過
犯遇有甲出卽選擇頂補儻不肖習學而又爲非雖本家甲出亦
不准其頂補仍責成父兄親族勸其悔改旣開其上進之路又示

以不能得甲之勢則知法者更加勉勵卽游手好閒者亦不敢爲
非矣得 旨此奏甚屬可嘉但務實力爲之加勉勿懈六年四月
奏言閩省駐防習氣不好臣畱心體察實力挽回至節儉所以省
財亦以惜福每於操演地方諄切曉諭務敦節儉禁紛華近來奢
靡漸斂再如賭博酗酒尤爲不法臣先飭四旗該管官嚴行約束
又每旗派撥官一員領催數名各按所管稽察並得 旨嘉獎十
一月奏參左營副將金國泰右營遊擊吳廷元酗酒不職 詔革
二人職 諭內閣曰將軍蔡良覽其陳奏具見實心辦事伊名下
有代交應賠銀兩特加恩免其賠補以示眷注七年三月奏言駐
防兵丁向來賭風甚熾已嚴飭查訪又於八旗派出領催四名臣

標四營派出百隊二十名每月一換責令專管查拏今賭風亦覺
斂息風俗人心可漸轉移再查駐防報逃者甚多大半皆係所買
民人此輩原無根底無知兵壯只圖身價無幾可得人用犯逃在
外爲匪不免株連前奉 諭旨嚴禁旗下不許擅買民人臣凜遵
聖諭飭令只許八旗兌買其從前所買民人如果安分准其畱用
儻有犯逃者卽係自回亦必令其交還原中保領去收回身價仍
聽委協領一員專司其事或徇私容隱本犯照例治罪官以失察
糾參領催一體連坐得 旨照所奏實力整頓開導毋得始勤終
怠六月 上諭蔡良訓練約束兵丁勤慎得法福州駐防營伍大
爲整理著調補廣東將軍八月奏言廣東駐防兵壯向樂遊嬉往

往不能安分臣於較閱聚集時面爲曉諭差操務要精勤使令必聽管束進退合乎規矩上下須別尊卑俾人人知法紀當遵惡習當改其壯丁人等俱飭不時稽查勿令外出閒遊使之學習技藝再查廣州五方聚會地當濱海最易藏奸前任將軍石禮哈編設保甲實爲清弊之要但民人雜處則其來歷眷口悉應填註更有如鑲黃旗兵壯住居正黃旗汛地者或係租賃彼旗房屋在住址原難畫一編入保甲自應聽其查點而本旗該管人員亦應赴彼稽察不得置之不問則逃人可漸稀少得旨所奏二條可嘉再奢靡之習尤當加意訓誡此爲養兵根本之道慎勿稍忽九月卒予祭葬如例諡勤恪十年二月上以將軍蔡良與提督張起雲

總兵蘇大有魏肅國皆素有賢聲勤勞王事宜在賢良之列 命直省建祠祀之

右 國史館本傳

藍廷珍 孫元枚

藍廷珍福建漳浦人由行伍於康熙三十四年拔補浙江定海鎮標右營把總明年遷中營千總三十九年遷温州鎮標右營守備四十五年遷左營遊擊哨巡屢擒洋賊五十七年八月擢福建澎湖副將尋授南澳總兵六十年四月臺灣奸民朱一貴聚眾倡亂於鳳山縣之姜園攻陷臺灣府治總兵歐陽凱副將許雲等遇害廷珍奉總督滿保令赴澎湖與提督施世驃合師鹿耳門進敗賊於安平鎮由西港仔登岸擊賊眾克復府治分勦南北二路賊匪一貫遁諸羅爲溝尾莊民楊旭等計擒之官兵搜獲餘黨殆盡敘功 予廷珍三等輕車都尉世職雍正元年擢福建水師提督

賜花翎 上以廷珍居心忠赤人才度量俱無可議惟操守未優
屢加 訓誡二年入 覲 諭令赴馬蘭峪叩謁 聖祖仁皇帝
景陵回京 召對 賞賚稠疊四年 諭曰爾所短者惟砥礪清
操耳近聞爾陛見回任時實力梭改頓非前比朕甚嘉悅勉之七
年二月 賜御書福字並食品廷珍具疏謝 恩 諭曰爾近日
聲名較前更好但有人論爾頗存親戚瓜葛之私鄉井照顧之念
卽此亦當改易十一月卒遺疏入得 旨藍廷珍自簡任福建水
師提督以來整頓營伍訓練士卒於海疆事務熟習諳練向年平
定臺灣著有勞績前聞患病特遣御醫星往調治今聞溘逝深爲
軫惻已降旨賞銀二千兩以爲喪事之資其應得卹典察例具奏

尋議 加贈太子少保 子祭葬諡襄毅子日寵襲三等輕車都
射世職卒子元枚襲見官江南提督

右 國史館本傳

公諱廷珍字荆璞福建漳浦人世居長谿鄉爲閩南著姓曾從祖
紫濤公諱銘球明侍御歷宣大三邊湖廣巡按有聲從祖義山公
理以平澎臺功累官福建陸路提督諸弟皆將帥公少樸拙耕於
野作苦忽有所懷喟然曰吾其爲持戟之士乎義山公移鎮舟山
不遠二千里渡海自請入伍日習騎射舞戈揚盾趨捷如風又善
爲火攻槍礮無虛發義山公壯之康熙三十四年擢把總越四載
遷磐石守備又六年授溫州鎮右營遊擊追賊於南麂外洋乘風

縱擊獲其人船賊械復在鳳凰外洋巡捕賊艘晝夜窮追至青水
大洋沈其一舟又獲其一斬首十五級生擒二十七人當事以爲
能調溫鎮中營遊擊甲午夏在官山外洋捕賊復追至青水大洋
斬首二十一級奪二巨艦擒六十四人凡汪洋絕島險遠僻深從
來官兵不到之地窮搜靡遺洋賊聞風破膽皆曰謹避老藍他鎮
協如嬰兒女耳自是威名日盛諸將多忌嫉者上官亦惡其形已
讒於總督滿公保將劾之提督吳公升固爭謂此兩浙第一良將
滿公未信也會關東大盜孫森等竊遼陽巨礮戰艦逸入海

聖恩慈育成沿海封疆諸臣滿公入 覲面奉 諭旨由海濱巡
行南下提督偕至溫州時方憂逸盜未獲溫帥來迎問將弁賢否

及藍某安在帥曰彼在家觀劇未暇也滿公怒據帥揭密繕疏明
晨將拜舟次瑞安公跪迎於江許滿公曰觀劇忙耶何爲來此聲
色俱厲公從容言某於某日乃自海面緝賊來在黑水外洋與賊
大戰斬級落水甚多擒逸盜孫森等九十餘人盡獲其戰艦賊物
礮械滿公愕然曰有是哉幾失吾良將也召入舟厚撫之提督吳
公繼至笑曰何如余言不謬乎於是改彈章爲薦牘時丁酉夏四
月也己亥春超遷澎湖副將夏秋閒授南澳總兵官尋攝理碭石
潮州二鎮務辛丑夏土賊朱一貴陷臺灣五月七日警報至卽簡
師徒治軍需慨然以征討爲己任條陳進兵事宜首請總督駐廈
就近督帥時滿公聞變屈指浙閩諸大帥惟藍總兵可任已飛檄

調公而自兼程趨廈途接公條議意見昭合大喜委令總統水陸大軍領戰船四百餘號官兵一萬二千員名前赴征剿六月十一日到澎湖用閒謀得賊中情狀謀於提督施公世驃曰羣盜皆烏合不足憂一攻卽靡但其眾至十數萬誅之不可勝誅且多殺生靈無益今但張檄止殲巨魁餘勿問皆令自新則人人有生之樂無死之心可不血刃平也施公從之十有六日黎明師徧鹿耳門賊眾扼險迎敵前鋒林亮董方冒死直前攻擊公率大軍繼之遂敗賊眾奪取鹿耳門乘勝進攻安平鎮拔之戒將弁入郡之日無妄殺掠徧檄市里門書 大清良民者卽爲良民自是賊脅從者多解散各爲自全計十有七日鏖戰於四鯤身大敗之追至七鯤

身瀨口詰朝遣將以小艇載火具敗賊於塗墜埕水仔尾燬其戰
艦十九日賊以數萬眾蜂擁牛車架礮列盾爲陣來戰公親督大
礮連環迸發指揮將士賈勇爭先遂破其陣復遣舟師以小艇附
岸夾擊賊眾大敗淹斃千餘人於是賊退保府治不敢復出施公
用降者計夜遣林亮董方魏大猷洪平率兵一千二百名從西港
仔暗渡出府治之背公曰此誠奇計顧賊眾兵單脫有失賊難制
矣卽馳入施公營謂曰公宜遣將弁於瀨口塗墜埕等處分道夾
擊某當親率大軍疾繼林亮等之後方可萬全賊聞我師北來必
棄營遁府治恢復在此兩日聞耳遂乘夜進發抵西港仔二十二
日黎明在竿寮鄉登岸令空舟悉回安平左右曰登岸棄舟何也

日示軍士必死無有還心今日戰勝明當直抵府治耳言未已謀者報賊在蘇厝甲與林亮魏大猷決戰勢甚張公分兵八隊爲四正四奇而自將中軍馳赴之賊望見驚曰此老藍旗幟也公縱兵大戰賊稍卻急乘勝奔之賊大敗薄暮至犁頭標屯劄料賊必夤夜劫營漏初下傳令撤去帳房捲旗幟露刃伏芒蔗間夜未半賊至弗見大營方驚顧忽金鼓大震我軍突出四面擊之賊大亂自相攻殺比曉追敗之於木柵仔復敗之於蔦松溪朱一貴率餘賊逸去遂入府治秋毫無所犯民大悅計自進兵以來先後纔七日耳於是分遣諸將復南北二路二十八日敗賊於大穆降朱一貴走灣裏溪大軍追至茅港尾鐵線橋及賊於鹽水港朱一貴走下

加冬公密購楊旭王仁和楊石楊雄等給與守備千總銜劄令糾合莊民誘致朱一貴於溝尾莊閏月八日朱一貴及王玉全翁飛虎張阿山等皆就擒復擒獲吳外陳印李勇陳正達盧朱於是林曹林騫林璉鄭惟晃張看等皆向大軍乞降南北二路弁兵擒斬賊目顏子京鄭定瑞楊來萬和尚安撫各處莊社民番臺地悉平公奉檄署理臺鎮總兵官事仍統征兵秋七月南路阿猴林餘孽繼起復討平之降江國論鄭元長等遣千總陳章渡海入耶嬌招降劉國基薛菊散其餘黨已而陳福壽等後先俱至皆渠魁也爲之美衣服恣其出入炫耀以動逸賊使悉來歸九月望日提督施世驃卒公奉檄署理提督印務招撫杜君英杜會三父子獲黃殿

黃日昇郭國正張岳鹽水港六加甸紅毛寮諸孽先後思逞悉皆
擒滅桑楊君林君李明黃輝卓敬等於市石壁寮餘孽復叛發兵
擒獲蘇清林阿尾王教等十五人皆斬之又擒獲賊黨陳成鄭文
苑等十三人康熙六十一年 廷議改設臺澎總兵官於澎湖臺
灣府治設陸路副將調公赴澎鎮守將行南路下淡水北路八掌
溪奸民相繼作亂復發兵勦擒并遣諸將分道搜山先後獲林亨
顏煙李慶黃潛等二十一人六月以提督姚堂奏奉 旨總兵官
仍駐臺灣公遂爲臺鎮從征將士以次班師雍正元年春逸盜楊
合復謀作亂遣外委陳相等同捕之又遣千總何勉擒獲王忠劉富
生等臺灣匪類根株盡絕冬十月奉 旨特授福建水師提督加

左都督世襲三等阿達哈哈番既抵任將弁行陣整頓一新立巡防之法數千里波恬浪靜商賈晏然凡關係地方有裨軍國事務竭智殫誠不遺餘力信賞必罰雖親故無所私一草一木不以擾兵民而於賢才則深加愛惜必力爲揚薦引與同升嘗云人才難得不爲國家愛惜培植而媚疾壅闕非忠臣事君之道也以故汲引多至節鉞者偏裨以下難更僕數然靡有德色也提師六載始終一節兵民愛之以雍正七年仲冬二十有七日卒於官年六十六自幼失學壯力農將略似有天授指畫謀謨皆合古法居官以政學征臺後益諳練胸中朗朗點竄幕檠皆中窾會教兒曹讀書明理盡脫弁韜氣習焉雍正三年入覲恩禮有加久而益隆先

後 賜予蟒袍翎帽人淺貂裘綺紵綢紗弓刀硯墨白玉朝珠珍
玩器皿果品食物之類凡二十四次病 聞 遣大醫院劉君裕
鐸馳驛診視至省遇遺疏乃還 賜帑金二千兩治喪 贈太子
少保全禮葬祭 賜諡襄毅蓋異數云

論曰公一生忠勤好捕賊勇敢善戰常爲士卒先他事恂恂如不
及虛心自下功成名立令終有俶非偶然也夫讒嫉之於人甚矣
哨海稱戈可云在家觀劇含沙之口何所不至所恃當權勿輕以
耳爲目而已使其時無提督吳公之保全大盜孫森之急救則良
將已失誰復爲 國家建勳業垂不朽乎征臺大役所關甚偉滿
公實式憑之雖骨肉手足未足喻其相需之殷得無自嘆前此幾

爲小人所誤否妒賢害能小人常態非聰明仁智公忠爲國者其孰能知之

右家傳藍鼎元撰

康熙間漳浦藍公廷珍官福建水師提督公孫元枚由世職起家乾隆中官福建陸路提督廷珍平朱一貴元枚與勦林爽文祖孫皆立功臺灣歿後皆 賜諡襄毅閩人至今稱大襄毅公小襄毅

公按文臣中祖孫同諡者爲丹徒相國王書及公曾孫侍郎師錫庚皆諡文貞世或稱侍郎諡文節誤也

右紀聞陳康祺撰

藍元枚

藍元枚福建漳浦人祖廷珍由行伍官至福建水師提督以平朱

一貴功授三等輕車都尉世職 贈太子少保諡襄毅自有傳父
日寵官福建銅山營水師參將元枚由世職隨標學習三十一年
四月部議迴避本省奉 旨發往廣東以外海水師參將補用三
十三年七月補海門營參將三十五年七月擢龍門協副將三十
八年正月因拏獲潛匿安南販賣夷鹽之逃軍趙元榮等調澄海
協副將十月擢福建臺灣鎮總兵十二月調金門鎮 上以元枚
籍隸閩省命撫臣鍾音畱心察看有無瞻徇情事三十九年八月
鍾音覆奏元枚熟習海洋情形考拔弁兵糧缺尙屬秉公無徇私
瞻顧事四十年六月丁母憂四十三年七月補江南蘇松鎮總兵
四十七年五月署江南提督四十九年四月實授五十二年正月

臺灣逆匪林爽文滋事 上以元枚籍隸福建漳州兵眾所悉於
該處情形自能熟諳 諭令元枚卽馳驛前往泉州署理福建陸
路提督卽駐劄蚶江一帶接應一切事宜二月奏馳抵福州隨訪
探亭匪情形自官兵渡臺後紛紛潰散但恐四方竄逸逃入內山
與生番勾結搜捕更稽時日臣抵泉後當與督臣常青等實力查
拏 諭曰內山雖係生番巢穴但賊匪窮蹙無歸或以賄結或以
勢脅生番容畱藏匿將來大兵撤後潛出滋擾尤屬不成事體該
督等務須乘此兵力上緊搜捕俾盡根株以靖海疆初八日奏馳
抵泉州查鹿仔港及北路之艋舺等處皆有官弁率同義民各相
保護報 聞時水師提督黃仕簡陸路提督任承恩分路進剿觀

望遷延三月 命常青前往督辦將黃仕簡撤回廈門任承恩革職擊開元枚授水師提督四月授參贊帶兵前赴常青處會剿上以鹿仔港偏近賊巢最關緊要 命元枚帶閩兵二千徑由蚶江配渡前赴鹿仔港 賞戴花翎二十九日總督李侍堯奏劄致元枚訪察吳姓林姓械鬪卽俘山社民許樸等搶奪各案時鹿仔港惟總兵普吉保一人防堵 上以普吉保到任未久於地方情形未能熟悉且不通閩省語音不如元枚之籍隸漳州熟諳情形較爲得力著元枚速赴鹿仔港無庸在漳浦畱滯五月 諭曰續到之浙兵二千名應令由蚶江配渡前往鹿仔港交藍元枚帶領至藍元枚受朕深恩投爲參贊且日擊黃仕簡任承恩觀望遷延

自獲重譴料伊亦不敢復蹈故轍但該處見有兵三千八百名駐
劄日久未免師老氣衰而浙省兵丁素性脆弱朕所素知臨陣打
仗不能得力且鹿仔港逼近大里杙賊巢最關緊要若此時藍元
枚到彼卽領兵進剿直攻賊巢無論浙兵柔懦萬一稍有挫損軍
心爲其動搖固屬不成事體卽幸得勝仗賊匪敗退勢必潰逃四
散竄入深山藍元枚所帶之兵斷不能搜剿擒截常青帶領大兵
到彼時辦理轉形費手所謂欲急轉緩於事無濟朕意藍元枚到
鹿仔港只須會同柴大紀普吉保整頓兵力或往前移駐彰化縣
城作爲進攻大里杙之勢以牽綴賊勢不能往南而懾伏其瞻顧
或能會合柴大紀普吉保先將南北通衢斗六門大武隴等處之

占據賊匪合力剷除使常青率領各項奮勇官兵廓清後路乘勝直趨北路全無阻擋專力直搗賊巢自無難一舉蕞功行軍之道緩急先後貴於審度機宜權衡悉當有欲速而反遲似緩而轉急者所謂行軍貴機變也二十日奏浙兵已到蚶江卽配船候風放洋諭曰元枚帶領浙兵前抵鹿仔港固不可冒昧向大里杙賊巢進攻但諸羅彰化斗六門大武隴等處南北通衢皆爲賊人占據元枚至彼當會合普吉保整頓兵力先至諸羅幫同柴大紀設法殲擒以便常青將南路賊匪除淨再由中路北路進抵大里杙不致中途少有阻撓方爲上策六月奏二十日到鹿仔港隨於二十三日密會普吉保於四更進兵前往柴坑仔大武隴直攻賊巢

斬獲甚眾 上嘉之二十五日奏請羅彰化道路梗塞近海民人
分逃鹿仔港臣隨親至街市慰諭撫卹稽查難民壯勇者挑作義
民給發口糧以資戰守又彰化淡水交界之大甲溪岸裏社近大
里杙該處義民熱番不肖從賊見差弁曉諭令其攻迫賊巢分掣
賊勢 上嘉其所辦甚合機宜 諭曰參贊藍元枚自抵鹿仔港
以來一切調度合宜打仗得勝伊係藍廷珍之孫伊祖父從前勦
辦奸民朱一貴收復全臺奮勇克捷威聲久著今藍元枚在鹿仔
港統兵進勦能繼家聲實爲可嘉著賞戴雙眼花翎以示優眷七
月十五日奏鹿仔港四面受敵賊匪出沒無常兵力不敷懇再調
福建兵二千廣東兵三千以備勦捕 命李侍堯等照元枚請添

兵數挑備撥往尋奏約會柴大紀帶兵直趨斗六門奮力攻勦
諭曰此舉略見奮勇但應如此辦理八月初一日奏彰化等處賊
匪屯聚多係被賊迫脅業經逐細開導示以殺賊自效皆紛紛投
出七月初三日賊焚燒阿棟社臣帶兵堵殺又於埤頭莊大肚溪
等處勦賊俱得勝仗初九日奏自二林進攻西螺焚毀條圳塘中
浦厝等處賊莊臣族人藍啟能自山內漳浦蔡攜眷逃出詢以熟
識山路卽令隨同勦賊 諭曰藍元枚雖調派官兵分路攻勦西
螺賊匪兵威較爲振作但尙未能統兵前進擒賊首賊目大加斬
獲本不應加以賞賚但伊族人藍啟能等男婦七十九人因所住
地方離賊巢不遠恐賊匪偏令從賊各帶家屬從小路投出又藍

任等三人被賊攔住殺死擊盡藍湖等三人眷屬十一日不知下落藍任等三人俱著加恩賞卹至藍元枚所奏到之藍啟能等若能熟識山路卽令隨同剿賊其中如有曾經從賊者仍請查明正法等語則所辦尤爲公當可嘉之至藍元枚著賞給緙絲蟒袍一件御用大小荷包以示獎勵至藍啟能等挈其老弱逃出訴其畏賊迫脅自屬實情如有熟悉該處路徑者正可用爲眼目嚮導令其隨同征剿更爲得力且旣自行投出亦當遵照前旨令其自新從前有無從賊之處可以無須追究十一日李侍堯奏移會元枚從陸路進攻大里棧斗六門等處 諭曰藍元枚急需乘此軍威旺盛賊匪潰散之時一面妥爲招撫一面速赴北路將斗六門等

處剿殺廓清道路前抵諸羅與柴大紀會合一處直抵賊巢以期一鼓成擒十七日奏分路遣弁曉諭迫脅賊眾及防範海口各事宜諭曰前以藍元枚殺退西螺賊匪擬卽統領官兵相機剿捕又伊族人藍啟能等在彰化投出懇求安插所辦尙爲妥協方以藍元枚係本省人統本省官兵可資倚任是以加恩獎勵藍元枚自應倍加奮勉速圖奏績且前因兵力單弱奏請增添業據李侍堯奏到粵兵漳兵皆經陸續配渡閩洋自己早抵鹿仔港該參贊正應乘其銳氣鼓勇前進以期迅速集事今閱所奏情形止係遮旨曉諭被脅賊眾防範海口各事宜且據稱臺灣南北道路被賊阻隔往來文報不無遲滯是則更應速領官兵前往剿殺打通道

路乃既未前往進剿而於作何調度會台之處亦並未陳奏看其
光景竟係株守鹿仔港一籌莫展矣卽云持重亦不應恇怯遷延
若此前任承恩在鹿仔港時心存觀望束手無策以致曠日持久
貽誤機宜是以降旨革職拏問治罪藍元枚尤非任承恩可比若
復踵前轍觀望不進則藍元枚獲罪尤重不可不慎著先傳旨嚴
行申飭前因徐鼎士擬由大甲分兵攻擊大里杙之北並約令藍
元枚從鹿仔港進兵大肚溪以期裏應外合俾賊人腹背受敵搆
其巢穴因諭令藍元枚卽從大肚溪進兵夾擊不知徐鼎士此策
知會藍元枚否如藍元枚接奉前赴諸羅之旨已領兵自北而南
固屬甚善否則急應帶兵赴大肚溪會同徐鼎士夾攻大里杙賊

巢機不可失藍元枚務須加倍奮勉力圖自效勿再因循遲緩時
賊圍諸羅兩月元枚未發兵救援 上訓飭之 諭曰見在諸羅
被圍甚急藍元枚若能進兵大肚溪與徐鼎士夾攻大里杙賊巢
使林爽文回顧巢穴有所牽綴則圍困諸羅之賊自當漸漸解散
柴大紀可以捍衛無虞亦是一策若未能前進藍元枚亟應親統
官兵速赴諸羅接應柴大紀毋得稍有遲緩九月初五日奏見在
整頓兵力咨會大紀夾攻斗六門至大甲溪岸裏社之義民熟番
聲勢亦屬聯絡可以帶同殺賊 諭曰諸羅被賊圍困望救甚切
經柴大紀兩次請兵往援該參贊自應帶兵星速前往策應鹿仔
港距諸羅甚近該處被賊圍急藍元枚豈有不知之理况屢有旨

催令自北而南接應諸羅計此時藍元枚早應接到何以摺內未
會提及又不速往援應乃轉稱見在咨會柴大紀該處此時正在
被圍望救焉有餘力與藍元枚會合夾攻斗六門之理且藍元枚
摺內既稱大甲溪岸裏社義民熟番聲勢聯絡該處路途頗平可
以攻迫賊巢又稱斗六門係賊要隘勢在必爭當多帶官兵先割
西螺進攻斗六門以便長驅直進卽應酌定機宜令普吉保駐守
鹿仔港該參贊親自帶兵前往痛加勦殺以圖進取乃既不由大
肚溪進兵與徐鼎士會攻又不赴斗六門奮力攻擊殲除屯佔賊
匪救援柴大紀而於大里杙賊巢又稱官兵若攻勦太急賊人勢
必抵死守禦一時恐難破是元枚竟係中無定見株守鹿仔港徒

擁兵自衛並無寸進若鹿仔港果有賊匪攻擾藍元枚不能前進猶得有所藉口該處見在並無賊匪滋擾而藍元枚處添調官兵又已厚集乃一味株守瞻前顧後並不那移尺寸耶看來藍元枚明知諸羅被圍甚急擁兵不救徒以大肚溪斗六門等處輾轉推託以掩飾其株守坐視之罪豈能惑朕藍元枚之祖藍廷珍以一總兵帶兵渡臺灣剿除賊匪七日之內剋期奏績朕軫念前勞是以將藍元枚屢加拔擢用至提督又以伊係本省人必能深悉賊情畀以剿賊之任授爲參贊並賞戴雙眼花翎自應加倍奮勉效法伊祖克繼家聲方爲無負委任今自到鹿仔港後遲回觀望一籌莫展卽所稱曉諭生番令其擒賊獻功等事皆不過藉詞文飾

以爲站腳地步藍元枚受朕深恩何得恇怯委靡若此若再仍前觀望按兵不動則藍元枚卽爲任承恩之續况尤非若任承恩尙可推兵少也著先傳旨嚴行申飭初六日奏臣於七月二十二日染疾至二十五日復又猝受風寒漸覺疲困八月初八日聞賊由竹子腳大肚溪柴坑仔三路來犯仍力疾帶兵堵禦回營愈覺精神不支見在漳州兵已到一千三百餘廣東兵一千五百餘兵力已足正當勦滅首夥之際焉敢抱病戀棧已將一切官兵移交普吉保管束飛咨將軍常青速撥大員前來經理自請罷斥效力交部治罪 諭曰藍元枚到鹿仔港後辦理一切尙屬奮勉後因其擁兵觀望並無寸進又不親往援應諸羅節經降旨飭諭今藍元

五原書局藏書
卷三十一
二

枚既稱患病難以支持然猶在番仔溝竹子腳等處打仗力疾堵殺賊匪如果病證屬實其情殊可憐憫見已頒賞大小荷包以示軫念福康安到彼卽傳旨賞給十八日卒 諭曰福建水師提督藍元枚於臺灣逆匪林爽文滋事以來屢經統領將弁奮勇直前剿殺逆匪並籌畫一切皆有條理特降旨授爲參贊以示獎勵昨據藍元枚奏染患痢證屢次力疾統兵前往堵剿復降旨賞給大小荷包用昭體恤方冀速就全愈迅奏膚功以承恩敘茲據李侍堯奏藍元枚於八月十八日病故聞之深爲憫惻藍元枚著贈太子太保並賞銀一千兩以示朕軫念勤勞優恤戎臣之至意所有應得卹典著該部察例具奏又 諭曰藍元枚業經加恩贈太子

太保交部議卹並賞銀一千兩以示軫念所有應襲輕車都尉加
一雲騎尉世職著伊長子藍誠卽行承襲仍俟百日後該督咨送
到部帶領引見用示優卹勤勞有加無已之至意尋 賜祭葬如
例諡襄毅

右 國史館本傳

國朝通志卷之六十四

--	--	--	--	--	--	--	--	--	--

楊鯤

楊鯤山西甯武人父光祖江西南昌水師營遊擊以隨征耿逆陣亡入祀昭忠祠康熙二十年鯤由難廕授江南江甯城守右營守備累任廣西潯州協都司甘肅黑城營遊擊四十一年遷甘肅莊浪營參將四十九年調山西東路營復調洮岷五十年調直隸務關營五十三年遷廣東廣州副將尋改直隸河間協五十四年擢雲南曲靖鎮總兵雍正三年奉 旨回京另用四年改直隸正定協爲鎮裁副將設總兵以鯤補授其弟鵬亦官河南南汝總兵合疏請贈父光祖如其官 允之舊例總兵親丁名糧六十分副將三十分鯤以正定所存副將舊額應否賞給請 諭曰名糧止於

此數可謂第一清廉總兵矣何須奏請先是鯤奏臣所屬固關龍泉倒馬茨溝插箭嶺五處關稅除定額一千零一兩八錢解藩庫外羨餘約略相等未便分潤將弁等私橐請歸公爲製裝用至是又奏羨餘歸公該管將弁抽收仍恐侵漏已飭選老誠殷實人赴關監收其插箭嶺一處臣自行稽覈俟屆一年將動用確數具奏報聞是年監修正定城垣五年五月擢古北口提督十月疏言霸昌道守庫兵五十五名係道員自行招補所支季餉道庫扣畱庫兵積年並不操演致老弱閒廢濫餉充數請於昌平營守兵內選鳥槍手五十五名看守道庫仍隨營操演其原撥兵數俱撤歸汛部議如所請 上嘉鯤直陳積弊 諭部議敘加都督僉事本

月奉 旨提督楊鯤老誠歷練前任正定鎮總兵實心供職至條
奏事件皆有裨益簡任提督以來辦事公當毫不瞻徇直隸諸鎮
臣皆少年新進著授楊鯤節制會鯤以直隸提塘抽調各協營兵
傳遞公文有虛冒剋減之弊請加釐剔 諭曰觀爾料理諸事頗
屬公直今命爾節制全省尙其通盤籌計摺奏以聞十一月疏言
宣化鎮演礮火藥舊係府屬州縣製造嗣因造不如法折銀一百
五十三兩交鎮自製除開銷正項六十兩外餘係州縣墊交查此
項火藥工本止用銀一百二十八兩零其餘皆歸鎮臣臣仰遵
聖訓事事期於秉公何敢因營伍需有餘利令州縣賠累莫如仍
令州縣輸辦該鎮委員監造以免藉口庶軍需不誤積累亦紓又

言千把總出身行伍有游歷提鎮者但職卑忽遭斥革往往有人頗勤慎才技優卓而因公望誤閒棄終身殊爲可惜請仍准入伍報效得 旨嘉獎均如所請行直隸舊設專送行文兵丁謂之京撥鯤以各省塘兵俱兼送武職文報直隸沿途設有塘兵儘可通融兼送不必另撥請撤歸伍於中畱空糧三十二分給塘兵工食以資養贍奏入 諭獎其料理妥協七年正月 命署直隸總督仍兼提督三月疏言涿州營參將所屬薊州營都司距天津鎮標不遠而涿州距鎮標二百餘里公文來往皆由涿州轉行往往稽遲請將薊州改隸鎮標庶可朝發夕至有裨營伍部議如所請八月疏參正定總兵魏麟勒索兵丁幫貼及侵用公項狀奏 聞

命左都御史三泰往勘鯤詞失實會署古北口提督魏經國亦劾鯤於提督任內私設兵丁濫收禮物囤賣米石違例徇私多佔親丁馬糧等款 詔並案會鞫坐革職尋卒於家

右 國史館本傳

錫伯

錫伯滿洲正藍旗人姓瓜爾佳氏康熙十四年以護軍隨前鋒統領穆占討叛鎮王輔臣於平涼時僞總兵高鼎蔡元踞隴州仙逸關列陣於關山河岸錫伯先登陷陣左右衝突身被數創益力戰大敗之敘功列頭等 賞銀五十兩復隨大軍破平涼城外賊於虎山墩王輔臣降進征湖廣十六年隨將軍鄂爾擊賊於洞庭湖舟師進偏君山戰數日賊固守岳州不敢出十八年隨將軍林興珠擊賊首吳國貴敗之遂復武岡州進克楓木嶺二十年隨將軍賴塔敗賊將何繼祖於黃草壩抵雲南城下大將軍彰泰賴塔合兵營歸化寺賊渠吳世璠以眾萬餘驅象迎敵官兵分隊進攻錫

伯列第二隊直前破賊敘功二等 賞銀四十兩二十七年由前
鋒授典儀三十五年隨征噶爾丹三十八年遷驍騎校四十七年
遷侍衛五十年遷前鋒參領六十一年授左翼步軍總管雍正二
年加副都統銜食俸時青海平定議設將軍副都統於甯夏駐滿
洲馬步兵三千四百三年三月 特命錫伯爲甯夏將軍領八旗
兵由殺虎口經鄂爾多斯部進橫城口六月抵甯夏在七月奏八
旗兵陸續到齊沿途水草豐盛兵眷安妥得 旨錫伯帶領官兵
沿途並無擾累生事善爲料理甚屬可嘉下部議敘加一級四年
奏阿拉善谷內地寬可作牧廠請將哈朗塢西南至中衛爲綠旗
牧廠哈朗塢東北至石嘴子爲滿兵牧廠官兵等駝馬按數出牧

下部知之七年十月以勤慎奉職 諭加太子少保十一月 諭
曰錫伯係征勦南省頗著勤勞之人見今大臣中與伊相似者甚
少而伊復於軍前衝鋒陷陣得有傷痕簡任將軍以來約束兵眾
盡職效力爲將軍中特出之人可給騎都尉世職准襲二次八年
十月卒於官奏入得 旨錫伯居官勤慎老成練達軍前效力著
有成勞簡擢甯夏將軍撫輯兵民整飭營伍實心黽勉邊疆重地
正資料理今聞溘逝深爲憫惻著賞銀一千兩以爲喪事之資靈
柩准入京城大臣侍衛等迎奠下部議卹 賜祭葬如例諡襄壯
丁喜住襲騎都尉職

右 國史館本傳

1111

1111

167-274

魏經國

魏經國漢軍正白旗人由熱河把總累遷至守備康熙五十年
特擢通州副將 上以經國家貧 賜銀五百兩 命子姪隨任
五十七年擢江南蘇松水師總兵五十八年調天津總兵六十年
六月遷湖廣提督赴熱河請 訓適兵部引 見大選官員 上
命經國近前令舉所知 命會同步軍統領選京營守備千總帶
楚補用雍正元年奏稱到任後將一應陋規盡行裁革飭令各營
修器械勤操練得 旨湖廣通省被五六庸夫敗壞賴爾一人幸
保無事厥功不小三年加太子少傅調補江南松江提督尋加兵
部尚書銜世襲騎都尉四年疏言江省竊案較他省獨多緣財賦

之區商旅輻輳加以支河小港易於藏奸晝潛夜出難以稽查臣
設巡船遣目兵輪流巡緝並飭通省水陸各營一體巡查盜風庶
可少息得 旨該管協營悉飭令實力爲之五年八月疏言臣於
湖廣提標中營守備魏瓚荆門營遊擊魏琨奉 旨命臣攜至江
南以遊擊守備題補臣長子魏瓚業荷 特恩准補臣標中營守
備請以次子魏琨 賜補泰州營遊擊臣感 聖主矜憐令臣父
子同任一方是以冒昧題請下部議 從之十二月奉 旨魏經
國由末弁屢次超遷用至提督朕聞伊在楚聲名甚好加恩優待
因松江地方緊要將伊調補乃伊沽名釣譽求悅於人以致湖廣
營務廢弛卽在松江從未奏地方利弊一事亦未舉劾一人所長

不過操守一節其屬官弁兵賢不肖皆相安而昵愛之故京師稱道者多觀其行事實足爲政事人心之害著革太子少傅尙書銜並世職回京另用六年授鑲紅旗漢軍都統七年正月署直隸古北口提督閏七月請改石匣營遊擊爲順義營遊擊石匣營中軍守備爲順義營中軍守備並增撥兵丁三百名駐順義移漕河把總駐牛欄山順義把總駐楊家莊 從之九月疏言熱河一帶地方路通各口建立 行宮四方貿易駱驛不絕近省貧民俱託足餬口臣親歷河屯營十汛見人煙稠密戶口殷繁外來遊民蝟集遊閒滋事者不少理事同知一員約束難周熱河迤東一百八十里地名八溝接連蒙古行商多聚於此最爲繁雜請增設通判巡

檢等官與同知分管河東河西部議 從之八年二月疏言武職親丁名糧前經河東督臣田文鏡奏准馬步各半各省一體遵照臣查各省營制大率馬二步八然有馬糧甚少僅供差防者有祇設守糧無馬糧者有設馬步戰糧無守糧者如武職親丁名糧俱准馬步各半行之河東二省自必相宜若槩以爲例似難通行請將馬糧甚少與祇設守糧之營按馬步各半之數以二步抵一馬聽提鎮臣酌定至於祇有馬步戰糧並無守糧於古北提標石匣新營各員所食步戰糧較之馬糧祇少草豆乾糧其餉數無異似應照馬二步八兩作養糧亦與馬步各半之數相等一變通閒實於軍務有裨得 旨覽魏經國所奏有不得不因地制宜之勢其

言甚爲明晰著直省督撫提鎮各就本地營伍情形酌議並下部知之八月疾作遣御醫齋藥往視十月卒遺疏入諭曰魏經國歷練營伍操守潔清向蒙聖祖仁皇帝深恩由微弁用至湖廣提督朕復授以松江緊要之任伊居官謹飭砥礪廉隅但遇事瞻徇兼有罷輒之習是以調取來京切加訓誨上年用爲古北口提督遵朕指示辦理妥協無忝封疆之寄今聞流逝深可憫惻應得卹典察例具奏尋賜祭葬如例諡僖恪

右 國史館本傳

四書章句

卷之三

三

--	--	--	--	--	--	--	--	--	--

蘇大有

蘇大有湖北襄陽人由行伍拔補雲南督標左營把總康熙五十四年遷本標千總五十七年遷提標後營守備雍正二年遷左營遊擊時西藏新定大有隨鶴麗總兵張耀祖駐中甸護餉道三年遷尋常營參將五年擢貴州定廣副將六年九月丹江生苗梗化巡撫張廣泗督兵分勦十月大有率候補守備傅又新等由石路攻克七告寨十一月復由烏高攻楮桷設卡要路三擊取糧賊追至石板寨山後苗千餘來犯大有設伏佯敗麾眾夾擊直取小丹江克土城五寨八會丹江苗千餘劫參將趙文英於天柱營大有馳擊走之十二月至黃毛嶺苗擁眾四千阻隘大有冒險衝殺左

股被槍傷戰益力連克寨八乘勝進攻挑繞大寨並七小寨盡燬
之丹江平七年三月擢雲南鶴麗總兵廣泗以貴州清水江地接
九股生苗直達古州降眾聚處數萬撫馭不易商之總督鄂爾泰
奏請以大有畱辦清水江軍務得旨俞允七月調黎平總兵十
月調古州總兵仍畱清水江八年七月古州擺調方勝等寨生苗
不法大有還鎮調度勦捕事宜十月卒鄂爾泰疏言蘇大有忠勇
過人勤勞報國殫心竭力以致病亡前大兵攻勦丹江苗寨時
大有身先士卒臨陣受傷苗民無不畏服且服官以來與士卒共
甘苦不爲家計身歿日一無所遺除一切後事俱已料理妥備回
籍路費及於原籍代置薄產臣當一一措辦斷不令其妻子失所

外其因公借支公項千六百兩可否寬免伏候睿裁奏入 諭曰
據奏蘇大有忠勇過人勤勞報國殫心竭力以致病亡深可憫惻
應得卹典察例具奏其借支公項銀兩著加恩寬免部議給半葬
如例奉 旨給全葬 賜祭一次十年二月 上追念大有與福
州將軍蔡良福建提督張起雲雲南總兵魏肅國皆素有賢聲而
勤勞王事以歿 特命直省各建賢良祠祀之

右 國史館本傳

									167-284
--	--	--	--	--	--	--	--	--	---------

167-284

魏肅國

魏肅國雲南昆明人由行伍拔補永北鎮右營把總康熙五十五年遷本標左營千總五十九年從定西將軍噶爾弼定西藏師還遷本標中營守備雍正二年二月敘功加署都督僉事四月魯魁山猥賊方景明陳阿巴等肆劫總督高其倬遣官勅捕景明投順阿巴走土夏復糾黨擾茶山肅國以兵三百追至整董阿巴據險拒肅國麾眾斬百餘級復追至蠻先寨擒阿巴斬之其倬以聞上嘉肅國奮勇下部議敘七月遷尋霽營遊擊三年調督標後營遊擊四月遷武定營參將先是法夏伙日祿天佑擅殺東川營兵捕未獲詐言已死其妻沙氏管理夷事與天佑各居一寨縱土目

肆掠東川及武定祿勸尋甸等處又因烏蒙改流暗造軍器謀叛
翦國擒其黨沙世鳳祿三斤等訊得狀告總督鄂爾泰雍正五年
十二月鄂爾泰檄翦國率守備王先協同東川營參將楊國華分
路進剿有關曰老烏老賊眾守隘翦國親督兵上下奮擊破之直
搗天佑所居多顆落沙氏所居花椒園覆其巢賊眾潰沙氏墮崖
死擒天佑東川平 諭部議敘是年西藏第巴阿爾布巴等以私
憾戕貝子康濟備擾西藏 命左都御史查郎阿副都統邁祿往
討翦國選兵甲由中甸進駐察木多候調遣六年事平回汛七年
八月擢貴州銅仁協副將十一月調雲南督標中軍副將八年七
月擢臨安鎮總兵九月烏蒙降猓祿鼎坤子萬祿聚眾叛掠東川

壽國往勦鼎坤弟鼎明時在軍營伺隙刺壽國傷左膝壽國立斬
鼎明束創亟擊連破賊眾十一月以創重卒部議給半葬如例
特旨給全葬 賜祭一次十年二月 上追念壽國及福州將軍
蔡良福建提督張起雲貴州總兵蘇大有皆素有賢聲而勤勞王
事以歿 命直省各建賢良祠祀之

右 國史館本傳

東洋文庫 第三卷 第二十二

三

張起雲

張起雲山西大甯人由行伍拔補把總康熙十六年擢太原鎮左營守備雍正四年正月遷福建撫標右營遊擊八月調延平城守左營遊擊六年十一月調陸路提標右營遊擊十二月遷湖廣桂陽營參將七年五月調福建水師提標中軍參將八月擢金門總兵八年正月署南澳總兵二月奏言澳鎮右營巡海六號緝船遭風飄溺官兵一案遵奉 恩旨例賞淹沒兵每名銀五十兩生存兵三十兩前鎮未經給發臣因事關卹典細加確察把總一員兵丁黃春等十四名委係淹沒生存兵丁寶祇劉國明等九名其林禹等三十七名並未隨行濫邀賞賜皆由營弁濫報轉詳適鎮臣

許良彬署事金門據詳咨呈督臣題報臣不敢徇隱應將實在存
沒兵丁二十三名給賞其冒濫兵丁扣除得旨此奏可嘉實屬
奉公不欺汝能如是存心何慮不爲千百載之人物也尋諭內
閣朕念江海風濤不測弁兵因公差委遭風受困者加恩照陣亡
例賞卹豈意舉行伊始卽有南澳巡海哨船遭風冒開兵丁之事
經張起雲奏參許良彬亦卽實奏著交部議敘近有條奏內稱粵
東三面環海例應巡查遂有無賴營兵視卹賞爲射利之捷徑難
免乘機作弊請嗣後遭風身故弁兵仍照例議卹外其被溺而仍
獲生全者可否停其賞給等語合之張起雲所參事同一轍著各
省督撫提鎮通行曉諭務據實開報勿忘朝廷格外之恩而蹈欺

妄之罪六月奏言南澳鎮上通閩洋下連粵海巡查不可少疎臣親率兵船巡查各處洋嶼嚴飭謹防惟思查緝姦宄當制未萌海中原無盜賊皆由陸地無藉之民結伴潛出與其追擊於在洋已發之後不若防緝於在陸欲發之時而搜剔線窩得其蹤跡尤當用以賊攻賊之法見獲舊通奸匪者一二人勸以厚賞助以自新密爲耳目四處躡探如有暗謀糾夥出海確證飛報緝拏酌量獎勵如借端生事卽加痛懲仍飭弁兵嚴查跟究則陸地之根腳漸清汛口之究查漸密庶奸頑斂跡地方得以安堵得旨加緊巡查悉心料理十二月署陸路提督九年調署廣東提督患病未赴十一月卒諭曰張起雲才具優長實心供職簡任提督正資料

理昨聞患病特遣太醫馳治冀其痊可今聞溘逝深爲憫惻應得卹典著察例具奏其柩櫬家口在閩著該督寬裕幫給路費遣官一員送回原籍尋 賜祭葬如例諡恪毅十年二月 上以起雲與將軍蔡良總兵蘇大有魏翥國皆素有賢聲勤勞王事宜在賢良之列 命直省建祠祀之

右 國史館本傳

克什圖 子阿蘭泰

克什圖蒙古正白旗人姓博爾濟吉特氏康熙十三年從征福建十六年海賊分犯漳州克什圖隨大軍至天東橋進擊大敗賊眾二十年從將軍賴塔由廣西進剿逆孽吳世璠賊將何繼祖等糾眾萬餘據石門坎隘口克什圖步擊之繼祖等退據黃草壩克什圖當先奮戰賊大敗又敗賊將胡國柄劉起龍黃明等於歸化寺二十三年補驍騎校二十五年敘功授雲騎尉世職三十一年駐防江甯三十四年還京授三等侍衛三十六年遷二等侍衛三十八年補察哈爾遊牧地方總管四十年七月因逃人私入園場解總管任十一月授三等侍衛四十二年奉命使準噶爾還以多

騎喀爾喀馬革職五十四年補藍翎侍衛時準噶爾台吉策妄阿喇布坦侵哈密大兵將進討 命克什圖偕原任員外郎保住分路齎 敕往諭五十五年三月還 上召詢情形 諭議政大臣等曰策妄阿喇布坦乃巨猾奸詭之人甚屬無恥以朕之使臣非使臣諭旨係出部文奏請另遣賢能大員克什圖等出使策妄阿喇布坦處已經數次著仍前往頒示諭旨書諭旨時令克什圖面看繕寫此番使臣到策妄阿喇布坦處得其確實情形大兵即可前往四月克什圖復偕保住使準噶爾授二等待衛並 命復雲騎尉世職五十九年五月從靖逆將軍富甯安由烏爾圖進兵至烏蘭烏蘇口偵賊伏伊勒布爾和碩克什圖率輕騎夜襲之賊以

我兵掩至登山藏樹石開發火器抵拒克什圖麾兵亟擊殺賊三十餘擒賊首垂木柏爾十月授副都統六十年六月回人托嗎托克穆特等來降 詔借侍衛阿玉錫領察哈爾兵千駐吐魯番納降八月策妄阿喇布坦遣眾來犯克什圖自出擊而令散秩大臣阿喇納尾已後來擊追入林中擒斬甚眾六十一年 命管理吐魯番等處屯田雍正二年奉 旨克什圖年老著都統穆森同轄屯田兵四年還京授散秩大臣五年正月授護軍統領署鑲黃旗蒙古都統四月擢領侍衛內大臣兼議政大臣尋奉 命與鄂羅斯定界六年總管北路軍臺七年 諭曰克什圖征勦雲南時頗著勤勞今大臣中與伊相似者甚少復於軍前衝鋒陷陣得有傷

痕且屢次出使準噶爾又於蒙古地方效力懋著勞績著加授騎都尉世職九年 命往青海與郡王額爾德尼額爾克托克托爾等選兵防禦準噶爾是年卒 賜祭葬如例諡勤恪子阿蘭泰襲職官至都統

右 國史館本傳

阿蘭泰

阿蘭泰蒙古正白旗人姓博爾濟吉特氏父克什圖官領侍衛內大臣有傳康熙五十五年阿蘭泰襲父所遺雲騎尉世職五十九年授藍翎侍衛累遷二等待衛雍正九年襲父所晉騎都尉十二年三月授頭等待衛八月授滿洲正黃旗副都統乾隆四年 命

赴塔密爾軍營辦事六年還京調滿洲正白旗副都統十年遷蒙古鑲藍旗都統十二年擢甯古塔將軍疏言永吉一州駐吉林烏拉係甯古塔地方向隸奉天府一切旗民事務由彼轉咨不但稽延時日且辦理掣肘諸多未便請改設理事同知隸甯古塔將軍轄 從之十三年四月調盛京將軍七月疏言船廠旗民命盜案件見歸理事同知辦理將軍衙門舊設理刑司主事及筆帖式二員應裁但繙譯往來文移不可無人請畱筆帖式一員部議如所請行十四年遵 旨酌議護送朝鮮貢使章程奏言向例貢使至邊鳳凰城城守尉點進關門交護行官兵看守沿途俱有館舍後因館舍不敷聽租住村莊恐人多滋事請嗣後貢使入關貨物行

李同行按站派官一員兵二十名護送遞將次日宿處報知前途
地方官代備店舍投宿後護行官兵看守巡邏儻內地不肖之徒
與入貢人役生事拏交地方官究治如地方官預備不用許護行
迎送通事官揭報府尹迎送通事官約束不嚴許護行官揭報禮
部護行官看守不嚴許迎送通事官揭報將軍如迎送通事官任
貢使騷擾及護行官縱容兵丁許地方官揭報該上司均照例議
處下部議行十六年奉天府尹圖爾泰奏義州倉豆積年霉變請
減價平糶 諭阿蘭泰等歲撥近海州縣餘豆一二萬石及見議
裁馬羣應支之豆一並運貯通州備京師平糶阿蘭泰因奏言錦
甯廣義四州縣附近海口除民地項下之豆照舊存貯其退地項

下每年支贖豆萬七千餘石應儘數運交豐年再照時價購一二萬石搭運運船由天津官雇來奉臣等委員攜斛運至天津兌收轉交通倉部議 從之十八年疏言我 皇上軫念奉天兵丁生計特設滋生銀兩許隨時借給見在兵丁倒斃之馬例應買補而所得錢糧僅供食用請將滋生銀內借給半年錢糧令買補分年扣還官員有需用者亦請一體酌借議如所請行十九年還京軍機處行走尋 命赴北路軍營授參贊大臣 諭會同喀爾喀扎薩克等選馬備用毋傷生計二十年二月大軍進勦達瓦齊阿蘭泰偕額駙色布騰巴爾珠爾等統哨探兵前進六月達瓦齊就擒凱旋敘功晉男爵 命畱烏里雅蘇臺辦事八月輝特降酋阿睦

爾撒納叛潛遣心腹人至扎卜堪取其孥至則阿蘭泰已遵密

旨往收盡執之遷其戶畜於塔密爾會巴爾沁總管阿克珠勒竄

附阿睦爾撒納阿蘭泰遣總管鄂博什以索倫兵五百馳追並分

截各隘口阿克珠勒就擒上獎其辦理合宜九月再授參贊大

臣隨定邊左副將軍達爾黨阿追勦阿睦爾撒納尋命仍畱烏

里雅蘇臺辦事二十一年二月杜爾伯特降酋訥默庫謀叛戕守

汛侍衛護軍統領舒明偵得狀馳以聞諭阿蘭泰速往擒阿

蘭泰請調兵防護並遣人往詢訥默庫同部台吉策凌得旨訓

飭三月奏訥默庫就擒諭曰此事係舒明籌辦甚屬妥協阿蘭

泰一味推諉若照伊所奏辦理必至遲誤著將阿蘭泰男爵革去

卽賞給舒明以示鼓勵尋 命偕舒明往駐布延圖七月移駐納
米爾沙扎海八月仍授參贊大臣隨定邊左副將軍成袞扎布追
擒和托輝特叛賊青袞咱卜十二月隨成袞扎布在烏里雅蘇臺
辦事二十三年遷京城漢軍鑲黃旗副都統二十四年遷歸化城
都統二十五年卒 賜銀五百兩治喪其子法里哈降襲雲騎尉

右 國史館本傳

袁立相

袁立相直隸宣化人康熙三十九年武進士授三等侍衛四十二年授直隸涿州營參將四十六年擢河間副將五十一年調湖廣長沙副將五十四年丁父憂服闋補福建建甯副將引 見奉

旨袁立相人才出眾朕所素知宜揀補要缺建甯事簡可另選員補授尋補通州副將六十年擢天津總兵 賜孔雀翎雍正元年調山西太原總兵五年疏言澤州城僻近太行最易藏奸向設把總一不足以資彈壓臣前疏請將潞澤營中軍守備移駐澤州將把總移太行山頂之攔車鎮部議未准伏思澤州實屬扼要仍懇聖恩特設守備一千總一帶兵百名駐澤州歸潞澤營參將轄其

原設把總帶兵二十名移攔車鎮分防晉廟草底二鋪於地方實
有裨益得 旨如所請行六年三月臨晉縣奸民師刑樊中花張
臣等糾眾鬧縣中花臣獲後越獄絳州知州萬國宣等赴張村營
村角林村分捕張村營村民數百拒捕傷役立相檄遊擊胡海率
兵三百馳赴臨晉與蒲州協副將薛鳳翼合捕先遣諭三村獻首
犯餘當題請免罪村人尋縛師刑來獻並請自捕中花臣立相撤
兵二百令海率兵百並蒲州協官兵駐縣彈壓又密訪奸匪戶口
姓名及地方官疎懈狀以 聞 諭曰爾於此一事料理周密奏
報詳悉甚屬可嘉能如此不欺不隱實心任事庶不負封疆重寄
也五月 上諭兵部曰袁立相老成練達實心任事朕屢欲用爲

提督因太原一鎮甚屬緊要是以未用於他省著特授爲提督節制山西全省此朕因才而用者不必爲例時立相已病猶力疾閱邊兵七年 遣醫診視 賜葭藥八年疏請解任調理 允之尋賜其孫秉誠爲武舉准其一體會試九年立相卒 賜祭葬如例諡勤毅秉誠由武進士授侍衛乾隆十五年授江南河標蕭營都司二十一年遷提標前營遊擊二十八年遷提標中軍參將三十四年遷江甯城守營副將三十六年署太湖營副將三十七年擢浙江温州鎮總兵三十九年卒

右 國史館本傳

167-306

國朝耆獻類徵初編卷二百八十三目錄

將帥二十三

德成

楊天縱

岳超龍
子鍾璜

拉錫

高其佩

師懿德

趙坤

法喇

楊通仁

陳文宣

阿必達

郭璞

李椅

哈元生

樊廷

范時捷

弟時綬
孫建中

楊國華

劉策名

南天祥

國朝耆獻類徵初編卷二百八十三

通奉大夫前署江西巡撫江西布政使司布政使湘陰李桓輯
將帥二十三

德成

德成滿洲鑲紅旗人姓兆佳氏康熙四十三年由筆帖式授禮部
主事五十六年兼副參領五十七年遷工部員外郎雍正元年兼
佐領尋遷本部郎中三年二月遷參領八月擢鑲紅旗滿洲副都
統七年四月遷正藍旗護軍統領七月疏言旗人入學後許考試
筆帖式取中先以無品級筆帖式用升任後方與有品級筆帖式
較俸推升竊思文生員係正途與舉人僅隔一階舉人授職七品

請嗣後文生員考補筆帖式者降一等與監生一體授八品筆帖式下部議行八月遷正紅旗滿洲都統兼管火器營事九月疏言臣奉 旨監試八旗鄉試生監騎射八旗咨送有名冊遺漏臨時方咨者有已行文而禮部遺漏補送者且名姓重誤甚多事關大典考試既有定期咨送常有定限請嗣後禮部於考期四箇月前行知入旗該旗將姓名年貌造冊於兩月前送部禮部卽會同兵部將旗分姓名年貌對清如該旗逾限禮部題參部中外漏監試大臣題參又言包衣佐領下莊頭子弟居住屯鄉臨考所派包衣參領不能徧識難免頂替請嗣後每旗派參領一員每參領下派參軍章京一員本佐領派領催等帶送應考人向參領等識認

公同送考騎射并送入場儻推諉不到禮部題參又言例載十五歲以下應考童子亦令考試騎射但年未及壯力不勝馬者甚多請停馬箭祇令考試步箭俱議如所請九年正月奉 命往西甯辦理青海事務及噶斯軍需十年正月卒於西甯 賜祭葬如例諡勤僖

右 國史館本傳

國史文獻通考卷之二十三

二

楊天縱

楊天縱陝西渭南人由行伍於康熙二十四年拔補四川提標把總二十九年補峩邊千總三十九年十月打箭鑪營官喋吧昌側集烈煽亂天縱隨提督唐希順進剿四十年正月攻二道水磨岡磨西面等處首先破敵克打箭鑪敘功擢署遊擊四十四年補浙江處州都司四十七年授福建福甯遊擊明年遷山西潞澤營參將四十九年調東路營參將五十三年署山東沂州副將五十七年推升貴州定廣協副將 特旨加銜畱任五十九年推升廣東雷州協副將巡撫李樹德奏稱沂州山汛險要請仍以升銜畱任上報可並加署都督僉事雍正元年遷雲南臨元鎮總兵時魯魁

山猱夷方景明等恃眾據險剽劫肆害天縱偕布政使李衛率兵
勦捕賊黨盡伏誅以功 予紀錄四年擢貴州提督五年三月疏
言各省軍政多劾千總把總至一二十員不等千把雖屬微員平
時有防汛護餉解逃捕盜之責遇敵宜身先士卒偷惰應不時斥
革何待五年軍政始行參劾皆緣不肖提鎮一則爲大員塞責一
則得受錙銖去一千總必拔一把總去一把總必拔一兵丁祇圖
飽其囊橐上負 君恩下屈末弁請 敕各省提鎮嗣後千把有
劣員卽時斥革不得於軍政年塞責 上是其言 諭兵部曰向
來軍政之年該管官員往往以千把等官劾參塞責似此微弁優
者可以隨時拔用劣者原係咨部黜革何必待五年軍政之時著

停止時長寨狎苗阻建營房總督鄂爾泰勦平之其東西南一帶
生苗素不服約束不納貢賦內地狎苗以爲逋窟天縱借鄂爾泰
設法招撫遣參將劉成謨率熟苗頭人告示開誨賚以銀牌花苗
皆感化苗頭至署投見者加意撫慰令薙髮給衣冠酒食諭歸時
轉相化導共撫生苗一百四十八寨凡五千六百餘口量給地糧
爲民六年二月敘生苗歸化功 予雲騎尉世職嗣巡撫張廣泗
清理苗疆丹江苗糾眾抗拒天縱調兵協勦十月疏言各營所存
有滅吳逆大礮太重黔省山高箐密攜帶維艱餘礮多不及遠臣
製靖蠻大礮能攻數里又造過山鳥俱能攻遠便捷選標下弁兵
帶赴撫臣行營聽用嗣恐兵不足分布隨調安籠安南大定黔西

長寨等營弁兵攜礮赴凱里一路候分布進攻 詔嘉其料理合
宜七年正月天縱追劾前署巡撫祖秉圭言上年張廣泗清理苗
疆本期宣布 皇仁俾傾心內嚮並無用兵意及秉圭不諳事機
於廣泗未到先日在教場操點兵馬聲欲盡勦以致頑苗糾眾抗
拒勞師動眾其梗化之由臣不敢爲之隱諱 諭曰生苗必經此
懲勅方可圖維久安之道朕前因祖秉圭不能勝任業予罷退此
類情事焉能逃朕鑒察耶九年天縱以老乞休 命加太子太保
致仕十年二月入籍四川成都府七月卒 賜祭葬如例諡襄壯
次子炤襲世職卒炤弟熾襲卒停襲

右 國史館本傳

岳超龍 子鍾璜

岳超龍甘肅臨洮人兄四川提督昇龍自有傳超龍初姓劉名曰傑康熙四十二年由行伍拔補四川松潘鎮右營把總四十三年升龍安營千總四十七年升建昌鎮左營守備引見蒙上垂詢復本姓名五十四年超升東川營遊擊六十年以兄子鍾琪任四川提督迴避調陝西西甯鎮左營遊擊雍正元年署河州協副將二年河州口外鐵布等寨番賊肆劫超龍率兵進剿取寨四十一撫寨三十七殺傷番賊二千一百餘獲人口牲畜無算三年三月實授河州協副將七月復以鍾琪任川陝總督迴避調直隸張家口協副將六年二月授天津鎮總兵奏請革除陋弊一各營公

費糧原爲添製旗械火藥之需今乃以爲供應總兵衙門之用臣飭各營公費只許因公動用嗣後如有非關營伍之事擅動公費者卽行糾參一各協營每年與總兵衙門書辦規禮銀三四十兩臣俱嚴行禁革一總兵衙門及各協營書辦旗隊等除本分糧外俱有多食貼糧臣查其中有催漕等差酌畱餘槩行募補一鹽商每年與總兵衙門書辦飯銀二百餘兩相沿已久今各項陋弊俱革臣酌畱此項俾書辦藉資養育一總兵衙門鹽規外尙有鹽商每年餽送節禮銀二百兩臣蒙 恩將鹽規作爲養廉何敢又受節禮因思臣標弓箭兵自行購箭甚屬艱難臣將此項銀兩按年造箭賞給俾得益勤習練得 旨初到任之奏卽能如此明白妥

協者少朕實嘉悅覽焉勉之勉之八月 命署湖廣提督八年五月寶授十月以貴州烏蒙逆夷滋擾超龍奏言古州等處新撫苗疆密邇黎平鎮遠與湖南靖沅接壤甚關緊要隨遣臣標並湖南撫標及各協營兵共一千五百名飭副將何勉等分帶一千名由辰沅赴鎮遠駐紮飭參將母椿齡分帶五百名由靖州黎平直抵古州均聽鎮臣蘇大有調度得 旨料理甚屬可嘉十二月以六里紅苗新附版圖易滋煽惑遣兵四百名前往貼防又以黔省新撫苗疆界連楚省遣兵五百名赴黔界聲援奏入 諭曰所遣兵數似猶覺單薄毋因愛惜小費將就草率致誤事機也九年奏言臣准鎮筓鎮臣周一德咨稱正兇石老明就擒所有搜獲餘黨見

在黔省官兵儘足遣用可以無煩楚兵隨檄令領兵員弁各帶所部兵一千五百名撤回原汛臣查頑苗恣肆雖正兇就擒餘黨尙未盡除當此搜捕之際益需兵威彈壓今鎮臣祇畱兵六百名分駐米訥葫蘆寨二處似覺單薄況苗性反覆不常儻見所撤楚兵過多或又四出竄匿若需兵堵截誠恐緩不及調臣不敢稍有瞻顧隨於所撤兵一千五百名內將臣標兵五百名暫停撤回飛飭遊擊劉景榮等帶回原駐地方以資防範其原撥貼防六里兵四百名亦仍令駐紮彈壓俟黔省搜捕事竣一并撤回 上嘉其深合機宜十年卒子鍾璜四川提督自有傳

右 國史館本傳

岳鍾璜

岳鍾璜四川成都人父超龍由行伍投把總累遷陝西西甯鎮遊擊雍正元年署河州副將二年河州口外鐵布等寨番肆劫勦撫有功實授副將四年以兄子鍾琪任川陝總督迴避調張家口副將六年遷天津鎮總兵尋擢湖廣提督十年卒鍾璜於雍正七年以鍾琪奏赴西路軍營效力八年授藍翎侍衛命在乾清門行走十三年十二月授鑾儀衛治儀正仍兼侍衛賜戴孔雀翎乾隆元年擢四川威茂營參將尋調成都城守營五年遷永甯協副將八年擢福建甯鎮總兵九年丁母憂接丁父憂服闋補江西南贛鎮總兵十三年調雲南開化鎮十四年調昭通鎮十六年擢

廣西提督十九年三月調四川提督八月疏言松潘鎮臣出口化
番三年一次番性多猜各部落不相往來今因化導調集先期守
候彼此互防甚非所願且見小貪利道遠者賞資不敷所費往往
託病不來惟附近土司貪領犒賞誠屬有名無實又從往弁兵口
糧自備未免苦累請停止以節勞費 上聽其言如所請二十年
請裁普安營兵百五十千總一並裁安阜營兵五十移把總於阜
和營得 旨允行時打箭鑪外扎撒麻書兩土司因爭喇嘛構釁
金川及綽斯甲布坦麻書革布什咱及德爾格忒袒扎撒互讐殺
鍾璜同總督黃廷桂奏委都司宋元俊等往諭 恩威令各罷兵
歸巢二十三年四月同總督開泰奏報金川土舍郎卡與革布什

咱土司色楞敦多卜聯姻失睦潛誘革布什咱屬附己而突以兵
逐色楞敦多卜於吉地官寨圍之並及其妻弟小金川之子土司
僧格桑小金川兵至僧格桑潰圍出色楞敦多卜亦奔泰甯求援
見飭革布什咱同盟各土司助色楞敦多卜一面調雜谷土練五
百同梭磨等土兵駐丹壩又土練五百同明正木坪等土兵駐章
谷泰甯並調黎雅峽邊各協營兵二百赴打箭鑪彈壓一面嚴諭
郎卡罷兵 諭曰向來番苗自相攻擊原可不繩以內地官法此
次金川與革布什咱興兵構怨不過因結親起釁情形本與蠻觸
無殊惟所奏分撥土練彈壓打箭鑪等處一節未甚明晰該地係
通藏之路如止穴中自相劫掠於打箭鑪有何干涉但開泰岳鍾

璜素非好事之人其所陳奏慮其偏於息事斷不致過於張皇果使該酋之意不專在革布什咱將爲邊隅滋擾伊等別有訪聞蹤跡必須徹底辦理據實速奏候朕另行降旨五月奏郎卡揚言欲攻巴旺小金川及明正又屢稟地方官以伊女先嫁革布什咱則革布什咱之地應歸伊女掌管意圖占據查革布什咱界連明正土司若爲金川久據不惟巴旺小金川勢頗危迫卽明正亦須防範番性頑劣旣非言語所能速化而伊等互鬪又未便遽用內地兵力惟有駕馭各土司令以番攻番見經明正綽斯甲布巴旺等土司擊敗郎卡奪還革布什咱地報 聞二十四年四月奏郎卡屢爲綽斯甲布小金川丹壩等土司擊敗遣人投稟乞和 諭曰

番情狡黠萬不可以憑信致生事端惟在該督提等察訪實情相機辦理一切行所無事以靜鎮處之閏六月奏言梭磨卓克采從噶克三土司爲雅州一帶藩籬丹壩地在西南又爲三土司門戶由丹壩再向西南數十里係綽斯甲布金川交界該土舍策旺會攻金川甚出力請給土司印信號紙部議如所請二十五年六月疏請於定遠合州巴縣等處請設哨船令塘汛弁兵往來巡查奸匪從之二十六年四月奏言金川番民本有限人戶各土司四面圍攻男丁輪防礮卡婦女背運口糧迄無休息上年土司莎羅奔又死郎卡乃其姪孫土舍自知孤弱稟懇息事臣等思金川與革布什咱構釁本不過穴中互鬪惟因郎卡狡黠恐其得寸思尺

是以不可不加懲創今各土司圍堵兩載餘郎卡既不獲逞吞併之謀而且數勦稟求剖斷若仍令各土司駐兵攻守既不能剋日奏功轉恐日久生懈見派妥員前赴綽斯甲布丹壩金川一帶諭責郎卡罪惡將所占丹壩界內礮卡拆毀各土兵及土練以次撤還報 聞二十七年二月郎卡請襲土司鍾璜等以綽斯甲布及小金川與郎卡久絕請無庸照例取鄰近甘結 諭曰此奏意在直捷簡便所見亦是然不爲郎卡明白宣諭恐彼不知懷畏轉疑有意遷就一似徇其所請竟不待各處甘結者然或至潛生驕縱殊非控馭之道著卽曉諭郎卡謂鄰近土司與爾素有嫌隙若因承襲之事照例取結伊等並不樂從今據爾懇求竟免其輟轉取

結以示嘉惠之意但襲職之後如或妄思滋事在鄰近諸部斷不能相安而封疆大臣亦斷不宜爲此稍貸方足令其做惕於體制亦爲允協十一月同開泰奏報郎卡突圍丹壩官寨見飭守備溫欽等馳往詰責查明滋釁緣由酌量剖斷儻支吾觀望意圖吞併則增調士兵及土練辦理 諭曰此奏未免先事預設調停之見於辦理機宜未能領會該督等前於乾隆二十三年奏金川與革布什咱有結親構釁之事明正綽斯甲布兩路進攻屢經傳諭不必懲以官法惟有以番攻番之策或令綽斯甲布小金川分據其地而彼時開泰岳鍾璜不能體悉朕旨未免意存姑息但取解紛了事以致養成驕縱此時郎卡初襲土司卽已垂涎丹壩其明驗

也殊不知此等狼子野心即可目前詰責認罪又安能保其永遠受約安靜乎土司內如革布什咱丹壩等類其力之強弱雖殊然皆可借此以爲耶卡之敵如果其挾讐攻擊竟將耶卡剿滅豈非策之最勝者乎著傳諭開泰等斷不可有先事部署官兵協力援助之計致涉張皇所有鄰近土兵旣集或卽協力剿除分有其地正可聽其各自爲計番境轉可相安儻各土司不能并力剿除而耶卡仍怙惡不悛有必須另行辦理者則亦非該督提等以川省綠營官兵所能任其事開泰等臨時據實奏聞候朕酌辦此時只須靜以聽之不可調派紛紜徒擾番人觀聽也二十八年七月奏督勵綽斯甲布勒布什咱小壩梭磨卓克來從噶克鄂克什九土

司會攻金川狀 諭控制大體當光明正大經理得宜毋事調停
遷就三十年二月同總督阿爾泰奏郎卡乞令九土司撤兵 詔
勿許三十一年六月鍾璜來京 陛見 諭曰九土司會攻金川
一事相持已將數載尙未就緒茲詢之岳鍾璜亦未有善策以番
攻番之計似難責效伊等并稱賊酋儻知悔罪歸還丹壩額礪請
網開一面施恩寬宥所奏未得此事要領金川侵擾土司乃番夷
互相讐殺初不敢干犯內地本無庸加以兵威又何罪之可宥若
欲爲解怨息爭之說令其設誓籲恩此不遇蹈綠營虛誕惡習以
圖掩飾耳目於事仍無實濟如慮賊酋漸肆跳梁須加懲創則預
籌糧運密偵地利然後厚集兵力分路夾攻一舉而殄滅之並非

難能之事但用兵究屬無名亦不值一辦至該督等平日遣往宣諭之員文職不過府廳州縣武弁不過參遊都守欲得通達事體者頗難其人萬一措詞失當轉致誤事機而損國體且傳述或有粉飾更不得該處實情就目前大局而論莫若阿爾泰會同岳鍾璜親赴該地傳集九土司詳悉開導諭以金川與爾等構釁殘殺並不敢侵犯邊境本與內地無涉爾九土司情願協力攻勦原係爾等自圖保守報復非中國欲借爾眾土司之力爲勦滅金川之策設或金川敢作不靖爲征伐之所必及則以爲國家全盛之勢誅鋤暴逆不過一舉手之勞其事無難立就卽如準噶爾之強橫諸回部之驕悍不數年間悉已勦平收其疆土爾等豈不聞知何

有於叢爾金川取之更不啻摧枯拉朽奚藉爾眾土司之助力乎
至爾九土司地廣人眾如果齊心奮力聯絡聲勢抵敵亦非難事
爾等儻因循觀望致金川得肆鴟張勢必近者先被其并吞而由
近及遠漸遭蠶食甚爲非計此乃爾等自貽切膚之患於天朝毫
無所損且金川果將爾眾土司盡行占據卽當特發大兵擣平巢
穴并將爾等地方槩行收取改土歸流以永靖蠻服其禍福利害
一聽爾等自行決擇毋貽後悔如此明白申諭則九土司必知猛
省至提督大員親臨該地卽金川未必不深懾服或可召之使來
與九土司同聽約束亦無不可然此須至彼酌量時勢隨機應變
非有定形所能預爲籌度也見已令岳鍾璜回川著將此先行傳

諭阿爾泰侯岳鍾璜到日會同前往悉心妥辦九月奏報臣等遵旨出口傳集九土司面諭禍福利害行次雜谷腦郎卡遣大頭人當噶爾拉等迎訴上年遵諭毀所立丹壩界內礪卡本不敢復多事詎丹壩人又來私放夾壩是以將額礪奪取爲自保計今願退礪息爭並乞給印又前經打箭鑪獲赴藏學經之喇嘛亦乞釋還察其詞氣似屬實情諭曰前諭該督提等親赴該處明晰曉諭原欲令細察番眾情形審度事勢以定進止如果郎卡實心畏懼輸誠面求退還額礪不敢再行滋擾或可察其惻忱酌量奏辦今並未身履其地又未親見郎卡祇據伊所遣頭人稟懇之詞信以爲實況其所奪之礪尙未拆毀侵占土司之地亦未退還實在

畏威悔罪與否尙未可定乃據奏請給還人口喇嘛並欲給予貯
庫印信與眾土司一體羈縻諸事悉遂其所欲適足爲外番所輕
殊不知番性反覆靡常見在懾我軍聲姑爲乞憐倖免豈能保其
永遠不復滋事若止圖苟且了局何以尊國體而靖邊陲阿爾泰
年齒就衰岳鍾璜又復善病設或各存祇罔目前之念以爲十數
年後皆非伊等所及見不復籌出萬全則是自貽伊戚儻此次辦
理不善將來或仍跳梁滋擾朕惟原辦之人是問十月奏言臣等
自雜谷前進道經梭磨卓克采遇噶克丹壩各土司及土舍頭人
率眾跪迎咸稱金川地險礪多未能擣其巢穴常恨力不從心若
能令退還額礪及穆爾津岡各土司番民俱霑恩及抵金川郎卡

已毀所築穆爾津岡戰碣三座並於康巴達地方率土舍大小頭人瓊叩與前額請退碣贖罪不敢再出滋擾臣等至金川拉必斯滿安營傳見郎卡諭以 天朝統御萬國恭順安分者常守地方多事滋擾者卽予勦滅如準噶爾及回部自恃險遠致干 天討不數年間悉就蕩平汝郎卡受 天朝赦罪大恩如果各安住牧自然常守土地人民儻恃強滋擾卽自取禍汝本土舍業已令汝承襲土司請有新印第因汝與各土司構釁未經給發今旣願還碣卡各安住牧此後果安分自守由該管文武官查報再行請領印信至所請放回赴藏學經之喇嘛等亦候地方官查辦郎卡率大小頭人叩頭稱謝臣等於丹壩畱駐四日據報穆爾津岡山梁

業已收明查郎卡賦性狡詐自恃地險礪多於各土司不無輕視
而其畏懼王法亦係本懷前此與各土司互攻雖經委員駕馭而
辦理未得窾要今蒙 聖明指示臣等一經出口郎卡聞風懾服
及至其巢宣示 德威郎卡卽退還礪卡並獻所掠人口其畏服
情形備見疏入 上以鍾璜及阿爾泰業經辦給完結面允所懇
不便復有改移 諭姑從所奏辦理是月鍾璜卒 諭曰四川提
督岳鍾璜歷膺闡寄宣力有年今聞溘逝深爲軫惻應得卹典該
部查例具奏尋 賜祭葬如例諡莊恪

右 國史館本傳

國朝禮部彙編
卷一百一十四
禮部
禮部

拉錫

拉錫蒙古正白旗人姓圖伯特 聖祖仁皇帝康熙三十年由親軍校授藍翎侍衛三十七年遷三等待衛四十二年遷二等待衛四十三年四月 命同內閣侍讀舒蘭往窮河源九月還京覆命繪圖以奏語具舒蘭傳四十九年正月 諭大學士等纂修滿洲蒙古合璧清文鑑以拉錫與教習唐古特書之蒙古官阿爾必特祜等會同繙譯五十二年遷一等待衛六十一年十一月 世宗憲皇帝御極 命管理藩院侍郎事旋授鑲白旗漢軍副都統又擢正白旗蒙古都統雍正元年八月授散秩大臣時喀喇沁蒙古部落歲款拉錫請行察乏食人數得 旨據奏俟查覆加賑則

見今乏食人必至失所其令戶部派員齎銀五萬兩前往一面清查一面給發毋得稽遲十月調本旗滿洲都統仍管理藩院事十一月諭王大臣曰拉錫任正白旗滿洲都統未及一月卽將本旗事件徹底清查明晰具奏著賞給騎都尉世職以爲盡心辦事者勸二年二月奏言八旗閒散人蒙恩旨挑取養育兵前臣等會議計甲喇人數挑取令正白旗滿洲各甲喇應行挑取者多寡不等請無拘甲喇通計一旗挑取如額數皆允當得旨所奏甚是可通行八旗均照此辦理六月奏言察哈爾右翼四旗屢失去馬匹請敕所司嚴捕竊匪下理藩院議行七月授議政大臣八月劾奏一等待衛武爾登額越分妄用引馬上曰所奏甚爲可

嘉凡爲大臣者悉宜如此畱心整飭豈可謂妄訐細事耶先是諭八旗都統曰朕前降旨清釐八旗拖欠庫銀遲之旣久爾等並未具奏拉錫甫任都統兩月所奏甚詳朕但令一二人償還其餘盡行賞免拉錫誠能仰體朕心者所賞世職尙未從優也至是命以騎都尉兼一雲騎尉三年四月兼管太僕寺四年八月以隱匿烏梁海事不奏吏部議革職治罪得旨拉錫將烏梁海之事有心隱匿情殊可惡但伊辦理旗務亦有效力處從寬免治罪其議政大臣散秩大臣都統兼管理藩院及賞給世職俱革退以一等侍衛管太僕寺卿事效力行走五年五月授鑲白旗滿洲都統十月署江甯將軍六年十二月署天津滿洲水師營都統七年四

月疏言水師營官兵俸糧每歲從北倉新廩逐月運送往返紛繁請於水師營堡城內西北隅蓋造廩房二座截畱運往薊州遵化漕米三萬石備貯二年之需俟支放一年外每年截畱一萬五千石易陳支放並設倉大使一員專司出入事下部議如所請九年八月授領侍衛內大臣署正白旗滿洲都統十一年十二月卒

右 國史館本傳

高其佩

高其佩漢軍鑲白旗人父天爵江西建昌知府遷兩淮鹽運使未
赴任值耿精忠叛遇害其佩天爵第五子也康熙二十一年以父
廢授江南宿州知州二十五年丁母憂歸三十二年補雲南姚州
知州三十六年內遷工部員外郎四十四年授浙江溫處道五十
一年六月以署運使虧空鹽課革職尋開復五十四年補四川永
甯道五十九年九月遷四川按察使雍正元年三月內遷光祿寺
卿協理刑部侍郎事九月擢刑部右侍郎二年正月擢正紅旗都
統仍兼刑部侍郎三年四月 命其佩同侍郎史貽直往四川審
理年羹堯誣罰茶商私占鹽窩各款又陝西郿陽縣因私鹽致死

無辜八百餘人事皆得實十二月因年羹堯冒銷四川鋪司銀兩
係其佩按察使任內事 特旨詢問以鋪司未設乾沒屬實覆奏
下部議追繳五年七月刑部審擬主事菩薩保藏匿隆科多應追
入官銀聽其說稱祖遺給還故入首告者誣罪其佩與尙書賽爾
圖侍郎海壽等並坐黨惡徇私肆行欺罔論斬 詔從寬免死革
侍郎仍畱都統任七年四月因追繳四川任內冒銷帑銀逾限不
究革任十二年九月卒

右 國史館本傳

且園善指頭畫人物花木魚龍鳥獸奇情異趣信手而得余曾見
扇上筆畫散仙數種尤妙

右畫徵錄張庚撰

高少司寇工指頭畫蓑笠野翁更爲奇絕

右養痾閒記張維屏錄

傳事... 卷之三十一

一八

師懿德

師懿德甘肅甯夏人父帝賓由甯夏鎮標遊擊遷直隸三屯營副將康熙二十九年九月裕親王福全等奉旨勦噶爾丹命帝賓統兵千攜兩月糧隨諸王行十月擢湖廣襄陽總兵尋調甘肅涼州總兵三十三年卒於官賜祭葬如例三十六年上駐蹕甯夏召川陝總督吳赫等諭曰朕聞總兵官師帝賓聲名甚好雖身後而軍士尙愛戴之凡有功而居官好者朕皆擢用矣懿德由行伍初任西甯府守備遷霸州遊擊歷遷保定參將張家口副將四十四年古北口提督馬進良以石匣副將缺請上以要缺懿德乃帝賓子人材可用著調補四十五年遷天津總兵四十八

年擢江南提督四十九年丁母憂 命在任守制五十二年懿德
奏請以本身應得封廕追諡其父部議不准 上念帝實勞績
特允所請予諡恪僖旋調懿德甘肅提督五十四年四月策妄阿
喇布坦遣賊犯哈密扎薩克達爾漢伯克額敏北境攻掠五寨抵
城下懿德檄肅州總兵路振聲領兵先至哈密隨調兵往援奏入
命速往策應尋奏駐防遊擊潘之善領兵二百餘敗賊於哈密賊
退駐城南二十里外得 旨嘉獎並賞兵丁把總劄付五月奏言
臣領兵至西吉水地方賊已遠遁但哈密勢孤無牧處請於距哈
密一日程之塔勒納沁有水草處令振聲移駐六月奏言尙書富
爾安將軍席柱等奉 命前至甘州與臣等籌議除遣往噶斯路

防守之滿洲兵督標綠旗兵各一千外其進剿時滿洲兵二千督標綠旗兵一千臣標兵一千火器營兵五百涼州甯夏肅州各鎮標馬兵各一千火器營兵五百其各鎮標兵所需乘騎及運米馬匹俱取給各鎮臣標馬步兵二千五百其需馬五千二百五十見存馬給與外尙缺二千請以甯夏涼州等鎮標馬協助但營馬不便空懸請領帑買補又言屬營並沿邊防守緊要請令鎮綏將軍潘育龍撥標下馬兵二千給甘州總兵袁鈴管轄均下部議如所請五十六年十一月 召懿德至京先是貴州巡撫劉蔭樞請緩圖北征 上命馳赴軍前閱視至是懿德復議不可進兵 上以其奏示大學士等 諭曰此事彼處督撫不奏師懿德獨奏亦是

趙坤

趙坤甘肅甯夏人由行伍拔補甯夏鎮標把總從征噶爾丹有功授玉泉守備康熙四十一年川陝總督華顯題補甘肅提標遊擊得旨趙坤著遇有直隸遊擊缺出補授授遵化城守營遊擊四十五年遷山西平陽營參將四十六年調新平營四十七年遷殺虎口副將五十一年二月卓異引見賜孔雀翎調川陝提標副將五十三年調直隸石匣副將五十四年五十五年上幸塞外旋蹕至波羅河屯坤迎駕先後蒙賜詩扇聯額及內殿馬五十六年因喀斯路增兵分班駐守命偕副將卜應奎管領綠旗換班兵丁旋授雲南鶴麗總兵五十七年西藏第巴達克咱

屬人彭楚達幾潛至雲南邊外中甸貿易坤以第巴達克咱投順策妄阿喇布坦且爲之用拘彭楚達幾以 聞五十八年大將軍定西藏坤偕都統武格等至中甸宣示 恩威五十九年二月率標兵進剿六月至察木多合四川兵隨定西將軍噶爾弼由內五齊進克拉里及莫珠貢喀第巴達克咱降西藏平卽畱駐六十年三月撤回九月 諭曰雲南總兵趙坤爲人明白才技亦優著來京陛見朕另加簡用雍正元年正月擢貴州提督 陛辭請以子候補參將趙秉鐸補本標參將 特允所請五月奏保守備卞萬年田玉吳朝應許緯爲遊擊又奏以修理旗帳等空糧募壯丁五百實之得 旨爾爲朕所信任之人其恤兵清餉處除嘉獎之

外無可多諭所保遊擊四員皆照所請行二年定廣狝苗阿近阿
臥等糾眾不法坤與總督高其倬巡撫毛文銓調兵剿平之 諭
曰此朕御極以來第一次平定惡苗之事趙坤等著有勞績著從
優議敘三年三月授鑾儀使未至 命署四川提督十一月調湖
廣提督四年四月 特命坤子秉鐸調湖廣提標參將時辰谿縣
奸民謝錄正等匿山谷爲盜坤檄都司李汝良往捕弗獲 諭曰
不法匪徒藏匿山谷盜竊爲匪地方文武大吏遣兵緝拏豫先若
有調度何難卽刻擒拏乃發兵千餘而賊徒竟敢抗拒賊首公然
脫逃則大吏全無布置委用非人而弁兵之怠玩可知且事犯多
年地方大吏何不早爲緝捕著明白回奏十月 召坤來京補鑾

儀使十一月坤以錄正就獲奏並自請交部嚴議五年五月議降
二級調用得旨趙坤年已老邁從寬免其降調著以原品休致
十三年卒

右 國史館本傳

法喇

法喇滿洲正白旗人姓那木都祿氏父敦泰順治十七年隨安南將軍達素征海賊鄭成功於福建爲前鋒沒於陣母喜塔喇氏守節撫孤得 旌表法喇初由官生任筆帖式 聖祖仁皇帝康熙十三年充護軍隨征逆藩吳三桂自湖廣至雲南得功牌二還京授護軍校三十五年署驍騎參領隨征噶爾丹尋授護軍參領五十二年遷正白旗蒙古副都統五十五年調正藍旗滿洲副都統明年十月擢鑲白旗蒙古都統時準噶爾策妄阿喇布坦遣其族兄策凌敦多卜等擾西藏與拉藏汗構兵四川提督康泰率標兵千餘往松潘鎮備征剿至黃勝關標兵譟回成都 上命法喇往

成都會同巡撫年羹堯經理軍務卽察訊其事覆奏康泰素不撫恤標兵偏信守備汪文藻任其剋扣給兵銀米請斬汪文藻及倡譟兵五人以徇遣解隨譟九人編插陝西餘兵仍畱營效力 詔如議行革康泰職五十七年正月法喇疏言打箭鑪道狹糧運維艱自荊州調至成都之滿洲兵一千馬匹疲瘦請俟牧養稍肥先遣五百兵往駐得 旨俞允會策凌敦多卜戕拉藏汗侵踞其地拘達賴喇嘛於扎克布哩廟法喇疏言打箭鑪之外曰裏塘又其外曰巴塘舊爲拉藏汗所轄近聞策凌敦多卜誘裏塘喇嘛營官往歸恐竟被搖惑已令員外郎巴特瑪等往宣 聖主威德並令護軍統領溫普於打箭鑪選滿洲兵一百以前鋒參領伍林葩領

之選綠旗馬兵一百烏槍兵三百以化林協副將趙宏基領之同往裏塘彈壓相機撫勦又聞自裏塘以外抵西藏其人敬瑚必勒罕如神今瑚必勒罕之父見居西甯宗喀巴寺應令其遣人徧曉裏塘等營官俾知 朝廷欲保護瑚必勒罕是以發兵往駐則羣番輯服矣又疏言西藏資茶養生賊人雖據藏地非茶斷難久居今松潘一路茶價甚賤應暫禁出口令裏塘巴塘營官開造番寨戶口清冊酌量定數許其買運自皆相率就撫事並下所司議行五十八年二月疏言打箭鑪以外番人尙多觀望不卽就撫若於草長時以兵臨之彼必不敢抗應選成都滿洲兵五百綠旗提標兵一千化林永甯兵五百會期由裏塘深入雖巴塘以外亦可傳

檄而定 上命如議調遣卽以法喇率赴打箭鑪相機撫勦四月
法喇率滿洲兵駐打箭鑪令副將岳鍾琪專領綠旗兵至裏塘曉
諭投獻戶口冊番酋達瓦喇扎木巴第巴塞卜騰阿珠弗從卽縛
之偕其屬五人械送法喇營斬以徇撫定人戶六千四百餘遂進
師巴塘其酋喀木布第巴等亦率屬請降 詔法喇率兵駐守巴
塘時年羹堯爲四川總督 上允廷議令其撥兵二千赴法喇軍
於來年由巴爾喀木進定藏地二十九年二月年羹堯奏授護軍
統領噶爾弼爲定西將軍統兵進藏撤法喇回打箭鑪駐防六十
年正月年羹堯奏撤打箭鑪駐防兵還成都尋奏法喇宜與諸閒
員並回京於是法喇還仍任都統兼署護軍統領十月因護軍自

狀不以實奏革任六十一年逢上七旬萬壽慶典宴滿漢諸臣
六十五歲以上者千餘人於乾清宮前名千叟宴法喇與焉賜
復原銜雍正十三年卒子拉薩哩官至正黃旗蒙古都統見大臣
表

右 國史館本傳

四庫全書

四

楊通仁

楊通仁湖南芷江人雍正中由行伍從征鎮筸苗授甘肅千總累功至饒州鎮總兵所在簡軍練伍威望焯然卒於官

右傳李元度撰

陳文宣

陳文宣字燦然湖南道州人雍正間任祁陽汛把總嚴約束謹巡防獲劫盜七十餘人洊擢三江口副將所到軍令明肅匪黨聞風解散晉温州鎮總兵溫數火災文宣爲置器儲水建樓瞭望火起立率營卒馳救戶賴以安士民立祠祀之以老乞休卒年八十四

右傳李元度撰

國朝文獻通考卷之三十三

三十三

阿必達

阿必達蒙古正白旗人姓阿拉克奇特氏康熙十五年由護軍隨貝子傅喇塔勦逆藩耿精忠黨曾養性於温州生擒僞守備張泗十六年海賊何祐據泉州都統喇哈達選健卒進攻阿必達先登拔之得巴圖魯號尋授護軍校二十年署護軍參領隨將軍賴塔往定雲南擊賊於石門坎黃草壩武功山桂花寺均有功凱旋賜雲騎尉世職三十一年授護軍參領三十五年隨大將軍費揚古赴西路勦噶爾丹至昭莫多大敗賊眾 諭部優敘加一雲騎尉併世職爲騎都尉四十七年以失察護軍普受叩闈革職發黑龍江五十二年 赦還京五十六年大軍勦策妄阿喇布坦阿必

達請自備鞍馬赴阿爾台軍營效力署參領雍正五年奉 旨八
旗內曾經躍城之巴圖魯人等無論已未得官或告退革退人員
凡有本身見在者查明具奏部臣引 見 諭曰阿必達著授副
都統食全俸入年老大臣班內行走給還所得騎都尉並賜銀五
百兩十二年 賜銀千兩復 獎之乾隆元年卒 賜祭葬如例
其騎都尉世職子阿蘭岱襲卒弟盛保襲卒停襲

右 國史館本傳

郭璞

郭璞字玉亭湖南桃源人少倜儻有膽略乾隆丙辰武進士由甘肅延綏營都司累遷涼州鎮總兵征巴里坤哈密有功以病乞歸卒於途

右傳李元度撰

李椅

皇帝嗣位之元年十月貴州逆苗平諸武臣之與於事者罔弗竭忠宣力肅將 天威而湖南九谿副總兵李公勞績尤著明年正月 特擢襄陽總兵官時湖南猺苗蠢動公又討平之 上方倚公以奠南服而公遽以勤瘁殉於軍 上深爲憫惻 諭撫臣遣官以祭其文曰爾性行純良才能稱職方冀遐齡忽聞長逝朕甚悼焉用頒祭葬以慰幽魂蓋所以錄其忠者如此初雍正十三年春黔省古州之高表八妹及丹江台拱之交烏交歪各寨生苗造言糾眾破兩營汛攻陷四縣一州其勢甚張於是揚威將軍哈公與副將軍董公斂兵滇蜀楚粵討之雖已克復諸州縣而兩將軍

各持意見不良於謀以故諸逆寨仍負險隘抵隙乘機放兵四劫
今上初卽位簡命兵部尙書張公總理苗疆軍務又加命經略以
重事權於是按地形度險易分兵三路一由凱里之空稗一由台
拱之台雄而清水江南連古州東達黎平苗峇特繁而跳梁尤甚
蜂屯蟻雜不易爬梳則以公與惠州清江馬柳兩副將當之而先
是公奉調將湖兵八百由梁上八弓援柳羅汎以通閼塞於清江
及兵次瓦砦苗萬餘突出來攻公以整以暇鼓戰士而作之氣礮
發撼山谷我軍呼聲動天苗駭愕疾奔追殲而大創之自是逆酋
膽落矣旣又攻殺苗於青洞於美敏於那磨於烏巴於柳受砦於
台革於松岑平章二砦嗣奉經略命又會兵攻苗於清源關於雞

擺尾於大蜡於雞右於反牌於烏羅於交工於南攻後山皆破之
又連破汪江節過二砦並昂速昂白昂倩三大砦而清江以通凡
逆酋險砦向恃以抗拒官軍而集羣醜者無不燬其巢穴燔其積
聚捕其兇頑俘其子女其黨與之投撫乞命者雜遝不絕則悉令
繳器械獻首惡自贖而倡謀稱王之包利往利等皆生縛或斬首
以來繇是叛苗無噍類而公威震黔疆蓋白瓦砦大捷及青洞以
往數戰後其聲勢相倚者皆偃伏望風以靡而彼兩路亦易爲力
矣烏庫公之功豈不偉哉公臨戰意氣甚豪流矢鉛子紛落左右
而顏色不變足不稍移逆酋望公旗幟輒奔匿眎公如雷霆風雨
之不可測然公每決囚必清問數四未嘗輕戮一人搜捕逆黨家

屬其男子婦人之罷瘵殘廢者卽開釋安置使得存活益於逆命者既草薶而禽獮之至其向化則兒女子畜之苗人自是戴其仁也又不厭繁劇於逆寨絕戶田禾檢收存公田坵必分析冊註以故楚師既撤而經略張公仍畱駐梁上軍營以清理苗疆委之規模釐定而湖南城步綏甯徭人煽亂劫行旅掠居人既乃敢戕殺官軍浸尋不制於是制府史公與大中丞宮保高公以主兵者不得其人知公可屬大事請於上以公爲總統將兵誅之公於梁上被命卽馳至綏甯其時賊聞風遁去而近境雜處之苗多與賊通公先慰導之以散其黨於是熟諳其出入之形堵截嚴密矣則以夷攻夷諭順苗擒縛元兇俘諸醜類不三月而徭變悉平然

公自深入黔山卽患腹疾及抵綏甯病益篤扶病籌軍務夜常起坐或持杖巡帳外者數矣旋師至城步行營遂不起時乾隆二年七月一日也一時百姓與獠人奔走號呼請畱公諱銜立廟以祀
匿行泣送者夾路曰我公大有造於茲土吾儕來昇公舉止之則又泣曰吾儕願扶輦出境如是者凡數百里不絕而史高兩公暨全楚官吏聞公之卒無不相與搯擊歎歔愴然爲 朝廷惜者蓋公之祖諱贊元歷官兵部侍郎爲時名臣官侍御時嘗巡按湖南北其至仁元澤人至今仰之而公復承以武功後先照耀方謂如公威望將再繼司馬偉績而不虞其淹忽遽逝也其卒也年廬四十有四公諱椅字楚材山東登州府海陽縣人父諱思嶠廩貢生

由教習需次縣令公累 封榮祿大夫 贈父如其官初以武庠
生中康熙甲午科鄉試乙未成進士拔置侍衛公善騎射 上前
嘗蒙 溫語褒之後以失儀發往巡捕營詰奸緝盜日夜維勤雍
正二年授南營圓明園守備屢獲名捕巨賊六年遷北直隸大沽
營遊擊九年署山西新平營參將尋奉 旨來京 特擢九谿副
將十二年調新設恩施營未赴而以十三年初夏率湖兵進剿黔
苗其在九谿也容美司改土歸流當事令撥兵百名往駐公謂多
兵則生疑選十人以往而卒帖然無事嘗設義學擇弁兵子弟之
秀者延師教之公少敏強記通經術揣摩制義然負其材勇思一
有所奮以發名成業故卒就武途以進狀貌魁傑慷慨自任於事

無所避撓其臨敵振勵果毅不少願藉蓋由天資誠篤鬱於中而大作於外故所徇克捷非條碌因人循分就功名者也

鞠濂曰公之官侍衛也余以事至京師同起居者三月當休沐日閉戶讀史於奇節偉行輒掀髯與余談說而尤喜論古人施設之方往復參驗得其機宜余嘗曰公大將才也征黔之役惜乎其爲偏裨耳而所樹立已卓卓可紀及秉節鉞僅一試於猺苗蓋所蘊百未一施也然卽其已試於小者則亦槩足以知公矣公長子庠生承寵請爲其家傳余旣次公事績而又著其所得於公者如此

右家傳鞠濂撰

日本書紀卷之六十四

四

哈元生

哈元生直隸河間人由行伍拔把總累遷直隸黃花路守備康熙五十七年遷建昌路都司六十年因失察私木過關革職雍正二年三月奉 旨帶領引 見發直隸以守備用四月補撫標右營守備七月貴州威甯總兵石禮哈奏帶往貴州隨剿狝家苗三年補威甯鎮標中軍遊擊四年四川烏蒙土知府祿萬鍾擾新隸雲南之東川府其黨鎮雄土知府隴慶侯助逆雲貴總督鄂爾泰檄元生與四川兵協剿賊據險拒元生冒矢石奮攻克之鄂爾泰上其功 諭曰哈元生前取狝家苗赫赫有名今烏蒙所效之力實出格外具疏時可一一申明若有副將或參將缺出當引見題用

尋遷雲南尋霑營參將六年三月米貼苗陸氏不法鄂爾泰令元
生往剿破險設伏擄其巢陸氏就擒八月赴阿驢界之阿路瑪會
剿前助陸氏劫糧之四川雷波士司楊明義 詔賞銀四千兩遷
元江協副將九月兵還阿驢人忽譟圍我軍元生率遊擊卜萬年
等督戰兩晝夜賊敗卻我軍奪據赤衣臺鶴麗總兵張耀祖馳往
援十月元生由小溜筒江搜斬賊眾阿驢人空寨遁十二月克附
逆之拉金者呢等寨鄂爾泰以 聞且言元生之初赴阿驢野夷
目隨營聽用爲元生鞭責致滋釁請交部議處 諭曰野夷之性
反覆靡常卽哈元生無鞭責之事伊等亦未必帖然安靜但旣因
輕忽致生事端應交部議處朕念不法兇苗悉經擒獲軍務已竣

哈元生效力之處亦多功過足以相抵著免其處分其應得議敘之處亦不必議敘七年正月調黎平營副將二月擢安籠鎮總兵八年十月烏蒙賊復叛鄂爾泰調兵三路分剿元生由威甯一路直趨不數日擊破賊數萬射斃兇目黑寡暮來連躡賊營八十里直抵烏蒙復郡治捷 聞 上深獎其功 賜戴孔雀翎及冠服賞銀萬兩仍交部優敘九年二月擢雲南提督九月 諭曰雲南提督哈元生之母年八十有六未遇覃恩得受封典哈元生宣力苗疆懋著勞績伊母身享大年應加特恩以彰慈孝著照哈元生提督職銜賞給伊祖父母父母封誥尋調貴州十年七月 諭曰貴州提督哈元生朕另有簡用之處著馳驛來京陛見並賞給公

用銀三千兩製備衣裝十月至京 召見 特解御衣以賜 命
軍機處行走並令回籍省親十一月貴州九股苗不法 命回黔
督勦十一年二月 諭曰貴州提督哈元生才幹優長實心任事
伊母年逾八旬訓子有素今聞在籍病故深爲憫惻著賜祭一壇
以示恩眷貴州提督事務緊要哈元生著在任守制六月奏擒兇
苗百餘俘斬甚眾其悔罪投誠者各予安置仍暫駐兵彈壓報
聞十二年三月恭進新開苗疆圖志 諭曰古州八萬等處新開
苗疆周圍共三千里非有圖志無以垂久遠哈元生所奏著交與
巡撫元展成遣官詳查再加考訂務令周備十三年古州苗叛擾
黃平元生遣兵擊之總督尹繼善奏調湖廣廣西兵會勦 詔以

元生爲揚威將軍統軍進剿而以湖廣提督董芳爲之副嗣欽差撫定苗疆大臣張照與元生忤倡議分地分兵劃施秉以上爲上游用滇黔兵隸元生施秉以下爲下游用楚粵兵隸芳元生與芳遂欲將村莊道路盡劃上下兩界文移辨論日久無功元生坐革職拏解來京擬斬乾隆元年 諭曰哈元生身爲全省提督乃苗人造逆不能覺察於機先及賊眾肆行又復稽遲於臨事按律治罪亦復何辭但念伊龔鄙武夫知識短淺尙非有心貽誤軍機且從前征剿烏蒙皆經效力今旣革職拏問著從寬免死釋放尋賞副將銜赴西路軍營效力三年正月卒於軍營二月 諭曰哈元生人材壯健歷任苗疆頗有勞績後因古州一案獲罪被逮來

京朕念其前勞特予寬宥授爲副將前往哈密效力冀其奮勉尙思錄用今伊已病故實屬可惜著加總兵銜令大學士查郎阿寬裕料理將伊柩送回原籍應得卹典該部查例具奏尋 賜祭葬如例子尙德初隨父至雲南充伍拔授千總雍正八年從勒烏蒙齎疏奏捷 特旨以遊擊題補九年補雲南鶴麗鎮標右營遊擊十三年遷奇兵營參將率兵赴貴州勒古州叛苗乾隆元年經略張廣泗奏言哈尙德奉檄從征屢著勞績苗人聞風畏懼伊係哈元生之子因伊父貽誤封疆身獲重譴黽勉圖功倍加努力 詔擢貴州清江協副將二年調定廣協副將三年偕大定協副將馬似龍會剿定番州所屬姑盧等寨逆苗平之尋丁父憂回籍五年

服闋赴補 諭曰哈尙德熟悉苗疆人亦強幹著以副將職銜前往湖南軍營辦事遇有副將缺出卽以補投六年補湖南辰州副將八年擢湖廣宜昌鎮總兵九年調陝西涼州鎮尋調雲南臨元鎮十三年閏七月調貴州古州鎮卽 命赴金川軍營十一月諭曰哈攀龍冶大雄哈尙德三人年力正強尙屬驍勇可備驅策特發金川軍營令及時自效乃伊等到營並未有克獲建功之處所領兵丁作何布置作何攻取亦未有一摺奏聞可傳旨詢問令伊等明白回奏十四年五月傅恆奏尙德攻克右梁山下巴朗平礮報 聞會班師尙德赴古州任十月雲貴總督張允隨疏劾尙德乖張狂悖擾民虐兵奉 旨革職交巡撫愛必達查審嗣審得

國朝通志卷一百一十一
三
尙德婪賊事擬杖流二十二年正月 賞副將銜赴西路軍營效
力三月因解送羊隻倒斃過多奉 旨革職枷號責令賠補三十
一年回籍三十八年卒

右 國史館本傳

樊廷

樊廷陝西武威人初名王剛由四川行伍隨征烏蒙及青海西藏俱在事有功拔補千總雍正二年補四川漳臘營守備二年遷陝西興漢鎮標遊擊四年擢莊浪營參將五年遷洮岷營副將六年擢肅州鎮總兵七年以原籍涼州隨父智亮流寓川省入永甯協食糧軍名王剛涼州素無產業奏請入籍四川改名樊廷得旨俞允八年準噶爾賊二萬餘乘我兩路軍營不備犯科舍圖卡倫盜駝馬廷率副將冶大雄等兵二千轉戰七晝夜與總兵張元佐等合擊殺賊無算盡奪還所盜護甯遠大將軍印務提督紀成斌以聞上以廷忠勇冠軍頗得勝算率領弁兵以寡敵眾爲軍

功首 賞銀萬兩給一等輕車都尉世職九年擢陝西固原提督兼都督僉事十年閏五月 陞見求效力軍營 上如所請七月命隨署甯遠大將軍查郎阿出口十一年領兵駐南山十二年西路副將軍張廣泗偵賊伏烏爾圖水檄廷率兵千五百由蘇泉子一路搜勦至哈洮遇賊官兵奪據山梁衝入賊隊屢敗之越噶順抵鄂隆吉大坂斬賊四百餘生擒三十六獲糧馬器械無算捷聞 上以廷及弁兵等俱奮勇直前獲全勝 諭部優敘尋議廷以軍功加銜二等乾隆元年三月查郎阿請於甘涼等處撥兵五千往駐哈密設總統提督一員廷曉暢軍務深悉口外情形可勝其任 上允之十二月疏言烏爾克一卡爲極西第一要隘坐卡

弁兵偵洮賴大坂北面之蘆草溝及噶順溝東面之亂山子並烏爾圖水每夜皆有火光必賊夷詭誘我兵因念烏爾克兵單酌添精健二百名協助將駝馬移入有險可據處牧放再添撥壯丁分巡二年五月疏言哈密兵丁分領駝馬今奏准於山南煙墩溝等處牧放各卡皆當添兵防護卽於山北牧廠防兵二千內抽撥五百分巡俱可有備無虞諸疏入 上嘉覽之三年二月因病乞解任 諭曰樊廷效力邊疆十有餘載威勇夙著朕以其久練夷情付以重任乃因勞致疾勢甚沈重披覽來奏朕心深爲不忍著卽由哈密從容起程回至固原善爲調攝並賜瀋藥遣太醫馳往診視三月卒於哈密遺疏入 上以廷於疾亟時猶以邊防事宜諄

切陳奏披覽惻然 命大學士查郎阿經紀其喪歸葬涼州 特
給帑金五千兩尋 贈都督同知 賜祭葬如例諡勇毅子經文
襲一等輕車都尉官至廣東右翼總兵

右 國史館本傳

范時捷 弟時綬 孫建中

范時捷漢軍鑲黃旗人大學士文程之孫康熙三十四年襲一等子兼管佐領三十六年授參領由甯夏運米至噶多立軍功議敘一等三十八年授廣東南雄副將四十一年六月調廣西潯州副將七月遷廣東韶州總兵四十二年調瓊州總兵四十三年調陝西甯夏總兵先是鄂爾多斯王松阿拉布請於察罕托恢之地暫行游牧 許之五十二年二月時捷疏言察罕托恢係版圖內地今蒙古游牧多越界與甯夏民相混於體制不便請以黃河爲界上曰前松阿喇布以察罕托恢水草佳茂懇請暫行游牧並未有令永遠游牧之旨著理藩院查明具奏尋議如時捷所請五十七

年署陝甘提督雍正元年四月署陝西巡撫九月實授二年十月
疏裁潼關榆林靖邊等衛守備千總及教職等缺移華陰縣丞駐
潼關各衛所錢糧歸併附近州縣管理生童歸該管州縣考試潼
關應支兵糧就近改撥潼商道收支 從之十一月來京三年三
月授鑲白旗漢軍都統五年疏劾川陝總督年羹堯欺罔貪婪五
款一軍米運至軍前侵蝕腳價銀四十餘萬兩一管理駝米勒取
私費銀三十萬兩一違 旨勒派屬員捐俸興工一與將軍督撫
文書擅用令諭直書官名一保舉題補各官多營私受賄又劾河
東運使金啟勳附年羹堯生事擾民啟勳逮下獄治罪年羹堯罷
爲杭州將軍詳見年羹堯傳五年六月兵部奏參時捷等帶領引

見人員班行不整應革職 諭曰范時捷乃年羹堯門下鷹犬年羹堯稱其才品超羣滿漢官員無與比並及年羹堯事敗其案內牽連范時捷之處甚多朕俱不行究問且念其爲勳臣之後仍畀以都統重任料伊自必感朕深恩力圖報效乃歷年以來見其辦事昏庸奏對糊塗並無絲毫效力一事可取之處揣范時捷之意或以朕處治年羹堯之故觖望於心不肯黽勉或才具本屬不及向因工於諂媚故年羹堯揄揚太過乃至今日底裏畢見耶范時捷著革去都統在侍衛上行走朕非因偶爾失儀一節處分大臣也八年正月授散秩大臣總理 陵寢事務七月時捷兄時繹因協理河東河務誤工革職十月以時捷署古北口提督 諭曰范

時捷係開國名臣范文程之孫乃不念國家培植之恩並不思祖宗積累之厚其在陝西爲官時甘心出年羹堯之跨下諂媚逢迎以致辱身賤行爲人所鄙笑朕令其來京辦理旗務而伊志氣昏庸委靡不振無心爲國家出力是以降爲侍衛以示懲戒繼因陵寢地方辦事需人將伊命往今范時繹獲罪罷黜范氏子孫竟無見居大員之人范時捷尙非棄材可比是以令其管理古北口提督事務觀其如何改過自新一洗從前之媿恥直隸總兵官俱聽范時捷節制十二月調署陝西固原提督九年正月甯遠大將軍岳鍾琪奏甘肅固原肅州兵丁撥二千人出口內地應募補固原召兵之事令時捷辦理四月協辦西甯總兵官事六月署大通

鎮旋仍署西甯總兵十年六月奏修西甯鎮邊牆 命興工督修
乾隆二年九月偕西甯辦事大臣保祝奏請多倫尼托克圖例交
馬價准作次年正賦 上是之閏九月因患病奉 旨來京在散
秩大臣上行走俾得調理三年四月卒

右 國史館本傳

范時綬

范時綬漢軍鑲黃旗人大學士文程孫雍正十年由筆帖式補戶
部主事累遷郎中乾隆十三年授山東濟東泰武道十五年遷安
徽按察使十六年五月遷湖北布政使十月署湖南巡撫十七年
九月疏言湖南常平倉穀廷議照雍正年間除額存七十萬二千

餘石尙溢五十五萬餘石前撫臣開泰奏准以三十萬石另案存貯備鄰省及本省賑恤以二十五萬石糶價存公上年撥穀一十萬石協濟安徽應俟解還糶價日買補惟是湖南上年歉收平糶之穀及本年減價糶濟之穀均用籌補若再將撥運安省穀同時買補民貯必少查湖南應糶溢穀尙存二十萬石請以十萬石撥補協濟安省原額餘穀十萬石一併歸入另案存貯其安省解到糶價歸藩庫報部撥用上嘉之十月疏言城步江華綏甯三縣苗疆要缺沅江縣瀕洞庭湖臨湘地當孔道向給養廉六百兩辦公不敷請於地僻事簡之醴陵平江二縣各酌減養廉二百兩武岡州安仁新化石門慈利永定等縣各酌減養廉一百兩分增城

步等五縣養廉疏入報 聞十八年九月疏言鳳凰廳舊貯穀萬石建倉石羊哨地方兵民借糶以山路維艱又倉廢不敷見貯穀七千石缺額三千石未經買補而鎮筵鎮土苗雜處並無積貯請將應買額穀三千石於鎮筵鎮建倉存貯支領較便得 旨俞允又疏言長沙等處未報升科田畝已委員丈量照例起徵湘陰益陽等縣續查出私墾千餘頃均瀕洞庭旱歲間獲收成一遇水漲呼賑額免無補正供請照峯頂湖澤之隙聽民耕種例暫免升科俟成腴壤日起徵至洞庭爲受水之區私墾日增則水口日偏上流受害已飭將垸田礙水道者勸諭拆毀存案嚴禁添築俾水得暢流報 聞是月調江西巡撫十九年以病疏請解任 諭畱任

調理二十年二月 上以巡撫任重事繁恐時綬精力未充致滋貽誤 命來京陛見旋以病免二十一年十一月起授戶部侍郎二十二年授正黃旗漢軍副都統二十三年七月署正白旗滿洲都統十月奏請赴西路屯田效力 賞戴花翎馳驛前往二十四年八月副都統定長劾奏副都統滿泰貪婪敗檢及時綬役兵漁利狀 命御前侍衛安泰往會審訊滿泰貪婪屬實時綬家人藉端營利時綬不知情所開店房用官匠一餘皆自雇並未役兵諭曰滿泰情罪確實已命於該處正法范時綬係特差辦事之人理應潔己奉公乃營私求利卽治以重罪亦所應得但較之滿泰尚可少從末減著革職交與定長令其效力贖罪二十五年由關

展運羊至阿克蘇 賞參領銜二十六年六月由烏魯木齊運羊
至伊犁並懇辦送回空駝隻後仍赴伊犁效力 諭曰范時綬前
因解送阿克蘇羊隻妥協曾賞參領職銜此次更屬奮勉著加恩
授頭等待衛烏魯木齊亦有應辦事務仍在原處行走不必又往
伊犁二十八年 召回京二十九年授鑲藍旗漢軍副都統三十
年閏二月授吏部侍郎六月往哈爾沙爾辦事三十一年正月授
左都御史仍留辦哈爾沙爾事三十二年五月授湖北巡撫十一
月 召見 上以時綬奏對時神氣短弱恐於封疆重寄難任煩
勞 命留京另用三十三年三月授正白旗漢軍都統六月授左
都御史三十四年補公中佐領三十五年閏五月授工部尙書三

十六年二月調刑部尚書十月 命專辦正白旗漢軍都統事務
四十七年卒子宜恆見官正藍旗漢軍副都統署工部侍郎

右 國史館本傳

范建中

范建中漢軍鑲黃旗人祖時捷一等子父濟一等男建中由廕生
於乾隆七年承襲一等男爵十四年補世管佐領十六年授印務
章京二十六年擢副參領三十二年擢參領旋授印務參領四十
六年擢正紅旗漢軍副都統五十一年奉 旨派往哈密辦事五
十六年旋京五十七年奉 旨派往喀什噶爾協辦事務嘉慶元
年正月旋京十二月調廣州副都統二年正月奉 旨留京授鑲

白旗漢軍副都統八月授工部侍郎四年二月調戶部左侍郎三月擢戶部尚書 賜紫禁城騎馬四月署正黃旗漢軍都統奉命赴萬年吉地督工五月奏遣人齎送奏摺文移恐有稽滯或致誤工請由驛遞得 旨范建中等駐劄易州辦理工程遇有陳奏及移查事件若專人齎遞不無遲滯著傳諭直隸總督胡季堂飭知該地方官遇有該尚書等奏摺文移俱著由驛馳遞尋奏太平峪 吉地西所建工程已奏明請領庫銀十萬兩但該處官房未經修竣見無存貯處所請於半壁店暫租民房一處作爲庫房得 旨此項工程銀兩自應慎重收貯若租賃民房究恐房間不能堅固未爲嚴密莫若將梁格莊行宮中一路廂房揀擇一處作爲

庫房存貯行宮中本有看守弁兵今貯銀兩再行酌量添撥令其加意巡邏小心看管更昭慎重九月成都將軍慶成革職拏問戶部司員錄送 諭旨一道爲族弟范建惠私取送慶成家事 聞吏部議以建中失察請降一級調用十月 諭曰此案范建中實有應得之咎且范建中在戶部依從附和未能自樹尙有從前舊習難勝度支之任著加恩調補都察院左都御史仍兼署正黃旗漢軍都統尋奉 命授杭州將軍五年建中病足杭州副都統成明單銜奏事 諭曰朕近聞范建中患病或係該將軍病竟不起是以成明單銜馳奏及加披閱乃係盜船在洋遭風漂溺之事成明因范建中老病目無將軍著范建中卽傳該副都統到署面宣

諭旨嚴行申飭再范建中近日病勢如何曾否全愈於本任事務
是否尙能料理著據實覆奏尋奏請回旗調理報 允七月卒於
任 諭曰杭州將軍范建中係漢軍世家曾任尙書都統辦事勤
慎上年簡用杭州將軍亦循分稱職茲聞溘逝殊爲軫惜所有應
得卹典著該衙門查例具奏尋 賜祭葬如例 予諡恪慎子樹
廷承襲一等男爵兼世管佐領

右 國史館本傳

Table with 9 columns and 1 header row.

[Faint header text]								

Page

楊國華

楊國華雲南嶠峨人由行伍拔把總康熙五十九年累遷守備雍正元年領兵由新平路進剿魯魁猓賊時威遠州土知州刀光煥兇狡庇匿野賊目普有才國華密受總督高其倬檄率健卒三十以緝有才爲名乘間執光煥及其四子三弟卽駐威遠彈壓去苛派清糧賦土眾悅服敘功紀錄一次三年遷督標右營遊擊四年鎮沅府土知州刀瀚不法國華擒之者樂甸土官刀聯斗昏庸乖戾夷民怨恨國華以兵百往察聯斗引罪獻印信改土歸流五年加參將銜調東川營遊擊尋瀚族西明等糾黑猓殺官劫庫國華同總兵孫宏本等平之議敘功加一等紀錄二次移兵威遠剿平

黑獾議敘功加二等先是法夏獾目祿天佑擅殺東川營官兵未
就獲文武官以天佑身死報而天佑同妻沙氏各據一寨內擾東
川外侵武定至是總督鄂爾泰令參將魏翥國守備王先協同國
華擒勒沙氏遣獾二人詣國華營詐稱願獻天佑自贖既復稱天
佑自殺鄂爾泰飭毋輕信國華攻克舍可旋克石城翥國先追賊
九龍寺會合並進大敗之至龍髮廠沙氏墜崖死天佑被擒并其
幼子頭目賊眾二百二十餘法夏平議敘功加一等六年補東川
營參將尋調貴州提標參將七年調新嶠營勦哀牢遺賊事竣回
營九年遷廣西梧州協副將十年擢雲南鶴麗鎮總兵時普師逆
深猖獗國華由楚雄南安進擊直抵新平分遣將弁沿江堵勦擒

斬賊首摸則革楊昌祿等及賊黨四千餘招撫夷民萬五千餘十一年四月同臨元總兵董芳勦元江逆賊國華至南洒池方大破之連奪險隘復攻查罵斬獲甚眾八月移駐他卽搜餘孽十一月調普洱鎮總兵加左都督銜仍駐元江理軍務先後擒斬逃賊楊昌福普阿黑三比等并附賊各犯十二年還普洱任十三年元江餘賊老常小名頭進入南掌國華遣守備趙宏祖等往擒之餘黨悉平乾隆二年調貴州安籠鎮總兵三年議敘功加一級隨帶紀錄二次四年調湖廣鎮筸鎮總兵五年二月病奉旨解任回籍八月卒

右 國史館本傳

劉策名

劉策名四川成都人乾隆五年任鎮筵鎮總兵會苗變巡撫馮光裕檄策名往勦永綏盤鵠泥苗最悍策名縱兵擊之赭其巢擒渠魁數人餘皆散時鞏衝排楚諸苗寨亦聚眾阻河劫糧策名增兵進討苗敗而奔追斬百餘人苗遂平

右傳李元度撰

五十年來社會生活

五

南天祥

南天祥雲南昆明人由行伍拔補把總康熙三十九年遷千總四
十一年遷貴州普安營守備四十五年調雲南武定營守備五十
一年遷永北鎮右營遊擊五十五年調督標左營遊擊五十八年
調永北鎮中軍遊擊五十九年三月總兵馬會伯檄率兵由石鼓
至察木多合定西將軍噶爾弼大兵進征西藏七月至拉里八月
取墨朱工喀又隨會伯赴防楊八井等處天祥俱在事有功六十
一年授雲南廣羅協副將雍正元年議敘平西藏功加十等授都
督同知三年擢雲南開化鎮總兵四年丁母憂 命在任守制天
祥原籍陝西鄉里失久至是奏奉 旨入籍雲南六年以西藏台

吉頗羅爾討叛人阿爾布巴等西甯大兵進藏天祥奉總督鄂爾泰檄駐扎木多以壯聲援七年師旋調鶴麗鎮總兵十年擢江南提督十一年正月疏言軍器鳥槍爲先火藥最關緊要下江各營除每年製備供操外其閒有稍存貯者有全無存貯者查督標中左二營及江甯城守營蘇撫標左右二營及城守營京口水師標左右二營及鎮江營爲省會海疆重地應備火藥五年其漕標河標臣標與崇明狼山兩鎮標暨各協營凡屬沿江沿海者俱爲扼要之區然地潮溼而恐易黴黓應備火藥三年內地僻處如溧陽平望常州及孟河靖江泰州泰興等營擬量加添造其應造火藥十四萬九千四百餘斤動支司庫存公銀採辦硝磺恐一時難齊

請於緊要各營先辦餘以次製備 從之七月因陳奏買補營馬扣存朋銀一案辦理錯謬部議降二級調用得 旨從寬畱任十二年 諭曰江南提督南天祥自到任以來平庸因循凡所奏對甚不妥協著降署宣化鎮總兵十三年移署大同鎮總兵乾隆元年復授江南提督四年疏言沿海各營駕船巡洋卽以船爲棲止非如陸路官兵偶逢調撥須用帳房況近來帳配裏夾做其價加倍如按兵製造糜費錢糧徒供黷爛請令沿海水師各營除親丁供糧外悉照見兵實數減半製造節公糧而免朽蠹 從之六年上以天祥聲名平常 命總督楊超會訪察超會奏天祥明習營制而愛憎任情不能無私得 旨休致天祥尋卒

右 國史館本傳

國朝書獻類徵初編卷二百八十四目錄

將帥二十四

石雲倬

秦布

韓勳

查克丹

鄭文煥

甘國璧

欽拜

馬爾泰

蔡成貴

策梭

子成衮扎布
孫拉旺多爾濟

車布登扎布

綽爾鐸

范毓裔

陳倫炯

王廷極

博爾奔察

何勉

布蘭泰

譚行義

補錄

國朝書獻類徵初編卷二百八十四目錄

國朝詞林典故卷之四

張和

蔡成貴

國朝耆獻類徵初編卷二百八十四

通奉大夫前署江西巡撫江西布政使司布政使湘陰李桓輯

將帥二十四

石雲倬

石雲倬山東德州人康熙四十五年武進士授三等侍衛四十九年補陝西平涼遊擊五十一年遷鎮番營參將五十四年調赴巴里坤軍前效用明年遷慶陽副將留軍前雍正元年回慶陽任二年調河標副將三年五月改授洮岷副將尋擢江西南贛總兵劾前鎮臣黃起憲冒糧二百三十五分勒索規禮九江副將署贛鎮王用侵餉並拔補把總馬成功謝晉索銀帛等物並革職擬罪

上嘉雲倬不徇情面據實直陳七月疏言兵丁編造名號原以稽察奸僞若年貌不符名姓互異冊籍將焉用之臣久處營伍習見僞冊互相頂替前在鎮番慶陽剔清此弊今鎮鎮十六營尤非鎮慶兩營可比請更定舊冊以杜奸僞四年二月詳覈兵丁清冊以聞得 旨所奏甚是下部議敘加署都督僉事七月擢浙江提督適雲倬丁父憂奏乞終制 予假回籍治喪卽赴新任五年三月奏言浙江營伍當積廢後軍裝損壞教場公署已廢揆其致此之由一則惜公費而濶私囊病在侵蝕一則務虛名而望實效病在矯情前任提臣如王世臣吳都隱空糧數百名一切營制置之度外此侵蝕之尤者及吳陞接任糧餉稍輕尙存公費糧一百五十

名造鳥槍千桿營伍稍爲整頓王安國署事督臣滿保檄將公費名糧俱裁雖矯情一時實貽誤營伍楊長春到任因公費無出於五營內存糧五十分凡遇領餉季報稍資涓滴張溥署事盡行裁去此又矯情而貽誤者也臣請各營按計百名內存留三名以備公用庶營務不致廢弛又奏營規四款一冊報宜審造四柱清冊開列領銀用銀實數以杜捏飾一經費宜節修葺衙署及鋪墊名色祇許添湊不准冒銷一製造宜覈軍裝旗幟等項責令將備選料造作如法期經久可用一收貯宜謹凡軍器擇高燥房屋藏貯以防損缺交代時驗收並得 旨俞允十二月調福建陸路提督六年三月參奏巡撫常賚家人擅坐大轎途遇不避 敕該督嚴

察四月疏言閩省歷任提臣馭下無術兵驕將疲營伍大壞必須
大爲整剔且各營員弁半係本籍以致積習牢不可破竊思陸路
官守如汛防墩鋪錢糧操演等事卽他省人俱能辦理非若水師
必須本地人方能熟悉水性周知洋面請 皇上於別省人員簡
發數名來閩遇缺題補以清積弊又言浙省陸路兵既不若陝西
之精銳水師又不若福建之純熟往往不得其用上年 特諭陝
督岳鍾琪挑選弓馬嫻熟之兵百名來浙俾臣分發各營教習不
數月聞浙省陸路兵馬步騎射漸次可觀而水師士卒仍慮生疎
請倣此例揀選閩省熟練水兵五十名撥發浙營輪班教習將見
風潮礁石在在周知瞭定斗舵人人熟諳借閩人所長補浙人所

短行之數年浙省水師之兵亦不弱於閩省矣六月奏言臣標員
弁向有私賣隨糧每名三五兩不等糧出則以養廉不足爲詞
懇求上司補足皆起於提臣吳陞專信家人親戚全不破情整飭
更難解者營中弓箭盡裁拔補名糧令兵領去官槍省其置弓箭
之費一時相習成風人人博寬厚之名不肖任勞任怨汰一老弱
兵則以爲刻薄募一弓箭手卽以爲苛求少食數名隨糧則以爲
清廉而不究其頂賣之弊虛應故事卽以爲安靜而不問其利弊
所關丁士傑承積弊後以吳陞邀虛譽於前不得不效尤於後此
營伍所以日弛也臣亟加整飭惟念隨丁一項常祿外設此養廉
豈容暗中頂賣今欲永杜此弊似宜按照定例一體補足不令彼

此參差臣接收丁士傑所畱隨糧六十分查明五營將備千把有
隨丁額缺者照數補給共發二十五分而各官養廉盡行補足見
畱三十五分臣隨帶家人無多足資日用內又發隨糧二十分先
製號衣一時將弁各踴躍辦公願先發隨糧以辦緊要軍裝俟公
項完日仍還各官養廉如有前項情弊當不時查參以期成效諸
疏入 上深嘉之八年五月疏言提標中營所轄徐州墟桃州隘
二汛在萬山中瘴氣薰蒸官兵病故者多請將駐防徐州墟之守
備調回府城其原汛改設長坑地方以桃州隘千總一員移駐再
派外委一員步兵一百十名居中扼要至徐州墟設兵十一名桃
州隘設兵十名卽於長坑汛內按月輪撥以均勞逸下部議行時

大軍征準噶爾雲倬疏請軍前效力十二月 命馳赴肅州聽甯
遠大將軍岳鍾琪委用九年授西路副將軍十年正月賊犯哈密
岳鍾琪令雲倬領兵赴梯子泉截擊雲倬遷延不進賊遁鍾琪以
違令縱賊糾參革職解京十一年議政大臣會同三法司訊擬斬
決得 旨改監候乾隆三年減等擬流四年杭州安置七年九月
卒

右 國史館本傳

--	--	--	--	--	--	--	--	--	--

秦布

秦布蒙古鑲藍旗人姓烏朗罕濟勒門世居喀爾沁地方康熙二十三年襲其祖圖馬賴軍功所得世職輕車都尉四十四年四月投參領十一月授鑾儀使五十九年八月遷滿洲鑲紅旗副都統雍正二年十一月調蒙古鑲紅旗副都統五年八月遷蒙古鑲藍旗都統七年五月署正白旗護軍統領八年二月授陝西西安將軍九年七月疏言西安額設兵丁八千今戶口繁滋將及四萬請於滿洲餘丁內選一千令其當差遇有調遣處照馬兵例派往俟兵事告竣陸續裁汰從之十三年五月奏涼州駐防兵二千名內請選精壯者二百爲前鋒西甯一千名內選一百爲前鋒滿洲

入旗兩翼並分設協領一員蒙古八旗兩翼並合設協領一員滿洲八旗佐領並設一員蒙古佐領涼州則每旗分設一員西甯則兩旗合設一員其管理行文事件之筆帖式涼州設三員西甯設二員西甯副都統公事繁多應於協領內揀選一員協辦涼州將軍衙門照依西安例設二司其將軍副都統印信二司關防協領鈐記請交部鑄給至官兵俸餉口糧等項照西安例支領軍機大臣議行乾隆元年正月奏請涼州西安兩處添設步兵一千並請將西甯滿洲兵移駐莊浪四月請將西安兵四千改爲烏槍兵均得旨允行三年疏奏原例窩逃之地方人等處分甚嚴地方官亦有責任嗣因都統塞德條陳定例逃人在地方居住未及一年

若不知情地方官並窩家俱免議致兵丁跟役逃亡益甚請仍照原例嚴加議處經九卿等議從之五年三月以老休致八月西安將軍綽爾多劾奏布前在將軍任內違例徇情將兵丁錢糧撥給額外筆帖式下部議革職從之八年八月卒

右 國史館本傳

國朝文獻通考卷一百一十四
卷一百一十四
八

韓勳

韓勳陝西甘州人廣西巡撫良輔之子康熙五十六年以其祖重慶總兵成疏請效力由武舉在內廷行走五十九年大軍由西甯進藏勳隨良輔赴噶斯路應援雍正元年還京授三等侍衛二年投貴州威甯鎮遊擊未赴改鎮遠遊擊五年狃苗不法提督楊天縱進勳勳在事有功 諭部議敘六年遷雲南鎮雄營參將八年烏蒙逆猥悖亂擾鎮雄州永善縣總督鄂爾泰分兵三路進勳令提督張耀祖總兵哈元生各由一路進而以勳領兵四百由鎮雄州屬之奎鄉至莫都都地方土目句猥賊集眾數千抗拒勳麾兵力戰自晝至夜殺賊二百餘連破四寨翌日賊復犯奎鄉勳還擊

連戰三日斬賊二千餘盡焚其寨時元生已克復烏蒙逆猓屯魯甸拒守大關耀祖擁兵東川不進鄂爾泰復檄勦白鎮雄路夾攻勦沿途搜剿破賊寨百餘克發烏關抵黃水河環攻賊營大破之斬賊無算乘勝克大關及小關鎮雄永善相繼復鄂爾泰具疏報捷諭曰參將韓勦領兵四百破賊數千以寡敵眾鼓三軍之氣喪賊人之膽較諸路爲獨先著交部優敘嗣鄂爾泰奏補安籠鎮總兵九年調古州鎮總兵以稿坪苗人不法討平之十三年正月奏言古州苗寨接壤郡邑請照楚省例令得與內地兵民聯姻庶彼此感喻習知禮義可底淳良從之二月清江等處逆苗糾眾犯王嶺汛勦急攻之賊退據台拱勢猶熾勦率副將王濤截擊破

烏公八妹等寨進屯朗洞乾隆元年會同經略張廣泗進剿逆苗於牛皮大箐搜獲殆盡自朗洞回兵遂燬二十餘寨捷聞下部議敕三年定番州姑廬等寨苗不法勦分別剿撫平之四年奏言古州鎮西北六十里地名滾縱面臨容江接牛皮大箐實爲要隘請移駐王嶺汛守備設兵三百資防守詔允所請六年二月粵獠句黎平府屬黑洞苗入境焚劫勦擊之擒其首逆石金元等置之法五月特授貴州提督七年奏擒獲金元案內逸犯得旨嘉獎八年卒加贈右都督賜祭葬如例謚果壯

右 國史館本傳

167-428

查克丹

查克丹滿洲正黃旗人姓博爾濟吉特氏會祖恩格德爾和碩額駙追封三等奉義公有傳祖索爾哈固倫額駙授三等輕車都尉父色楞頭等侍衛襲世職兼佐領康熙三十年查克丹由官學生襲三等輕車都尉三十八年授頭等侍衛四十三年襲佐領尋授散秩大臣六十年授鑲藍旗蒙古副都統六十一年遷正黃旗護軍統領雍正元年授火器營大臣二年擢鑲藍旗蒙古都統三年命赴甘州署將軍事先是準噶爾貢使至甘州左衛守備馬德仁右衛守備王三捷供應失時查克丹抵任知其事疏聞並陳由花馬池至甘州沿途驛馬疲瘦狀詔總督年羹堯等嚴飭

所屬管驛官加意養馬罰德仁三捷俸四年旋京仍任正黃旗護軍統領五年正月擢正黃旗滿洲都統十月授議政大臣尋命率班兵赴北路軍營九年振武將軍順承親王錫保由北路討準噶爾命查克丹參贊軍務授內大臣十年準噶爾小策凌敦多卜謀掠喀爾喀查克丹偕喀爾喀親王丹津多爾濟額駙策棱等赴奔博圖山偵禦未至賊眾越察罕廋爾軍營入掠杭愛山因反旆尾追至額爾德尼昭賊眾偪鄂爾坤河而陣爲負隅計查克丹等督兵奮擊大敗之餘賊負傷竄推河復追至察罕托輝斬馘幾盡捷聞敘功授雲騎尉併原襲世職爲二等輕車都尉順承親王代傅爾丹爲靖邊大將軍仍命查克丹參贊軍務十二年調鑲

藍旗滿洲都統十三年自軍營還調正紅旗蒙古都統乾隆四年
五月以病乞休 優詔弗允十月復籲請 諭曰卿才品優長簡
任都統內大臣正資料理前因患病告休朕降旨照舊供職今覽
奏情詞懇切著以原品休致十一年九月卒 賜祭葬如例諡敏
恪子和爾敦官副都統襲二等輕車都尉三十一年卒停襲

右 國史館本傳

鄭文煥

鄭文煥陝西咸甯人康熙五十四年由行伍隨西安將軍額倫特駐防西甯及巴里坤五十七年補前鋒隨征西藏屢著戰功雍正三年發往雲南照年滿千總例以守備用四年補永北鎮標中營守備七年超遷提標右營遊擊十年升廣南營參將十一年以思茅土把總刁興國等滋事文煥率漢土官兵勦石屏通海河西等處賊黨十二年三月會勦整董逆夷斬賊首烏得土把總召教等九月遷騰越協副將乾隆二年升昭通鎮總兵四年擢四川提督五年四月奏鎮協各營存贖公費銀請於秋成之後買穀存倉自六年爲始春借秋還以裕兵食從之六月河南巡撫雅蘇圖疏

請提鎮所轄各營均照滿兵行圍量擇山林開設圍場文煥以川省情形不便奏罷之八月以準噶爾夷人進藏熬茶道經西藏所屬納克蘇其地與松潘鎮屬郭羅克番接壤慮番族乘機攘奪飭松潘鎮總兵曉諭番目嚴加約束仍派員臨時防範得旨嘉獎六年以川省營汛駐劄險遠若照例每歲巡查弁兵調集資斧維艱且偏近苗寨徵調太繁尤虞紛擾請令鎮臣三年巡查一次下部議行七年五月奏夔州協及所屬巫山梁萬兩營在重慶下游毗連楚省爲巴渝鎖鑰向隸提督管轄惟相距寫遠遇有緊要機宜文移往來恐稽時日請改隸重慶鎮下部議行又奏建昌鎮所屬各營隸有土司番部認納夷糧近年頗有浮收之弊請嚴行查

禁 上嘉之十一月郭羅克以乏食肆劫 命文煥赴松潘查辦
八年四月行抵黃勝關外正土目丹增副土目索布六等稟訴所
屬部番恣爲夾壩力不能制願仗兵威將各劫案賊賊指名擒獻
並請以子姪爲質文煥諭以 朝廷寬大姑緩誅鋤准予發兵令
其先驅自效隨派員統領漢土官兵一千五百餘名先後馳至郭
羅克令該土目等自相舉報擒賊獻賊其爲質子姪令就近送交
阿壩土千戶收管奏入 諭曰看似易辦但不可易視之仍應慎
重妥算爲是七月奏雜谷土司蒼旺誘致番目招納鄰近各土司
見令副將宋璋往查俟郭羅克辦理完竣即可乘藉兵威曉示利
害務令各土司恪守舊章各歸管轄 上嘉之十一月請於阜和

營添兵三百名改都司爲遊擊增設中軍守備下部議行十二月
郭羅克翰誠服罪具結永遵約束 上以善後之計非文煥所能
辦命川陝總督慶復詳加籌議九年十月 諭軍機大臣曰鄭文
煥歷任雲南總兵頗有才幹是以加恩擢爲四川提督近聞伊到
任後侈大驕矜遇事取巧且有徇情請託之事深負朕恩爾等可
傳旨嚴行申飭令其洗心滌慮痛加悛改以觀後效十二月 召
來京十年授雲南臨元鎮總兵十一年調開化鎮總兵尋卒

右 國史館本傳

甘國璧

甘國璧漢軍正藍旗人父文焜雲貴總督逆藩吳三桂反殉難有傳康熙二十八年國璧以父廕授河南陝州知州累遷江南蘇州府同知浙江甯波府知府四十二年擢陝西甘山道丁憂司旗四十九年補山東登萊青道五十二年擢江蘇按察使五十三年遷山東布政使五十四年擢雲南巡撫五十七年二月疏言鶴慶永北皆迤西邊要路今備兵防守宜多儲糧查蒙化麗江等府州縣應徵糧米例係四年折徵一次茲屆折徵請仍徵本色十二月疏言撒甸苗傾心歸順請移武定府同知駐撒甸分防治理下部議俱從之五十九年五月奏雲南迤西向未設驛今大兵出口自

安甯州起至塔城止請添設二十一站又疏言州縣因公那用虧
空錢糧請照霉爛倉穀例革職畱任限年賠完其霉爛倉穀者不
論在任解任及分賠之知府限內全完准其開復均下部議行先
是都統武格將軍噶爾弼會兵進藏議糧專用川運年羹堯奏蜀
糧不足兼供滇蜀兵九月國璧偕總督蔣陳錫奏撥運雲南糧
上責其不能預先料理致遲誤蔣陳錫甘國璧俱革職自備資
斧運米進藏詳蔣陳錫傳雍正元年撤兵二年 命赴雲南賠補
運糧倒斃牛馬并侵用銅錫等項銀八萬兩十年回京十月授鑲
白旗漢軍副都統十一月擢正黃旗漢軍都統十三年五月 命
隨同王大臣辦理苗疆事務未幾兵部參奏國璧朦混奏免西安

糧道祖允焜應追軍需議以降級畱任 諭曰甘國壁以輓運軍糧貽誤革職已成廢棄之員前歲朕以辦理旗務一時不得其人念伊尚無貪賊劣蹟將伊用爲副都統旋授都統之職實冀其殫心供職以圖後效乃伊狡猾性成諸事瞻徇沽譽毫無扞誠報效之處深負朕恩著革職在都統任內效力贖罪六月疏言八旗世管參佐領等官由外任襲替之人有於得 旨後卽請領俸者有於到任後請領者事不畫一副後凡有外任襲替者除在軍人員俱令到任後支領 從之七月 命管理八旗屯田乾隆元年疏言屯田各戶有緣事咨回本旗者請停補缺將原領田房交州縣賃種部議令國壁實力確查耕種者改爲屯戶照地畝輸糧其咨

同本旗者原領田房交州縣賃租國壁等奏酌改屯莊事宜一各戶給田有公有私公田糧石原係儘收儘報今既改屯應酌定額數照畝輸糧一三堡旗民雜處難於約束請將各戶原領田房交各州縣卽於咨回井戶所遺房地內撥給一八旗屯戶有子者頂補無子寡婦請畱地四十畝養贍卽令本屯人代種輸糧俟伊身故將地交官一井田原撥霸州固安永清新城四屬地今議改屯令防禦管轄就近防禦只有二員請將近霸州者令霸州防禦管轄近固安者令固安防禦管轄一各戶向設鄉長一人督率農務稽察奸匪請仍畱供役遇屯長缺出拔補一原設驍騎校應撤回另補但該員回京候補並無房屋請暫畱種地俟補缺日令其交

地回京部議如所請十一月 命往熱河同將軍申慕德訓練兵
丁三年七月授綏遠城右翼副都統九月疏言熱河兵一千移駐
歸化城係臣帶往請分十起行走 從之四年奏歸化城自官兵
移營以來生聚日蕃需糧倍昔請撥存公銀採買糧石分貯歸化
綏遠托克托城三處 命交山西巡撫議行五年四月隨綏遠城
將軍伊勒慎劾原任將軍王常貪婪不職國壁首其侵冒匠役名
糧應將王常交部治罪國壁雖經自首咎亦難辭奉 旨革職十
二年卒

右 國史館本傳

前巡撫雲南都察院右副都御史甘公既註誤失官旋起旋斥年

且毫矣省其子於淮南遂以乾隆十二年七月戊申卒於揚州其孤士琪等來徵銘按狀公諱國璧字東屏始祖正宋開寶間爵三等伯食邑江西豐城遂家焉至受和隨明成祖征遼東世授瀋陽中衛指揮復著籍瀋陽數傳至公王父應魁從世祖章皇帝入關仕至石匣副將因爲漢軍正藍旗人父文焜官至雲貴總督康熙十二年死吳三桂之亂贈兵部尙書諡忠果事具八旗通志公忠果第六子以難廢肄業太學期滿御試擢高等授河南陝州知州陝自經寇亂殘敝甚公撫綏土著招集流亡頓有起色州有泉曰珍珠泉牧賢則流涸久矣一旦脣沸遠近傳異之巡撫顧公薦於朝除蘇州同知時大吏以賦役不均題請丈量以委公

公遂勘清田議十九條行之 聖祖南巡公入 覲屢蒙 溫語
賜勁節字額命縣忠果祠是冬擢山西平陽府旋調浙江甯波府
首除六縣重耗禁海關水稅時趙公申喬張公泰交相繼撫浙江
皆重公是時 聖祖復南巡駐蹕揚州顧問浙江循吏趙首以公
對旣幸杭州公迎謁 賜御書朱子詩復書永貞字額 諭云汝
父盡節朕未嘗忘此爲汝母書也明年 特授甘山道丁太夫人
憂服闋補山東登萊道削浮苛布寬簡清理庶獄境內肅然三年
擢江蘇按察使又擢山東布政使其明年擢雲南巡撫時旱疫斗
米二千錢公虔禱時雨立沛獲有秋先是土司每因小忿相仇殺
公飭府縣官調劑撫馭苗獠以安久之撫遠大將軍會陝兵取藏

公籌畫輓運之宜水陸道途出入便否民得不病而領兵都統違
節制運不時達坐是與總督蔣公同罷官責效軍前 世宗皇帝
元年命撤兵乃得由西甯入口時羅卜藏丹津騷動西甯路絕從
者泣相視無人色議取道四川公曰死生命也誰敢違 詔旨自
藏至西甯無人煙其山盡童若髡拾獸骨馬糞給炊爨遇雨雪輒
斷火食公安之已而達雲南補軍伍又八年 召還朝授副都統
旋擢正黃旗漢軍都統監造火藥辦理八旗井田 今皇上御極
之二年補授綏遠城左翼副都統領兵駐防供職四年坐同官事
落職公爲人慷慨有大節好讀書晚而嗜易公餘焚香默玩未嘗
釋卷偶見古人云水止乃澄鏡明斯應遂知所用力久而有省判

決如流未嘗有誤所著農圃要覽實政條要諸書行於世公生於康熙八年卒於乾隆十二年得年七十有九妻王氏封夫人以某年月日合葬於某阡子男子二人士琪陝西延安府同知士瑞淮南儀所同知女子六人孫二人孫女五人銘曰

卓哉甘公夷險一節驥足方展不受纒繼有鳥高飛萬里一瞥西鄙陸梁總戎擣穴裨將踟躕中軍賜玦崎嶇輓運水草盡絕雪山峨峨胡馬悲噎經公往返大軍亦徹皇仁浩淼臣罪滄雪績著三朝年高耄耄天生偉人不蹈常轍銘諸幽宮千秋永揭

右墓誌銘彭啟豐撰

--	--	--	--	--	--	--	--	--	--

欽拜

欽拜滿洲鑲紅旗人姓瓜勒佳氏曾祖羅璧 國初隨兄勞薩來歸由佐領從征有功授一等輕車都尉以兼襲兄子程尼所得一等伯兼一雲騎尉併爲一等公兼議政大臣卒子順保襲一等伯兼一雲騎尉卒子奇通阿襲因病告休子欽拜於康熙三十四年襲四十六年授頭等待衛尋改冠軍使五十四年十月授散秩大臣十二月授鑲藍旗蒙古副都統五十七年赴西甯軍營雍正元年六月還京仍爲散秩大臣十月補正黃旗蒙古副都統十一月授兵部侍郎三月疏言驛站備緊要事今大小文武印 敕俱由兵部派筆帖式領催由驛馳送查職任有輕重之分驛馬有可用

不可用之別請將參將以下停送由提塘轉發其將軍提鎮副將
有職掌大員仍舊例部議如所請四年以前引見失儀且巧辨
革職發軍臺效力九年正月 召還復還原職七月率右衛兵赴
北路 命參贊撫遠大將軍馬爾賽軍務投內大臣十年二月順
承郡王錫保奏欽拜實心辦事善於約束請調赴察罕庫爾軍營
諭曰馬爾賽辦事甚不愜朕意扎克拜達里克軍營全賴欽拜一
人著仍留駐彼地八月準噶爾賊犯北路爲額駙策棱等擊敗西
遁時經略大學士鄂爾泰在肅州派兵赴衮塔瑪哈戈壁堵剿
諭曰欽拜等擁兵萬餘駐守扎克拜達里克遇準噶爾窮寇徒手
奔逸並不追擊怯懦不堪著傳旨詢問尋欽拜等覆奏言賊由推

河逃遁臣等願領兵往追馬爾賽聽李枚等固守城池之說不允
再三請往馬爾賽方領兵起程及抵博木喀喇地方僅選兵七百
令臣前進馬爾賽竟還扎克拜達里克疏入 上以馬爾賽負恩
縱寇特命鞠實正法李枚擬斬如律十月署綏遠將軍十一年正
月署建勳將軍時平郡王福彭爲定邊大將軍 命與欽拜等酌
定方略公同議行十二年協辦烏里雅蘇臺糧馬乾隆元年撤兵
還京仍爲內大臣二年署領侍衛內大臣三年授青州將軍十年
還京仍在內大臣上行走十二年卒 遣散秩大臣帶領侍衛等
往奠茶酒並賞治喪銀五百兩 賜祭葬如例諡肅敏欽拜無嗣
從子固甯阿襲二等子爵

右 國史館本傳

馬爾泰

馬爾泰蘇完尼瓜爾佳氏滿洲正黃旗人由拜唐阿授內務府主事洊升郎中雍正六年擢工部額外侍郎七年七月奉旨往江南清查錢糧九月實授左侍郎八年江南邳州等處被水命就近查勘籌款賑濟九年正月以用兵西安諭令馬爾泰協理軍務七月署陝西巡撫十年奏額塞爾津城介在山谷人跡罕至查哈爾垓圖地方乃各隘口總會之所水草頗好請將額塞爾津城駐紮步兵撤回合西甯大通馬步兵共派二千名於哈爾垓圖詳勘耕種地方令其開墾再扎哈素泰地方水草亦好其原駐西甯之西安綠旗兵一千名滿洲兵二千名請於每年十月帶往該處

駐備策應正月仍回西甯下軍機大臣議行十二年以馬爾泰母
年踰七十 召還京乾隆元年調刑部右侍郎三年正月遷都察
院左都御史 命在議政處行走二月授正藍旗滿洲都統四月
署理陝西總督大學士查郎阿參承辦軍需道員沈青崖等私運
侵帑總督劉於義徇庇屬員 命馬爾泰赴陝西會訊得實依律
問擬有差七月授兩廣總督四年五月奏場竈收買餘鹽任其擁
積融化堪虞請寄貯各埠鼓勵商人認銷 上嘉其實心任事如
所請行八月以冊封安南正副使翰林院侍讀嵩壽修撰陳倓請
於廣西太平府之明江改築甯城將甯明州治遷建明江 敕馬
爾泰詳議以聞尋奏明江雖爲土府舊治乃係偏僻之區甯明爲

太平咽喉水陸扼要應請於甯明舊處建造甌城不必遷移明江
至明江居五十村寨之中應修築土城以資捍衛 從之十二月
安南祿平州土官韋福瑄叛攻掠諒山府進逼王京 命馬爾泰
駐廣西備邊五年正月馬爾泰奏祿平州與兵該國見與講和情
形漸就安帖如特爲此事移駐廣西恐兵民以邊疆有警轉生疑
慮請於二三月間以閩兵爲辭前往該處巡防 上是之三月馬
爾泰奏融懷汛爲黔粵咽喉須安設專營改調大員駐紮請將永
甯營參將一員弁兵六百餘名移駐再將提標分防懷遠等處之
弁兵六百餘名派駐永甯以歸原額下部議行六月廣西桂林府
義甯縣屬桑江苗匪與湖南城步綏甯二縣紅苗勾結滋事又義

甯地方狗彘糾眾不法知縣倪國正等往撫被戕馬爾泰與巡撫
安圖提督譚行義合疏以 聞 諭曰義甯去省城不過百里而
苗獠猖獗如此平日之漫無約束可知朕思楚粵苗獠共爲犄角
必須併力會剿庶可削平苗逆甯謐地方馬爾泰可速赴桂林省
城相機調度並將朕旨知照楚省撫提協同辦理復經譚行義奏
報慶遠府宜山縣白土邱索等村土蠻劫掠逞兇調兵剿捕閏六
月 上以貴州總督張廣泗熟諳苗情 命督剿楚粵逆苗八月
馬爾泰奏宜山土蠻經派委右江道李錫秦遊擊楊剛統領漢土
官兵三千餘名分路進剿擒首從賊匪羅扶養等九十七名斬馘
無算被脅良民全行招撫宜山土蠻平得 旨嘉獎尋奏剿辦義

甯逆苗派副將許應虎等分三路進兵燬平各寨賊聞風投誠就撫者二十餘寨 上以所奏多屬粉飾 嚴飭之旋奏三路官兵大獲全勝見分兵赴楚會剿 諭曰所奏俱不可信朕惟俟張廣泗之實信耳十二月張廣泗奏掃蕩逆苗軍務告蕪馬爾泰以辦理延緩部議降調 上加恩改爲畱任六年正月疏稱兩廣鹽課羨餘歲有存積而兩省提鎮等官除親丁俸薪別無所入辦公實難東省前於殘引項下歲給提鎮數百金各鎮尙可藉資提督所轄營伍較多用度紛繁歲應給千金爲賞需至西省提鎮亦應照東省辦理再督臣衙門陋規已積至二萬餘兩請將此項修繕甯甯府城垣餘銀生息以助養廉較少之州縣 上如所請舊制安

南兩貢並進每值貢期先於本年春夏之交咨報督撫遲則移檄詢問二月馬爾泰奏見當該國入貢之年匪日韋福琯等逞逆弄兵貢道梗塞又新立國王正在擾攘之際修貢容有稍遲請免飭催從之三月奏慶遠府永順土司所轄之白土邱索等村自尊奉恩等恃險肆橫以來久爲土司所棄今若仍歸土司恐撫綏無術日久滋事請將白土邱索並附近之猴峒二十四村割歸宜山縣管轄並添設文武員弁分駐下部議行四月丁母憂八月署兵部侍郎七年四月擢正黃旗漢軍都統九月署川陝總督十二月以郭羅克賊番肆劫疏言該番屢次劫奪必應重加懲創追賠贖物勒獻頭人使之畏威守法見咨商四川提督鄭文煥妥協辦理

至噶爾丹策凌夷使見請進藏熬茶亦應預爲防範 上可其奏
八年五月奏前安西改設提督所有駐防哈密兵二千名分撥塔
勒納沁三堡賽巴什達里雅等處以遊擊都司守備各一員統之
查三堡一城係哈密與準夷往來要路又聯接烏克爾各卡請將
原撥塔勒納沁兵丁酌留更換卡塘之用餘俱歸併三堡 從之
是月仍授兩廣總督九年奏言廣西南甯太平鎮安三府偏近交
阨沿邊關隘防範未周應令地方官每年冬月查勘一次再由村
隘口當年題定封禁交阨驛驢地方貨物叢雜距由隘不遠甯明
商販多願從由口出入請仍行開放責地方官慎密稽查至平面
水口兩關俱屬河道應設立鐵練橫江攔截每月逢五逢十開放

又商民逗遛番地方給限驅回至已娶番婦並有廬墓田業情甘異域者照例安插彼處永不許進口 上允之尋調閩浙總督十年四月以年力就衰請回京供職 上不許八月患病 命御醫馳往診視是月再請解任 諭曰覽奏頓增懸念今已差良醫赴閩診視矣卿其善爲調攝尙期速痊以慰朕懷毋以解任爲請也十月奏福建撫標弁兵原係陸汛其分防之羅星壁頭等塘汛均屬水汛且與督標駐紮相近請改歸督標水師營卽將督標之埔頭古岐等塘汛改歸撫標報 聞十一年四月疏言福建陸路副參遊都守各員題調者八十三缺部推者二十五缺通計部推之缺不及十分之三以致本省之人多升本省之缺酌將督撫提各

標及福甯漳州二鎮所屬參將遊擊都司守備十七缺改爲部推
從之九月 召來京授領侍衛內大臣十二年 諭曰馬爾泰在
外多年諸事取巧未能盡力今年老有疾一切不能勝任且以舊
臣自居動止驕慢昨令射箭又託病推諉著革去領侍衛內大臣
尋署熱河副都統十三年卒

右 國史館本傳

蔡成貴

蔡成貴湖北襄陽人康熙三十五年由行伍拔補雲南臨元鎮標把總遷千總三十八年勦撫魯魁山賊軍功紀錄一次四十二年遷永順鎮標右營守備四十八年遷遊擊引見以善射記名五十六年遷廣西鬱林營參將雍正元年遷梧州副將二年擢貴州安龍總兵五年奏稱廣西西隆州古障土目王尙義等與貴州普安州捧鮮苗目阿九等累年互爭歪染烏舍壩犁魯桑等寨因土目讐殺係外結例無考成是以遲延未結請 敕黔粵委大員審斷並嗣後審理兩省交界土苗案件定立限期 詔下雲貴總督鄂爾泰議行六年勦八達寨逆獯顏光色等奏言賊巢險峻礮攻

不能破臣至卽出示招撫散羽黨助賊之泥峒等寨輸誠效力獲人抱金抱富等誘斬光色以獻巨魁已斬脅從尙多遂分路進攻復遣南籠土練潛入放火設伏燬巢焚死無算降獲男婦百八十餘奏入下部議敘加都督僉事銜七年 諭曰右江係新設之鎮總兵員缺緊要安籠總兵蔡成貴勦撫八達寨苗蠻於地方甚爲熟悉著將蔡成貴調補右江總兵九年正月勦鄧橫寨苗五月平之調左江總兵尋敘平鄧橫寨功加都督同知銜十月擢雲南提督兼都督銜十一年奏言標營軍器關係綦重若不及時清理未免貽誤操防謹陳四條仰冀 聖鑒一直省弓箭鳥槍籐牌長槍刷刀等項各有成額符者修整缺者補製其溢額者非裁減卽收

貯之器積年朽蠹兼恐竊賣請查堪用者存留朽蠹者銷燬仍報部以防竊賣一前年勦鄧橫調用左右兩江鎮協大礮每炸裂震斷鐵色如土皆年久銹蝕應請 敕下將軍督撫提鎮清查礮位堅好者畱用銹壞者鑄造如本營未設別營有餘通融撥取慎蓋藏以蔽風雨建礮車以避潮溼每年十月演放一次如不修及修而仍致銹蝕者諸管官照燒燬軍器例議處一直省軍火甲械以都司守備爲專管官副將參將遊擊爲兼管官督撫提鎮查出缺額分別議處罰賠如兼管官查出將專管官議處勒限獨賠兵丁缺少該管官揭報製補足額者免議新舊各官限一月交代離任官取新任收清回文方許起程前官推卸玩延新官指勒隱捏照

文職交盤例議處病故之員缺軍器者如係兼管官則專管官一時病故著從前未經查出各官賠補其缺旗幟帳房鑼鍋鍬鋤火藥鉛彈等項果係年久朽壞因公動用者准於酌畱公糧內按數製補免議派果弁兵製補者參處一提鎮到任照督撫新任盤查例委員點驗各營器械專屬提轄者提督委查分隸鎮轄者總兵委查如屬督撫轄督撫委查取本營並無缺少印結委員並無捏飾甘結存案儻題奏後缺少發覺委員照徇情例議處督撫提鎮照失察例議處下部議行乾隆四年奏稱滇疆節次用兵故兵家口衣食無措尤饑寡孤獨中不忍不矜全者臣數年中竭力救濟查家口眾寡月給米三斗二升一斗五升不等近無業孤寡漸次

開除外尚有餘戶臣一人籌慮終難爲久遠計距大理府城三十里喜州地方有草廠一處向備提督牧馬尙多餘地泉可灌溉臣於乾隆二年買牛具募工開墾成田三百餘畝三年招募耕種每年得米百二十石從此無業貧民有田耕種無糧孤寡有租養贍惟新墾地例應科糧伏念我皇上如天之仁矜恤貧窮可否將此項田糧邀 恩賞免責令提標中軍參將等經營出入年底冊報臣衙門查覈入於交代營中孤寡永沾實惠得 旨允行六年以年老致仕奏請入籍雲南下部議駁奉 特旨准其入籍十五年卒

右 國史館本傳

四庫全書

三

策棱 子成袞扎布 車布登扎布 孫拉旺多爾濟

超勇王策棱先世爲元太祖第四子後裔居喀爾喀賽因諾顏部
康熙中準噶爾台吉噶爾丹勢強侵喀爾喀四部皆爲所破王時
弱冠負祖母單騎斂關降 仁皇帝憐之置宿衛授輕車都尉爵
賜第京師尙純愨長公主至洊 封郡王雍正中遣歸游牧九年
征準噶爾時王請從征 上從之 命從順承王駐察漢河傅爾
丹旣偵師於和通淖爾賊眾追蹂闌入內境順承王擁兵不之救
王慷慨曰使虜騎充斥大軍敗亡安用將帥爲也因率本部卒迎
賊於鄂登楚勒時賊勢鴟張赤幟徧野王曰此未可以力爭因命
其部將巴海夜入賊壘以致師王伏精銳於林莽間巴海率哨騎

奔賊大隊賊眾追之伏起王吹角催隊我兵無不一當百轉戰竟日賊倉卒遇大敵不及備遂爲我兵所殲王陣擒賊首二皆百戰渠魁賊帥小策凌墮騎裸身跨白駝遁漠南肅清時謂北征第一戰功云踰年復有光顯寺之戰王威名鎮漠北虜騎震懾不敢復南牧矣及純皇帝卽位授王定邊左副將軍鎮烏里雅蘇臺傳閣峯尙書歸定和議上命王會議虜使哈柳至強辨士也謁王於京邸哈柳謂王曰聞王漠北有營帳奚必居於京邸王曰國家都於此我隨君而居卽爲吾土喀爾喀乃藩部若人有園囿何足道也柳又言王幼子思歸欲傳致之王慨然曰公主所育爲吾嫡長餘孽何足齒及汝部縱放歸吾其請於皇上必戮於宗

也哈柳塔然退王復面奏 純皇帝曰今北虜挾臣子以爲重臣若許之適足以長其驕心恐無益於國事況此不肖子不卽隕滅報顏儉生無足存也 上詔獎之比之樂羊云復 命王修書答之和議乃成庚午王薨於軍遺表請歸耐公主園寢 上惋惜之命配享 太廟及賢良祠外藩得預侑食者惟王一人蓋異數也嘉慶甲戌禮部尙書成甯以王爲外藩故撤賢良祠神牌於後殿事 聞 今上震怒立褫成甯職蓋猶念王之勳也其孫拉旺多爾濟頗有祖風尙和靜公主掌宿衛四十年所領將卒無不感激用命以忠醇持躬和相當權時諸王大臣盡交其門而王獨與之梗 今上甚爲優眷癸亥春有陳德之逆喀爾喀貝勒丹公某已

爲所刺傷王以手按其腕德莫能支遂被擒其勇力可知也余以罪廢時王面詰某貴臣曰禮王何罪公乃羅織至此使宗藩斥革如發蒙振落我儕外臣何足道也貴臣赧然退王因於歲首謝病歸藩憤悒而薨余與王素乏締交乃情摯若此深有感於心也劉文清公嘗比王爲金日磾余以其謹慎寡過處有類霍大將軍日磾尙非其匹實爲朝廷重臣也王薨之夕有大星隕於西北訃至恰如其期亦一異也

右錄宗室昭棟撰

按王薨於乾隆十五年

成衮扎布

超勇王成衮扎布額駙襄親王之長子也襄親王光顯寺之戰功

在社稷王嗣掌定邊左副將軍印父子專閫軍中榮之其族貝勒
青滾雜卜因其兄額林沁多爾濟以故縱阿逆故 賜死陰煽惑
諸喀爾喀蒙古諸藩曰元太祖裔無正法理欲其謀叛逆其檄至
王所王大怒曰焉有人臣犯法而其骨肉代爲復仇之理吾家世
篤忠貞豈可效叛人之謀自蹈誅夷也因首發其謀復寄札於哲
卜尊丹巴胡圖克圖令其諭所部知大義俾勿惑事 聞 純皇
帝嘉之卽 命王統師以勦曰大義滅親此王茂宏所以仗安東
節也王率諸喀爾喀藩部兵力爲追捕青滾雜卜計窮擁兵自衛
王傳檄諸部宣布 國家威德其黨皆散惟餘青滾雜卜父子數
人宛延沙漠中迷失道路爲官兵所擒 上大悅賜王金黃帶封

其子爲世子以優賚之王自誓微髭數莖不類蒙古世族知兵法
有元臣木華黎所著兵法王世收藏之暇時擁一編展誦故用兵
多合古法掌大將軍印幾四十年未嘗戮一偏卒曰三世爲將道
家所忌吾敢恣意誅戮貽禍於後人耶其弟郡王車布登扎布以
勇捷見稱 上嘗以霍去病曹彬比之

右錄宗室昭棟撰

綽爾鐸

雍正庚戌敗軍之事余閱先外祖行述始知光顯寺大捷之事其謀乃發於一偏帥因詳書之以誌往事初傅爾丹之既敗也虜勢日張無敢撓其鋒者因闌入喀爾喀界時超勇親王策棱遠屯他戍酋帥利其厚貲欲擄其游牧其副曰彼爲盟長北藩之最强者若激其怒以遏吾歸諾顏難生還也酋長不從因破其砦擄其妻孥驅牛羊數萬以行因南犯大青山當是時先修親王屯歸化城順承郡王屯賀蘭山互相犄角聞警先修王調宣大二鎮卒整旅以待事 聞 世宗命大學士馬爾賽佩撫遠大將軍印一等侯李杕副之率精兵數萬人遏其歸路虜酋知有備因而南擄諸

蒙古無敢拒者敗亡者數部落時超勇王聞警趨歸知其妻孥已被擄倉卒計無所出時先外祖舒穆祿直恪公諱綽爾鐸以理藩院侍郎轉餉至彼超勇王因謁之告其故且欲奔訴於朝直恪公笑曰余素以豪傑待王今乃知王直匹夫耳夫蒙古諸藩以王爲最朝廷方恃以辦賊今雖妻孥失陷然勁卒尙存王若統率諸部盡力向敵遏其歸路則可一戰成功然後妻孥可全疆域可復朝廷必旌王之功厚賚以酬其勞其收功遠矣今不顧大計單騎歸朝諸將帥不明王心必以王爲敗債收付廷尉按律定科吾恐漠北諸部不復爲王有也超勇王感激歎曰君言良是男兒一腔血當爲諾顏倒也因反旆以向敵諾顏者蒙古所謂君也

直恪公復命使謁順承王乞出師以相助超勇王聞之益用命其護衛某能日行千里嘗立高峯上拱手作鵬立狀賊人不覺王因命其潛入賊營悉知其虛實然後檄調諸部落蒙古兵得三萬人王曰賊眾三十萬以一誅十可以禦敵矣乃會順承王請其孱弱滿軍以行順承王簡其精銳付之超勇王笑曰吾所以請王師者欲以其餌敵也不然王師縱強焉能禦彼百戰之師哉乃易孱弱以行一日疾行三百里至光顯寺王笑曰其險已爲吾據賊雖百萬可成擒也寺在河右山眾請王登山據險王曰賊知吾據要害若自上游以渡吾軍反難成功也因命諸滿軍背水而陣諸蒙古軍於河北而已率勁旅萬人伏於山側且屬諸將曰聞胡笳聲卽

率以進部署始定賊眾果大至見我背水軍盡滿洲卒其酋笑曰
前日敗亡之餘復敢與鬪囚僕可增額矣其副曰策稜人傑也今
吾已破其部落彼豈甘心於吾而吾往來數千里並未見其禦敵
恐彼駐師於此以遏吾歸也曾笑曰彼國之制無以外藩將滿兵
者彼烏敢在此哉因率眾越險以進滿師皆披靡棄甲沿河而走
虜眾適追掠聞陣後作胡笳聲須臾旌旗徧滿山谷聞王倏作
蒙古語曰策稜在此阻君之行因率眾從右山下馳如風雨王擲
帽於地曰不破賊不復冠矣其軍無不一當百爭先用命谷中之
尸可躡而行也賊狼狽渡河以逃河北諸蒙古將聞笳聲結隊以
進復半渡以擊之虜眾大潰其副戰死酋帥率數百人騎白駱駝

陰夜以遁河水盡爲之赤王從容於馬上彈琵琶唱胡曲以歸先是馬爾賽之師屯於烏蘭城以爲虜不復經此因日置酒高會置軍事於不理李杲故馬威惟其言是用及諸路捷書至其軍士咸欲出師立功馬屢止之復聞賊哨騎至諸將復請命曰吾奉命屯戍於此未奉命追賊也諸將士銜刀斫柱閒有泣者李杲以鞭揮之曰守吏緊閉其關其越出者吾以軍令斬之諸將益憤傅閣峯尙書璵時以偏裨從軍慷慨言曰相公奉命遏賊歸路今逆賊天亡其魄豕突於此正男兒殺賊立功時柰何緊閉其關任其颺去坐失機宜也因率本部斬關而出馬不得已始下令追賊時虜已遠去適副都統達爾濟受先修王節制進至馬誤以爲虜師因命

軍士擊之兩軍互多傷損然後知之乃收兵歸託辭爲賊行急速
難以追及入告賊竟得從容去奏入 世宗大怒因斬馬爾賽於
軍李杲長流塞外超勇王等論功 封賞有差虜帥歸告其主曰
南朝大有人在策棧謀勇兼備未可櫻其鋒也自是酋始斂兵戢
衆微吐和意 上復遣傅開峯尙書彌阿文勤公克敦往諭其閒
和議乃成事詳傅開峯傳茲不復載越十年超勇王薨於軍 純
皇帝念其勳勞 命配享 太廟蒙古王公以勳勞侑享 廟庭
者王一人而已嗟夫當是時諸大將坐擁強兵者不下十數莫不
養寇自重不肖禦敵幸而直恪公籌畫於前超勇王奮激於後乃
始摧挫其鋒利議始成若非馬爾賽之閉關縱寇則其酋可擒其

部可滅不待夫日後其國內亂自相敗亡歷二十年之久始克收復其土也

舒直恪公諱超鐸滿洲望族也曾歷任西安涼州安西黑龍江諸處將軍 純皇篤任之嘗曰滿洲世族未忘舊習者惟舒超鐸一人而已公性篤直任西安時其前將軍杜賴性貪鄙屢侵糧餉至自製餅餌令軍士以重價購之公至三日立劾其貪士卒快之任西安提督金礦事發牽連數百人獄未決公竟命釋之僚屬有請之者公曰金礦窄不容足安可容數百人盜者必獲重寶以遠颺奚累及無辜也後盜果於他境獲之任黑龍江將軍奏開倭市許開墾諸疏夷民便之有餽蕩者公笑曰吾日啖數升自能强健安

用是物為也因取小淺啖之曰已領命矣然其味甚苦無所取也
人笑其樸亦可覘其廉矣

右錄宗室昭棟撰

按公名綽爾鐸一作超鐸

范毓裔

范毓裔山西介休人康熙五十五年武舉揀選衛千總五十七年以征勦準噶爾毓裔幫辦駝隻議敘以守備用五十八年補授湖廣漢陽城守營守備六十年捐升參將雍正二年選授湖廣桂陽營參將七年升沅州協副將八年授直隸天津鎮總兵尋命署理河南河北鎮總兵九年奏捐貲買補營馬一千一十一匹以足營伍得旨朕辦理兩路軍需事事皆取給於公帑不准臣工絲毫捐助況弁員身在本營而令出貲以濟公用尤非朕意范毓裔所買馬匹著照數給價於司庫支領十年調廣東潮州鎮總兵奏請令潮州營兵照河北營兵各於本藝之外兼習長槍短棍連接

棍疏入 命與總督提督商酌尋廣東總督鄂彌達提督張溥覆
奏兵丁習用器械務須因地制宜始於營伍有益粵東山海交錯
陸路則峻嶺崇山林箐邃密水師則內河外海港汊多歧與中州
山陝諸省地勢平行者不同兵丁執用器械惟鳥槍最爲便利其
次則弓箭藤牌挑刀大礮先經前任督臣郝玉麟題准陸路每兵
一千設鳥槍手五百名水師每兵一千設鳥槍手六百名其餘弓
箭藤牌挑刀大礮等項均勻酌配而礮手兵丁又令兼習扁刀以
備應用此誠因地制宜有益軍務至范毓裔所稱長槍短棍連接
棍止可用於平原曠野與粵地不甚相宜況兵丁技藝專則易精
多則難熟本藝按期操演尙難望其嫻熟再令兼習別藝恐本藝

反致生疎似非整練軍實良法得 旨所奏是凡如此等條陳當
諒其初任地方未諳情形而嘉其冒言之志若稍露鄙薄詞色則
阻遏言路矣十三年嘉應州潮陽縣等處颶風陡作沿海隄岸衝
決田禾被淹城垣廬舍船隻俱有損壞經毓裔奏 聞 上令其
加意撫綏毋令失所乾隆元年五月奏請各省監生素習騎射願
入武闈者令地方官照例起送與武生一體鄉試中試者造入武
舉冊內不中者仍歸監生原冊下部議行十二月署廣東提督三
年奏稱沿海各省商民將本地出產貨物由海販運其船隻出口
時地方官稽查給票註明所往發賣之地赴該處海關投稅洋面
原無投稅之例若遇風信不順進口暫時灣泊則無論其在彼處

發賣與否亦必按貨收稅惟是海洋至險儻遇颶風性命貨物實有不測之虞而商愚惟利是重誠恐收口灣泊關口按貨收稅遂多冒風濤希冀傲幸不敢進口寄旋以爲避風之計因此而壞船斃命者不一而足請嗣後各省洋面經由貨船因風信不順進口暫時躲避並非在該處發賣者槩免征收課稅至風息時驗明票照挂號放行 諭曰此事待朕緩緩酌量四年丁母憂六年服闋授直隸正定鎮總兵七月奏報勸懲兵丁情形得 旨直隸數鎮之中惟汝處欠整頓勉之八年湖廣總督阿爾賽奏言臣在京詢知苗疆隄工爲楚省最要之務 陛辭後接見一路文武各官有曾任楚省者無不虛衷諮詢過直隸正定時見總兵官范毓琦談

及苗疆情形歷歷如繪井井有條探其胸中大有經濟臣驚而叩
之毓綺自言山守備歷升副將在湖廣十餘年故知之甚詳臣到
任後查詢苗疆情形與所論若合符節見今南北四鎮並未缺人
臣甫經到任又未深悉各鎮是否與苗疆相宜臣不敢妄奏但正
定腹地尙易辦理苗疆若得熟練之員可收駕輕就熟之效 諭
曰此奏非矣范毓綺不過一富家子因其久任總兵尙無大過是
以用之以朕視之不過一謹慎無能之人安可勝苗疆重任耶若
如此取人恐汝所失者多矣上年奏臣家居山右今 聖駕巡幸
五臺臣姪清注備進羊千隻馬十匹以供賞賚之需交臣代奏
上卻之十一年 上以毓綺人既平常年亦衰老以原品休致十

六年卒子清濤二品廕生河南彰德府知府清潞候選州判清瀚
候選千總清灝湖南黔陽縣知縣清澂直隸河間府同知清洱候
選布政司理問

右 國史館本傳

陳倫炯

陳倫炯福建同安人父昂本以販洋爲業遊歷諸國熟悉外藩情形後官水師將弁隸靖海侯施琅標下洊擢廣東右翼副都統康熙五十九年倫炯少時曾隨父至日本世習水師由廕生 恩賞藍翎侍衛六十年四月擢三等侍衛七月發往福建以參將用十月署臺灣南路參將雍正元年七月 命署臺灣協副將十一月升澎湖協副將二年調臺灣水師協副將四年九月閩浙總督高其倬以臺灣總兵一官尤關緊要奏請簡放得 旨朕所知者惟陳倫炯一人陳倫炯操守謹嚴操練兵丁頗爲盡心伊尙有求好之心雖非大器姑暫行委任俾且整理十月升臺灣總兵 上以

陳倫炯亦恐未必勝任尋偕其倬疏稱臺灣鎮舊設馬兵三百名因臺灣多雨春夏秋三時皆泥深水大馬無所用惟冬間方能乘騎遠出而入山征番捕匪兵丁仍皆下馬步行於營伍不甚有益若將所設之三百名馬兵裁去改爲步卒戰兵三百名守兵四百名分入四十三營輪流添撥防臺比舊額多兵四百名而又不增加增添糧餉似於營伍有益 上嘉允之六年二月 諭曰高其倬奏陳倫炯操守頗好辦事勤慎但臺灣地方甚屬緊要陳倫炯不稱臺灣之任著調補高雷廉鎮總兵先是倫炯在臺灣總兵任內揭報參將林子龍縱兵聚賭廢弛營伍及招賄婪贓等款經高其倬題參革職七年署閩浙總督史貽直奏稱揭報諸款審無憑據

查林子龍從前效力戎行頗著勞績在任亦得兵民之心可否量加委用 諭曰林子龍從前引見時原經朕記名係武弁中壯健材能之員後被陳倫炯揭報貪劣款蹟革職今審訊各款皆虛是陳倫炯之揭報實爲屈抑凡文武大臣秉公舉劾屬員乃職任中第一要務今陳倫炯將才能歷練之林子龍枉加彈劾而所特薦之遊擊洪繼龍則甚屬庸常高其倬亦言其不勝臺灣之任是陳倫炯之舉劾顛倒實與公是公非相左又何以使屬員共知勸懲乎陳倫炯受 聖祖仁皇帝多年教養之恩朕又加任用乃不思至誠報效仍復苟且營私返之於心何以自問林子龍著仍畱閩省以參將副將酌量題補倫炯下部議處尋議保舉不實誤參屬

員每案降二級調用九年二月引見命往浙江交與李衛照所降之級委用效力贖罪四月署大荆營遊擊十年正月命署福建澎湖協副將閏五月調署興化協副將六月調署臺灣水師營副將十二月諭曰郝玉麟奏稱征剿臺番參將李蔭樾智勇出眾事事爭先查李蔭樾原係記名上等之人今思臺灣地方緊要副將陳倫炯未知勝任與否李蔭樾既著有勞績或將伊補授臺灣副將陳倫炯調用內地是否人地相宜據實回奏尋玉麟奏稱李蔭樾才力兼優惟從前歷任俱在陸路水師似未諳練至陳倫炯先任臺灣副將升臺灣總兵該地風土向所熟悉水師船務亦稱諳練更兼撫馭有方番民至今感頌該員自本年任事以來

辦理尙屬妥協疏入 上是之十二月實授臺灣水師協副將十一年直隸總督李衛奏請蒙 皇上以江南副將李漣是否克勝温州總兵之任詢問及臣臣遵查李漣老成勤謹歷練營務但係北方之人未嫻水師臣實未敢深信其人查有陳倫炯世習水師歷任有年前因臺灣要地不便移動今思水師總兵原難多得若閩省欲求一好副將轉移之間諒不至於乏人得 旨臺灣要地陳倫炯何可移動十二年擢江南蘇松水師總兵十三年江南總督趙宏恩奏言據蘇松水師總兵陳倫炯稟稱吳淞海口爲蘇松門戶南北商艘出入駱驛而各船遇風收泊舍此更無他處可以寄棧柰此口並無高山大阜可爲瞭望標準每逢黑夜船隻停泊

外港猝遇風浪無所逃避茲巡洋目擊情形隨查勘吳淞港口有礮臺兩座北屬吳淞南屬川沙可於各臺上設立高竿懸挂明瓦號燈二盞以爲港口南北標識使黑夜收風船隻望爲準繩以便入口臣查所議實於海洋昏夜收口船隻大有裨益疏入 上嘉之乾隆元年奏西密里也一國在噶爾旦之西與大西洋等國毗連請免其額外加一之稅庶可得西洋諸國之心使相勸勉得旨國家撫綏四夷自有大綱非細微之事可以用一時聰明者也三年五月奏稱閩省動撥江西湖南倉穀三十萬石伏思江西湖南二省從內地至閩必由長江至江南換海舶方可出口海運臣身任江南水師閩省又係桑梓之地請躬親督運庶免閩省委員

遠來守候稽遲 從之十月 上以倫炯督運米石赴閩往返需時 命狼山鎮總兵許任盛署理崇明鎮印務四年三月倉穀全數到閩奏 聞得 旨嘉獎下部議敘尋回任六年二月調狼山鎮總兵六月奏報訓練營伍巡查洋汛情形 諭曰實力巡緝毋徒爲紙上之談十月奏因母病暫緩出洋請俟病愈卽行巡查得旨此雖違例實汝孝心有何不可七年十月奏巡視江海各汛弁並撥兵巡查被災各處 上嘉其辦理妥協是月擢浙江提督九年入 覲 賞戴花翎十年四月偕閩浙總督馬爾泰奏言玉環一山地介溫台二郡前因私煎私墾之徒在在需員查察是以報最之期每邀優敘近年以來風土人情實同內地而該營各員弁

倖蒙成例仍得邀 恩優敘殊覺太過該員弁一經補授卽視爲捷徑三年轉瞬遷擢可期因而技藝荒疎營規怠緩是欲求鼓勵而反致弊生於行伍毫無整理之益請照內地一體論俸升轉停其議敘 上是之十一月提標右營兵丁沈光耀等八人糾眾爲盜十一年經慈谿縣知縣訪獲營員捏稱自行拏獲倫炯率行具題營員恐部駁詰密遣人赴部行賄營求經部奏 聞解回原省質訊馬爾泰奏倫炯若俟審明定案後題參未免有稽時日查提督爲專閫大臣甯郡係海疆重地請將陳倫炯解任 從之尋鞫實倫炯下部議處部議降三級調用十三年八月閩浙總督喀爾吉善奏言水師鎮將中求其稔悉洋面形勢熟諳島夷番情者甚

難其人聞原任浙江提督陳倫炯深明舟師事務臣畱心諮訪因伊父陳昂積久販洋後爲水師將官倫炯少時亦曾隨往日本由侍衛歷任臺灣總兵於外番情形水師訓練無不熟悉臣於去冬巡歷漳泉時至廈門接見看其年踰六旬精神矍鑠詢以洋務無不洞悉底裏與臣所訪無異洵爲水師中難得之員陳倫炯於提督任內失察兵丁爲盜部議降調該員因母老難以遐離呈請終養再行赴部候補查閩省海洋甚關緊要陳倫炯請畱閩就近補用奏入 諭曰陳倫炯係降調之員自應赴部候補乃請畱閩補用在陳倫炯或以候補無期有所請託則喀爾吉善此奏大爲不合儻因陳倫炯熟諳水師畱閩補用於營伍有益尙屬爲人材起

見亦應奏明將伊送部引見候朕酌量發往委用九月喀爾吉善
覆奏實無請託之事報 聞尋奏陳倫炯可否給咨送部引 見
得 旨既云親老著俟之十六年卒倫炯著有海國聞見錄二卷

右 國史館本傳

王廷極

王廷極直隸大興人乾隆八年暨十六年兩任鎮筵總兵刊條約訓士卒以孝友有父母年老者歲時必給酒肉操練不事苛練兵以心爲要步伐其末也喜與士人交或貧不能赴試則餞而賙之及去人皆思慕

右傳李元度撰

								167-498	
--	--	--	--	--	--	--	--	---------	--

博爾奔察

純皇帝撫視臣庶闊懷大度有時加以狎謔以聯上下之情有內大臣博爾奔察侍 上最久善諧謔辛未春扈從 南巡至鎮江口 上放煙火有被煙薰嗽者博笑曰此乃素被黃煙所薰怕者故望而生畏也時黃文襄公督責過嚴故公寓言之又有較射而弓落地者 上震怒公在旁曰此皆因引 見故昨日射箭良多以致臂痛不能引弓也 上乃釋然又 上一日較射多不中侯人皆畏懼時修髯人至公望而笑曰汪都統之弟至矣汪都統扎爾故修髯如戟 上撫掌大笑 上嘗行窄巷有步軍校積石爲山於其廳側者 上望而問之公駭馬奏此步兵花園也 上大

笑又 上書福字公立於側 上笑謂曰汝亦識此中佳否公應
聲曰知之 上所書福黑且亮也 上大笑其譎諫皆若此亦東
方朔簡雍之流也

右錄宗室昭棟撰

何勉

何勉福建侯官人由行伍康熙五十八年侯官奸民薛彥文等聚後洋山爲匪勉奉檄捕擒之五十九年敘功授督標中營把總六十年五月臺灣賊朱一貴等陷府城勉隨勦南路擒賊渠杜會三蘇清等又於北路獲賊黨黃潛二十六人六十一年補臺灣道標千總雍正元年改補臺灣鎮標中軍千總時一貴餘黨王忠等出沒內山未獲巡視臺灣御史吳達禮疏請勒限緝拏臺灣總兵藍廷珍檄勉偵捕勉選投誠人翁提許廷珍等導馳入鳳山深林中計獲其黨劉富生陳郡忠拒捕立擒之總督滿保以聞諭曰何勉如此效力甚屬可嘉遇有參將缺出卽行題補見將賞給何

勉雲騎尉准襲兩次之諭已交該部矣十一月補臺灣北路營參將兼襲雲騎尉四年臺灣水連沙等社叛番滋事閩浙總督高其倬檄勉同臺灣道吳昌祚分勦勉攻北港番眾望風投順獲賊首骨宗等二十二入水連沙二十五社悉平敘功紀錄一次七年遷湖廣洞庭協副將九年以失察千總傅雲章虧空餉銀案降一級畱任十年貴州九股苗不法 命發楚兵二千協勦湖廣提督張正興檄勉領兵五百赴黔十一年二月進勦交汪寨勉乘霧夾攻逆苗敗遁復據蓮花峯築壘時貴州提督哈元生自台拱移軍蓮花峯右令勉攻其東勉奮勇先登自辰至酉奪頭壘二壘賊逃峯上據壘自固勉乘夜縱火焚巢賊竄官兵掩擊之陣斬渠魁餘賊

就擒敘功紀錄二次十二年擢雲南鶴麗鎮總兵十三年署永北
鎮總兵乾隆元年調臨元鎮總兵三年六月 陛見奏請以第三
子思和襲雲騎尉世職 上從之尋授思和三等待衛十一月調
勉爲廣東左翼鎮總兵八年二月調閩粵滇南鎮總兵六月署福
建水師提督十年以目疾疏請休致 上以勉老成歷練效力有
年屢經請休 詔解任回籍調理十一年 諭曰滇南鎮總兵何
勉染患頭暈眼花難以辦事懇請休致朕降旨令其解任調理不
知伊近日曾否病愈俟病痊之日令其來京十二年總督喀爾吉
善疏報勉目疾未愈十三年又疏言勉舊病難瘳年近七旬血氣
既衰難望再痊得 旨何勉著以原品休致十七年八月卒 賜

祭葬子思和襲雲騎尉官至臺灣鎮總兵

右 國史館本傳

布蘭泰

布蘭泰滿洲正白旗人姓拜都初隸蒙古鑲白旗父克什圖由護軍校從征察喀爾尼敘功給雲騎尉世職康熙三十八年布蘭泰襲五十七年授理藩院員外郎兼管副參領五十九年赴北路軍營管理鄂勒齊圖郭勒臺站六十一年還京調戶部銀庫員外郎兼公中佐領雍正元年因前管理臺站節省錢糧議敘以應升缺卽用二年七月 詔編布蘭泰及孫柱五十三石音四族丁爲一佐領令布蘭泰掌之援入滿洲正白旗八月兼太僕寺少卿仍兼銀庫行走十一月擢山東布政使三年七月因銀庫盈餘議敘加二級九月署山東巡撫十月授山西巡撫尋授湖南巡撫四年疏

劫衡山縣知縣張翼飲酒觀劇不轉解人犯並不肯接詞狀請革職諭曰張翼各款俱屬應參之事但稱不肯接受詞狀此語甚屬錯誤民間詞狀虛妄者多一槩接受必啟刁民誣告健訟之端此風斷不可長若以收受詞狀之多寡定屬員之賢否則必致以此相尙生事滋擾矣五年二月奏請復靖州州判增糧道庫大使改五寨司吏目爲巡檢裁松柏市巡檢從之三月奏湖南襟江帶湖港汊繁多每有不法船戶糾匪肆竊或合資買舟假貿易爲名沿途行劫皆因無可稽查請嗣後一切小船照沿海商船例地方官取船戶鄰佑保結編號給照不時稽查至漁船奸良更爲難辨請照陸地保甲例編十船爲一甲一船犯盜竊許九船公首隱

匿事發同甲一體治罪下部議行四月授戶部右侍郎仍署湖南
巡撫五月調江西巡撫十一月疏劾升任蔚州參將裴魁前在撫
標遊擊任內虛冒馬糧二分步糧三分守糧六分請革職究追

諭曰武弁虛冒糧餉幾分較有司之貪賊枉法累及國計民生者
似有分別該上司等應預行嚴飭令其悛改國家愛惜人才若切
加訓誨仍不遵奉則當參革治罪今布蘭泰到任伊始尙未教導
屬員遽以空糧幾分將裴魁參奏未免過刻若督撫等皆如此參
劾恐有用之材受微愆之累而不得改過自新者多矣朕念裴魁
從前效力從寬免其究問著降三級畱任六年正月請移貴溪縣
縣丞駐江潁山從之三月疏言九江爲數省孔道贛州爲商賈

雲集之區積貯宜預籌請各設常平倉自本年始將兩關平餘銀及所裁冗役工食並公私雜項所減銀每年買穀二萬餘石分貯兩關平糶秋收買穀增貯積十年可得二十餘萬石其建倉費卽於兩關節省項內動給 詔如所請行七月疏劾清江縣知縣牛元弼不親身禱雨屠宰甫禁旋開張筵演戲且不理政務知府吳思景代爲隱飾請一併革職 諭曰牛元弼於屠宰開禁之後開筵唱戲不比祈禱之時若牛元弼性好聲歌耽於逸樂則布蘭泰何以不早行奏參至所奏政務不理亦應指實其廢弛者何事今因一時意見遽將該縣嚴參並知府一同革職定例內屬員犯貪贓重罪者知府徇庇失於覺察其處分止降級調用今因屬員唱

戲而遂將知府奏請革職似此越例之事幾有作福作威之意矣
朕之待督撫大臣深加信任常有督撫參劾尙輕而朕從重處分
者總以揆情度理期於公當而已凡爲督撫者當爲國家愛惜人
才而於參劾之間尤當加意慎重若誤去一幹員其過更在誤薦
劣員之上蓋薦一劣員而誤用之異日自然敗露若將幹員誤行
罷斥則其人終身放廢不可復振天下人才幾何豈可因一時之
喜怒而濫行摧折乎察吏之道公明二者不可缺一若存心本公
而識見不到必致爲屬員所欺瞞浮言所蒙蔽布蘭泰之存心雖
無私徇而少知人之明且瑣屑不知大體地方雨暘之時若水旱
之爲災全係督撫大臣之感召若果能布德行仁安民察吏自能

上感 天和豐亨有慶若政事有關舉劾失宜以致兩澤不能應時而降此時徒恃祈禱之虛文已屬庸鄙之見而乃欲諉過於屬員以卸己之責不亦屈抑之甚乎牛元弼吳思景不必革職若二人任內另有虧空劣蹟著布蘭泰查明續參再降諭旨若別無款蹟可參著將牛元弼吳思景送部引見候旨另用八月以署江蘇巡撫張坦麟爲江西巡撫 命布蘭泰來京十一月 諭閣臣曰江西布政使王承烈升任來京奏稱布蘭泰在江西巡撫之任每事過於嚴刻朕因著令來京面加詢問布蘭泰本一微末之人朕因其居心謹慎操守尙好是以歷任擢用爲湖南巡撫後見其居官辦事識見褊小已降旨調回授爲侍郎適江西巡撫未得其人

復將伊調撫江西並諭伊云江西事務自邁柱整頓之後汝可遵
守安靜辦理乃伊到江西後復蹈故轍並無改悔之念伊兩任內
所辦之事所奏之摺朕見其苛刻瑣細不知爲政大體朕隨事切
加訓誨所以批諭之者剴切詳明至再至三見在收貯俱發與大
臣及王承烈看過原不待王承烈之陳奏而後知也所以將伊調
回者意欲面行詢問並加訓諭尙冀其或能悔改乃伊奏稱臣在
江西辦理事件往往從重從嚴待皇上敕改使恩出自上朕一聞
此語心中爲之戰慄不覺汗流浹背夫辦事之道惟在秉公得理
中正無偏今有意嚴刻先爲過甚以待折衷必朕畱心體察方得
更改而伊又未預先奏明朕又安從逆料其有心過嚴而事事皆

爲駁正乎況巡撫所辦地方事務不陳奏於朕前者甚多安可豫
存嚴厲之見乎布蘭泰深負朕恩溺職已甚著革職尋 命雷雲
騎尉世職於本身赴多倫諾爾承修廟工十一年偕原任侍郎眾
佛保赴北路軍營督理馬政乾隆二年六月署鑲紅旗蒙古副都
統十一月授鑲黃旗滿洲副都統三年疏言各部院所存檔案一
代章程所繫宜慎密收貯逐一清查分別年分貯冊庫專員典守
如有應查事彼此行文咨查不許擅自調取亦不得私相傳閱至
八旗檔案亦宜按年編號令印房筆帖式掌之筆帖式任滿及參
領等更替時出結交代下部議行尋 命署馬蘭鎮總兵四年八
月條奏州縣行保甲多虛應故事兵丁緝匪解送有司置之不問

弭盜應委千把總同兵丁緝拏事主報盜應速嚴究衙役需索倉
穀糶借秋成買補不必輾轉累民 敕下大學士九卿議奏議上
諭曰大學士九卿議覆布蘭泰條奏各款一一詳閱所議亦是但
語多籠統尙少切實如布蘭泰奏稱州縣行保甲之法虛應故事
卽有匪類兵丁訪實解送有司置之不問等語爾等議覆卽當詢
布蘭泰見任總兵何處武弁訪實匪類交於何處州縣如何置之
不問之處令其據實陳奏如果有其事則州縣卽當參劾而失察
之總督亦應有處分儻毫無實據豈得妄以置之不問一語加之
文員如此則真僞不難立辨今但以武弁具文通報上司按例察
參等語引成例議覆以後弁員視爲具文或竟不具報其弊不更

甚耶此處殊未明晰至布蘭泰稱督撫遇地方有盜卽委千把總同兵丁探拏盜自可弭等語夫盜案委武員躡緝惟李衛爲總督時偶一行之其餘督撫從無如此辦法者蓋武弁緝盜行之不但於地方無益且恐轉滋擾累弊端百出此則事之必不可行者又布蘭泰奏稱無論犯竊幾次贓數多寡重則治罪輕則解回原籍至事主報盜應作速完結無令守候並嚴究衙役需索等語爾等議覆竊盜科罪輕重各有明條從無不論次數贓數混行問擬及外來匪類不行解回原籍之事並事主報盜止許到官聽審一次認贓一次不得拖累並不許衙役需索違者將承審官嚴加議處見在遵行等語此在成例則果然矣而州縣中或不實力奉行又

或奉行不善豈能保其全無布蘭泰既爲此奏必有所指亦當令其指名陳奏不應僅稱毋庸議也又布蘭泰奏稱社倉常平倉之穀如有糶借秋成即可買補何必多此買穀輟轉累民囤積自官其價愈昂等語爾等既議稱如或市價增長及民間購買者眾官卽暫行停糶是布蘭泰所奏廷議亦以爲是何必又云布蘭泰並不深究其源遽思更變其法殊未允協此則幾有明駁暗准之意矣夫採買米穀亦原以備民食今前後詞意未符將來或須採買又將如何辦理此摺發還著另議具奏尋議令指名陳奏布蘭泰覆奏臣前任湖南巡撫之時有余景福黃鼐顏正謝祿正等肆劫地方官不畱意懲治致動擾官兵本年起馬蘭鎮任詢訪軍民稱

窮鄉遇竊事主恐守候多隱忍不報是以冒昧陳奏非別有所指
諭曰布蘭泰摺拾舊事妄作空言冒昧具奏不合著交部議處部
議降一級調用得 旨降一級從寬畱任六年暫署 三陵總理
事務九年實授馬蘭鎮總兵十二年疏言八旗漢軍壯丁例得撥
補馬蘭鎮綠旗兵缺且給攜眷車費往往視爲畏途致缺久懸或
隻身而來請嗣後撥補時先儘有眷丁定限起行又壯丁子弟有
堪充餘丁者遇缺出就近挑補三省撥送車費 從之十一月丁
憂回京十三年復署馬蘭鎮總兵十四年二月以守護 園陵不
嚴部議降一級調用得 旨降三級從寬畱任十月擢古北口提
督尋疏言綠旗操演槍礮原期施放有準但轉身進退或左或右

多不畫一因營員各持所見日更月改請照八旗式法自左而進
自右而退畫一操演如所請行十七年卒 諭曰布蘭泰歷任封
疆宣力有年今患病溘逝深爲軫惻應得卹典該部察例具奏尋
賜祭葬如例諡愨傳子永貴襲世職官至協辦大學士吏部尙書
別有傳

右 國史館本傳

國朝通志卷之六十一

附錄

--	--	--	--	--	--	--	--	--	--

譚行義

譚行義四川三臺人康熙五十八年由武舉授陝西西甯衛千總
雍正二年隨大軍平青海四年遷河南城守營守備五月遷參將
七年河東總督田文鏡劾行義養解陝營馬疲瘦得旨革職來
京引見旋賜上諭一部及貂皮香珠復職八年遷廣東惠州
副將十一年擢高雷廉總兵賞戴花翎尋丁母憂命在任守
制十三年總督鄂彌達檄行義統兵五千協勦貴州逆苗六月抵
古州分遣策應清江八塞堵禦黎平兩路進勦滾縱高表等寨經
略張廣泗又調赴援上江擣烏婆擺弔等險巢會搜牛皮大箐惡
寨擒首惡殆盡乾隆元年調福建漳州總兵三年五月調湖南鎮

草總兵十二月署廣西提督四年十一月實授十二月議敘協勦逆苗功加銜一等五年閏六月統兵會勦楚粵逆苗八月與總督馬爾泰署巡撫安圖會奏宜山縣土蠻恃險劫掠派遊擊楊剛勦破白土邱索二村擒斬首惡及餘賊匿密箐中分路勦捕梟示撫其脅從上嘉其成功迅速六年正月行義奏慶遠府屬忻城土縣之外八堡地方積賊藍明星等恃險焚劫會商督臣檄副將畢映往捕又撥標營兵四百扼要堵禦有莫明權等投首願縛賊贖罪明星聞風遁入山箐旋督兵搜獲並擒斬要犯多人四月奏漢奸黃順等潛入楚粵毗連之懷集惑眾謀逆句黔省黎阿蘭等散賣旗印約時起事臣與督臣調兵攻克賊巢擒賊首及黨七十餘

名尙有十四名未獲嚴催訪拏均報 聞又疏言柳州府城內兵
多民少俱住草房易遭火患雍正十一年知府袁承紉捐銀四百
兩給被火兵民借建瓦房但所捐過少今查兵丁草房尙有千五
百楹或附倉庫藥局或連壇廟衙署仍屬堪虞請將承紉所捐交
文員專管借給被火居民再借 恩賞息銀四千兩交中軍參將
會同馬平縣經營借給失火兵丁有先願改建者一體借給每楹
九兩分三年繳還 從之七年正月奸匪李彩於遷江縣屬石版
村樹旗聚眾謀攻城行義擒之並奏遷江縣遼闊無塘汛匪犯得
潛藏請於城北北四地方設汛撥賓州營把總一兵五十城西平
陽墟增巡檢一弓兵二十四駐防巡查七月奏言臣閱邸抄見兵

部議侍郎舒赫德條奏內城九門外城七門揀設銅鐵礮各十位
九年演放一次奉 旨欽准在案臣思九年爲日太久應照八旗
例三年演放一次每次輪演四位九年三次不致鏽蝕礮手新舊
二十二人均不敷用每礮加二名學習演放俾器不虛設人收實
用疏入均報 聞八年因擅借給兵丁倉穀部議降一級調用十
二月授登州鎮總兵十一年擢江南提督十四年調浙江提督十
六年調福建陸路提督十八年八月以病解任九月卒 賜祭葬
如例諡恭愨

右 國史館本傳

國朝耆獻類徵初編卷二百八十四補錄

將帥二十四

張和

履中以武進士爲侍衛所歷都門山右楚南西秦恆山所至皆有
吟詠自敘其總集云余少小馳心騎射弱冠侍直 禁廷於三百
篇之旨媿未能究然性之所近往往有觸輒爲搜枯自丁卯迄今
其存若干首彙而付梓聊志平生閱歷初不自計其工與拙也世
之覽者儻不責武夫鹵莽唐突文士風流則知我不淺矣文亦簡
絮有致江都浦村之張甘泉黃珏橋之焦卽公道橋吾家阮氏皆
以武世其家而無不熟習經史善詩歌博學能文

右廣陵詩事阮元撰

按張公江蘇江都縣人乾隆乙丑武進士官至提督著有雙杏堂詩集

國朝耆獻類徵初編卷二百八十四補錄

將帥二十四

蔡成貴

蔡成貴富民縣人由行伍於烏蒙茶山間累積戰功官大理提督
公善養士卒與同甘苦而性儉素張東閣允隨制滇公入見冠敝
冠張公謂之曰老將軍此冠該換了公曰這帽兒曾經三次面
聖 主子也看得過求大人將就罷張爲之默然

右滇繫小傳師範撰

Table with 10 vertical columns and 1 header row. The header row contains text written vertically from right to left: 廣東通志卷之六十一 食貨一

廣東通志卷之六十一 食貨一									

國朝耆獻類徵初編卷二百八十五目錄

將帥二十五

補熙

宋愛

苗國琮

冶大雄

王郡

玉保

李繩武

董芳

陳鳴夏

齊大勇

豆斌

孫爵

達青阿

胡貴

塔勒瑪善

子伊柱

--	--	--	--	--	--	--	--	--	--

167-528

國朝耆獻類徵初編卷二百八十五

通奉大夫前署江西巡撫江西布政使司布政使湘陰李桓輯
將帥二十五

補熙

補熙滿洲鑲黃旗人姓佟佳氏父一等公鄂倫岱自有傳雍正元
年補熙由廕生補理藩院員外郎二年調兵部四年改刑部七年
授鑲白旗漢軍副都統九年署天津總兵十年奏言通州營教場
順治年開闢爲旗地操練無定所難免妨農害稼請將遺阡還營
又言向修天津城毀沿壕民房今工竣應仍構鋪面地租充營費
並令兵丁築室四隅於十分內畱給二分令配軍搭廬以居一例

免租均從之尋署宣化鎮總兵十一年襲祖佟國綱騎都尉世職奏張家獨石及洗馬林堡三口准種地民出入餘悉禁邊民圖近偷越弁兵因賄放嗣後凡報州縣給口票驗無違禁物俱准出入無票解究宣化大同貯礮多請撥張家獨石二處各六具紫溝龍門二處各四具以資操演諸汛視衝僻定兵多寡以重巡守十二年疏言逃兵有竊帶餉馬者律未載明請敕部加重議罪家口移縣嚴追賠繳直隸營制兵餉從補日始惟宣化至下月初一日起支應畫一生息銀給岳父母妻子外同居兄弟槩停給以杜冒濫俱下部議行九月擢江南提督十三年疏陳營汛事宜一福山至吳淞川沙俱屬水師中閒劉河陸路營勢不聯絡請撥崇明

鎮沙船四交劉河營派千總外委輪班會哨一崇明狼山二鎮水師統領二月出巡前往十月巡竣後令吳淞川沙黃浦劉河等營隨崇鎮會操福山營隨狼鎮會操俾知練習一柘林之濠缺汛南匯之新塘汛青村之青村港汛俱沿海要地應各增設千總駐巡原設把總畱營操練一海口載貨小船漁戶網船請照大船刻號編船戶姓名無者不許出口 從之乾隆元年授漕運總督奏漕標左營副將右營遊擊夏秋閒例出趙空運營中乏員訓練請增設中營副將轄都司一千總二把總及外委千總各四左營改設遊擊轄守備千總各一把總三外委千總四右營弁兵如左數將原額新舊兵分撥無容增餉又言向例漕船未滿十年例損朽者

准雇民船一次均給回空限單旗丁因費多聽民船回空自行攬載至淮別雇應點沿途催查兵役知船數不符需索滋累請交糧後但給旗丁隨身限單到次繳驗所雇船免給至白糧船未滿五年限丁疲船朽者卽減運另選均得 旨允行時山東河南截漕船應扣給錢糧未定章程 敕部漕議尋議奏本折色月糧爲安家贍食三修銀爲修船隻應全支半折色行糧計程支運耗銀米原以資運折耗其銀亦計程支其米到截留州縣收逾半月限者計月支山東任城幫無贍運屯田其贍運銀全支河南盤剝銀因臨清剝淺設已抵者全支未抵者按程支疏入著爲例二年六月 命會勘東省運河九月疏請定開水以四尺爲準視舊例深

五尺省剝淺費下部議行十一月丁憂回京三年補鑲白旗蒙古都統五年二月調正藍旗滿洲都統七月授綏遠城建威將軍十月疏稱旗員不諳開墾事宜請令雁平道協理又同巡撫喀爾吉善奏於歸化城增設巡道於滿洲蒙古內補授俱從之六年疏言綏遠城兵額多祇佐領防禦驍騎校等各三十五員不敷董率請將右衛滿洲正紅鑲紅鑲白正藍鑲藍五旗撥佐領等各一歸綏遠下五旗又言托克托城內倉儲數萬防守人寡令歸化城都統派兵輪守又言殺虎口距綏遠二百餘里應設二十六汛內新店子五松禿路沙兒沁大黑河設把總各一二十家子爲適中地設都司並中軍千總各一管餉轄各汛均於鎮標殺虎口協標內

撥兵往駐其甯武八角營都司得勝路千總新平虎威水谷樓溝
四把總汛僻員冗俱移撥新設各汛再城東南係察哈爾四旗兵
駐劄餘係土默特蒙古地遇失事卽責該地官兵無許推諉俱議
行八年暫兼管山西提督事九年奏請綏遠民願以米穀豆抵交
墾戶借項及應徵草折銀者聽交納免加耗俾積欠早完 從之
十一年疏請設滿漢繙譯官學於綏遠城選在京八旗望誤人員
咨充教習有成定年升轉公費照前蒙古學例給予部議教習於
右衛八旗舉貢生監並罷閒散旗員內考補餘如所請十四年四
月疏言右衛滿洲上三旗及蒙古八旗官多兵少裁佐領防禦驍
騎校各一裁員俟綏遠右衛二城缺坐補兵均派各旗轄領催俟

缺出汰除漢軍上四旗官少兵多每旗應增佐領防禦驍騎校各一各撥原領催二在新佐領下兵亦均派轄增缺令漢軍見任官暫兼俟滿洲蒙古裁缺後將漢軍人員揀發不至多糜俸餉部議准行八月病 命太醫院官往視十月 諭來京調養十八年卒賜祭葬諡溫僖長子嗣睿襲世職

右 國史館本傳

四庫全書
卷一百一十五

四

宋愛

宋愛甘肅靖遠人父可進官四川提督自有傳愛雍正元年武進士授三等侍衛二年可進署涼州鎮總兵隨奮威將軍岳鍾琪征勦準噶爾正月 命愛至西甯軍前省親三月大兵進勦桌子山碁子山諸番愛隨可進奮戰有功七月回京十二月河南河北鎮總兵紀成斌奏請將宋愛補授河南開封營都司 上允成斌所請尋成斌奏新補都司宋愛到臣衙門宣傳 聖旨臣跪聽之下不勝惶悚臣前以開封營都司駐紮省會重地且懸缺無人因思去年進勦桌子山親見宋愛奮不顧身極有膽氣且代宋可進分派營務頗有才幹知其必能料理地方故敢冒昧陳請將宋愛補

授實爲地方起見並無聽人分付卽宋可進亦不過同在軍前認識素無交情疏入 諭曰朕原不過揣度之詞並非有所見聞而云然也但近年以來年羹堯操大將軍之權人多畏服若爾等蔑視國恩而瞻顧私誼則甚有乖朕保全功臣之意今覽所奏實爲地方起見一無別故朕深嘉賞七年升山東卽墨營參將八年調山西汾州營參將尋升浙江紹興協副將九年 命署河南南陽鎮總兵十年五月署湖廣永州鎮總兵十月署直隸天津鎮總兵十三年署正定鎮總兵乾隆元年回紹興協副將任五年署定海鎮總兵六年升湖北襄陽鎮總兵七年調貴州安籠鎮總兵八年奏永豐州地方緝獲李梅案內逆匪黃三韋阿三羅阿韋羅隴四

名搜出悖逆符紙並續獲之王祖先等卽訊供咨報提督查覈復將洪出未獲各犯於本省上緊嚴緝其在滇粵各省者亦卽飛咨各督撫提鎮嚴飭查拏得 旨斷不可存此疆彼界之心一切查拏惟應上緊以淨根株十年貴州總督張廣泗奏前因古州鎮總兵官崔傑疏縱弁兵業經奏參惟是古州係新闢苗疆必需老成練達鎮臣調補彈壓查黔省各鎮中惟安籠鎮臣宋受詳慎周密統率將備尤極嚴明且年力正壯請調補古州鎮總兵得 旨此奏卽有旨諭部但宋愛爲人恐在好事喜功一邊卿可時常畱心策勵之彼若能去其結習固是一好鎮材也十三年五月丁母憂十月 命署鎮遠鎮總兵仍暫署古州鎮事務十四年奏言向例

武職陣亡自提督至守備皆有加贈惟千總把總並無加贈竊惟官有崇卑殉難則一請將千總把總陣亡者照守備例加贈又陣亡之提督以下守備以上悉照原官加贈若有銜大於缺者請照銜加贈疏入下大學士會部議行十五年服闋實授古州鎮總兵十六年有赴滇過普人鈔錄逆詞經提塘吳士周稟呈宋愛卽轉稟雲貴總督碩色究辦 上嘉其知大義十八年擢貴州提督尋奏前提督丁士傑稱古州等處苗人有因公役使不從恐漸成驕抗奉 諭文武各員隨宜彈壓竊臣兩守封疆加意拊循苗情俱屬安帖至古州苗民於應備夫役一呼卽至亦未見有遲誤所屬新疆距古州稍遠密加訪察並無抗違之處苗性難馴惟在地方

官善於約束平時不煩苛滋擾有事不姑息養奸務於懷德之中使知畏法此實綏輯新疆大關鍵得 旨丁士傑此奏不無見長之意今以其多事調來京候旨汝宜仍前勉力卽新疆亦不時查察可也十九年十月顧色劾愛報斃營馬逾額不卽買補又鎮遠鎮總兵吳三傑病故違例攤派銀兩是月愛卒於官 諭曰顧色參劾宋愛邀譽沽名廢弛馬政各情由本應交部革職來京候旨但據定長同日奏到宋愛已經病故該督所參各款著無庸追究十二月 諭曰前顧色參劾宋愛摺內有因總兵吳三傑病故該提督於各營斂分致奠一條朕以吳三傑業經病故旅櫬無力旋歸同事捐資協助尙係人情所有與見任上官斂派屬員干犯禁

令者不同列入參款不無過當是以未加深究今據定長奏稱黔地邊遠凡武職事故通省各營均攤資助自康熙年間卽有成例俱由藩司動借公項扣餉歸款歷來有案可稽近年副將以下等官事故督臣俱經批准捐助是此事在該省行之已非一日又不自宋愛始矣著傳詢顧色從前各省似此病故者該督有無批准捐助何以獨將此事參劾緣由據實覆奏尋奏黔省武職捐助病故人員並非部定成例原係本省公議舉行前據布政司詳請臣俱批准其提督身爲通省武職大員似不應勒派屬員今提督宋愛意欲資助病故總兵吳三傑家屬並不與臣咨商竟行攤派銀一千餘兩違例任性是以不敢徇隱得旨此事實不可究也

右 國史館本傳

國朝著錄 欽定四庫全書 卷三百八十五 將帥二十五

八

西曆一千九百零九年三月二十二日

苗國琮

苗國琮漢軍鑲白旗人雍正二年一甲一名武進士授頭等侍衛
七年擢湖北黃州協副將十年遷江西南贛鎮總兵乾隆四年六
月調直隸宣化鎮總兵尋調廣西左江鎮總兵時安南內訌祿平
州土官韋福瑄率所管兵民攻破祿山府城搶擄村莊約會七州
土官變叛國琮抵任後將界連安南之各處關口晝夜防禦沿邊
安堵奏入 上嘉之六年七月鬱林州屬村民譚煥禹窩容奸匪
爲首犯李國章畫符惑眾散布偽劄國琮以事屬謀爲不軌立稟
知督撫提臣查辦奏 聞 諭曰此等事惟以先事豫防爲要若
以小事而忽之未有不釀成大患者也旋拏獲正法是月疏言母

病不服粵西水土調浙江處州鎮總兵十一年十一月奏言地方刁惡之徒遇事生風挾私鼓眾甚至塞署罷市抗糧毆官同城文武畏其勢燄多隱忍不究否則事定後方敢查拏首惡多致遠颺請嗣後凡遇前項不法等事令文武官卽時帶領兵壯持械往捕如能俯首服罪不敢抗拒則分別末減以爲畏法者勸儆敢恃眾不服或呼譟抵格許卽麾兵壯施放器械照盜賊拒捕之條殺死勿論得旨所奏似有所見下刑部議尋議應如所請行惟持械往捕一節恐兵丁貪賞冒功一經施放器械或將首惡捕殺致死案無由定持械捕拏必須相機不得率意輕舉從之十六年正月丁母憂回旗閏五月授鑲藍旗漢軍副都統十八年六月授浙

江黃巖鎮總兵十一月調直隸天津鎮總兵二十年卒 賞加提督銜 賜祭葬子苗碩官驍騎校蒼保官浙江提督有傳

右 國史館本傳

1945 6 16 18 19 20 21 22 23 24

治大雄

治大雄四川成都人康熙五十八年由行伍從征西藏克裏塘巴塘五十九年招撫結敦落籠宗說板多打籠宗等處擒逆惡番僧五雍正元年拔補提標左營把總隨出松潘黃勝關口剿撫熱當十二部落二年正月剿郭隆寺連奪嶺三破寨十五追斬康布喇嘛於西海四月從征桌子山碁子山攻奪山梁戮賊首阿呀子哈隆漢七月追剿羅卜藏丹津擒丹津琿台吉於花海子三年川陝總督岳鍾琪保送大雄引見特授藍翎侍衛四年授貴州撫標右營遊擊五年往古州等處化誨生苗六年正月米貼土婦陸氏叛往烏蒙辦軍需十月遷陝西莊浪營參將七年加副將銜

賜孔雀翎領兵赴巴里坤軍營八年五月署督標中軍副將十二月準噶爾賊犯克什圖莪崙磯等卡倫大雄偕總兵樊廷以兵二千當賊二萬轉戰七晝夜拔出兩卡倫兵會總兵張元佐等殺賊無算得 旨褒嘉給騎都尉世職 賞銀五千兩九年三月授直隸山永協副將八月 命署湖北彝陵鎮總兵十年二月實授疏言彝陵距省千餘里向例兵餉兩季兼發於季首領貯州縣庫按月給散秋冬二季七月赴司庫請支春夏二季必俟正月開印後請支往返月餘餉到已仲春後兵自十二月初領餉度歲無餘候至仲春難免賒借之累請改爲夏秋及冬春兩次支免候開印又臣標五營分防各州縣者半因山路難運俱支折色其半駐彝陵

城冬春領折色夏秋領本色春夏青黃不接米價正昂秋冬農有
餘粟糴米較易請改秋冬折色春夏本色爲便 上以所奏甚合
情理令督撫酌行十二年調署山西大同鎮總兵十三年奏劾前
任總兵李如柏冒銷營私濫用公項銀千餘兩如柏亦奏大雄那
用製帳房銀廢弛營伍經副都統佛保等訊俱實褫如柏職以總
兵銜領班兵往北路軍營效力大雄革職免罪乾隆元年發湖廣
以副將用二年五月署衡州協副將十二月實授五年城綏苗猺
不法大雄駐長安堡勦老寨江平寨擒斬甚眾焚其巢餘相率就
撫下部議敘六年二月擢襄陽鎮總兵三月調鎮箠鎮七年總督
孫嘉淦劾大雄貪縱 敕革審尋湖南巡撫蔣溥奏審大雄無貪

縱事止失察標兵犯賊請照例開復降畱 命送部引見十年授
雲南楚姚鎮總兵十一年調昭通鎮十二年敘勦苗功加都督僉
事銜十三年隨征金川五月至卡撤統滇黔兵進勦色底光多等
寨並抄出昔嶺中峯之西會總兵哈攀龍任舉兵三面攻碉是月
克大小戰碉十石城一平碉百三十六月攻克昔嶺溝底石城水
卡十四年正月經略大學士傅恆奏大雄曾經出兵人尙老成見
委任總理營盤甚屬妥協請 賞戴花翎 允之二月金川酋莎
羅奔等乞降撤兵大雄授雲南提督十五年二月敘功加左都督
銜五月 陛見 賞其子繼鈞藍翎侍衛令送父回任十六年疏
言藏地喀拉烏蘇等處與準噶爾連界準夷盜竊滋擾是其故智

五尺省剝淺費下部議行十一月丁憂回京三年補鑲白旗蒙古都統五年二月調正藍旗滿洲都統七月授綏遠城建威將軍十月疏稱旗員不諳開墾事宜請令雁平道協理又同巡撫喀爾吉善奏於歸化城增設巡道於滿洲蒙古內補授俱從之六年疏言綏遠城兵額多祇佐領防禦驍騎校等各三十五員不敷董率請將右衛滿洲正紅鑲紅鑲白正藍鑲藍五旗撥佐領等各一歸綏遠下五旗又言托克托城內倉儲數萬防守人寡令歸化城都統派兵輪守又言殺虎口距綏遠二百餘里應設二十六汛內新店子五松禿路沙兒沁大黑河設把總各一二十家子爲適中地設都司並中軍千總各一管餉轄各汛均於鎮標殺虎口協標內

籌任性推委託詞取巧又將料豆議裁致解營馬匹倒斃不堪部
議革職解京治罪四月行至西安卒孫正宗襲騎都尉三十二年
諭曰向來綠旗世職無承襲罔替之例第念官弁等果能宣力效
忠勳猷卓越則國家延賞酬庸誼無歧視軍機大臣會同兵部詳
查國初以來凡有功冊可稽者分別等差列名具奏尋覆奏大雄
軍功較著奉 旨俟將來襲次滿日賞給恩騎尉世襲罔替

右 國史館本傳

治大雄四川成都人乾隆二年署永綏協副將撫兵以恩病者予
醫藥先是永綏產穀少軍艱於食大雄請帑糴穀旁邑貸之軍中
兵無乏食嘗禁馬害民田稼民尤德之在任數月擢鎮筵鎮總兵

右傳李元度撰

司馬遷史記卷一百一十五
李將軍傳第二十五

十四

國朝三才圖會卷之二十一

一

王郡

王郡陝西乾州人康熙三十年陝西饑就食福建以李姓充伍五十四年拔補臺灣鎮標把總五十八年遷延平城守營千總六十年五月臺灣奸民朱一貴聚眾倡亂陷府治郡奉總督滿保令應援自廈門一晝夜達淡水固守六月同守備陳策自淡水遣弁目安集民番招撫林中棟等二千餘人又抵諸羅會大兵進剿奮勇殺賊克復府治六十一年四月調北路營千總擒餘賊李慶等九月遷北路營守備雍正元年遷乾州城守營遊擊尋擢參將四月擢浙江嚴州副將奏復本姓旋擢江西南贛總兵六年調福建臺灣總兵九年正月疏言臺灣鎮協各員遵例三年報滿請旨酌

調其參將遊擊守備三年報滿必候督臣察覈具題咨部註冊候升及交代渡海延至四五年不等臺灣無攜眷例既有內顧之虞參將以下父母亡故例不丁憂又邊海不敢告假未免分馳意念不得悉心辦公應否准以三年報滿及交代渡海實合三年之數千把微員不時差往內地可以顧家應仍照舊例報滿下部議行

二月 上諭王郡在臺灣三年任滿例應調回內地因臺灣總兵職任緊要是以將王郡暫畱一年令總督劉世明於總兵內慎選克勝臺灣之任者具奏今劉世明奏稱海壇總兵呂瑞麟堪勝此任呂瑞麟可就風便前赴臺灣與王郡講論地方事務熟悉兵民風土庶有裨益廣東潮州總兵官著王郡補授十年三月擢福建

陸路提督時臺灣北路社番不法總兵呂瑞麟臺灣道劉象愷往
勦撫郡赴臺灣彈壓四月南路奸匪吳福生等竊發郡率兵於虎
頭山赤山碑頭等處追勦生擒福生餘黨悉平敘功加都督同知
五月北路大甲西沙轆牛罵等社兇番殺傷兵民郡由鹿仔港登
岸偵知阿東一社有北崙西崙東崙惡馬爲逆番聚集所郡統遊
擊黃貴守備蔡彬蔡榮等攻北崙令遊擊邱有章李科等攻西崙
參將李蔭樾遊擊林黃彩等攻東崙並及惡馬逆番設伏抗拒我
兵奮勇擊殲渠魁招撫脅從皆平之奏入得 旨臺灣北路大甲
西等社兇番肆逆不法王郡率領將弁奮勇撲勦剋期甯謐甚屬
可嘉著從優議敘加左都督十一年 上諭王郡前任臺灣總兵

將及五載往來洋面熟悉海疆情形且聲名素著才略優長著調
福建水師提督十二年二月疏言廈門四面環海地少人多需米
不貲加以營兵赴糶難免匱乏臣查水師提督衙門有官房四十
七閒并魚池河溝四處每年租銀五千餘兩畱充公用臣請就此
項內乘穀價平減時動用採買加謹收貯如米價稍昂依原價借
給各兵俟收成後還價買補以公濟公數年內可得穀數萬餘石
積貯充裕孤島兵民可無艱食之虞至出陳易新臣隨時酌量料
理其應需倉廩查廈門北門外有前提臣起蓋穀倉數閒可以修
貯不另造得 旨著照所奏行王郡將任內應得之項籌濟兵食
甚屬可喜著交部議敘四月 陛見以途次受溼 命太醫日診

視賜藥餌并給其二代提督封典郡二子守乾守坤隨侍 上召見 賞守乾守備銜守坤戶部主事尋 命馳驛回任沿途地方官供給乾隆元年廕一子入監讀書郡 陛見 賜鞍馬弓矢橐鞬二年八月疏言臺灣遠在海表番漢雜處爲水師第一奧區凡軍器槩不准民製而硝磺鉛鐵例禁尤嚴今部文准民人照營兵鳥槍尺寸製造以資防患似臺灣亦在不禁之內該地奸民勢必藉防患請製硝磺鉛鐵亦不能禁恐火器充斥小則侵界打鹿與番構結大則偶遇水旱或有不逞之徒變幻其開藉以作祟查臺灣民居多係平行其崇山密箐中皆生番各險要俱撥兵防守實無應用鳥槍之處仰懇 皇上飭部仍照舊例禁止下所司議行

十一年閏三月以老乞休。命以原官致仕加太子少保食全俸。時郡第三子戶部員外郎王守震省親到閩郡奏請以守震送己回籍。上允之。二十一年六月卒。遺疏入奉。旨原任提督王郡老成練達專閩多年前因老病乞休加恩晉秩賜俸以養餘年。今聞溘逝深爲軫惻。所有卹典察例具奏。尋賜祭葬如例。謚勤愨。子守乾官至南昌總兵。

右 國史館本傳

玉保

玉保蒙古鑲白旗人姓烏朗罕濟勒門由理藩院筆帖式授主事
雍正十二年授員外郎十三年授郎中乾隆三年四月擢右侍郎
七月兼佐領八年 命偕將軍烏赫圖帶領準噶爾使臣赴藏熬
茶 賞戴孔雀翎六月轉左侍郎九年四月兼正黃旗滿洲副都
統八月署正黃旗蒙古都統十月署右翼前鋒統領十年三月署
正黃旗護軍統領十一年三月署鑲藍旗蒙古都統七月 命赴
沿邊稽察駐防滿洲官兵兼查蘇尼特等旗賑濟事十二年正月
仍帶領準噶爾使臣赴藏七月疏言每年春秋派青海王公扎薩
克台吉及莊浪滿官四員帶領巡查願色勒金柴達木兩路卡倫

今準噶爾使臣將到人多勢重恐轉生疑請暫停 從之十一月
奏前次準噶爾使臣赴藏由巴延喀喇納木齊圖穆倫至穆魯烏
蘇渡口地險秋冬少雪行走尙易今冬雪大改令踰哈什哈嶺左
巴延喀喇克山後由布魯爾仍赴穆魯烏蘇渡口路平較便報
聞十六年擢正黃旗蒙古都統十七年正月準噶爾遣文告台吉
達瓦齊作亂 命借尙書舒赫德赴北路軍營會籌防範十八年
八月以失察鄭家莊城守尉常春保勒買兵米科斂銀兩部議降
五級調用 詔從寬改爲革職畱任十一月準噶爾杜爾伯特台
吉策凌等率三千餘戶來降 命馳驛前往賞卹撫慰十二月
諭曰侍郎玉保頗悉準夷情事著在參贊大臣上會同將軍等奮

勉相機酌辦十九年七月準噶爾輝特台吉阿睦爾撒納來降
命玉保馳往犒勞並安置游牧九月帶領阿睦爾撒納入 覲於
避暑山莊二十年八月阿睦爾撒納叛玉保仍以侍郎參贊大臣
赴北路軍營十二月率哨探兵抵哈齊克聞阿睦爾撒納屬人三
百餘戶在鄂什默特河卽派兵丁往勦賊黨得木齊班咱等匿山
中搜獲之隨赴安集哈雅勦阿巴噶齊所屬達什克圖等三百餘
戶又圍班雜之游牧擒從逆喇嘛達什藏布並收其妻子疏 聞
授內大臣二十一年二月 賞三等男將軍策楞疏據玉保送到
逃歸之達永阿稱阿睦爾撒納敗逃窮蹙見已發兵追擒玉保等
相繼進發玉保旋奏獲阿巴噶斯屬人烏遜言阿睦爾撒納出痘

甚重見領厄魯特兵八千哈薩克兵三千所言虛實難信見將烏
遜送將軍營審鞠 諭曰烏遜乃賊人黨羽所言不過虛張聲勢
既已擊獲卽當正法一面密告策楞何用送往軍營搖惑眾聽玉
保辦理甚屬不合且此次玉保行走甚遲非退縮而何其卽迅速
往擒儻再遲緩誤事斷不寬貸三月策楞奏阿睦爾撒納由諾爾
布游牧經過似向哈薩克逃竄玉保已領兵追逐見派烏爾登等
續往據玉保等咨稱阿逆勢弱卽日就擒大隊兵毋庸續發四月
玉保疏言獲賊黨額林沁知阿睦爾撒納已由庫隴癸嶺竄入哈
薩克境見在回兵至固勒扎商之策楞等或領兵前進或遣使索
取 諭曰策楞以兵捕專委之玉保令其前驅玉保又僅令烏爾

登追至庫隴癸嶺獲一額林沁而返遂若足以塞責阿逆轉得遠
颺竄入哈薩克界是叛賊之遁跡遠引實意中之事非意外之事
矣更可異者玉保兵過伊犁不遠並未見賊僅據逃兵之言謂賊
已窮蹙即馳札策楞以爲無煩大軍深入而策楞等遽爾返旆豈
不謬耶策楞玉保著拏解來京旋命姑從寬免效力贖罪五月
玉保疏辨並未行文策楞停止進兵諭曰玉保卽未阻止策楞
追賊而阿睦爾撒納究係脫於誰手如此畏蕙游移有心欺飾若
仍令參贊軍務必致債事著革去參贊大臣在領隊大臣上行走
削男爵玉保奏阿睦爾撒納僅餘兩三人投哈薩克阿布賚處見
領兵往索得旨玉保明知叛賊子身無助始敢直前追逐明係

取巧著拏解來京治罪六月將軍達勒黨阿奏玉保已赴哈薩克
詔免其拏解授頭等侍衛以觀後效八月 諭曰玉保雖赴哈薩
克並未立功因接朕屢次訓飭之旨勉強前赴初非出於本心著
達勒黨阿仍遵前旨將玉保拏解來京治罪十二月由西路軍營
起解途遇厄魯特賊被害 諭曰前以玉保係參贊大臣專任擒
拏逆賊乃各懷私意並不勇往向前卽如達永阿自阿逆處逃出
向玉保言阿逆相距僅一日程途理應速行前往乃並不追擒祇
令達永阿轉告策楞以卸其責其心尙可問耶如彼時以去賊不
遠奮勉直前卽使不獲成擒朕亦必爲曲諒乃已得逆賊實信反
心存觀望坐失事機致令兔脫罪實萬無可道朕前降旨將伊等

拏解來京治罪今俱於途次遇賊被害在伊等身獲重罪固無足惜然使解京審明情節既可顯彰國憲亦可使其見朕心今伊等惡孽滿盈致干天譴死於亂賊假令伊等不如此推諉受朕重恩奮勇追捕雖未成擒而身歿戰陣朕亦必加以優卹同爲一死視今日之爲賊所害者輕重如何耶此皆不以國事爲重挾私誤公爲天所譴也

右 國史館本傳

李繩武

李繩武漢軍正黃旗人祖鐸隨明甯南侯左夢庚投誠授騎都尉世職父起龍襲隨征噶爾丹有功加一雲騎尉康熙四十四年繩武襲雍正元年四月授佐領十一月補參領五年遷湖廣黃州副將八年擢甘肅甯夏總兵十年署固原提督乾隆元年調河南河北鎮總兵五月擢甘肅提督三年二月命駐防哈密嘗治行裝銀五千兩三月調固原提督仍駐哈密先是五十三年九月皇上御極噶爾丹策凌遣使乞和詔撤北路兵乾隆三年以噶爾丹策凌違旨議定分界地方允其遣使赴藏熬茶四年夷使至哈密軍營繩武撥兵五百遣官協同理藩院章京由扁都口

至東科爾貿易畢護送至藏六月調甘肅提督七年以捏報屯田
濫邀議敘鐫二級 詔畱任十年調西安提督十一年閏三月疏
言商夷賚木瑚里等帶牲畜乞在哈密貿易肅州鎮臣請於嘉峪
關外花海子牧放查花海子偏近赤靖等處營汛南通青海北接
北路卡倫畱牧未便臣飭將馬駝貨物赴肅州牛羊暫牧哈密卡
外俟價議定差員率商出口迎牧疏入報 聞六月奏言哈密西
南西喇淖爾地通魯克察克闕展等處向設卡倫旋以水草不便
議裁準夷多由是潛行應派兵守望又巴達什爲貝子玉富素牧
廠西北爲烏拉臺卡倫北五十里有畢柳大板溝應設卡與烏拉
臺巴達什聲息相通可嚴密防範廷議 允行十三年七月調甘

肅提督十月調固原提督十四年二月調直隸古北口提督四月
調福建陸路提督以病未赴十月調浙江提督十二月調固原提
督十五年授鎮海將軍十六年署安西提督印務七月授甘肅提
督十月調安西提督十七年五月 諭曰李繩武奏此次準噶爾
夷目額倫瑚里貿易牲畜貨物較十三年之數不無浮多再每次
到哈密必有乏弱牲畜求售應查明確數以理責問如果恭順懇
求再行照例辦理等語此番交易係初次定例必當示之以信不
可稍有遷就該夷貪狡無厭不過得尺進尺得寸進寸向來承辦
員弁惟恐生事一味委曲周旋將就了事朝廷體制尊嚴邊疆奏
事有不能盡實而外藩小國其上下之情轉相聯貫交易一事未

必不早爲窺破一次踰例後次又復加增厚利所在彼何樂而不爲耶今該夷內亂又與哈薩克構釁其交易較前所增有限已可得其情形此正辦理機會總當悉遵前旨在十三年定數之內者許其截長補短通融折算逾數者雖少亦槩駁回至奏報來使言語情形務須一一據實儻稍粉飾將來查出惟該督提是問尋將夷目情形具奏 諭曰李繩武所奏竟似毫無主見姑爲游移兩可之詞以俟朕之批示如所稱該夷等似覺失望又不敢違背章程其詞色深爲作難止求轉奏等語又將夷人伴送北山暫住牧放是已明示以據情入奏矣貿易既定有章程自當永遠遵行若因其恭順畏懼而曲爲遷就將來勢必逐漸加增何所底止至疲

弱馬駝從前准其變售原屬辦理錯誤今既立限制何得因循故
轍視爲常例乎李繩武具摺奏請夷人必無不知之理著卽將入
奏奉旨之處明白宣諭以哈密貿易原屬非例今既新定規矩當
照十三年肅州貿易之例永遠遵守其疲乏牲畜不妨在哈密牧
放回巢後攜回必須如此辦理方可杜無厭之情在李繩武本非
辦事果斷之才身爲提督於此等重務一味周章觀望何以承受
恩典著嚴行申飭六月 上以繩武於夷人貿易一事周章觀望
毫無擔當 詔革職來京候旨十月署山東登州總兵十九年調
陝西河州總兵二十一年擢安西提督閏九月授鎮海將軍初和
碩特汗沙克都爾曼濟率其部來降住牧巴里坤是年十二月參

贊大臣雅爾哈善疑其有異志與繩武合疏言沙克都爾曼濟向內地增卡倫偵探巴里坤布隆吉爾安西兵數與綽羅斯叛黨扎納噶爾布通移游牧四十餘里形迹可疑臣等調滿洲綠旗兵分二隊抵賊游牧斬之復分兵殲勦南山奎蘇博爾河津之厄魯特四千餘人疏入下部議敘二十二年六月赴鎮海將軍任九月卒

右 國史館本傳

董芳

董芳陝西咸甯人由行伍中式武舉拔補督標千總雍正二年七月調征青海十月隨副都統達爾等追獲丹津琿台吉及其妻子並羅卜藏丹津之姝甥女等四名四年四月引見超授三等侍衛五月授直隸正定鎮標遊擊五年遷保定營參將六年遷廣西桂林協副將八年調新泰協九年擢雲南臨元鎮總兵十一年普思逆夷刀興國等作亂芳偕提督蔡成貴等討之擒興國及附賊土目楊昌祿等斬從賊三千六百餘招納男婦四萬二千六百餘總督高其倬畱芳搜捕餘黨悉平之尋奏言雲貴川廣等省苗疆請照臺灣例文武互相稽察同知遊擊以下官科派者治罪同城文

武容隱分別議處至邊地山深箐密道路崎嶇該管員弁不親身
前往致生事端亦令互相查覈違者參處下部議 從之十二年
擢湖廣提督十三年六月貴州逆苗不法 特命芳爲副將軍會
同楊威將軍哈元生勦撫八月 今上御極特授張廣泗爲經略
芳等俱受節制十一月張廣泗劾芳到黔以來駐守八弓以招撫
爲可了事依附總理尙書張照與哈元生互訐軍旅機宜各行其
意致大兵雲集數月勦撫毫無端緒得 旨革職解京治罪乾隆
元年王大臣會審擬發邊遠充軍 諭曰董芳身爲副將軍不能
和衷共濟負恩實甚但其抵黔未久雖原有應得之罪尙有可原
之情著加恩寬免嗣 命帶領引見得 旨發往雲南以副將用

尋丁父憂回籍三年赴雲南候補四年署劍川協副將七年授楚姚鎮總兵十年調昭通鎮十一年丁母憂十三年七月赴京 召見 賞戴花翎 命馳赴金川軍營卽補授四川崇慶鎮總兵八月經略訥親檄芳接應總兵莽阿納等攻克普瞻左梁等碉卡九月又偕莽阿納攻克阿利山梁賊碉三座十一月隨提督岳鍾琪攻木耳金岡奪獲土卡平房三處水卡一處十四年七月芳疏言臣今年四月凱旋抵營將所屬汛地逐加查察緣連歲征調抽減甚多今雖全數歸伍而軍裝器械頗多殘缺商請督臣動項修補其新舊兵飭各營揀選以符原額將弁則陸續考驗呈請督提二臣懲勸至營汛相近黔楚苗疆水陸交衝五方雜處咽嚙邪教等

匪最易藏匿已刊定條約徧諭仍不時委員密訪再兵丁強半貧乏而酉陽改設之綏甯原有預領米折存庫備支臣親標亦有存庫銀除撥借忠黔二營外按名借濟緩急足資得旨諸凡據實盡心料理川省武備正宜整頓也八月調建昌鎮十二月敘平金川功加左都督紀錄二次尋因重慶鎮任內查驗金川進剿兵傷痕不實降三級畱任十五年西藏朱爾墨特那木扎爾謀叛伏誅逆黨羅布藏扎什等作亂總督策楞提督岳鍾琪領兵赴藏命芳隨後策應尋事定撤回十九年九月調松潘鎮十月擢貴州提督二十二年卒

右 國史館本傳

陳鳴夏

陳鳴夏福建惠安人雍正五年武進士授三等侍衛七年命在
巡捕營行走九年授江南壽春鎮標泰興營守備十年遷都司乾
隆三年升蘇松鎮標中營遊擊四年轉吳淞營水師參將六年升
京口水師副將十年二月擢浙江定海鎮總兵四月奏定海鎮孤
懸海表商漁輻輳督率宜周水師責任綦重勉期稱職諭曰總
兵之任地方營伍民情風俗莫不繫焉必訓兵衛民禁暴安良斯
爲稱職況水師易致廢弛宜加意實力爲之十三年鳴夏出洋巡
汛情形具奏得旨奏報惟應據實而查察亦應實力但云地方
甯靜爲粉飾之計何益十四年條陳水師事宜一勻戰宜一例造

報查水師兵向有水戰水守步戰步守四項雍正九年議定水守兵與步戰兵通融勻食戰餉臣標歷年仍照舊額水陸戰守四項達部而無勻戰名目保無營員恃不造報任意好惡去取惟將勻戰兵一遇開缺隨時詳報按年分立水陸勻戰兵名色達部庶有查覈而無朦混一頭巾插花宜一例製備海洋憑虛御風全憑帆力故大篷之旁加插花桅頂之上加頭巾風帆力猛船行尤速臣前任江南時通省奏准製造今臣標暨所轄屬營缺焉未備應查沿海水師未備各標一體動公製用如遇修造戰船之年照同槓具造冊交廠修換一桅木宜設法購辦水師首重戰船而桅木爲一船之主宰皆用整桅近已幫桅並用今則幫桅亦不易得或多

方轉購商船番桅以顧考成查番桅出西南洋諸國堅實堪用緣
例不准帶故珍重難得夫不准夾帶違禁貨物出洋原以杜接濟
外番如購桅以濟內地之用實爲有益無害今宜暫爲變通浙閩
有往販西南洋艘莫若官給印照每船帶辦一株歸卽點驗照給
值至舵舵亦戰船緊要槓具該番出者亦佳不妨一併給帶庶永
遠有備無患下部議行十六年二月 上南巡鳴夏領水操接
駕尋扈 蹕南至嘉興大營 命射箭舞牌 賜荷包緞匹貂皮
二十年七月授江南提督十二月 陛見 賞戴花翎二十二年
正月 上復南巡三月駐 蹕江甯 大閱官兵 賞鳴夏穿黃
馬褂尋調廣東提督九月以染患風溼奏請解任調理得 旨偶

受風溼不過步履少艱尚非大病著在任調治以冀漸次全愈且
提督統轄一省一時難得其人不必遽請解任二十三年卒 賜
祭葬 予諡恭毅

右 國史館本傳

齊大勇

齊大勇直隸永平人乾隆十四年暨二十三年兩任湖廣提督智勇足備暇則延文士論學雅歌投壺有古名將風

右傳李元度撰

國朝書目考卷一百一十五

四

豆斌 孫霽

豆斌陝西固原人由行伍拔把總遷千總雍正四年遷肅州鎮標中營守備七年閏七月赴西路軍營從征準噶爾 賜銀四百兩十二月遷川陝督標前營遊擊準噶爾賊犯科舍圖等汛斌率兵擊走之九年調神道營遊擊十年遷固原提標中軍參將十二年遷波羅協副將署大通鎮總兵十三年署河州鎮總兵乾隆四年四月署延綏鎮總兵十月擢安西總兵 陛見 賜孔雀翎及鞍馬六年調肅州總兵八年四月擢固原提督六月調廣西提督十一年疏言廣西各營烏槍舊式大小參差坐臥倚伏不能隨手稱心又質薄易熱難收實用請照陝西威字號纏絲槍式一律改製

下兩廣總督議行十六年正月調固原提督九月 命以提督銜
管理湖北宜昌鎮總兵尋授甘肅提督十八年疏言臣標孳生馬
向在大營灘內牧放地本不廣今馬蕃息水草不敷請於陝西之
延綏甘肅之甯夏暨固原河州各鎮查近邊寬闊草場分撥牧放
其考成之法仍照舊例三年均齊一次大學士等議行十九年三
月調廣西提督四月調安西提督 命率甘肅安西綠旗兵赴西
路軍營二十年九月駐巴里坤辦事十二月因與和起辦馬遲誤
部議革職得 旨從寬畱任二十一年二月 特命開復尋以所
解馬倒斃過多部議降三級調用得 旨俟凱旋之日另行請旨
四月斌患病請解任調理 允之七月授安西提督仍赴巴里坤

辦事九月以鹽池臺站馬被竊斌未親往查拏 訓飭之十二月
奏酌派送馬之兵編隊行走 諭獎所辦甚是尋 命巡巴里坤
至額琳哈畢爾噶驛路搜剿嗎哈沁二十三年七月大軍剿逆回
霍集占於庫車 諭曰從前屢諭豆斌巡查臺站搜捕沿途之嗎
哈沁等嗣據奏報所獲無幾看來未必有大隊賊入藏著將見領
兵丁就近前赴雅爾哈善軍營其馬得勝所領綠旗兵卽著豆斌
分管斌尋奏在哈畢爾噶圖山等處拏獲嗎哈沁數人尙有宰桑
巴拉等逃逸未獲 諭擒獲巴拉後再遵旨赴庫車軍營九月
諭曰豆斌巡查臺站搜捕餘賊已踰一載前後所報拏獲嗎哈沁
不過一二無關輕重之人卽如所奏特伯爾古臺站既有厄魯特

盜馬之事乃並不親身查辦僅委侍衛守備前往搜緝甚屬無能
豆斌遵照前旨卽速前往軍營帶領綠旗官兵聽將軍兆惠調遣
十月 諭曰豆斌奏稱派員從北山巡查賊蹤於西大山溝內搜
得馬匹行至山嶺天降大雪無從尋覓所奏甚屬謬誕搜捕逸賊
係豆斌專責旣得被搶之馬卽此便是賊蹤急宜盡心追襲雖遇
大雪賊又豈能飛行絕跡乃稱跋涉瞭望全無影響是必待賊人
自來就縛卽向來綠旗惡習專以欺誑文其選悞豆斌受任以來
申飭不啻再三總未見努力辦理一事卽如此奏內情形是賊旣
窮蹙而猶致令遠颺其自述無能之狀可謂曲盡矣可見此事不
應付之若輩也豆斌著傳旨嚴行申飭十一月斌至軍營充領隊

大臣巡緝魯克察克開展庫車一帶驛路是時將軍兆惠於黑水被圍斌隨副將軍富德自阿克蘇兼程往援二十四年正月抵呼爾瑞逆酋霍集占以眾五千迎拒我軍分兩翼斌領中軍火器攻奪賊所據高岡賊知我馬力乏復擁偏越四日阿里袞適解馬至斌偕諸將來擊脅中銃創甚猶自力拊循士卒奮勇殺賊賊大敗斬馘甚眾捷聞諭曰此次剿賊自領隊大臣以下人人踴躍自效提督豆斌率中軍槍礮鼓勇前進奪取賊營脅受槍傷著加恩一體議敘并各賞給世職富德尋奏斌因傷身故諭曰提督豆斌以負傷身故甚屬可憫著加恩照旗員一品大臣例交部議卹給與世職賜祭葬如例諡壯節入祀昭忠祠予騎都尉又

一雲騎尉世職 御製詩惜之曰老將行聞名久標援師深入從
驃姚鋪敦早已占三捷矍鑠不及喪一朝杜牧悲曾譏點筆孟明
壯詎肯迴橈最憐來歎臨終際強起猶虞眾志搖回部平 命圖
形紫光閣 御製贊曰宿將行聞久矣宣力所董綠旗遵其紀律
隊中獨喪是有命焉裏創慰眾益塵哀憐子福魁襲世職官至雲
南元江營參將

右 國史館本傳

豆霽

豆霽甘肅固原人祖斌安西提督自有傳斌以勦逆回霍集占力
戰破賊受傷卒 賜騎都尉兼一雲騎尉世職乾隆三十九年霽

襲職發甘肅督標學習歷署固原鎮標左營右營遊擊四十二年
學習期滿 命畱部以遊擊用旋 命發往湖廣以遊擊委用四
十五年補衛昌營遊擊五十三年升湖南岳州城守營參將以督
催漕糧出力下部議敘五十七年升辰州協副將六十年正月黔
楚逆苗石柳鄧吳隴登等滋事陷松桃廳諸處大兵進討湖廣總
督畢沅令霽率兵四百駐辰州之草潭旋偕都司趙光等於瀘沅
交界各要隘督兵巡哨累有斬獲嘉慶二年調衡州協副將時三
省教匪起逆首張漢潮股匪往來竄擾陝楚湖廣總督景安奏調
湖南官兵協剿三年四月霽至軍營會景安等屢敗賊眾張逆折
竄荆門霽率兵分駐沙市以防賊偷渡漢江七月張漢潮等復自

竹谿遁入四川邊境副都統銜額勒登保等分路截剿令霽以兵五百由大樹河追擊賊眾竄屯顧金壩官兵分三路兜圍霽隨荊州將軍興肇爲一路由舊縣壩抄入奮力合擊斃賊千餘名八月賊自通江北窺陝境官兵截出其前霽偕侍衛圖桑阿總兵長春分伏左右山梁與大兵合擊擒斬甚眾斃賊目詹世爵李槐張漢潮率其餘黨奔青石關爲官兵所敗欲西走沔縣霽隨興肇於小壩截剿斃賊三百餘人五年三月隨經略大臣額勒登保入甘肅剿賊破高二馬五股匪於兩河口四月張添倫楊開甲各股賊匪分竄陝西雒南將由龍駒寨入豫額勒登保督師趨商州令霽等分兵由西而南豫扼龍駒寨去路大破之閏四月隨甘肅提督楊

遇春敗賊於兩岔河以節次打仗出力 賞戴花翎六年正月復
隨額勒登保收高馬二股賊匪於獅子梁旋以衡州地方緊要自
陝西紫陽軍營回任供職八月署永州鎮總兵九年升鎮筸鎮總
兵十年調山東登州鎮總兵十三年入 覲 諭曰山東登州鎮
總兵豆霽經朕召見覺其年老重聽語言亦不甚清楚似難勝專
閩之任伊平日於所管營伍是否訓練有方吉倫統轄全省見聞
較切如豆霽素能管兵不致廢弛尙可畱任一二年若精力旣衰
又不能整頓營伍卽當予以休致著吉倫秉公確查據實具奏毋
得稍有迴護贍徇尋吉倫覆奏以霽年力就衰請以原品休致
諭曰登州鎮總兵豆霽從前曾歷戎行於所管營伍亦素能整頓

今精力衰邁兩耳重聽自難勝專闕大員之任豆霽著准其原品
休致十八年卒子光保襲世職官陝西神木營參將

右 國史館本傳

達青阿

達青阿滿洲正黃旗人姓顏扎乾隆二年由拜唐阿授藍翎侍衛
累遷二等待衛十三年命隨大學士傅恆往金川軍營尋諭
曰朕聞大學士傅恆沿途行走部伍整齊兵丁安靜守法此皆大
學士盡心辦理故能妥協如此朕心甚爲欣慰達青阿隨軍備辦
諸務亦能竭力黽勉著授頭等待衛從此益加奮勉悉聽大學士
指示加意勤慎不可恃恩稍自矜張也十四年二月授正藍旗蒙
古都統十二月諭曰朕明春幸五臺著達青阿等馳驛前往查
看由太原至固關道路尋授參贊大臣往北路軍營十七年與喀
爾喀副將軍得親扎卜參贊貝勒額林沁駐防喀喇烏蘇十八年

五月駐防察罕淖爾奇河源十一月與喀爾喀公格勒克巴木丕勒駐防扎卜堪等處時準噶爾台吉達瓦齊與訥默庫濟爾噶爾連歲構兵都爾伯特台吉策凌烏巴什等率所部三千餘戶來降準噶爾宰桑瑪木特以兵二百追入卡倫達青阿與貝勒策整扎卜分格勒噶巴木丕勒等率兵赴庫克嶺會貝子東木楚克扎布密令策凌等遷移游牧俟果有追兵相機戰守定邊將軍成衮扎布奏入 諭曰準噶爾瑪木特以二百人闖入卡倫甚有輕視我兵之意若不加以懲創將來噶勒藏多爾濟阿睦爾撒納必愈加恣肆如入無人之境是邊界駐劄兵丁徒有虛名何以保護喀爾喀卽守卡之兵丁僅二三十名豈能以理曉諭阻止二百之眾成

衮扎布達青阿等卽應派兵擒剿何以姑息玩愒至此可將見在如何辦理之處速行具奏尋成衮扎布奏瑪木特復逸出卡倫潛回游牧達青阿選兵一千同東木楚克扎布等相機擒剿十九年正月達青阿遣使誘致瑪木特於來路設伏瑪木特等至擒之

諭曰從前降旨原令達青阿領兵前往詢問瑪木特闖入卡倫情由應以理責其進卡之罪儻呼之不至或至而心懷不服有所抗拒卽以兵力擒拏今但遣一使往諭而瑪木特卽親自前來並無抗拒情形達青阿設計誘擒辦理非是且蒙古人內名瑪木特者甚多並不詢其孰假孰真更極舛錯瑪木特嚴慎聽命釋放回巢達青阿著來京候旨三月 命在藍翎侍衛上行走效力贖罪二

十二年五月擢鑲紅旗滿洲副都統二十四年三月卒 賜喪葬

銀二百兩

右 國史館本傳

胡貴

胡貴福建同安人雍正三年由行伍拔補水師提標後營把總五年以緝獲洋盜遷右營千總六年齋摺入都 上召見尋擢守備八年遷後營遊擊九年監修戰艦以巡洋誤工部議降調 上有之十一年調南澳鎮標左營遊擊十二年遷浙江玉環營參將乾隆四年擢瑞安水師營副將八年遷江南蘇松鎮總兵九年四月督運江蘇漕糧赴閩遇風於鳳凰洋沈失米五百餘石自請捐賠諭曰冒險已可嘉矣豈有復令捐賠米石之理總督自有定例題請豁免也十月以廢弛營伍部議革職 上從寬改爲畱任十二年四月奏本鎮春秋兩哨惟中營遊擊職司糧餉奇兵營遊擊職

司城守向不出巡但身任水師不可不熟悉海道嗣後應令一體
巡哨再陸路將弁願改水師者先令出洋演試如果不畏風濤膽
略可恃准其改補如所請行十一月以崇明潮災勘辦賑務得宜
奏入 上嘉之十三年二月調廣東潮州鎮總兵三月 諭曰胡
貴前於蘇松水師任內以廢弛營伍革職畱任數載以來加意訓
練上年崇明被災彈壓亦屬有方其革職畱任之案准其開復十
六年調瓊州鎮總兵十七年擢提督十八年增城縣逆匪王亮臣
等聚眾煽亂貴督率員弁將首從各犯陸續捕獲以失察自請議
處 上免之并敘其功二十年奏提督有統轄水師之責本標五
營皆屬陸路儻有緊要差遣及出海巡察外營水師非素所親習

之人請於親標五營內每營挑兵二名爲一班令大鵬平海二營將弁帶領出洋教演輪班撥換使陸營亦曉水務得 旨嘉獎二十一年入 覲 賞戴花翎二十二年三月調福建水師提督六月調浙江提督二十三年仍調廣東提督二十五年卒 賜祭葬予諡勤愨子振聲官温州鎮總兵另有傳

右 國史館本傳

國朝通志卷之六十四

十一

塔勒瑪善 子伊柱

塔勒瑪善滿洲正白旗人姓薩克達氏由拜唐阿授佐領雍正二
年累遷至副都統九年大兵勦噶爾丹策凌塔勒瑪善領歸化城
兵千備北路軍調遣十年二月將軍達爾際駐伯格爾 上以塔
勒瑪善歷練 命參贊軍務尋署前鋒統領會準噶爾賊爲北路
軍所敗竄額得爾河源塔勒瑪善以兵追之十三年駐防烏里雅
蘇臺乾隆十一年定邊左副將軍策楞入 覲 命塔勒瑪善署
理十三年 召還京二十年正月大兵進勦準噶爾派赴額爾齊
斯屯田九月阿睦爾撒納由烏龍古叛遁塔勒瑪善偕定邊左副
將軍成衮扎布以兵偵之十一月至烏龍古之扎克鄂博擒斬賊

黨育哲顏達什巴雅爾圖薩喀及其孥二十一年授北路參贊大臣尋以年老回京任護軍統領二十五年卒長子伊柱乾隆九年任佐領二十年授二等待衛二十一年九月授索倫總管偕副都統濟福侍衛德爾森保赴喀爾喀車臣汗部緝劫賊十一月俄爾斯奈瑪爾等越境肆竊伊柱以呼倫貝爾兵五百駐卡倫候調遣二十二年齊木齊格特賊什第等逃至呼倫貝爾游牧之西默爾根哈馬爾伊柱等盡擒之下部議敘二十四年四月偕副都統富景解馬赴阿克蘇五月隨將軍兆惠軍營行走七月逆酋霍集占棄葉爾羌走副將軍富德等追至阿勒楚爾賊設伏兩山間我兵分三隊奮擊伊柱領右翼自辰至午賊大潰翌日至巴達克山界

伊西洱庫爾淖爾賊據險守大兵分路攻勦樹白森降賊萬餘伊
柱偕巴圖濟爾噶勒等堵截山後策應有功九月富德派侍衛賽
音圖等往巴達克山勒獻霍集占伊柱駐兵卡倫張聲勢瓦罕伯
克以戶口降十一月巴達克山汗素勒坦沙函獻霍集占首回部
平伊柱領兵千駐喀什噶爾十二月領駐防兵護回人於伊犁屯
田二十五年正月 命協捕瑪哈沁二月大軍凱旋 上御豐澤
園幄次 宴賚將軍兆惠等及從征將士 賜伊柱緞十二銀五
百兩四月伊柱奏言臣分領屯田回人至海努克其地舊有廟宇
營壘周圍俱可耕種即將官兵駐劄回人二三里易爲防護伊犁
河南安臺瞭望共五處立村莊十五修葺溝渠引水灌田所攜粟

麥本月播種全完回人所分各莊均有牆垣基址暫搭窩鋪俟農
隙伐木作屋 諭曰看來伊犁屯田俱有舊蹟將來漸次開拓更
於軍食有裨著傳諭伊柱於一切應辦事宜先時相度加意奮勉
十二月以屯田豐收議敘加一級二十六年哈薩克屬人越境游
牧伊柱以兵驅令遷移二十七年追敘平定準噶爾及回部功給
騎都尉世職二十八年授鑲藍旗蒙古副都統三十二年隨將軍
明瑞征緬甸擊賊老官屯三十三年以病卒於軍 敕照陣亡例
議卹 賜祭葬又給一騎都尉併爲三等輕車都尉子額爾登布
襲官黑龍江副都統

右 國史館本傳

國朝耆獻類徵初編卷二百八十六目錄

將帥二十六

朱倫瀚

薩喇勒

哈攀龍
子國興

楊凱

劉順

紀龍

博第

端濟布

閻相師

舒明
子雅滿泰

吳進義

國朝詩集卷之六十一

--	--	--	--	--	--	--	--	--	--

國朝耆獻類徵初編卷二百八十六

通奉大夫前署江西巡撫江西布政使司布政使湘陰李桓輯

將帥二十六

朱倫瀚

公諱倫瀚先世世襲指揮使於明屯戍遼陽左衛因家焉三世歸我太祖皇帝爲正紅旗漢軍世襲參領其子以從世祖入關功爲鎮守山海關世襲城守尉是爲公之曾祖諱登科祖諱廷縉襲職後改副都統因亡世襲自是以白衣仕進副都統有弟爲湖廣道參議諱廷寀無子副都統使己子爲之後是爲公考諱天爵爲建甯府知府有吏能清節公少而孤貧負軼才奇氣而好學文

武藝皆能盡其巧通知當時事變利病慨然懷濟人之志中康熙
五十一年武進士選三等侍衛 聖祖偉其才使兼直武英養心
殿數年改用爲刑部郎中持法堅不可奪時刑曹或破律放意以
入人罪公疏論其非 上善之飭吏如公指雍正中出爲甯波衢
州知府浙江糧儲道布政副使衛民爲齋堂合眾誦佛書公曉以
非道盡解其黨及大吏聞欲以邪教論眾已散去遂皆免運丁有
積欠久不能償者且十萬金公計糧道所入歲償之竟除其逋
今上初召入爲御史出莅湖廣驛鹽道復爲御史給事中掌吏戶
科巡南城摧正紅旗漢軍副都統在 朝屢以事陳抉絕萌茲民
賴其忿公爲人和易好交遊而持身介直仕宦恥爲家計晚歲益

貧或至乏食其意益恬時爲文自娛以至於歿年八十一有集十二卷公在浙江時世祖夜夢道士見而請曰吾天台山道士也來就陛下乞所居地帝寤異之使問於浙江吏言天台故有桐柏觀今爲人侵廢且爲基矣詔還爲觀俾公董其事公成觀而民無疾焉往來山中爲詩一編曰天台遊草其辭尤奇雋士多誦之自聖祖愛公畫世傳寶朱公指畫及書然公修己立朝卓然於眾不詭隨蓋有古人之風豈以文士論哉子五人長孝先次孝升舉人口縣知縣先公卒次孝全次孝純次孝揚乾隆二十五年葬公宛平西北十五里祖墓之側夫人某祔銘曰
言以法審刮吏瑕行以義域不爲他苟利於國家則羸偉哉中藏

鬱以多抑揚文武誰不宜遠毗涕泗百士嗟作銘幽室埋其阿此石可泐名不磨

右墓誌銘姚鼐撰

涵齋畫法得之天授四歲卽以煤塗壁肖諸鬼神鳥獸像見者驚詫一日攀煤車取煤身墮傷右手中指比痊則此指甲獨厚而銳有微凹能容墨遂專以指代筆先世旣以武功致通顯熟聞韜鈴膂力過人工左右射嫻習諸技勇年九歲行山東道上遇盜執槍馳馬刺之盜驚逸遭時太平羽獵長楊而外無所表見供奉內廷比於文學之臣 聖祖仁皇帝嘗書所畫扇 賜高麗國王王復請於 朝具厚幣乞畫一時朝野傳爲美談

程晉芳序

倫翰善指頭畫得其舅氏高且闊法一邱一壑雖奇自正設色沖
淡而氣厚喜作巨幀近日指墨甚眾要以倫翰爲優 張庚畫徵錄
涵齋歷內外任數十年而喪殮或不能給其清慎如此白髮對客
眉宇閒猶露英傑之氣其詩不主故常而不背乎文章之理 惜抱
軒集

右 熙朝雅頌集鐵保錄

Vertical text on the right side of the page, possibly a page number or title, oriented vertically.

薩喇勒

薩喇勒厄魯特人初爲準噶爾台吉達什達瓦宰桑乾隆十五年
準噶爾內亂薩喇勒率屬四十七戶投誠 詔安置察哈爾隸蒙
古正黃旗尋授散秩大臣十七年準噶爾台吉喇嘛達爾扎請遣
薩喇勒還 上不許十八年 命授北路軍營參贊大臣十九年
正月率兵五百擒擄入卡倫之烏梁海得木齊扎木參等於科布
多 諭曰薩喇勒感戴朕恩遵奉指示無忝任使甚屬可嘉著加
恩補授內大臣尋 命收烏梁海眾當薩喇勒擒扎木參時釋還
牧凌胡岱訥庫勒等十人至是告稱宰桑雅爾都得木齊阿茂海
欲來歸乞住牧烏蘭固木克木克木齊克薩喇勒飭其親至許住

特斯河否則驅之阿爾台山之外竝請發厄魯特兵供遣調尙書
舒赫德以爲未便 諭曰薩喇勒辦理招諭驅逐烏梁海事宜頗
屬奮勉軍營將軍大臣等劄付不合機宜薩喇勒未免掣肘新降
杜爾伯特車凌之人卽調遣亦無不可但遊牧未定或致逃竄於
事無益著舒赫德會同薩喇勒車凌等議將伊屬下最可復信之
塞卜騰等台吉宰桑酌派數員領兵一二百名再令御前侍衛永
柱會同總管阿敏道揀派察哈爾八旗兵五百名帶領交與薩喇
勒爲招諭驅逐之用薩喇勒係熟悉此路之人相機行事務期迅
速成功不必照將軍大臣等所飭固執而行之三月薩喇勒兵至
卓克索烏梁海宰桑雅爾都車根赤倫察達克圖布慎瑪濟岱各

鄂拓克竄徙阿爾台山外薩喇勒奏烏梁海等已遠遁但貪戀故土必仍回牧彼時整兵速出易於收服請暫撤兵還 允之是月命薩喇勒來京面領 諭旨再赴軍營六月 諭曰今年春薩喇勒等帶兵驅逐準噶爾之烏梁海等俱已速避我兵既撤伊等或潛回原處明年大兵進剿準噶爾儻伊等暗送信與準夷或乘間肆竊俱有關係應卽遣兵先爲辦理薩喇勒等到軍營時著公同酌辦七月輝特台吉阿睦爾撒納來降 命薩喇勒迎勞頒賞九月偕喀爾喀貝子車木楚克扎布等率兵千八百擊前竄徙之雅爾都車根赤倫察達克四宰桑於察罕烏蘇薩喇勒先得勝獲馬牛羊無算先是有扎哈沁宰桑庫克新瑪木特者犯卡倫追之弗

獲達青阿誘執之。上罪其不武，令縱之去。瑪木特移牧布拉罕，察罕托輝不卽降，道遇通瑪木特，被擒繫之。諾海克卜特爾薩喇勒偵知之，十月由烏蘭山後掩擒通瑪木特，竝護庫克新瑪木特送軍營安置，其戶畜於庫卜克爾克勒事。聞諭曰：薩喇勒遇事奮勉，此次首先進取，克成此功，著賞給世襲子爵，補授正白旗領侍衛內大臣。時定議征達瓦齊，命薩喇勒爲定邊右副將軍。二十年正月，詔領哨探兵同參贊大臣鄂容安等由西路進征。諭鄂容安曰：新厄魯特進兵時，肆行搶掠，北路將軍班第業經奏聞，朕已曉諭定邊左副將軍阿睦爾撒納等，西路哨探兵前進亦宜禁止。薩喇勒之兄見在彼處，如給伊微物及伊屬下略爲餽遺。

可無深究若過分貪掠鄂容安卽以己意提撕薩喇勒一經指示
自當斂戢鄂容安其審擇輕重畱心辦理又諭薩喇勒曰阿睦
爾撒納以托忒字奏請游牧移居烏里雅蘇台等處朕以事屬可
行已准其請惟奏請印文招降伊輝特屬人一事是其欲取多人
占據地方之意已經微露似平定準噶爾專爲伊一人集事矣薩
喇勒到彼務須畱心防範慎勿任其所行然亦不可稍爲洩漏此
時進兵愈速愈妥薩喇勒其善體朕意二月薩喇勒等疏報扎哈
沁得木齊巴哈曼集以三百餘戶宰桑敦多克以千餘戶來降隨
宣 敕諭令安居無恐 上獎其妥協 命北路投誠人員照此
辦理薩喇勒復遣侍衛瑚集圖齎 敕諭達瓦齊同族台吉噶爾

藏多爾濟尋率台吉諾海奇齊等三十餘人來降 詔封爲卓囉
斯汗 諭曰據薩喇勒奏準噶爾大台吉噶爾藏多爾濟率眾投
誠看來大功告成在指顧閒不勝欣慰薩喇勒遵朕訓示動合機
宜俟成功後加恩優敘先將朕所佩荷包賜予並賞給雙眼翎以
示優獎又 諭曰薩喇勒等奏帶領噶爾藏多爾濟投誠人等前
進又羈畱達瓦齊來使帶往進發辦理悉中機宜伊奏內有噶爾
藏多爾濟心跡叵測之語朕思噶爾藏多爾濟雖不可深信旣已
投誠帶兵同進諒無意外之虞若防範太過恐伊反生貳心惟有
示以大度默化其疑懼之意而已三月薩喇勒疏言臣前奏請俟
將軍永常到烏魯木齊將臣所領疲乏兵裁駐交伊統領爲聲援

增派和托輝特等兵起程仍飭索倫兵殿後其餘各隊俱徐行息馬力以張聲威據阿睦爾撒納咨北路兵業經起程密奉 諭旨令西北兩路哨探兵於博囉塔拉會合進剿毋令北路先發今若照臣原奏俟永常到起程必在北路之後臣等一面飛檄永常令督催和托輝特及索倫兵速進一面於甯夏涼州莊浪滿洲兵內揀選臆壯馬可至伊犁者派兵四百令和起齊努渾帶領臣等因進發復商派新降台吉噶爾藏多爾濟兵三百其姪扎那噶爾布兵六十噶勒特宰桑哈薩克錫喇兵五十輝特台吉巴雅爾等兵五十扎克沁宰桑敦多克兵三百呼爾璜台吉納穆奇兵三百於三月二十七日自羅克倫啟行計程四月十五日可抵博囉塔拉

合北路大軍四月疏言臣等領兵前進招撫各部人眾綽囉斯台
吉袞布扎卜及第三濟扎卜布庫努特台吉巴爾珠爾當扎木素
呼爾璊台吉納木喀喇木錐阿巴噶斯哈丹得木齊普爾普及吐
魯番伯克莽阿里克等皆率屬來降共四千餘戶葉爾羌喀什噶
爾和卓木獻玉盤一願爲臣僕各令回原牧再新降輝特台吉巴
雅爾等請給地耕牧臣等如所請令往吐魯番莽阿里克處領取
又將阿睦爾撒納屬人二百餘及額林哈畢爾噶窮夷八百餘戶
俱附有牲畜之扎哈沁罕桑敦多克等屬下給籽糧令其耕牧臣
等由羅克倫啟行噶爾藏多爾濟率姪扎那噶爾布隨營效力形
迹尙無可疑且將軍永常見駐烏魯木齊而和托輝特台吉旺布

多爾濟厄魯特公丹拜及索倫巴爾呼兵續進應援防範周密彼亦不能乘隙覬覦臣等辦理諸事畱數日此際達瓦齊想已得兩路進兵之信若不遣人招服恐其遠颺因繕檄曉諭利害飭侍衛塔奇圖及臣薩喇勒屬前鋒策稜等由烏蘭蘇先往傳諭兩疏入詔獎薩喇勒籌畫妥協以御用寶石朝珠賜之薩喇勒兵至額林哈畢爾噶察新降諸台吉宰桑有不願噶爾藏多爾濟爲汗意疏請停頒諭旨又言新降人編旗分佐領若按戶清查恐致驚疑令各將所屬戶口開報卽交伊等管束諭曰薩喇勒相機酌辦甚可嘉予著卽傳諭玉保將朕所降封噶爾藏多爾濟爲汗之旨不必宣諭薩喇勒自進兵以來諸事奮勉又能詳察彼眾情

形爲此陳奏甚合機宜不特額林哈畢爾噶等處台吉宰桑情有
不願僞準噶爾全部誤認以噶爾藏多爾濟代達瓦齊爲汗輾轉
傳播關係甚大令暫行停止不卽宣諭則眾人俱無猜疑於進兵
事宜大有裨益薩喇勒著賞銀一千兩卽遣人送至伊游牧處以
示鼓勵尋諭曰據薩喇勒奏領兵已過博羅布爾噶蘇台至登
努勒台達瓦齊所屬竝無一人防守其伊犁附近之台吉宰桑喇
嘛等已遣人前往招降所辦機宜悉協不勝欣慰至所奏功成後
請停止伊犁駐兵一事薩喇勒等蓋因準噶爾近年以來生計窮
蹙若多駐官兵恐不無勞費起見耳朕前此諭令駐兵原非欲令
久戍以見辦四衛拉特分佐領竝五集賽各鄂拓克及哈薩克布

魯特邊界一切事宜若不令大臣駐劄遇有應行查辦之事無所
統屬究屬未協且既駐大臣不能不酌量駐兵備差遣著班第薩
喇勒等至伊犁時會同妥議具奏是月薩喇勒等既抵登努勒台
將軍班第等亦至尼楚袞西路大軍合時達瓦齊伊犁河西之格
登槽不設備五月西路大軍由固爾扎渡口越推墨爾里克嶺直
抵格登達瓦齊驚遁未幾就擒伊犁平 詔封薩喇勒一等公
賜超勇號 賞寶石頂 團龍服六月撤大軍還 命阿睦爾撒
納入 覲薩喇勒同班第鄂容安駐守伊犁班第等奏准察哈爾
三百喀爾喀二百備差遣尋 諭曰侍衛濟福回京奏稱薩喇勒
聞知伊子信息惟以追擒達瓦齊爲事並未遣人往尋等語薩喇

勒出力奮勉不以私事廢公實能明曉大義朕心深爲嘉予此時伊子玉魯斯諒已回至遊牧著加恩授爲三等侍衛此朕特加優眷傳諭薩喇勒知之七月班第奏薩喇勒與阿睦爾撒納皆私取達瓦齊牧畜什物彼此甚不協 諭曰薩喇勒歸順已久受恩甚厚諒必不致有僭妄悖逆之事若因此等小節疑而不用何以收羣策之力卽以掠取牲畜什物而論薩喇勒必不至如阿睦爾撒納之甚班第等惟當開誠相示據理阻止薩喇勒自必聽從是時阿睦爾撒納謀叛逗遛途中班第等屢疏入告薩喇勒亦以爲言上密諭諸臣擒治弗能決八月阿睦爾撒納叛遁逆黨克什木等作亂班第鄂容安被陷死之薩喇勒爲烏魯特宰桑納親哈什哈

之子錫克錫爾格所羈留不得歸十二月薩喇勒遣其兄布林等至巴里坤辦事大臣和起所告稱阿睦爾撒納見在博羅塔拉道都託羅海薩喇勒商同伊犁台吉宰桑等由託和木圖往擊和起以聞諭曰薩喇勒駐劄伊犁倉猝遇賊爲賊拘留自必愧恨然因兵少力弱中賊詭計被執今伊感念重恩會同伊犁眾台吉宰桑等分路領兵期獻逆賊是其誠心奮勉始終不渝朕聞之實深嘉予轉復爲之惻然著將軍策楞傳旨慰勞並將荷包鼻煙壺各一件俟薩喇勒至軍營時卽行頒賜又諭曰薩喇勒原係厄魯特人叩關投誠甫及五年隨圍出兵奔走幾無甯日目前此命其同駐伊犁亦因伊熟彼地情形耳及阿睦爾撒納背叛生變班第

鄂容安捐軀盡節而薩喇勒衝陣突出其後力窮被賊拘留所以不加深究者誠以厄魯特風俗原不知致身大義未可以世受國恩之滿漢臣子相提並論初非朕之溺愛厄魯特而然也拘方之士或將謂三人同駐伊犁彼二臣臨危致命而伊乃覩顏就執其偷生負國斷難姑容如此則是以祖父世臣受恩深重明於大義者爲比未免過於求全責備而其視薩喇勒爲過高矣夫責人易而當局難平居議論誰則不能獨不思身當其境可深信其引決就義如班第鄂容安所爲者恐亦未能多得也俟阿睦爾撒納擒獲之日朕自分別加罪另降諭旨尋命司員唐喀祿經理薩喇勒游牧二十一年正月薩喇勒至吐魯番遣人通信巴里坤參贊

大臣達爾黨阿率兵往會二月奏言臣蒙委任駐劄伊犁遇賊猝發不能盡力勦滅致將軍參贊大臣等捐軀盡節臣力窮被執自知徒死不足塞責隱忍偷生希圖報效遂與台吉諾爾布敦多克等聚兵欲擒逆賊阿睦爾撒納自贖前愆上年十二月內與阿睦爾撒納交戰數日不勝隨同諾爾布敦多克等由吐魯番前來據伯克莽阿里克言噶爾藏多爾濟欲俟擒獲阿睦爾撒納立子諾爾布林沁爲總台吉轄四衛拉特又巴雅爾等知臣至吐魯番帶兵突來意不可測幸臣先入城聞巴里坤調兵將至始回準噶爾人反覆變亂全不可信必調西北兩路兵三四萬并力勦擒逆賊竝將各部落人等分別勦撫其準噶爾兵似不可用疏入 諭曰

此次薩喇勒甚有畏懼準噶爾之心又恐來京治罪是以故難其說爲此陳奏今大兵將抵伊犁若如所奏必待大兵三四萬始可前進則機會已失必致墮賊奸計因降旨令其卽同達爾黨阿進勦然伊旣懷疑懼未必能盡心擒賊以圖報效將軍策楞等竟不必俟薩喇勒偕行卽薩喇勒趕赴一切緊要機宜不必與之商酌尋諭薩喇勒駐特訥格爾辦事仍授定邊右副將軍三月命由巴里坤來京策楞奏言侍衛巴甯阿自伊犁回至軍營告稱上年八月二十三日賊掠臺站將軍班第等由固爾扎赴崆格斯禦之賊甫至薩喇勒欲奔參贊大臣鄂容安云賊來當戰胡急走薩喇勒答云爾何知遂策馬而行喀爾喀察哈爾等俱隨之去將軍

處止司員侍衛及兵丁六十人是夜賊蠶聚將軍等遂各自盡疏
入 諭曰薩喇勒與班第同爲將軍自當奮力禦賊果至勢窮力
絀班第等先以身殉薩喇勒或不得已衝突而出不識死綬之義
尙不足責乃竟首先奔竄以致大眾潰散是二臣雖死於賊而薩
喇勒亦不能無罪但係巴甯阿一面之詞應將薩喇勒解京質對
著傳諭黃廷桂俟薩喇勒至肅州時卽鎖拏速行押解來京嗣薩
喇勒至供逃出是實 命革職永遠監禁 諭曰班第鄂容安同
薩喇勒駐守伊犁當逆賊叛亂之時班第鄂容安捐軀殉節而薩
喇勒獨自脫逃及拏解來京朕親加審訊據稱彼時以賊眾四集
恐力不能支是以帶兵逃出冀圖再舉等語朕因其所言情節尙

應質對今巴甯阿柏琨等到京質訊之下言頗相符但供拔去所賜孔雀翎而逃是其偷生負國已屬顯然在滿漢世受國恩之臣而臨難苟免自當明正典刑伊係厄魯特新附之人不足責以死綏大義今班第鄂容安靈櫬已到朕親臨祭奠優予卹典靈櫬俱令進城卽著旺扎爾帶同薩喇勒前往班第鄂容安柩前將逆黨克什木等先行誡耳祭奠令薩喇勒在旁看視夫人孰無死使薩喇勒亦能如二臣之決計就義則今日褒榮之典自當一體同受乃顛越至此使伊稍有人心能無愧乎二十二年諭曰薩喇勒當厄魯特變亂時觀望畏縮不能奮勇復讐是以降旨拏問但伊陳奏及巴雅爾雖降必叛其言頗驗今巴雅爾等既已生擒扎那

噶爾布亦經獻馘哈薩克阿布賚率屬歸誠計阿睦爾撒納自可
旦夕俘馘著將此等情節傳諭薩喇勒施恩免罪出獄從前賞給
瑪木特房屋令其居住二十四年六月復授散秩大臣鑲白旗蒙
古副都統 命乾清門行走八月授內大臣 賞二等超勇伯爵
二十五年卒 諭曰內大臣薩喇勒人頗篤實效力有年今患病
溘逝深爲軫惻著加恩派散秩大臣一員侍衛十員往奠茶酒仍
賞銀一千兩辦理喪事二十六年 命圖形紫光閣 御製贊曰
彼中宰桑識時早歸副帥以往克贊戎機拔身出戰不忘本朝云
胡不死責備則澆子玉魯斯襲伯爵

右 國史館本傳

哈攀龍 子國興

哈攀龍直隸河間人乾隆二年一甲一名武進士授頭等侍衛七年發往福建以副將用九年授興化城守副將十一年擢河南南陽鎮總兵尋調福建海壇鎮又調漳州鎮十二年丁母憂回籍守制十三年二月 上東巡攀龍在籍迎 鑿 命往金川軍營聽總督張廣泗委用四月署松潘鎮總兵五月統兵由美臥溝攻取撒臥山大松林噶達等寨分兵進勦馬溝右梁下營親勘形勢據險要搜截松林毀松卡二過左梁山溝礮擊斃賊數十六月攻克渴足寨焚礮寨四水城一殺賊二十餘尋與署重慶總兵任舉合兵圍攻色爾力石城舉陣亡攀龍督兵赴上下林槍斃賊三十餘

收舉屍回七月同都統班第署重慶總兵段起賢侍衛富成發兵五路夜襲色爾力石城木卡焚木卡三殺賊五十餘復乘隙攻破石梁雙溝等處閏七月經略訥親總督張廣泗會奏哈攀龍調赴昔嶺令委幹員駐兵美臥溝乃濫派懦弁致沿途失糧礮又任舉陣亡後攀龍不能奮勇攻克賊卡請降二級畱任從之十月諭曰哈攀龍向在軍營尙有勞績後並未見有出力之處令其具摺由驛速奏尋又諭曰前因哈攀龍治大雄哈尙德三人年力正強尙屬驍勇可備驅策特發往金川軍營令及時自效乃伊等到營並未聞有克獲建功之處所領兵弁作何布置作何攻取亦無一摺奏聞不知在彼所辦何事武弁身臨行陣坐守經年不能

攻堅陷陣能無愧乎著傳旨詢問令明白回奏攀龍奏屢克卡斬獲賊番俱呈報張廣泗廣泗未經縷悉入奏十二月 諭曰從前訥親等將哈攀龍參處甚爲屈抑朕聞伊在軍營尙爲阻勉出力著將部議降級之案准其開復攀龍尋隨經略大學士傅恆夜攻色爾力嶺石卡先登拔石卡殺賊番數十四年二月金川納款凱旋攀龍功加三等再功加一等紀錄二次九月署甘肅固原提督十六年調署湖廣提督十八年奏整飭弁兵各條一凡獲逃兵卽重責革伍一月內自首量寬初犯一已革千把總末弁毋得久住任所一施南衛武昌永順保靖九谿等處舊土司安插各省者恐有私逃回籍飭各弁時加查察一軍流重犯往回遞解遵例一

犯一解兵械防護仍於單內註明某兵押交前汛限時回銷一解餉每兵配帶鳥槍腰刀哨棍由大路行走防護委并督查交前汛取照回銷仍令沿途塘兵護送出境該將備報過汛日期一州縣監獄有撥兵防範之例應定派撥五名如額名無多處派四名遇要犯另酌增派 上嘉勉之二十一年實授湖廣提督二十二年調貴州提督二十四年 陛見以病畱京二十五年卒 賜祭葬如例子國興官至西安提督自有傳

右 國史館本傳

哈國興

哈國興直隸河間人父攀龍官貴州提督有傳國興由乾隆十七

年武進士授三等待衛二十年發雲南以遊擊用二十三年補督
標右營遊擊二十八年遷東川營參將三十一年緬甸匪目召散
等據孟良肆擾國輿由大猛養分勦尋會擊賊於楞木進攻猛卯
身督戰被槍傷齒及右臂總督楊應琚以 聞 賜戴孔雀翎三
十二年正月署騰越營副將時副將趙宏榜以偏師失利於新街
四月國輿率兵抵蠻暮偵新街賊無備馳擊賊望風遁十一月隨
將軍公明瑞克木邦復偕侍衛莽克察擊斬守隘賊六十餘十二
月擢楚姚鎮總兵三十三年五月 陛見 命在乾清門行走
賚銀幣九月還軍營調普洱鎮總兵十月擢貴州提督留軍營三
十四年四月赴銅壁關外野人山督造戰船十二月 諭曰哈國

興自進剿緬匪以來甚屬勇往出力今在老官屯辦理軍營諸事尤爲妥協且伊於邊務夷情素所熟悉令其整理滇省營務於地方更覺有益著調補雲南提督並加太子少保銜以示獎勵三十五年四月 諭來京陛見先是大軍之圍老官屯也緬甸頭人諾爾塔以其酋情駁命遣人赴軍營乞降經略傅恆副將軍伊勒圖阿桂令國興出見諭遵三事一奉表貢一不敢再犯邊一送還內地人緬甸誓如約乃請 旨撤兵至是我兵既撤緬甸貢表弗至且畱我持檄往諭之都司蘇爾相而諾爾塔復詭言國興曾許給還木邦猛拱蠻暮三土司六月國興至京 命勿在乾清門行走諭曰哈國興昨歲在老官屯於緬匪遣人投誠時自不免存遷就

完事之見至諾爾塔所稱哈國興許給土司一節詢之哈國興堅稱並無其語在賊匪一面狡詞固難執以坐哈國興之罪而哈國興所稱並未許其給還處見在無可質對亦難深信其有無伊於綠營粉飾積習未能俊改若仍令回滇辦事於邊防要務無益但念其屢次領兵打仗頗屬奮勉尙不至竟予罷斥見在貴州古州鎮總兵余天佐尙未到任其員缺卽著哈國興降補以觀後效九月副將軍阿桂奏請冬閒派兵襲擊緬甸 上念國興在滇年久熟悉邊情 命仍赴雲南軍營三十六年五月 諭曰哈國興之弟國泰見任雲南千總著加恩令其來京以巡捕三營千總用俾得就近養親尋調雲南臨元鎮總兵三十七年五月 諭曰哈國

與在滇見無緊要事件此時官兵進討小金川正需大員統率著
哈國興馳赴溫福軍營六月授西安提督轄陝甘從征兵尋命
偕總兵董天弼由曾頭溝一路徑取底木達布朗郭宗溫福等奏
言國興熟於帶兵請令別由策卜丹徑取美諾其曾頭溝一路專
委天弼七月又奏國興由阿喀木雅山溝繞出瑪爾迪克山寨詳
察形勢以策卜丹林深徑狹不便取道臣等已令率兵二千往助
海蘭察攻瑪爾迪克 詔可會貢噶山左有賊千餘謀劫糧國興
等馳往擊賊敗匿甫旋瑪爾迪克林內賊突出復擊敗之 諭獎
其歷練戎行隨機救應賞荷包四八月設伏於貢噶山梁斬賊百
餘並搜菁奪其礮卡九月賊叩國興營請降且獻鄂克什地國興

飭令將南北兩山美美卡木蘭壩及瑪爾迪克並獻出始許其降
越日賊果盡撤各柵國興以兵入鄂什克舊寨賊退守路頂宗十
月金川逆酋索諾木稟送前隨參將薛琮進剿被畱之外委臧儒
等至國興營且言勸僧格桑出降溫福以聞諭曰索諾木所
投哈國興稟帖尙欲貌託恭順陰逞奸狡不宜竟付之不答竟當
作哈國興之意給與回檄諭以索諾木與僧格桑狼狽爲奸踞守
要隘抗拒官兵迹已顯著何得佯爲恭順冀圖朦惑况墨壘溝未
出官兵甚多豈容以一外委遂謂送出官人妄思寬宥大兵聲罪
致討必須先擒僧格桑次擒索諾木以申國憲而靖邊庭僧格桑
卽逃至金川自可剋日就擒無藉索諾木之獻出且索諾木卽爲

法所必誅又何能代人施此詭譎本提督奉命隨征惟知奮勇殺賊力縛凶渠斷不能爲賊誑言所惑俾賊酋知狡惡罪狀不能掩飾尋諭將薛琮等前在甲爾木山梁撲礮被金川截斷後路各罪增入檄文時國興同海蘭察等以兵五千駐貢噶山謀攻策卜丹因冰雪未進命撤還路頂宗協勦路頂宗山麓有巨溝溝之源爲南山於是海蘭察繞出山後侍衛額森特由小路徑接應而國興直越溝攻礮大軍繼進遂克路頂宗及喀木色爾寨先後破卡五十餘座礮三百餘俘獲甚眾諭獎國興等奮勉出力下部議敘十一月由喀木色爾北山攻穆拉斯郭大寨進據兜烏山巔與總兵馬彪等合兵進奪附近礮卡尋克額爾莽木柵又率兵千

渡河由南山鄂爾濟仰攻奪各寨隨大軍進剿明郭宗別以兵襲擊公雅山克之復克木爾古魯賊寨並奪據嘉巴山麓下部議敘十二月廷議於平定小金川後分兵三路討金川 諭曰哈國興雖係綠營漢員於領兵進剿之事曾經練習且原在乾清門侍衛上行走與滿洲大臣無異副將軍豐昇額一路卽著哈國興爲參贊大臣將來或止須兩路則豐昇額哈國興等卽隨將軍溫福軍營以備臨時分兵之用是月隨大軍克明郭宗焚其念經樓整兵進取日果爾烏谷山麓直壓美諾賊巢 諭部優敘又 諭曰哈國興之子哈文虎兵部帶領引見見已加恩用爲守備發往四川可傳諭哈國興令其益加感奮國興尋隨大軍攻克布朗郭宗僧

格桑遁金川我軍直抵底木達僧格桑之父策旺出降小金川底定國興病卒 諭曰哈國興自前歲征剿緬匪以來頗屬勇壯上年調往四川西路軍營擢任提督帶兵攻剿疊著勞績是以加恩授爲參贊大臣並將伊子用爲守備見在小金川蕩平正值進剿金川需人之際倚任方殷遽聞溘逝深爲軫惜著賞銀一千兩存卹其家並加贈太子太保以示憫勞飾終至意應得卹典該部仍察例具奏尋 賜祭葬如例諡壯武入祀昭忠祠 命圖形紫光閣 御製贊曰中土回人性多拳勇哈其大族每出將種向略趨拉屢舉險要中道病殂成功未告子文虎由父廕 恩授守備赴四川軍營補陝西提標右營守備三十八年木果木陣亡入祀昭

忠祠 恩賜其弟文彪爲千總

右 國史館本傳

哈國興直隸任邱人乾隆甲戌科武進士由侍衛來滇歷任東川營參將國興世代將家行兵有紀律常以先禮後兵之策行於邊夷故所至外夷輒與議話而無識者往往構之三十二年普洱事稍定大學士楊應琚辦理伐緬事宜始由誤用趙宏榜以致敵繼則納木邦蠻莫之降冀削其黨羽爲可不煩大兵自能集事及趙宏榜師敗新街匿不以聞用永北鎮朱崙爲總統以龔士模陳元震參贊其事國興至鐵壁軍營甫出關相度營盤而緬師已大至時十一月十八日緬驅兵數萬衆來迎國興率東昭兵九百人乘

高據柵戒兵卒無動俟賊近柵開槍所發無不斃者自十八日至
二十一日凡相持四晝夜提督李時升由黑山門帶兵七百名益
之時緬賊詐降別遣賊從萬仞關入於是撤兵入關緬亦知我軍
中有哈將軍矣三十二年正月初三日緬賊蔓衍入猛卯李時升
命國興帶兵進攻據猛卯城賊反攻甚急國興親督戰槍傷右頤
穿落門牙十一至十三日四路兵集緬始遁調回州養病五月總
督明瑞以將軍駐永昌九月出師國興從戰於蠻結大破之後以
深入無繼明瑞陣亡三十四年大舉時國興已由總兵擢貴州提
督經略公傅恆至永籌進剿事宜用水師國興贊成之於銅壁關
野牛壩造船船成於七月進兵隨經略由猛拱孟養南豐猛列猛

壩耀兵而還師次老官屯水兵不能進賊水陸防禦甚堅我軍從外來者多病惟將軍阿桂所將龍陵一路萬餘人新從虎踞關出赴官屯軍威頗壯會用地道攻之又築臺發大礮擊之緬頗懼時官屯緬目謝已萬爲將遣其目得魯蘊立柵上遞緬文懇請解兵越日得魯蘊出見國興國興亦入柵見之曉以利害與謝已萬等議三事一不許侵擾邊界一還我被畱之人一十年一貢時經略病甚將軍阿桂集從征大臣議進止皆親畫押撤兵遂班師時十一月某日也三十五年緬送人之議背約總督彰寶差都司蘇爾相出關爲緬目諾爾塔拘畱彰寶以國興在老官屯面議不實劾奏又官屯盡押國興曾代常青押查問青亦以實奏國興至京卽

召見陳奏削宮保銜降貴州古州鎮尋調雲南臨元鎮騰越出防
與焉三十八年緬甸得魯蘊至老官屯請如前約遣孟矣等入關
議話時金川需大將奉命赴川國興在邊六月盛瘴時不能待
因赴金川擢陝西提督爲參贊卒於軍

右傳哈師範撰

楊凱

楊凱字賡起江蘇儀徵人少喜讀書所交多奇材劍客習知兵法
聖祖時以武進士爲乾清門侍衛從 幸湯山賦詩稱 旨 命
與汪灝陳鵬年等在武英殿編纂物類輯古略出補湖廣督標中
軍守備旋遷鎮筭前營遊擊鎮筭所在箐林谿洞紅苗四出劫掠
急則走匿吏不敢詰凱有智略所至悉知夷險地勢多置閒謀人
樂爲用命其兵法尤善用奇野牛塘砦目龍老四龍老馬恃險固
甚橫數至中軍土橋劫殺人砦據山巔壁立二十餘里四面巖巖
如削前一徑通人行窈冥幽仄盤曲上下官軍肉薄仰攻無不死
者凱得熟苗吳大武言山後有路人跡荒絕自此上至砦可十餘

里凱陰爲部署會兼中營遊擊日調其兵至本營唱名已而飲酒
超距爲樂賊易之不設備凱乃勒兵夜馳百二十里絕谿河七十
餘道未至砦二三里而止賊急乘險下木石而凱軍去砦遠不可
得傷俄而銃數響四山烏槍火礮齊發塵燄漲天守備溫如琦率
兵自山後入其砦賊倉卒反走前後夾擊大破之賊多燒殺及投
崖死塹谷皆平獲賊首數百人縱其餘數千人爲民砦遂墟中軍
狗補砦砦日吳老羅至瀘溪劫人取質凱盡中左前右四營兵勦
之久之未發沿途諸生苗數十砦陰爲老羅耳目度官軍卽發非
十日不至而凱潛率師五百別由烏巢河橋糖山用兩日入其砦
俘老羅歸旣數日大路諸砦苗乃覺皆駭怖稱天兵明年勦卡洞

若苗吳老卡吳老截營既立凱便衣從十騎出營覘賊遇賊數千人至於是凱去營五十里矣乃麾其騎曰吾眾寡不敵若止賊且不測卽退是自敗也遂據險接戰會日暮救至收其兵而止凱曰賊度我方困必不復往兵法所謂攻其不備可一鼓擒也因急擊虜之選參將署辰州副將桑植土司某保靖土司彭御彬淫虐不法總督福敏請改設流官 世宗命凱兼桑植副將以便宜摘印凱檄辰州協守備王肅文九谿協守備鈕正己由九谿至桑植由桑植至保靖彭御彬聞之盡撤其眾守桑植而凱率鎮筸右營參將王進昌永順土司彭肇槐由北河至保靖獲彭御彬並其黨送長沙桑植山是遂潰彭肇槐亦因凱請以永順歸內地併其地爲

永順府永順保靖龍山桑植縣凱更爲永順副將明年遷鎮箬鎮
總兵湖北容美土司田珉如橫惡不道結忠建等十九土司侵慈
利石門縣抗 命不出對質 敕凱討之凱度珉如兵精而眾不
附急則死鬪緩則可不戰而下乃整兵壓其地馳使諭其下曰珉
如重斂淫刑苦役以逞其欲慈父孝子忍死而莫之抗者豈其力
不足以制一土官哉尊 天子之命吏畏 國法也 皇上不忍
百姓無罪將去其疾而珉如保險跳梁抗拒 王命是作賊也百
年無事食其土之有以長子孫民皆王臣受國恩厚矣黨惡不義
逆 命不祥且焉用養害以自戚也夫內脫其苛虐而外享忠順
之名孰與助寇仇以陷大戮乎未幾其下果縛珉如出珉如畏罪

縊死遂定其地不戮一人以其地爲鶴峯州長樂忠建等十九土
司亦請歸土官印以其地爲施南府恩施宣恩來鳳咸豐利川建
始縣貴州台拱丹江紅苗亂接壤鎮筸控扼險阻首尾援擊賊
以窮蹙大兵乘之得就戡定當是時鎮兵盡出所在紅苗嘯聚謀
乘虛竊發城中人洶洶凱急募兵數百人日夜四出巡徼所至變
其旗幟衣服以次踐更羣苗疑募兵大集憚不敢發人心以安
天子數下書褒美賞賜甚渥 今上卽位遷湖廣提督凱由守備
兩任遊擊三任副將一任總兵至提督歷二十年終始不出湖廣
凡破砦三改土司二十有三闢府二州一縣十有一夷夏讐服威
信大著苗民終其身不復亂總督史貽直以事劾其失職凱上疏

自辨且不卽受代由是革職乾隆十六年 天子南巡至高郵召見凱 命仍以總兵用從 幸杭州授河南河北鎮總兵會澤州水漲注丹沁河決河內武陟二縣凱督兵塞之具以事 聞其後歸仁利濟二渠又決壞懷慶護城隄十餘丈而薪盡不屬凱出布帛數萬裹土下卒塞之後數日巡撫鄂容安至劾其干預民事且以 密旨示人遂再革職二十五年與賀 皇太后萬壽 命降二等給銜卒年八十二凱執喪盡禮喜接士大夫兄謙爲天津鎮總兵糜餉數千金凱傾其資償之子二甲寬甲更名文淵成進士論曰土司自唐宋以來因亂撫定其地假其兵力遂羈糜之固非神明之後有功德於民如古諸侯封建也後世恃險與富虐害生

民 天討既加如出水火與夫將帥之臣假邊事以要功者異矣
遭時承平 天子神武奉國威靈竭其智勇所向成功而凱說禮
樂而敦詩書有古名將風然剛烈而不能下人卒以不振云

右傳汪中撰

楊凱江蘇儀徵人雍正初任鎮筓前營遊擊野牛甸補各寨苗時
出劫掠凱悉捕得置之法擢長州協副將永順土司彭肇槐內嚮
凱諭以獻土歸流桑植保靖諸司亦相繼納款土民得除舊更新
再擢鎮筓總兵親履苗地布設塘汛遂爲定制仍率將弁捐俸延
師訓課兵民子弟鎮人至今德之

右傳李元度撰

同治十年庚午歲次

1119

劉順

劉順順天府人雍正五年武進士授藍翎侍衛六年授圓明園守備七年揀發陝西委用八年署甯夏鎮標中軍遊擊十年實授十一年署平羅營參將十二年調署鎮海營十三年署同州協副將乾隆二年仍署平羅營參將四年署定邊協副將五年遷鎮番營參將九年遷金塔協副將十三年正月率甘涼肅兵千五百赴金川軍營聽調五月偕副將高雄由甲索一路攻囊得甫至松林賊百餘突犯擊之遁越日擊斬賊眾毀其碉閘七月隨大軍由卡撒左山梁進剿各碉以次克惟普瞻雙單二碉固甚賊死拒日暮將旋兵順潛率所部偏單礮縱火攻之賊潰並奪雙礮大軍繼進遂

克色底而是時普瞻之西阿利山賊礪林立八月順昌兩奮攻奪
山梁木卡復由山左進擊斬賊二十四奪礪一九月復以礪擊斃
賊眾六十餘克大礪一石卡四平房二十四經略訥親屢奏順奮
勇報 聞十四年金川平議敘功加三等擢貴州威甯鎮總兵尋
諭曰劉順在甘肅年久熟習邊地情形著調補甘肅西甯鎮總兵
十六年陞見 賜戴孔雀翎二十一年二月督解駝馬送巴里坤
軍營十二月署安西提督二十三年二月委辦戈壁水泉實心經
理 諭獎之下部議敘功加一等五月擢甘肅提督仍畱署安西
提督事二十四年調安西提督二十六年十一月以病乞解任調
理 允之十二月卒 諭曰安西提督劉順前曾隨征金川頗屬

奮勉此次平定西陲雖未身列行陣而安西一帶設臺穿井諸務具見實心經理今聞溘逝深爲軫惜著加恩晉贈太子少保再賞銀一千兩應得卹典該部查例具奏尋 賜祭葬如例諡壯靖

右 國史館本傳

紀龍

紀龍陝西靈州人初充湖廣督標行伍康熙五十五年隨湖廣總督額倫特往駐西甯五十六年移駐青海五十七年五月準噶爾賊擾西藏龍隨將軍額倫特進剿連敗賊於捫贊西里克及齊諾郭勒七月至喀喇烏蘇被圍龍隨將軍額倫特鏖戰被創者再賊弗退額倫特死之龍負 敕印閒道歸五十八年與前隨剿西藏之千總柳時昌兵丁瑚什圖楊獻珍鄭文煥懇隨大營自效 諭曰伊等從萬死一生之地而來誓爲朕出力爲將軍雪仇心甚可嘉瑚什圖係滿洲不必給賞其餘四人著各給帑銀十兩馳驛發往西甯軍前交撫遠大將軍在緊要之地行走是年龍抵軍營因

創發病劇還靈州調養比病愈西藏平兵撤龍歸湖廣原標雍正
三年四月柳時昌任雲南永北鎮總兵表龍等前功 命同楊顯
珍鄭文煥赴部引見六月 諭曰伊等人材俱好箭亦去得且係
用命效力之人何故至今尙當兵丁著發與雲貴總督高其倬照
年滿千總例以守備用永北鎮總兵柳時昌標下有缺補用更好
著每人賞銀一百兩尋授龍雲南援勦右協左營守備五年調維
西營守備駐中甸七年四月遷曲尋鎮標右營遊擊九月調楚姚
鎮中軍遊擊八年九月隨大軍分勦東川助逆之家者海獐賊斬
殺無算十年五月遷貴州提標中軍參將八月提督哈元生奏帶
來京 恩賞銀六百兩十一月貴州九股苗不法 命隨元生還

貴州勦平之十二年遷大定協副將十三年四月古州台拱苗叛龍率兵分勦通黃平路五月勦革種逆寨被創尋克復凱里援通雞溝汛丹江營有功 命署台拱總兵乾隆元年十二月調署雲南永北鎮總兵二年實授四年署臨元鎮總兵五年疏言臨元一鎮偏魯魁而控交搗洵爲要地臣調補將及一載雖營汛事件按籍可稽而布置機宜非目擊莫能親切臣商請督提准於隆冬親往屬營巡查由元江新嶠較閱官兵技藝查點軍械並確勘險易形勢及夷情瀆悍報 聞七年 賜孔雀翎及鞍馬十年調楚姚鎮總兵尋因年老乞休 命以原品休致二十六年卒

右 國史館本傳

博第

博第完顏氏滿洲正藍旗人初由護軍校撥充怡親王允祥旗下親軍校洊擢頭等護衛王府長史雍正二年擢鑲白旗漢軍副都統三年兼鑲黃旗蒙古副都統四年調正白旗滿洲副都統五年奏旗人襲職出缺後所送家譜本旗無可覈對恐有錯誤請嗣後凡世職家譜豫取保結校對鈐印存交本旗衙門從之九年遷鑲白旗護軍統領十一年調左翼前鋒統領十二年遷正白旗蒙古都統十三年授甯古塔將軍乾隆元年調奉天將軍三年五月奏旗兵向止操演弓箭鳥槍若令學習藤牌等項一時不能熟練且恐平時技藝轉致生疏請將雍正十年工部造送藤牌等件照

數繳還又奉天向無礮手請將京營礮手揀發四名令其教演得旨允行六月調黑龍江將軍五年奏齊齊哈爾墨爾根黑龍江三處自雍正年間賞借生息銀十萬兩以所得息銀爲官兵紅白事賞項但未詳定章程請嗣後五品以下官員兵丁拜唐阿等紅事係本身娶妻嫁女娶婦白事係祖父母父母本身妻室病故准給賞銀他事不得濫支又筆帖式等由兵丁閒散選補者居多請嗣後有品級者照領催前鋒例無品級者照拜唐阿例支給 從之六年疏言齊齊哈爾黑龍江墨爾根呼蘭四處管莊官請以五年爲滿如有通曉滿漢文藝辦事諳練者以京城主事等官保題補用循分供職者以小京官選用其不通曉文藝並不願遷移來京

者以本處驍騎校補用至盛京戶部管莊六品官亦應以五年爲滿以京城主事分別卽用選用下部議行七年請將黑龍江貿易民人分旗查管初至詢明居址令互結註冊貿易畢趣回病故者除名凡娶旗女買旗屋私墾旗地及散處城外村莊者禁之如犯法將該管官查議其非貿易者量給限期飭令回籍 從之八年調吉林將軍九年調西安將軍十三年用兵金川 命督理臺站事務十四年 召來京授正白旗蒙古都統十七年以年老 命在散秩大臣上行走二十六年卒子那啟泰那麟泰

右 國史館本傳

東洋文庫藏書目録

三

端濟布

端濟布滿洲鑲黃旗人姓瓜勒佳氏乾隆八年由前鋒投藍翎侍衛洊授二等侍衛二十年台吉巴雅爾等投誠命端濟布齎表物往賜之還授頭等侍衛遷鑲黃旗察哈爾總管二十一年命選兵千赴西路軍營二十二年三月隨將軍兆惠由朱爾圖斯進勦四月至瑪納斯擒得木齊鄂羅斯獲其屬三百馬駝牛羊二千餘六月扎哈沁叛賊巴哈曼集遁端濟布偕侍衛奎瑪岱追勦至小衛和勒津遇前掠臺站賊扎木布擒之招降巴哈曼集屬二百戶九月擒叛賊噶爾藏多爾濟宰桑羅卜扎尼瑪得木濟敦多克於羅克倫孟古圖嶺送巴里坤先是布魯古特台吉琿齊呼爾

璜台吉達瓦斬叛賊扎那噶爾布詣端濟布營詐降并請招叛黨
額林沁達瓦端濟布信之遽撤兵還琿齊等尋遁 上命靖逆將
軍雅爾哈善查明治罪至是 諭曰端濟布此次所辦尙合機宜
從前招降惟事姑息已命查明治罪今功過相抵著加恩寬免十
月扎哈沁得木齊哈勒拜等謀掠臺站參贊大臣哈甯阿檄端濟
布往勦至瑪納斯擒謀十餘渡河至美羅托山賊遁收其游牧牲
畜 詔相機速勦二十三年正月敘功列一等六月分領吉林厄
魯特兵圍庫車賊三千自賽里木來援據高阜端濟布同侍衛順
德納等分翼奮擊斬首二千餘獲畜械甚眾七月復同侍衛齊凌
扎卜等勦賊之逃往蘇巴什山者三百餘八月邀擊城內逃賊於

鄂根河十月大兵分三路攻葉爾羌回酋霍集占築臺城東北端
濟布以右翼後隊攻之賊拒戰我兵擊斃賊二千餘賊退入城時
將軍兆惠被圍於黑水端濟布轉戰十餘至呼爾璊合兆惠軍二
十四年二月 敕部優敘給三等輕車都尉世職四月授鑲紅旗
滿洲副都統七月隨大軍追賊至阿爾楚爾及伊西洱庫爾淖爾
端濟布以兵二百截其逃路偵賊寨山嶺越嶺攻之被創事 聞
下部議敘凱旋 賜塔什巴圖魯號 命圖形紫光閣 御製贊
曰將軍黑水先眾徑渡固營待軍實端濟布眾寡稍挫倉卒周防
奪回人馬勇且謀長二十六年卒 贈都統銜 諭曰端濟布前
在軍營頗著勞績且打仗受傷得有殘疾回京身故定例惟陣亡

國朝通志卷之二十一

人員始入昭忠祠端濟布雖非陣亡但念其久在軍營效力打仗
得傷回京身故與陣亡者無異著加恩准入昭忠祠尋 賜祭葬
諡壯節子伊達禮襲世職

右 國史館本傳

閩相師

閩相師甘肅高臺人雍正七年由行伍拔把總效力西路軍營升千總乾隆七年遷提標左營守備九年遷大通協都司十年調安西城守營十二年遷涼州鎮標中軍遊擊安西提督李繩武以相師久在口外熟悉夷情奏留本任遇缺候補十四年補安西提標前營十七年署瓜州營參將二十一年十二月厄魯特降人沙克都爾曼濟讓叛相師隨巴里坤辦事大臣雅爾哈善勦斬賊眾四千餘尋偕副將丑達以兵千赴魯克察克同額敏和卓勦叛回莽阿里克二十二年二月投金塔寺營副將五月管理吐魯番屯田二十三年正月擢肅州總兵三月賞孔雀翎領綠旗兵隨靖逆

將軍雅爾哈善等勦回酋霍集占投領隊大臣五月圍庫車城相
師力戰被創九月大軍克阿克蘇將軍兆惠畱相師駐守尋隨勦
葉爾羌二十四年三月授安西提督閏六月駐防喀什噶爾九月
調甘肅提督十一月兆惠奏令移駐庫車 命赴烏魯木齊辦理
屯田尋 諭曰閻相師見赴烏魯木齊念其隨將軍兆惠等進兵
著有勞績今大兵凱旋著傳諭楊應琚於內地總兵內派員更換
卽令其來京陛見二十五年至京 賚銀幣敘功加三等 命圖
形紫光閣儒臣擬贊曰薄庫車門石著於額屹不爲動觀者舌咋
葉羌之役虛擣亢批雄姿偉幹足鎮關西二十七年正月以疾奏
請解任調理得 旨俞允食全俸是月卒 諭曰甘肅提督閻相

師久歷戎行克嫻武略隨征西路奮勇策勳前因患病准暫解任
賞給全俸俾盡心調攝以冀速痊遽聞溘逝深爲軫惜著加贈太
子太保賞銀一千兩辦理喪事應得卹典該部察例具奏尋 賜
祭葬如例諡桓肅

右 國史館本傳

舒明 子雅滿泰

舒明蒙古正黃旗人姓烏梁海濟勒莫特由二等侍衛擢頭等侍衛乾隆九年授綏遠城副都統十年調右衛副都統十五年命辦理青海事務十八年授正白旗滿洲副都統十九年八月授都察院左副都御史十月兼正黃旗護軍統領二十年正月赴北路軍營管理輝特台吉等游牧十月授吏部侍郎十一月奏言輝特台吉達瑪林率屬六十餘戶來尋妻父都爾伯特汗策凌請將其屬人編入佐領與策凌同居游牧並封授職銜上允所請授達瑪林扎薩克台吉十二月以策凌等告稱生計稍艱請移至額克阿喇勒游牧得旨如所請行二十一年二月偵降酋訥默庫

戕臺站侍衛謀攜游牧叛馳奏 敕參贊大臣阿蘭泰速往擒阿
蘭泰奏請調兵防護並遣詢訥默庫同部台吉策凌 諭責其紛
紛派兵虞洩漏三月訥默庫就擒 上以舒明籌辦妥協阿蘭泰
推諉幾至遲誤 命革阿蘭泰男爵給舒明以示鼓勵詳見阿蘭
泰傳四月遵 旨偕阿蘭泰編達什達瓦屬爲三旗移阿勒台五
月奏請調扎布堪駐劄兵五百交待侍衛三都卜領駐布延圖 從
之六月奏噶雜特宰桑根敦爲烏梁海所掠率屬九十餘戶投誠
得 旨根敦著授爲佐領暫與丹畢游牧同居又奏策凌烏巴什
巴圖博羅特及達瑪林等屬人生計艱窘請賑 諭賞米六百石
分給接濟尋奏都爾伯特台吉烏巴什同伯什阿噶什投誠得

旨伯什阿噶什已封親王烏巴什亦著封爲貝子在額爾齊斯等處游牧候明年入覲七月奏內閣侍讀學士富森帶達什達瓦屬七千五百餘人於六月至阿拉克綽爾知會臣等指定安插地方查知通鄂博布拉罕察罕托輝等處係扎哈沁舊游牧地地寬水草充足已遣主事巴杭阿迎富森等帶至彼定界安插奏入報聞先是舒明奉 旨查和托輝特青滾雜卜叛迹至是奏叛迹已著 命會同親王成衮扎布等擒拏八月授參贊大臣尋奏青滾雜卜見居游牧其屬移唐努山得 旨唐努山距新烏梁海甚近著舒明選派侍衛數員同桑察多爾濟護衛都喇勒遣往新烏梁海曉諭總管赤倫帶兵協擒九月奏伯什阿噶什烏巴什等屬人

請暫畱居哈達青吉勒得 旨前命安插伯什阿噶什屬人於額克阿喇勒地方自哈達青吉勒移至彼處程途既遠且時屆嚴寒行走稍難著卽照舒明所奏辦理尋 諭曰據成衮扎布奏請派科卜多兵二百名交舒明前往協擒青滾雜卜著卽帶領前往科卜多駐劄兵丁尙多並著再派三百名令侍衛巴甯阿勒泰會同舒明前往十月奏言前經成衮扎布遣察哈爾營總圖炳喀爾喀護衛齊納圖往烏梁海途中獲青滾雜卜遣往烏梁海之伯爾格等三人臣等訊問據供青滾雜卜遣赴公丹拜貝子彭楚克處調兵八百名俱不聽且拏送前來等語隨委員解赴成衮扎布軍營得 旨伯爾格等見在解送成衮扎布軍營著嚴訊正法新舊烏

梁海並無一人附和青滾雜卜聽其調遣大兵一到即可擒獲著
成袞扎布卽速領兵前進勿少遲疑十二月 命同成袞扎布在
烏里雅蘇臺軍營辦事二十三年授理藩院侍郎二十四年 諭
來京署理正白旗蒙古副都統五月成袞扎布奏請令舒明帶左
副將軍印回烏里雅蘇臺辦事九月奏稱鄂羅斯界所設阿噶爾
等卡倫有和托輝特之烏梁海等賊奪馬駝傷兵丁已派喀爾喀
台吉達瑪林扎卜等同和托輝特扎薩克達什朋楚克協擒得
旨著傳諭成袞扎布於北路索倫兵內酌量帶領進剿或卽於喀
爾喀派老成歷練之人以所部兵丁追獲渠魁正法示眾不可致
令漏網二十五年三月授歸化城都統九月 命暫署綏遠城將

軍印務二十六年十一月授綏遠城將軍兼署歸化城都統十二月
月 陛見二十七年正月卒子雅滿泰襲三等男官正白旗蒙古
副都統 命往西藏辦事五十三年廓爾喀擾後藏界雅滿泰措
置乖方 詔革職給筆帖式五十五年三月授頭等侍衛五月
命協辦西藏事務五十六年九月以廓爾喀復擾藏界 詔革職
枷責

右 國史館本傳

雅滿泰

雅滿泰蒙古正黃旗人父舒明三等男爵官綏遠城將軍自有傳
乾隆九年雅滿泰由間散襲世管佐領二十五年補印務章京二

十七年丁父憂旋襲爵三十年補副參領四十一年遷參領四十六年補印務參領四十七年擢正白旗蒙古副都統四十八年正月授伊犁領隊大臣 諭曰雅滿泰係舒明之子朕以其尙堪造就是以派往伊犁學習辦事著傳諭伊勒圖俟雅滿泰到時畱心訓誨將來如有成就亦可得一出力之人二月 賞戴花翎十一月調庫車辦事大臣四十九年十月奏於入覲之喀什噶爾噶而納齊伯克莫羅爾咱所雇回民車內搜獲阿克蘇回民伊斯邁勒寄庫車回民馬起蛟書札經卷將馬起蛟一并拏交陝甘總督福康安處審辦 諭曰雅滿泰雖因嚴拏攜帶私函若將年班朝覲回部伯克行李一槩搜查則屬非是著傳諭海祿曉示回部伯克

等云昨將雅滿泰搜查回部伯克行李之事奏聞大皇帝蒙大皇帝降旨申斥搜查之非爾等遇年班朝覲稍攜什物進京售賣亦聽其便以此等語曉諭庶可以杜其疑再新疆地方貿易回民有如馬明心之興起邪教念經惑眾者自應搜查似此經卷皆回民習俗之經若一經搜獲卽將回部伯克頭目盡行查辦不特使回民心生疑懼亦殊非朕柔徠回部至意今雅滿泰旣將拏獲回民馬起蛟等解送福康安訊問如無別項情弊卽行發往煙瘴并著將此旨曉示年班朝覲伯克等知之十二月調往喀喇沙爾辦事五十年奏喀喇沙爾所屬額克爾齊臺東距庫穆什哈阿瑪臺二百里西距烏沙克塔勒臺八百里該處泉水不充官兵往來未便

查有喀喇赫色勒一處距額克爾齊四十里應將該臺移駐又喀喇沙爾迤東布干托克遜蘇巴什庫穆什阿哈瑪四臺各有吐魯番回人十戶駐劄前因庫穆什阿哈瑪至蘇巴什臺相隔遙遠另於二臺中阿哈爾布拉克地方添庫爾勒布古爾二城回人各五戶駐劄月支口糧俱由烏沙克塔勒倉領取往返四百餘里而庫穆什阿哈瑪臺回人口糧復踰阿哈爾布拉克路經戈壁由吐魯番支領均各不便請將庫穆什阿哈瑪臺之吐魯番十戶移駐阿哈爾布拉克其阿哈爾布拉克臺之庫爾勒布古爾五戶再增五戶并移於庫穆什阿哈瑪臺下軍機大臣議行五十一年調西藏辦事大臣五十三年七月駐藏大臣慶林奏巴勒布廓爾喀屬下

頭目蘇爾巴爾達布等擾犯邊境 上命雅滿泰赴後藏禦之復命四川總督鄂輝提督成德督兵進勦侍郎巴忠馳赴後藏偕鄂輝等查辦八月 上以所謂內地之兵離藏較遠接濟糧餉最爲緊要 敕雅滿泰發帑採買九月 諭曰巴勒布起釁因聶拉木等處第巴妄增稅課所致慶林雅滿泰平日豈無見聞卽五月中巴勒布給噶布倫等書信一事噶布倫等雖未稟明伊二人竟形同木偶乎若卽據實奏聞則刻下大兵早至何致遲誤巴勒布旣因增益稅課致起兵端如果實有其事當將擅自增稅之第巴等押解來京若致伊等先行潛逃慶林雅滿泰恐不能當此重譴至發交廓爾喀檄諭立言尤當得體今慶林等書彙中竟稱廓爾喀

爲王是果朕所封之王乎其餘錯謬之處不可枚舉此事朕爲達
賴喇嘛班禪額爾德尼及藏內人眾特發內地之兵唐古忒等理
應感激急籌糧餉乃噶布倫等竟以不能辦理爲詞慶林雅滿泰
不能剴切曉諭令其感悟再四川官兵赴藏沿路口糧俱由李世
傑處承辦慶林雅滿泰何至今始將摺稟咨行且寄信李世傑復
給以清字種種錯誤之處著嚴行申飭十月因慶林任聽薩嘉呼
圖克圖及達賴喇嘛私與巴勒布議和 詔革慶林公爵以伊犁
大臣舒濂代之 命雅滿泰協辦事務十一月奏所用米麥牲畜
等項俱由達賴喇嘛班禪額爾德尼備辦並非官爲採買 上以
既由達賴喇嘛藏內辦出自應按數給價雅滿泰乃稱未經官買

恐滋擾累 嚴旨飭責十二月成德軍抵聶拉木地方糧運不給
降雅滿泰爲頭等侍衛 敕赴後藏專辦糧務尋巴忠到藏奏去
歲廓爾喀頭目情願進表納貢慶林等以其情詞倨傲擅自駁回
諭曰凡外夷願通職貢邊疆大吏理宜據情入告卽或文詞倨傲
亦當奏請酌奪慶林等罔不上聞據此一事卽當正法慶林著革
職枷號三年雅滿泰雖到彼未久並不查參已屬非是且諸事辦
理不善著革職並拔去花翎作爲筆帖式效力行走五十四年二
月 賞二等侍衛充阿克蘇領隊大臣九月以巴勒布投誠 命
仍襲世管佐領三等男爵五十五年三月喀什噶爾辦事大臣明
亮獲薩木薩克科斂銀物之新疆回子巴喇特等八犯審明正法

雅滿泰聞明亮所寄之信卽將莫羅努爾默特等拏獲押解喀什噶爾 上嘉之擢頭等待衛五月因舒濂辦理達賴喇嘛事務不協 命雅滿泰協同辦理五十六年八月廓爾喀復侵占聶拉木地方偕駐藏大臣保泰奏聞仍 命鄂輝成德往討之雅滿泰豫籌糧餉發價採買 上嘉其妥協尋與保泰將班禪額爾德尼移駐前藏以唐古忒兵力單弱不足抵賊復議移駐內地班禪額爾德尼不從 上責其怯懦負恩 詔革職畱該處效力賊匪尋擾扎什倫布仲巴呼圖克圖率眾守廟聞信先逃 命雅滿泰拏解來京保泰聞賊欲侵前藏以江孜爲後藏要隘令雅滿泰馳赴防守十月賊屯定結等處欲內侵雅滿泰督弁兵及戴琫等分路剿

殺十一月 諭曰雅滿泰原令押解仲巴呼圖克圖進京今伊在彼令戴琫等分路勦堵尙屬稍有調度若鄂輝已遵照前旨令雅滿泰解犯進京則已如尙未起身卽畱該處差委十二月 上命將軍福康安由青海抵藏督兵五十七年正月福康安查起尋情由因上次巴忠陰許歲給西番銀元寶三百枚退回藏地後唐古忒不能如數給付廓爾喀未犯邊界之前曾寄稟保泰等懇給所許銀兩並於藏地行用廓爾喀錢保泰等徇隱不奏致生事端命將保泰枷責示眾復 諭曰雅滿泰同係駐藏大臣遇有應辦事件自應隨時具奏乃詢問保泰未經陳奏各條雅滿泰亦並未具奏且前此請將達賴喇嘛班禪額爾德尼移駐西甯泰甯一事

又係雅滿泰與保泰聯銜具奏是伊二人厥罪惟均亦著重責四十板永遠枷號四月兵部侍郎和琳赴藏督辦烏拉等事復命提雅滿泰重責之八月福康安和琳等查出廓爾喀於五十五年曾差人來藏呈進表章貢物懇求賞給俸祿地方經駐藏大臣普福駁斥雅滿泰因循不奏上命四川總督孫士毅提訊確實再責之五十八年以西藏蕨事釋回十一月命在粘竿處行走六十年授藍翎侍衛嘉慶三年賞三等侍衛充庫爾喀喇烏蘇領隊大臣七年回京八年遷二等待衛十一年賞頭等待衛赴阿克蘇辦事十三年回京在頭等待衛上行走十七年卒子台萌阿任二等待衛

右 國史館本傳

吳進義

吳進義陝西甯朔人由行伍隨振武將軍孫思克征噶爾丹有功給署守備劄付康熙四十九年揀發江南借補千總五十三年補提標右營守備累遷遊擊雍正元年遷中營參將四年遷浙江台州協副將七年調杭州協副將八年擢黃巖鎮總兵乾隆二年正月 陸見 賜鞍馬 賞戴孔雀翎疏言提鎮以下等官例有隨丁馬步名糧養贍馬原未足向俱照標營每年倒斃十分之三報銷請覈實以杜捏冒部議 從之二月調江南壽春鎮總兵四月疏言鎮標兵糧春夏例給折色但三四月青黃不接糴食價昂請酌動公糧銀採買稻麥來春照原估借給秋收繳還另行買貯接

濟兵食下部議行六月擢江南提督七年淮揚徐鳳災進義請借
給營兵餉銀來年扣還 詔如所請八年疏言太湖界連浙江漁
船奸良莫辨請照海洋例巡哨與巡撫會商每營派將備一配駕
沙唬哨船各一帶兵總巡十日更換將備有事千把總代往其支
河小汛不通內河者飭兩省陸路兵巡查則聲勢聯絡奸黨斂跡
得 旨嘉獎十一年八月調浙江提督十四年九月調福建陸路
提督十六年命仍回浙江任時溫台告歉甯紹嘉湖等府米貴倉
貯多缺進義請截漕酌補 上允之先是進義與閩浙總督喀爾
吉善訪獲傳鈔偽彙之甯波千總雷堞等奉 旨審訊提督衙門
書吏包琳仇英供彙從內衙傳出喀爾吉善劾進義隱諱 命解

任質訊進義奏辨並未見稟承審按察使德福等刑訊進義幕友
沈翼天家人高正學復供江南松江提塘陳公綬由報封發浙江
巡撫雅爾哈善劾進義曾見偽稟既不查拏於前復捏詞奏辨於
後應革職擬斬如律 上憫其年老免治罪尋 命江蘇巡撫莊
有恭提犯會鞠十八年二月有恭奏言浙江原審吳進義傳出偽
稟在十六年四月而提塘陳公綬於五月初三日以前並未發報
月日不符高正學沈翼天亦供並未見吳進義拆報見稟實由承
審各員牽合附會事下軍機大臣覆訊得實 諭曰軍機大臣審
訊陳公綬傳送偽稟一案不獨由報封發之事全屬誣枉而陳公
綬亦始終並未見稟無怪乎吳進義從前之堅不承認也浙省辦

理此案之初未免以事涉同省大員恐蹈瞻徇遂轉向吳進義追
求過於周內而吳進義於喀爾吉善等奏參之後屢摺奏辨迹似
膚受卽如武進升有檢舉孫興元稟送偽稟之奏安知吳進義未
經見稟伊屢任提鎮身受厚恩見稟之罪甚輕欺隱之罪甚重且
據該撫節次具奏又俱持之甚堅是以將伊革審殊不意其竟屬
子虛也若非陳公綬在江翻供經莊有恭奏請覆訊豈不竟成冤
獄今旣審屬無辜又豈可以已經寬宥遂不予昭雪況武進升不
過令其休致吳進義並未見稟是不但無罪亦且不應廢斥矣著
該部行文調取來京引見雅爾哈善等交部嚴加議處六月以提
督銜署直隸宣化鎮總兵十月補古北口提督十一月疏言直隸

標兵操演每名歲用火藥至八斤餘贏餘透漏出口請照浙江駐防八旗槍兵例每名准報銷三斤九兩按期覈實散給十九年四月又言臣閱河屯協馬兵弓箭生疎請將槍牌馬步兵六百八十三名內改設弓箭兵七十名備拔補馬糧均報 聞五月疏言古北口官當本銀萬兩二分收息惠濟兵丁尙存餘息請將撥息銀四千兩足成本銀萬四千以一分五釐起息除充賞外較前尙屬加多不數年成本交還兵民永霑利益 從之二十三年 諭曰吳進義年屆八旬累任節鎮宣力老成著加太子少保以示優眷二十四年疏言直隸應交出廠之馬北路提標及馬蘭宣化兩鎮尙在張家口交收南路提標及天津正定永甯各鎮在京交收查

提標馬蘭鎮距張家口均千里定例出青之馬由京至牧廠每日
支草一束各營赴張家口每馬仍日支糧銀一錢千匹日支百兩
遲交十日卽費銀千兩請嗣後提標馬蘭鎮之馬亦在京城交收
旣免往返跋涉錢糧亦不致虛糜 從之二十七年卒 諭曰吳
進義宣力戎行足膺表率以年逾大耋特加恩顧茲聞患病溘逝
深爲軫惜著贈太子太保加祭一壇應得卹典該部察例具奏尋
賜祭葬如例諡壯愨

右 國史館本傳

國朝書獻類徵初編卷二百八十七目錄

將帥二十七

馬良柱

王無黨

丁士傑

武進陞

宗室恆祿

愛隆阿

國柱

王玉廷

馬負書

李勳

額僧格

新柱

本進忠

瑚爾起

豐安

烏爾登

巴祿

三才圖會卷之六

丁

國朝耆獻類徵初編卷二百八十七

通奉大夫前署江西巡撫江西布政使司布政使湘陰李桓輯
將帥二十七

馬良柱

馬良柱原籍甘肅張掖人後入四川成都籍康熙五十四年由行
伍拔補把總五十九年從征吐魯番有功遷甯夏西協中衛千總
六十年從征額魯特打仗受傷雍正二年正月協理將軍阿爾那
檄赴插漢麥里干地方討賊獲庫勒宰僧人等八月隨安西鎮總
兵孫繼宗攻勒羅卜藏丹津抵花海子招安三十三年家台吉復於
哈馬兒打布罕噶斯地方生擒丹津渾台吉三年授藍翎侍衛

賜銀一百兩四年擢三等侍衛旋授四川提標遊擊 賞貂皮數珠等件六年 詔帶兵駐劄西藏 賞銀四百兩七年因兵丁滋事部議降一級調用 命在四川巡撫提督處聽候調遣八年六月瞻對土司不法提督黃廷桂檄良柱進剿八月分路進兵賊築石碉守之險峻不可拔良柱率兵仰攻賊槍殪所乘馬易他馬進再殪之乃步行督戰直搗賊穴石如雨傷面搏賊益力奪其碉火之連燒擦馬擦牙各寨殲賊無算側冷邦等處各番目俱降 命交部議敘十三年二月復授松潘鎮標左營遊擊五月調漳臘營遊擊乾隆六年遷越嵩營參將八年擢夔州協副將十年四月復率師剿瞻對連破直達松多等處賊寨奪碉樓七十餘座斬獲甚

眾得 旨嘉獎六月進攻下密左山梁獲賊首噶籠丹坪十一年
克下密等處一百餘寨擒賊目塔巴四交兵渡了魯河環攻三晝
夜焚燬賊巢賊首姜錯太死於火捷 聞 命交部從優議敘十
二年二月大金川逆酋莎羅奔滋事攻圍革什咱土司並劫殺明
正土司所屬之魯密章谷巡撫紀山調良柱威茂協副將駐兵防
禦三月逆酋糾合小金川土司澤旺擾沃日各寨都司馬光祖等
往援賊大至被圍於熱籠地方良柱率輕騎馳至與賊戰於巴納
山奮勇擊殺賊眾披靡逆酋退保各卡守禦甚堅官兵四面攻擊
克石卡二百二十三馬光祖等出應之番眾潰散圍解招降賊澤
旺並納還所侵沃日三寨 諭曰威茂協副將馬良柱前在瞻對

軍營曾著勞績今又隨征金川頗能奮勇出力著補授重慶鎮總兵六月復孫克宗官寨七月攻稗斗寨賊伏兵松林良柱擊卻之進兵江卡連戰皆捷克大小寨礮一百餘座分路追剿賊震懾陸續就撫者二十餘寨進擊丹噶山復大克之良柱以撒籠等寨近在丹噶山右必須攻撫收爲我用因分兵進取焚撒籠等七寨噶固等寨先後降賊守石達大礮良柱冒雨進攻數十戰賊乘夜撲營良柱設伏待之痛加勦殺賊兵殲焉九月馬邦地方業經就撫之夷目思錯因總兵許應虎撫馭失宜復行滋擾圍應虎於的交良柱帶兵援之擊退賊眾十月賊入戎布寨良柱攻之未下十一月賊復犯馬邦副將張興被圍良柱欲移戎布之兵往援屢請於

總督張廣泗不許張興之師遂陷十三年正月賊復侵噶固守兵
叛從賊奪參將郎建業卡倫七處良柱督兵往援奮勇力戰賊不
稍卻時大雪二十餘日良柱軍乏糧賁食鎧弩力遂不支張廣泗
檄令退師良柱倉卒移營致軍裝厯位多有遺失廣泗劾之 命
解京治罪經軍機大臣訊明乏糧失厯緣由 上免其拘禁 命
在香山營教演雲梯 親臨觀之復以舞鞭稱 旨 賞大緞荷
囊 諭曰馬良柱雖經獲罪朕看其人材與庸懦無能者有閒在
綠營將弁中猶爲強幹之員伊獲罪情節尙可原宥且在川年久
於番地情形頗爲熟悉著仍發往金川軍營交經略大學士訥親
總督張廣泗酌量以副將參將等官委用俾效力贖罪十一月補

泰甯協副將十四年正月大學士傅恆來督師檄良柱攻昔嶺克之酋懼乞降傅恆遣良柱親往諭之以十餘騎入賊營宣揚德意番眾驚服二月大金川土司莎羅奔降番地悉平 諭曰副將馬良柱前在總兵任內進勦金川已有克捷因張廣泗忌其成功按兵不給更加參劾經軍機大臣等奉旨審明復令赴軍營效力馬良柱素著威名番眾畏懼此番隨征頗爲出力經經略大學士忠勇公傅恆奏明馬良柱著補授建昌鎮總兵賞戴花翎以示獎勵七月丁母憂十五年 命來京引見 諭曰原任總兵馬良柱服雖未滿業已逾年著畱京教習雲梯營兵丁俟有總兵缺出令其署理先是良柱在建昌總兵任內曾請入籍四川至是 允行十

六年服闋授四川松潘鎮總兵時雜谷土司蒼旺不法偕提督岳
鍾琪討平之尋以年老乞休二十七年卒子應詔官直隸河間協
副將孫瑜官至江南提督

右 國史館本傳

國朝書目類編卷之三十一

王無黨

王無黨直隸萬全人康熙五十一年武進士授藍翎侍衛五十九年授廣西梧州協中軍都司雍正元年遷雲南開化鎮標右營遊擊六年調中營七年遷東州營參將九年協勦烏蒙餘孽議敘功加二等十年四月遷廣西梧州協副將十一月援勦貴州台拱九股叛苗由清江左路與中右兩路兵會勦南工交上烏覺交烏羅番招蓮花屯一帶賊巢事竣還營十二年擢左江鎮總兵十三年四月九股苗復叛無黨馳抵古州分兵赴八寨督勦又清理入弓邛水一帶十二月經略張廣泗檄無黨分攻台拱之大台雄克之及交上等三十餘寨擒逆首巴利等尋會收牛皮大箐敘功紀錄

一次乾隆元年五月署貴州提督隨廣泗勦撫上下九股各處餘孽二年二月實授貴州提督閏九月疏陳黔省急務四事一黔地瘠產米少下游可運楚米上游並無水道積貯最要米穀外請並收蕎麥再動帑廣常平倉貯貴糶賤糶以濟民食一城垣殘缺者宜修全無者宜築責成地方官迅辦保固一墩臺塘房請立限修整文武離任時入於交代一川販掠賣人口有夥黨拒捕者請嚴定地方文武失察故縱處分下部議行三年同廣泗奏定番州屬有姑盧寨苗恃險強橫臣等量遣官兵撲滅其地在都勻定番界苗狎環處從未見兵威與其兵少而稽遲不若兵多而迅速酌撥漢土官兵三千餘分路燬逆寨搜深箐擒首惡老排旬餘軍務全

竣 諭曰姑盧頑苗雖屬小醜然不速行撲滅恐爲附近居民之
累張廣泗王無黨辦理妥協可嘉著交部議敘尋議加一級四年
陞見 賞孔雀翎六年四月調湖廣提督時貴州黑崗頑苗滋事
大學士伯鄂爾泰以無黨在黔年久熟悉苗情奏明畱辦軍務十
二月赴新任八年 諭曰朕聞湖廣營伍甚屬廢弛提督總理通
省軍務操練修整是其專責王無黨到任已及二年全無整理亦
未將營伍情形奏聞殊屬不合著交部察議尋議革職得 旨從
寬畱任九年疏言荆門營守備於康熙二十八年移駐沔陽新隄
查緝江湖竊盜十二年又增撥水師把總一員近來宵小潛蹤無
需守備防範且距本營水程七百五十里陸路八百餘里鞭長莫

國朝三才傳卷之二十一
及請撤回其千總仍帶原兵駐防報 聞十二年疏言湖南候補
千總之武舉缺少人多請將年力才技漸就衰退者報部註冊部
議 從之十三年二月以徇庇提標兵乘民人失火拾衣物部議
請革職 命調取來京引見十四年補湖南沅州協副將十七年
遷雲南楚姚鎮總兵十八年署提督十九年擢鑾儀衛鑾儀使二
十年授福建漳州鎮總兵二十四年遷浙江提督二十七年以目
疾解任回籍調理二十八年卒 賜祭葬如例諡壯愨

右 國史館本傳

丁士傑

丁士傑順天大興人康熙五十二年一甲二名武進士授二等待衛旋遷直隸獨石口參將洊擢正定協副將雍正二年升貴州大定鎮總兵四年擢福建提督五年緣事革職乾隆元年起授直隸大名協副將四年升河南河北鎮總兵五年正月奏言豫省劫案獨多臣備訪其故緣前督臣田文鏡遇有劫截勒令諱匿不報以致盜賊肆猖雖竊取糧食升斗莫不明火執仗形同劫盜以冀漏網年來各撫臣嚴禁諱匿無論竊劫俱令通報故積案纍纍所當於巨鎮大市嚴立保甲密加巡防以銷盜於未萌將來凡有應行事件當按起咨商撫臣和衷共濟使地方營伍均有裨益得旨

所見頗是與撫臣和衷實力行之朕將徐觀其效二月奏言豫省兵丁技藝生疎蓋由各營中有從前出師一等兵丁四十名遇有把總外委缺例應拔補但伊等本係車騎營步兵弓馬未嫻而儘數補用則眾兵悉無冀望未免怠不知奮勵後應請於各營中挑選材藝俱優者與出師一等兵丁參酌撥補庶幾人知策勵上可其奏下部議行五月奏整頓營伍教習弓馬緝捕奸匪借給米穀各事宜諭以實力奉行以期永遠無弊七月調浙江處州鎮總兵六年三月奏言處州地僻民貧各兵技藝未精亦以謀食故分其手足未便驟加督責應漸次整飭以期有成上是之七月調廣西左江鎮總兵七年奏鎮屬土司閒有不法生事者一由該

管官弁縱役騷擾一由怠弛長奸更有內地漢奸勾通所致見飭各汛營弁力除積習安輯邊圉 上是之八年七月調直隸宣化鎮總兵十月擢貴州提督九年 諭總督張廣泗曰丁士傑不患其不及但患其過當一切事宜勸勉訓飭之將來或可望其爲成材耳十年二月歸化營屬那魯寨縱火燬寨士傑督兵往捕阿祥等眾負嶠士傑分飭員弁統兵合剿次第就擒奏入得 旨嘉獎十四年六月尙書舒赫德奉 命至黔按驗軍伍以古州地有瘴氣欲將所轄營協調赴都勻士傑以其地屬苗藪要區且其性多疑不可不慮奏止之十八年奏黔省水草惡劣馬匹易致倒斃而例價不敷買補丁役苦之請援照滇省定例通融買補下軍機大

臣議行十八年士傑致書巡撫定長欲以普安令馬中驥調補普定定長據實劾奏 上以其越職干與命來京候旨十九年四月降補廣西左江鎮總兵士傑之在黔也營馬倒斃不令四營領價買補以其銀交中軍參將李見祥收存營馬缺額延至數月始行買補如報銷稍昂復行駁減以所餘之項名爲朋銀如是者七八年朋銀積至萬兩士傑與歷任中軍均有濫銷至是署總督愛必達新任總督碩色提督宋愛先後奏參六月 諭曰丁士傑前於馬中驥案內越俎行私來京後面奏爲地方起見朕以其情尙可原將伊降補迨李見祥一案該署督以扶同侵隱奏參朕猶以失察之咎或出無心今碩色宋愛等同日奏到丁士傑侵剋草豆銀

兩私用存公款項則前此奏對盡屬矯飾大員營私狡詐豈可姑
容著卽革職二十六年恭遇 孝聖憲皇后七旬萬壽慶典 賞
總兵銜二十九年故

右 國史館本傳

武進陞

武進陞江南江甯人初冒姓張由行伍署浙江瑞安右營把總康熙六十年檄赴福建從征臺灣賊朱一貴雍正二年四月補温州鎮標中營千總九月擢守備三年閩浙總督滿保疏薦引見授三等侍衛在怡親王處行走四年正月授江甯遊擊四月復姓武九年擢甯國營參將旋署江南提督中營副將十年授福建漳州鎮總兵十三年改復山西甯鄉原籍乾隆元年調廣東瓊州鎮總兵三年五月奏瓊州民常至安南國貿易私誘番仔男女至內地販賣應飭地方禁止廷議從之七年擢廣東提督尋調福建九年舉發漳州總兵雷澤遠尋革職十一年奏言提標五營軍裝器

械馬匹以及兵丁技藝在在廢弛舊存馬價僅二十兩查由進摺盤費及應酬等事開銷竊以馬價係購備馬匹公項有餘亦應留備今逐一整理其馬價及皮臟銀俱交中營管理除每年補購馬外不得私用並移行各鎮營凡馬價俱實數報聞自八年三月至上年十二月五營業存馬價皮臟銀四千一百三十七兩有零提標五營每年赴口買馬俱如期到營照數補足且各有贏餘甲械帳房以次修整閩省不諳騎射惟於馬上發一矢了事而出馬收馬從不講習其步箭所用弓至四力而止且不成架式前於漳州總兵任內曾令其演習俱漸次能用硬弓因諭標營守戰兵內曾有諳弓馬者先爲朝夕講求俾其轉相教導將備時時督率近來

弓力漸增自八力至十一二力者每百名內俱不下五六十最軟弱者亦用五六七力馬兵出馬收馬較前亦覺改觀疏入 諭曰如此畱心查辦方不負朕任使之意然亦不可欲速而尤貴乎爲之以實而要之以久也十三年六月密奏督臣喀爾吉善外似和平心實剛愎莅任初令臣密訪水師提督張天駿營伍臣辭以水師非所轄督臣正言厲色必令訪查及查出水師陋規告之督臣並不飭查禁革見今督臣與張天駿兩相契合又臣飭查漳州營馬價銀兩漳州鎮馬負書係督臣舊屬巧爲徇私令臣無地自容至於地方有應查辦事件督臣先予手札使臣不敢先言迨查辦已定始令畫一具奏以致臣奏摺後期偶有臣摺奏先到者督臣

自將齎摺人責革是其不欲臣先行具奏之意已屬顯然提督爲武職大員臣之利害得失無足重輕恐於公事有關又奏喀爾吉善精神衰憊遇事遷就以示地方安靖凡有認真窮究者則厭爲多事且其步履亦難爲官閱操俱用眼鏡 諭曰提督爲武弁統屬大員遇事應奏卽奏固不必有意爭先亦不必視督臣爲先後豈有專徇督臣意指督臣不悅卽不敢先奏之理至會奏自有定制卽總督不會何妨自行敷奏又何不敢之有水師營伍原與武進陞有涉如有關體制不便代查卽督臣盛氣相加又豈可稍爲遷就乃旣代爲訪查以示督臣交好而復以此爲督臣之咎此明係張天駿馬負書與伊不協而督臣待張天駿等稍厚伊心懷疑

忌且先有訪查之形恐眾心歸怨故爲此奏其言語支離尤爲乖
謬夫人臣共事封疆惟秉正持公不存成見則同寮不必有心求
合而自無不合若存一私心交好之意而暗中復多疑忌思欲先
發制人或因辦公遲誤思欲飾非諉過此等存心傾詐逞其伎倆
安能逃朕洞鑒至喀爾吉善短視乃人所共知又豈待密奏如果
精神衰憊步履艱難喀爾吉善又何敢不自行奏聞督臣賢否豈
一提督所能知武進陞乃敢喋喋陳奏殊屬狂率著嚴行申飭十
四年四月喀爾吉善奏提標後營兵夥賊行竊營弁州縣申通開
脫經札商會劾而進陞僅以營弁失察先疏題參明係瞻徇 諭
曰總督之與提督官階攸殊且有統轄之分武進陞不能安分瞻

徇屬員且有齟齬大屬不合著降補狼山鎮總兵進陞旋具摺謝上曰汝無他過只此好勝多事之過耳故降用以示薄懲若不知改或卽委靡而一切姑息皆不可也十月仍授江南提督十一月奏請入籍江甯從之十七年以年力衰邁休致十八年命署陝西延安鎮總兵十九年三月補甘肅提督四月調浙江二十二年年仍以原官休致二十七年正月復授甘肅提督十二月再調浙江三十年閏二月諭曰浙江提督武進陞久歷提鎮年登大耋伊子思壽著加恩賞給一品廕生以昭優眷進陞旋卒諭曰武進陞歷任提鎮宣力有年今聞患病溘逝殊堪軫惻所有應得卹典該部察例具奏尋賜祭葬加例諡良毅

右 國史館本傳

國史館本傳

卷三十一 將帥一十七

三

同治丁丑歲庚子年
卷一百一十一
三

宗室恆祿

宗室輔國公恆祿簡儀親王姪也素稟王之庭訓故以廉潔著其任吉林將軍時俸餉外豪無霑染嘗危坐小閣中將每歲出入之帳簿手錄封之人問之曰待籍沒時以爲證也故當時人皆畏法地產濫甚旺無敢私販之者 國家每歲增銷數千票遼兵兵餉賴以接濟初不轉運太府財也有當事者索貂褂數衣公售其遼東舊產以償之初不索諸商賈其清勵也若此

右錄宗室昭棟撰

同治元年八月二十三日

四

--	--	--	--	--	--	--	--	--	--

愛隆阿

愛隆阿滿洲正黃旗人姓覺爾察由前鋒校歷遷侍衛乾隆十七年授正黃旗護軍參領二十年擢黑龍江左翼齊齊哈爾副都統尋調伯都訥副都統二十一年授領隊大臣赴巴里坤軍營二十二年五月偕參贊大臣富德追擒叛賊巴雅爾至愛登蘇遇哈薩克阿布賚部眾突出與戰數次哈薩克既歸附 予議敘八月自巴爾楚克至濟爾哈朗接續臺站搜剿賊於沙喇博和什嶺遇都爾伯特納木奇游牧乞降旋遁去愛隆阿追及殺千餘人納木奇遂納款九月收厄魯特宰桑烏魯木游牧百餘戶於察罕烏蘇十月大兵撤回濟爾哈朗 命愛隆阿辦理軍務尋駐守濟爾哈朗

巴里坤適中地十二月領兵策應阿里袞追剿沙喇斯等賊二十三年正月隨靖逆將軍雅爾哈善進討波羅尼都霍集占先是愛登蘇之戰侍衛奇撤布陣亡至是愛隆阿呈稱前擒巴雅爾與哈薩克對陣奪回奇撤布屍富德未奏定邊將軍兆惠奏言臣等查詢富德從前愛隆阿原報並無奪回奇撤布屍語至擒獲巴雅爾時其領隊行走之處業已聲明蒙 恩交部議敘愛隆阿顯係爭功請嚴議 諭曰愛隆阿貪功訐告理應從重治罪但伊此次行走尙爲出力加恩免其治罪所有議敘卽著停止又 諭曰愛隆阿以羅卜藏多爾濟晉封王爵伊但邀議敘心懷不足殊不思羅卜藏多爾濟係蒙古台吉愛隆阿何可相比今但停止議敘已屬

加恩前令其在雅爾哈善隊內行走此次進兵當知立功自贖若不奮勉效力必將伊從重治罪斷不寬宥六月大兵圍庫車城賊來援愛隆阿等與戰於戈壁勦殺甚眾霍集占親率賊赴救愛隆阿等率吉林及索倫兵追敗之於鄂根河殺溺死者無算 御製回纥詩有是時實賴愛隆阿率千騎至皆奇男橫衝截入亂徊陣斬將獲醜如囊探之句十月隨將軍兆惠至葉爾羌城率左翼後隊兵與霍集占賊眾接戰時靖逆將軍納木扎爾將至葉爾羌愛隆阿領兵截哈世噶爾路來援並巡查臺站至托罕塔罕遇賊勦殺百人十月授參贊大臣與定邊右副將軍富德策應兆惠二十四年正月率右翼兵敗賊於呼爾瑞及葉爾羌河與兆惠合二月

駐烏什兼防喀什噶爾三月仍在領隊大臣上行走閏六月兆惠
奏言愛隆阿在軍營頗效力前議敘明瑞等遺漏未及得 旨補
行議敘尋給雲騎尉世職八月隨富德追剿霍集占於西洱庫爾
淖爾十一月巡查臺站值瑪呼斯賓巴等賊謀劫察罕烏蘇臺站
愛隆阿領兵追襲剿獲殆盡事 聞 諭曰愛隆阿一聞瑪呼斯
餘孽欲行搶掠卽領兵進剿賊眾此次奮勉更非尋常可比蓋大
功旣成此等逸賊並未責伊專辦卽使脫逃伊亦不至獲咎乃聞
信卽行俾逆黨不致漏網而臺站得以無虞可謂急公任事大臣
官員等果能如此存心何功不就從前賞伊雲騎尉世職著加恩
賞給騎都尉二十五年凱旋授正白旗護軍統領兼鑲白旗蒙古

副都統二十六年 命圖形紫光閣 御製贊曰將門傑種拍張
撫髀受將軍檄力戰全歸整師再進賈勇陷堅弟巴靈阿盡節軀
捐二十七年敘平定準噶爾回部功授一等輕車都尉兼一雲騎
尉世職十一月授伊犁參贊大臣三十一年卒子佛爾卿額襲世
職見官二等待衛巴靈阿由親軍校洊授三等待衛乾隆二十一
年三月遷二等待衛授察哈爾總管三十二年二月給坤都爾巴
圖魯號 命赴巴里坤軍營尋授領隊大臣八月在博羅齊搜剿
厄魯特賊眾遇伏戰歿 賜卹如例給雲騎尉世職儒臣擬贊曰
見賊輒怒如刺必拔戰博羅齊矢石交戛奮身揮突竟殞賊中旣
斃叛首祭以報忠子永安襲職官貴州遊擊

右 國史館本傳

國柱

國柱博爾濟吉特氏滿洲鑲黃旗人高祖古爾布什以入山海關
擊敗流賊有功晉一等子爵自有傳雍正八年國柱承襲勳舊佐
領乾隆六年授鑾儀衛整儀尉十年升副護軍參領十三年調前
鋒侍衛大金川逆酋莎羅奔煽亂經略訥親總督張廣泗剿賊無
功上命協辦大學士傅恆暫署川陝總督經略軍務國柱隸焉
累戰有功十四年升護軍參領十五年調健銳營前鋒參領二十
年準噶爾滋擾隨傅恆往剿在事出力升陝西靖遠協副將二十
三年葉爾羌喀什噶爾不靖隨定邊將軍兆惠往討回疆平國柱
畱駐喀什噶爾二十五年管解伯得爾噶他拉沁回人赴甘肅差

竣回抵阿克蘇參贊大臣舒赫德畱於阿克蘇駐劄以收復喀什噶爾等城功下部議敘二十六年因獲小和卓木霍集占尸首下部優敘六月奉派築伊犁城事竣經陝甘總督楊應琚上其功二十八年升馬蘭鎮總兵三十二年二月丁父憂時雲南緬甸卽莽子滋事上命陝甘總督楊應琚爲雲貴總督前往勦辦諭曰國柱原係健銳營翼長卽派伊帶領健銳營頭隊官兵前往雲南軍營遇有總兵缺出酌量補授尋賞戴花翎補雲南楚雄鎮總兵十月卒於軍營諭曰總兵國柱前往雲南出兵病故著照福靈安一體加恩尋賜祭葬曾孫裕榮承襲勳舊佐領

右 國史館本傳

王玉廷

王玉廷甘肅武威人由行伍赴西路軍營隨征準噶爾拔補把總乾隆元年敘功列一等以應升之缺卽用二年授千總十一年遷甘肅瓜州營守備十七年遷浙江處州鎮標右營遊擊玉廷以祖母老病援例呈請畱陝候補部議從之十八年補安西提標後營遊擊二十年大軍勦達瓦齊玉廷解送駝馬及茶尋率安西兵千赴軍營聽調二十一年偕侍衛圖倫楚特納格爾援定邊右副將軍兆惠二十二年管理土魯番闢展屯田二十三年四月以兵二百隨副都統阿里衮搜勦沙喇斯瑪呼斯賊並招降羅卜淖爾回眾五月隨靖逆將軍雅爾哈善圍庫車與賊鏖戰被創八月擢

平羅營參將會克庫車雅爾哈善令玉廷領兵駐守二十四年隨將軍兆惠進攻喀什噶爾 諭曰王玉廷上年在庫車攻戰得傷頗著勞績著加恩補授波羅協副將二十七年正月署延綏鎮總兵十一月擢興漢鎮總兵三十一年 陛見 賜戴孔雀翎三十二年三月調雲南臨元鎮總兵隨將軍公明瑞征緬甸十一月擊敗賊眾於旱塔進攻老官屯賊據木城拒守玉廷親發礮乘霧督攻中槍傷股戰益力賊敗匿不出十二月復往督戰創發卒事聞 諭照陣亡例議卹又 諭曰王玉廷向在西路軍營著有勞績今復效力戎行因傷殞命非尋常出力者可比朕心深爲憫惻著加恩照高天喜之例賞給伊子世職尋 賜祭葬如例諡勤義

入祀昭忠祠又與陣亡都統扎拉豐阿護軍統領觀音保總兵李
全從祀明瑞旌勇祠尋子騎都尉又一雲騎尉世職子威甯襲
見任四川川北鎮標左營遊擊

右 國史館本傳

--	--	--	--	--	--	--	--	--	--

馬負書

馬負書漢軍鑲黃旗人乾隆元年一甲一名武進士授頭等侍衛五年授山東萊州營參將七年遷膠州營副將十一年擢登州鎮總兵十二年調福建漳州鎮總兵奏言漳州惡習舊有一種闖棍結黨橫行欺陵良善平日皆勢惡土豪養爲牙爪一經有犯地方官按其情罪予以枷責而豪惡之徒暗資其飲食費用迨枷滿釋放並無忌憚請嗣後必究出養奸之人一體懲辦上以漳俗素來強悍如此辦理是否能化其舊染惡習抑更有應行整飭之處命閩浙總督喀爾吉善畱心體察設法懲治十六年正月調廣東瓊州鎮總兵尋命仍畱原任七月調金門鎮總兵八月調臺灣

鎮總兵十月調狼山鎮總兵十七年二月福建巡撫潘思榘以臺灣彰化縣兇番滋擾負書前在該處巡查其作何辦理之處未據札聞奏入 上以負書退縮畏避嚴飭之五月丁憂回旗九月署古北口提督十八年五月奏營制演習陣法皆豫爲布置無濟實用應令於秋冬收穫後在野地成列爲仰攻旁擊之勢分合進退以金鼓爲節牌兵捍衛槍兵槍住則牌兵奮擊馬兵衝壓聞金各還原伍至常月教場演習仍依營制得 旨允行十月署福建陸路提督十九年服闋實授二十二年奏安南番船飄泊永甯汎地見撥弁兵守候兼飭有司將船上軍械暫貯縣庫俟回國之日給還 諭曰外番船隻往來海洋所帶防船軍械等物本不足異飄

泊收口時撥兵照看尙屬事理應爾乃必將船上軍械收取貯庫此不過慮其生事耳不知彼若生事獨不可於查收之前乎是誠婦孺之見甚屬非理嗣後槩停查收三十二年卒 予祭葬諡昭毅

右 國史館本傳

李勳

李勳貴州鎮遠人由行伍隨勦謬衝花苗拔把總尋授千總雍正十二年遷古州鎮標右營守備十三年台拱九股生苗不法勦隨副將軍董芳由清江進攻燬賊寨力戰被創尋隨經略張廣泗勦羊弔洞里羊色等處並會勦牛皮大箐均在事有功乾隆二年調郎洞營守備三年遷荔波營遊擊十二年遷雲南元江營參將十四年調撫標中軍參將十五年遷湖北施南協副將十七年擢福建汀州鎮總兵二十四年調貴州古州鎮二十五年擢湖廣提督三十三年三月疏言辰州協自雍正七年設副將一都司一守備二駐府城控制土苗數十年來苗民久稱恭順接壤沅州鎮篁永

順常德寶慶雖係次要苗疆實與內地無異除右營守備見分駐辰溪外請裁左營守備部議從之時緬匪肆擾調勦雲南提督四月奏由普洱親往孟艮查拏逆酋召散等諭曰所奏頗中事機勉爲之但汝年老若外域瘴氣稍重不妨回師卽在普洱督理一切六月奏由普洱馳赴孟艮率總兵劉德成華封等清查舊堡寨防要隘擒獲召散之兄召猛養及其孥並召猛至召猛珍等沿邊夷民投誠俱安置得所報聞先是御史周於禮奏湖廣江西及雲南流民因開礦失業多竄孟艮附緬匪命勦查奏八月奏再四訪查實無漢奸蹤跡奉旨申飭於禮命勦回駐普洱勦旋卒於途諭曰雲南提督李勳歷任提鎮宣力有年今春因查

辦緬匪一事調任滇省卽親赴孟良等處督率追剿不辭勞瘁辦理頗合機宜朕特念其年逾七旬降旨令回駐普洱茲據奏中途病故殊深軫惜著加恩贈太子太保加祭一壇應得卹典該部察例具奏尋 賜祭葬如例諡莊毅十一月 諭曰前因已故提督李勳辦事出力曾傳旨楊應琚詢其有無子嗣曾否出仕今據奏有子李逢堯見年十四並未隨任著傳諭該督俟其年至十八卽送部引 見四十年逢堯赴部引 見奉 旨交巡捕營以千總用

右 國史館本傳

李勳貴州鎮遠人乾隆二十五年任湖廣提督前營校場舊在武

陵縣學後每操演震撼不甯勳至立飭遷建後營原場併歸學地
二十六年常德大水知縣出常平穀平糶饑民洶洶填塞衙署勳
令設局四處給票投倉按日發給終事無譁二十九年復饑勳自
捐俸振卹全活甚眾調雲南征緬甸卒湖廣軍民哀之爲設奠遷
祭

石傳李元度撰

額僧格

額僧格滿洲鑲藍旗人西安將軍尼雅哈之孫郎中額爾奇之子由護軍於康熙五十七年補護軍校雍正三年襲佐領十年管本旗左司事乾隆元年襲曾祖倭和納軍功所得雲騎尉三年授副參領九年授山西老營堡參將十四年調山西撫標參將十五年遷四川督標中軍副將十八年二月擢山西大同鎮總兵九月勦四川雜谷軍功議敘加一級紀錄二次二十年十二月因買補營馬由臺站馳奏得旨朕令陝甘山西各督撫提鎮將買補缺額營馬每月奏聞祇欲伊等上緊購辦隨時奏聞但非緊急軍務刻不可緩者比原可照例齎奏不必擅動驛馬乃大同鎮總兵額僧

格奏買補營馬一摺由臺站馳遞殊屬不知緩急著該部行文各督撫提鎮嗣後此等奏報仍令自行遣人齎奏不得擅由臺站驛遞二十三年四月召見賞戴孔雀翎六月署甘肅提督二十四年十二月因辦解馬匹議敘隨帶軍功加一級二十五年七月署固原提督二十六年二月奏稱陝甘兩省兵有前在軍營暨屯防處隔營挑補因所補糧缺距籍遙遠改補本營查例載綠營辭退兵內復挑補名糧者卽作爲新兵所食錢糧年分俱不合算遇升用挑選不准列名臣伏思效力戎行官兵皆蒙皇上軫念無不沛施鴻恩今陝甘兩省出師兵丁隔營挑補者甚多若於改補後作爲新兵遇升缺出不准列名挑選從前出力之處俱爲湮

沒甚非 皇上軫念戎行之至意仰懇 皇上天恩凡軍前效力
兵丁如有隔營挑補不能遠離願調本營者卽以本營兵缺坐補
仍將原食錢糧年分效力行走之處造入冊內遇有自軍營隔營
挑補之兵亦照此辦理得 旨准行二十八年六月 命駐哈什
哈爾辦事三十年二月烏什逆回滋事額僧格率兵從伊犁將軍
明瑞進剿八月賊平三十一年五月授甯夏將軍三十二年調補
杭州將軍三十三年九月卒

右 國史館本傳

國朝通志卷之七十五

新柱

新柱滿洲鑲黃旗人姓富察康熙四十六年襲其祖羅多理所遺騎都尉世職六十一年補藍翎侍衛洊授頭等侍衛乾隆四年授鄭家莊城守尉五年授鑲白旗滿洲副都統六年遷都統八年擢福州將軍十一年疏言臺灣南北洪波有小船不從汛地出口由小港私運米穀至內地又廈門往臺有橫洋船並無貨物舵水人等額配過多往往賄兵頂冒私渡應整飭以清積弊又言閩俗剽悍民間私藏鳥槍見經漳浦縣設法勸繳已五百餘桿請通行全省均下廷臣議行十二年七月疏言前任撫臣周學健據福州福甯二府紳士呈請開墾上下算塘各島一案見有督撫委員勘丈

臣聞算塘等十島僅丈得水旱田三十三頃與原報萬一千六百畝之數太懸殊量田認墾者駕詞聳聽意不在山而在海海洋之利名色種種如白水者可採捕魚鮮海島左右水深處也網地者水淺處張網以待潮涌魚至潮落而取也魚廡則就山腳巉石開鑿成圈潮來魚入潮去魚畱所也紫菜磧乃山腳下燒取紫菜地也此皆海利大者向無專主沿海貧民輸納漁課於各島附近分收其利與其使紳衿富戶壟斷不若仍公諸貧民俾資衣食上是之嗣經總督喀爾吉善巡撫陳大受覆奏如新柱言事遂停止九月疏言海關零稅向准銀錢兩收乾隆五年奏禁用錢近交易用錢者多小本經商易銀納稅啟包攬需索之弊海船因設措停

畱恐誤潮汛至濱海小口如白石司沙埕等處城市遙遠無處易銀更屬不便請嗣後零星納稅銀錢聽商便并酌中定價不使滋弊得旨俞允十四年正月署湖廣總督三月疏言楚省素稱澤國民閒田廬全賴隄塍保障荊州屬之江陵松滋公安石首監利武昌屬之嘉魚江夏等縣俱有隄隄外有護灘自十數丈至百餘丈不等遇漲不致屢潰襄陽府城外老龍石隄關係城池當不時修築安陸府屬之鍾祥京山潛江天門漢陽府屬之沔陽漢川等州縣俱濱漢水有隄而無外灘且土性不堅遇漲輒潰荆門州屬之河洋大隄地當頂衝隄內田廬與潛江沔陽及荊州屬之江陵監利等縣交錯設有疏虞俱不可保查老龍隄石工上年動帑

同治元年庚子春不為
興修見在穩固河洋廖家窪外隄坍塌難修內挽月隄宜速修務
令隄腳上窄下寬隄身再加高厚此皆官修之隄工也其各州縣
隄工向皆民修惟令地方官勸諭業民於歲修時攤費存公備用
或是歲無需動工仍畱存下屆儻一時工大民力不勝官借穀幫
補食用於收成時還項奏入報 聞四月 命同尙書舒赫德往
雲南查勘金沙江工程十二月調吉林將軍十五年仍調福州將
軍奏言旗員駐閩年久清書清語日就生疏所立官學難資教導
請發精通緡譯筆帖式一人來閩專司教習俟有成效另請議敘
從之十六年署兩廣總督十七年回福州任十九年七月同總督
喀爾吉善遵 旨議奏駐防漢軍出旗爲民及轉補綠營以京城

滿洲兵往補甲缺各事宜一情願爲民之漢軍聽指定所往省分
呈明入籍一仍願食糧者分派綠營補缺一漢軍儘馬甲先補綠
營一半以便滿洲兵坐補一漢軍原住房屋應畱給滿洲兵官房
外有自蓋者給還屋價一漢軍水師甲兵暫畱令滿洲兵學習熟
諳後再改補別處一京城滿洲兵分次陸路進閩以免壅滯又奏
駐防旣換請挑在京滿洲官帶兵前來每兵百派防禦一驍騎校
一兵三百派參領一兵五百派協領一與漢軍人員交代至見在
漢軍各員逐加考驗其強壯可用者候送部引 見改用綠旗營
員經軍機大臣議行二十四年丁憂回旗尋補鑲藍旗蒙古都統
二十五年命往葉爾羌辦事二十六年奏言和闐回人所交乾

隆二十四五等年糧石除官兵支領外照時價糶仍有萬餘石存倉據阿奇木伯克阿什默特等呈稱每年交正項普爾二萬四千騰格每月復以普爾三千騰格換易新錢故官糧難售若准以紬布牲隻及所屬克勒底雅每年入貢餘金作價願認糶糧石一千八百帕特瑪查回人紬布較糧石頗賤牲隻價雖稍昂仍減於內地辦送金亦通行之物且伊犁布價甚貴若由臺站轉運於兵丁衣服有益得旨如所請行又言葉爾羌鑄錢一年共得八萬餘騰格阿克蘇又開局鼓鑄與舊普爾參雜行使回人貧富遠近不同不能全收舊錢以足十萬騰格之數查新舊錢參雜自可流通若新錢鑄至十萬騰格時舊錢收盡自當停鑄若舊錢尙有則仍

行增鑄以盡收舊錢爲度每月不限定數至錢局所鑄無多工役
量減一半以節糜費 從之先是巴達克山與博洛爾部接壤屢
覺劫掠至二十八年新柱奏言臣等前遣伯克薩里等往巴達克
山諭索所掠齊特喇爾戶口什物素勒坦沙卽懷遵約束將伊弟
沙卜多爾噶達爾撤回該地方戶口什物派伊所屬伯克等逐一
交還博洛爾得 旨新柱辦理妥協著交部議敘是年回京授理
藩院尙書兼鑲紅旗漢軍都統二十九年授西安將軍三十年仍
任理藩院尙書兼正紅旗蒙古都統三十二年署理熱河副都統
尋授盛京將軍三十三年卒 賜祭葬諡勤肅

右 國史館本傳

四庫全書
卷一百一十一

三

本進忠

本進忠甘肅西甯人初頂馬兵張元吉名糧雍正五年拔補把總復姓名九年五月隨揚武將軍張廣泗援吐魯番駐防魯克沁七月準噶爾賊來侵從大兵邀擊於北山坡進忠生擒賊七復追戰於哈喇和卓敗之十年擢慶陽營千總十三年以副將彭端節借用公項未行稟阻革職仍隨營效力乾隆元年復補把總十一年擢千總十三年正月檄赴金川軍營五月從勦賊於囊得山梁七月署右營守備閏七月攻賊礮先登奪蠻矛背受石傷八月隨征普沾礮擲火彈入礮焚賊礮十三得木城一進戰於樂利噶爾陡克射殪賊番一九月復攻礮右股中槍傷經略訥親總督張廣泗

敘其前後戰功奏補威茂協右營都司十四年引見恩賞大
緞一回任十七年四月補給二等傷銀二十五兩六月雜谷土司
蒼旺構逆提督岳鍾琪檄進忠進勦奪大銅廠一斬賊番數十生
擒二十五七月遷松潘鎮營遊擊招撫茶堡番民二千餘名旋從
岳鍾琪由角木角溝抵賊巢生擒蒼旺議敘軍功一等十八年四
月赴後藏巡卡倫九月駐藏大臣兆惠等以其人材健壯奏留駐
藏二十一年期滿換班總督黃廷桂疏薦進忠諳練營務熟悉邊
情二十二年四月擢綏甯營參將十月調漳臘營參將二十三年
八月丁母憂請假回籍理喪二十四年署泰甯協副將二十九年
十月遷永甯協副將三十二年七月自請赴雲南軍營隨征緬匪

十二月進兵蠻結攻克木卡十六射殲賊三額受槍傷翌日仍裹
創出戰三十三年正月將軍公明亮以 聞 詔賞戴花翎給法
式善巴圖魯名號賚銀一百兩擢臨元鎮總兵明瑞奏令率雲南
兵千餘駐龍陵關候調遣五月 諭曰雲南臨元鎮總兵本進忠
在軍營著有勞績尙屬奮勇出力之員著馳驛來京八月抵熱河
陛見 命在乾清門行走 賜貂皮銀幣赴雲南軍營十一月調
普洱鎮總兵三十四年三月赴騰越州黃草坪養軍營馬五月遷
雲南提督七月在騰越軍營病卒 諭贈太子太保賞銀一千兩
從優議卹 賜祭葬諡勤毅

右 國史館本傳

同身之類其者不亦二
名ニマシト

三三

瑚爾起

瑚爾起滿洲鑲藍旗人姓瓜勒佳氏雍正三年由監生授八品筆帖式乾隆四年授佐領十二年授協領十三年隨征金川 賞戴孔雀翎十九年授呼倫貝爾總管二十年隨大軍勦準噶爾加副都統銜二十一年正月隨參贊大臣達爾黨阿等由珠爾都斯往追叛賊阿睦爾撒納九月偵阿睦爾撒納竄哈薩克隨定邊左副將軍哈達哈等往索哈薩克汗阿布賚拒戰連擊敗之復追及其後隊及別隊斬首百餘獲馬二百餘生擒杭吉勒圖等詢知阿睦爾撒納遁泥雅斯圖山遣諭阿布賚擒獻二十二年二月杜爾默特屬人劫侍衛福保 命瑚爾起擒治之五月偕參贊大臣唐喀

祿赴察罕郭勒偵禦叛賊哈薩克錫喇七月杜爾默特貝勒巴圖
博羅特等潛通阿睦爾撒納瑚爾起擒之於輝巴郎山後剿其屬
及阿睦爾撒納所畱烏梁海五十餘戶事 聞得 旨嘉獎交部
議敘八月以兵三百接應往剿哈薩克錫喇之侍衛圖倫楚是時
沙喇斯瑪呼斯旣降復叛掠臺站而布魯古特台吉琿齊等又戕
我察哈爾總管巴甯阿十月 諭曰濟爾哈朗至巴里坤適中之
地著哈甯阿率兵一千駐劄鄂實三格瑚爾起爲副將其琿齊及
沙喇斯瑪呼斯賊眾有散逸在附近地方者卽帶兵搜剿十二月
偕鄂實追剿扎哈沁逃賊奮勇有功 諭部議敘二十三年三月
偕都統巴圖濟爾噶勒由呼斯坦至尼勒噶阿偵琿齊等百餘戶

遊牧突擊執之定邊將軍兆惠以聞 詔獎之下部議敘四月
隨大軍由伊犁進剿回部五月抵善塔斯嶺招降布魯特頭人圖
魯起鄂拜庫及所屬九月搜捕阿里瑪圖河逸賊十月 上以索
倫兵從征年久 命瑚爾起及副都統鄂博什撤還瑚爾起等懇
請隨剿 允之時將軍兆惠剿回酋霍集占於葉爾羌被圍定邊
右副將軍富德檄瑚爾起及巴圖濟爾噶勒率索倫兵由伊犁里
克前進因馬駝未至負糧械步行戈壁中 諭曰瑚爾起等所領
官兵皆因撤回更換者昨以奏請前赴軍營已諭照初次出兵例
頒賞今又不候馬駝步行速進奮勇可嘉瑚爾起著補授正白旗
蒙古副都統巴圖濟爾噶勒見任副都統著加恩授其弟恩克阿

穆爾爲藍翎侍衛仍曉示官兵勉效前趨以膺恩賞二十四年正月抵巴爾楚克兆惠已與富德軍合適霍集占逆黨阿卜都克勒木等侵和闐侍衛齊凌札卜請援兆惠令瑚爾起及巴圖濟爾噶勒以兵九百往剿三月偵賊騎七百餘據博羅齊乘霧突擊潰之追至卓霍勒河斬賊百餘收回人四千餘戶和闐底定 御製博羅齊行詩紀其事載巴圖濟爾噶勒傳瑚爾起以功授雲騎尉世職七月大軍由喀喇烏蘇追剿霍集占至阿爾楚爾賊設伏兩山間我軍張左右翼擊之中軍發大神礮賊敗走三十里據一山瑚爾起等自山麓橫衝大軍齊進斬阿卜都克勒木賊大敗越山而逃八月尾追至巴達克山界之伊西洱庫爾淖爾瑚爾起等各領

兵百設伏東山一帶大軍夾勦大敗之霍集占竄入巴達克山未
幾巴達克山汗素勒坦沙函獻霍集占首瑚爾起分領索倫兵還
二十五年八月 賚銀幣七月疏言呼倫貝爾多水泉可耕請於
新降塔里雅沁回人內選百人往引水灌溉 詔如所請行卽
命瑚爾起以副都統爲呼倫貝爾總管董其事二十六年 命圖
形紫光閣 御製贊曰突擒琿齊其氣如虹及降勃律烏幕占風
解圍和闐戰盡大食麾蓋而登威著西域二十九年調黑龍江副
都統三十四年從征緬甸收服猛拱猛養等處以病卒於軍營
諭照陣亡例議卹給騎都尉併前世職爲一等輕車都尉 賜祭
葬人祀昭忠祠子富勒郝襲世職

國朝通志卷之二十一

右 國史館本傳

豐安

豐安舒穆祿氏滿洲正黃旗人高祖一等英誠公額駙揚古利自有傳豐安於乾隆二年承襲公爵五年投散秩大臣八年以父豐升額在日曾借鑲藍旗生息銀四千餘兩奏請借俸完繳奉 諭旨豐安乃功臣之孫伊高祖揚古利宣力國家勞績懋著豐安見在家計艱難若俯照所請則每年無俸可支生計愈致艱窘著由廣儲司支銀五千兩賞給豐安完此欠項以示朕軫念勳臣勞績加恩子孫之至意 尋授正紅旗蒙古副都統十二年調鑲紅旗蒙古副都統十三年四月授領侍衛內大臣尋調鑲黃旗滿洲副都統十二月 命兼管滿洲火器營事務十八年九月 上幸木

蘭行圍以侍衛等率多怯懦 諭曰豐安係揚古利額駙之孫朕用至領侍衛內大臣當感朕恩法祖效力且身任管轄之責不能以身表率反畏縮不前朕前尙如此則平日又何能管轄侍衛耶著革去領侍衛內大臣副都統公爵作爲三等待衛效力贖罪十二月 加恩復襲公爵十九年大軍征準噶爾 命豐安帶西安滿洲兵赴西路軍營隨勦準噶爾平回部逆酋布喇呢敦霍集占復叛二十三年大軍進討八月克庫車城阿克蘇城迎降 諭豐安偕副都統福祿等分帶索倫察哈爾及健銳營官兵速進往會定邊將軍兆惠十一月至阿克蘇時兆惠已進軍葉爾羌營於黑水知霍集占牲畜皆在城南分兵往取賊萬餘來援擊之不利歸

保大營賊恃眾四面抗拒兆惠等固守十二月副將軍富德參贊大臣舒赫德偕豐安等往援二十四年正月至呼爾瑯賊五千餘騎來迎豐安等以騎兵六百爲中軍列步兵善射者爲兩翼鏖戰逾數時斃賊甚眾追奔十餘里時我兵以馬少多步行夜則結營日則前進賊屢追躡豐安等殿後擊之轉戰三晝夜至沁達勒河賊猶結營相拒因選兵襲之會參贊大臣阿里袞率兵及馬駝至內外台擊大敗其眾布喇呢敦中槍遁遂解黑水之圍與兆惠軍合整旅復進 恩子爵賞有差擢二等待衛六月富德進攻葉爾羌令豐安爲前隊霍集占等棄城遁撫定其眾得 旨嘉獎下部議敘七月授正黃旗漢軍副都統復敗賊於阿爾楚爾殲戮甚夥

窮追至伊西洱普爾淖爾賊大潰盡降其眾布喇呢敦霍集占僅以餘眾四百遁入拔達克山旋爲其酋素勒坦沙所殺函首入獻回部平豐安下部優敘畱爲葉爾羌領隊大臣二十五年六月逆回邁喇木呢雅斯倡亂搶掠臺站豐安率兵往捕獲逆黨奈納克和卓等三十餘人下部議敘八月遷歸化城都統仍畱葉爾羌辦事二十六年四月以伊犁需人請往效力 允之 命爲伊犁領隊大臣九月赴歸化城都統任二十七年以軍功 賞兼雲騎尉世職二十八年授荆州將軍尋 諭曰豐安勳臣之裔因在軍營奮勉投爲荆州將軍近聞豐安打仗出力而聲名頗覺平常授以專閫恐蹈重譴轉非朕念舊成全之意著卽回京補正紅旗蒙古

副都統三十三年隨大軍進勦緬甸三十四年二月命副將軍
阿里衮阿桂將新派兵丁交海蘭察遣往普洱歸入落卓一路隊
內令豐安同提督五福等帶領進勦十一月調鑲紅旗蒙古副都
統十二月卒 諭曰豐安在軍營甚爲出力今於撤兵時病故殊
堪憫惜著加恩照軍營病故例議卹尋 賜祭葬子阿克東阿一
等英誠公勳舊佐領鑲黃旗領侍衛內大臣卒孫福克津襲爵官
領侍衛內大臣鑲黃旗蒙古都統福爾錦江蘇淮揚道

右 國史館本傳

國朝三才圖會

卷二十七

手

--	--	--	--	--	--	--	--	--	--	--

烏爾登

烏爾登滿洲正白旗人姓烏禮蘇父喀喇官至甯夏副都統雍正六年烏爾登由前鋒授藍翎侍衛洊授二等侍衛乾隆二年命御前行走五年授一等待衛六年補公中佐領八年賞副都統銜赴北路軍營十一年還京授鑲黃旗蒙古副都統十二年還護軍統領十三年四月派赴金川軍營七月由馬柰一路督戰奪賊卡四尋調赴卡撒攻克水棚三層棚雙棚等處及二道山梁十二月經略大學士傅恆抵軍營令烏爾登還馬柰駐守十四年金川平還京十六年奉旨督察平糶事宜十八年命赴北路軍營授參贊大臣駐防烏里雅蘇臺十九年正月以扎哈沁宰桑禡木

特等闈入卡倫烏爾登偕喀爾喀副都統策登扎卜率兵五百與
參贊大臣努三等分路查緝總辦卡倫事務九月參贊大臣薩喇
爾往收烏梁海烏爾登由索郭克接應俘獲甚眾事 聞得 旨
優敘給一等功牌二十年二月隨大軍進剿準噶爾先是 上以
烏爾登查緝扎哈沁事竣並不往擒逃犯巴朗等又匿所獲烏梁
海牲畜 諭班第訊問至是 諭曰班第奏訊問烏爾登供詞一
切推諉俱卸過於薩喇爾一人夫薩喇爾歸順未久前收獲烏梁
海人眾卽有搶掠以伊舊染準夷習俗初降未知法度是以姑爲
寬容若烏爾登等乃滿洲世僕亦效準夷之所爲是尙可宥乎且
烏爾登於收服烏梁海時未將逃人巴朗報出殊屬舛謬又將見

有牲畜等物開單呈報伊在軍營已三四年何能將歷年所有一
一登記顯係得信隱匿少開數目希圖卸罪著班第等徹底嚴查
毋得任其狡飾四月鞠實擬斬監候得 旨烏爾登前不往擒巴
朗實屬貽誤軍機罪不可追但念收服扎哈沁烏梁海時伊曾隨
同效力著加恩寬其治罪仍畱軍營以閒散效力贖罪五月授三
等侍衛九月授二等待衛 命選厄魯特宰桑厄爾錐音等兵赴
伊犁沿途勦賊授頭等待衛十二月 諭曰此次烏爾登帶領厄
魯特宰桑等往西路軍營行走奮勉著加恩賞給副都統銜在領
隊大臣上行走見在進兵勦滅阿巴噶斯哈丹等游牧卽著領兵
前往二十一年三月叛賊阿睦爾撒納竄哈薩克定西將軍策楞

遣烏爾登以兵一千隨參贊大臣玉保追之會玉保誤信布庫努
特逃人言賊勢窮蹙無煩大軍深入遽引兵還烏爾登追至庫隴
發嶺獲賊黨額琳沁亦還阿睦爾撒納脫走 上訓飭之七月達
爾黨阿代策楞爲將軍偵哈薩克伏山谷中烏爾登以百騎誘之
出大軍逆擊大敗之時議策楞玉保等疎縱阿睦爾撒納罪烏爾
登以領隊大臣同在軍營革職鎖拏來京 上面詰之烏爾登奏
臣前聞逆賊逃信卽請兵五百追擒玉保策楞俱謂臣僥倖不允
後隨玉保前進復請追拏玉保止發兵五十名至庫隴發嶺僅餘
二十人駝又疲乏逆賊已於臣起行日過嶺竄哈薩克 上以其
言詢原參贊大臣扎拉豐阿屬實 詔授三等待衛在乾清門行

走 命仍赴軍營二十二年六月叛賊扎那噶爾布尼瑪等自額
林哈畢爾噶遁哈什河烏爾登偕侍衛瑪常襲擊敗之擒其黨美
諾和什二十三年三月隨副將軍富德擒扎哈沁得木齊哈勒拜
等五月定邊將軍兆惠招降布魯特部頭目圖魯啟拜烏爾登奉
檄由珠木罕至圖故斯塔老宣讀 恩旨皆乞降禡木特呼里比
因請遣弟舍爾伯克入 覲許之烏爾登卽伴送來京二十四年
三月擢一等侍衛 諭曰見在大軍搜捕瑪哈沁并堵截逆回霍
集占迷路烏爾登著授參贊大臣與喀爾喀郡王車木楚克扎布
爲一隊互相策應六月授正藍旗蒙古副都統十月以捕瑪哈沁
不力革參贊在領隊大臣上行走二十五年凱旋 賚幣二十八

年遷護軍統領三十年敘護送達扎達瓦屬眾至伊犁及由烏里雅蘇臺解送伊犁孳生牛羊俱辦理妥協加一級三十一年擢鑲黃旗蒙古都統三十三年授左翼前鋒統領兼管火器營三十五年二月管健銳營尋授散秩大臣十二月卒

右 國史館本傳

巴祿

巴祿蒙古鑲黃旗人定北將軍一等誠勇公班第之子初投三等侍衛洵擢頭等侍衛乾隆十九年授察哈爾總管命赴西路軍營二十年五月管理博羅塔拉臺站七月偕喀爾喀貝勒品級車木楚克扎布等率西路第二隊凱旋兵還十月襲一等誠勇公授鑲紅旗蒙古都統仍赴軍營二十一年三月由珠勒都斯會將軍策楞定伊犁五月隨將軍達爾黨阿進兵哈薩克六月偵叛黨阿巴噶斯哈丹匿博羅和里雅山中馳獲之諭曰巴祿一聞阿巴噶斯等藏匿地方信息卽能率兵往擊俾無漏網甚屬奮勉可嘉著賞給荷包鼻煙壺以示獎勵二十二年四月諭曰見在都統

巴祿副都統哈甯阿俱赴行在面聆指示著仍回軍營投爲參贊大臣協同定邊右副將軍雅爾哈善辦事二十三年正月管理巴里坤臺站三月隨定邊將軍兆惠由博羅布爾噶蘇進伊犁勦捕昂吉岱等賊四月襲擒喀喇沁宰桑恩克圖等於庫隴癸山尋又擒叛賊鄂哲特 上以賊酋哈薩克錫喇布庫察罕未就擒訓飭將軍參贊等六月偕定邊右副將軍車布登扎布等協緝土爾扈特逃賊舍楞至古爾班察爾謀其入鄂羅斯乃還 諭曰從前達里善敏珠爾多爾濟等追勦阿巴噶斯哈丹等游牧日久未見奏報巴祿著在額琳哈畢爾噶等處偵達里善等所在協力勦除餘賊無徒以搜捕馬哈沁爲事八月奏達里善等至庫爾河源阻水

御回 諭速往會剿十一月兆惠剿回酋霍集占於葉爾羌巴祿
奉 命赴援二十四年正月至巴爾楚克副將軍富德已敗賊於
呼爾瑪 諭移兵往援和闐尋 命駐和闐辦事五月懇隨大軍
進剿 允之六月以兵三千餘由巴爾楚克策應兆惠富德兩軍
八月同富德等追擊霍集占於伊西洱庫爾淖爾大敗之師旋敘
功授雲騎尉世職二十五年遷正藍旗蒙古都統 上以西域旣
定頒賞論功 特詔圖諸功臣形於紫光閣掄其尤著者五十人
親製題贊次則斬將擐旗建績致命有一事可見者亦嘗圖其形
令儒臣各製贊又五十巴祿居首贊曰準部回人咸懼將種慟父
殞賊殺賊逾勇兩世濟美同上凌煙古稱定遠其何有焉二十六

年兼公中佐領二十七年授涼州將軍二十八年駐防涼州莊浪
滿洲蒙古兵移駐伊犁巴祿請查應移兵內老疾孤寡之戶酌畱
五百駐涼州額設馬裁省供支改協領爲城守尉歸甯夏將軍轄
庶移駐兵悉精銳而帑項亦不致糜費 從之三十二年十月遷
正白旗漢軍都統十二月授綏遠城將軍三十三年遷察哈爾都
統三十五年卒子慶林襲誠勇公又一雲騎尉授散秩大臣四十
年授伊犁領隊大臣四十五年調京口副都統四十八年 命赴
西藏辦事五十三年巴勒布賊擾後藏邊界慶林措置乖方 詔
革職治罪以其從弟官惠襲公爵五十五年復授藍翎侍衛

右 國史館本傳

國朝耆獻類徵初編卷二百八十八目錄

將帥二十八

福祿

莽喀察

宋元俊

巴圖濟爾噶勒

宗室增海

王萬邦

宗室薩喇善

子恆瑞

許成麟

日本書紀卷之八十一

十一

國朝耆獻類徵初編卷二百八十八

通奉大夫前署江西巡撫江西布政使司布政使湘陰李桓輯
將帥二十八

福祿

福祿蒙古正白旗人旺察氏雍正五年由護軍校授三等侍衛十年擢二等侍衛乾隆二年授山西東路營參將八年遷杭州協副將十三年擢福建建甯鎮總兵七月授頭等侍衛十月擢正黃旗蒙古副都統尋授直隸宣化鎮總兵十九年調廣東右翼總兵二十二年授鑲黃旗漢軍副都統二十三年調正紅旗漢軍副都統四月授參贊大臣駐烏里雅蘇臺六月命率索倫兵二千赴巴

里坤軍營時定邊左副將軍成袞扎布率兵應參贊大臣阿柱勒
逸賊舍楞福祿請備三月糧由科布多運送 從之七月至海拉
爾與御前侍衛敦察會師進八月疏劾佐領額楞額擅取披甲烏
勒噶車回游牧誘防禦托什之奴巴岱頂替出兵 上以額楞額
故違軍律斬以徇 命福祿分遣侍衛帶索倫兵二三百由哈
卜塔克拜塔堯拜克等處捕西路納呼臺站盜馬之瑪哈沁十一
月疏言扎薩克達什彭楚克副都統銜莫尼扎布擒阿口里卡倫
盜馬賊渠布爾古特等八人已解烏里雅蘇臺軍營爲從者十七
人不應擅釋仍嚴飭查拏 上是之又疏報喀爾喀協理一等台
吉鄂木布濟索佐領錫爾伯圖等獲竊卡倫牲隻賊滿塔克等請

正法下部議敘軍功加一級旋赴將軍兆惠軍營會剿逆賊霍集
占二十四年正月偕定邊左副將軍富德率師次呼爾璠霍集占
擁騎五千餘犯我軍福祿偕領隊大臣永慶等按部伍排槍礮麾
索倫察哈爾步兵分兩翼從已至申與賊戰十餘次賊始潰十三
日師次葉爾羌河岸守城賊突圍出富德同福祿等領中軍自右
翼進攻追賊渡河賊累敗時霍集占分守兩城兆惠兵至阿爾吉
什偵逆賊鄂斯璠侵和闐奏請富德福祿領兵策應 上以福祿
偕策布登扎布爲一隊堵截霍集占逸鄂羅斯路四月 命駐和
闐辦事閏六月 諭曰兆惠奏福祿在軍營頗屬效力著交部議
敘給與世職部議准襲雲騎尉二次七月 命赴阿克蘇臺辦事

八月擢杭州將軍準噶爾平 命圖形紫光閣贊曰戰呼爾瑞險
艱戮力遠駐和闐亦資部勒出襄贊畫入晉庸封移鎮武林旌節
雍容二十七年 上巡幸浙江福祿以駐防兵肄武教場 御製
閱武詩有扈隨況有新烏什統制由來舊耿弇之句二十八年疏
言駐防漢軍一千九百餘名蒙 恩出旗補綠營糧願爲民者六
百餘聽其入仁和錢塘及外縣籍無生計者二百餘臣會督臣楊
廷璋等酌派嘉湖等府充補民壯惟攜眷分赴資斧維艱請按名
給路費銀一兩資生銀四兩疏入准行三十二年調西安將軍三
十三年授領侍衛內大臣三十四年以年老休致三十六年卒
諭曰原任領侍衛內大臣福祿患病溘逝著加恩賞銀一百兩辦

理喪事仍派散秩大臣一員侍衛十員攜帶茶酒奠醑子二長強
謙襲雲騎尉世職仕至湖廣督標中軍副將次薩炳阿見任頭等
侍衛

右 國史館本傳

--	--	--	--	--	--	--	--	--	--

莽喀察

莽喀察滿洲鑲白旗索倫人姓納喀塔氏由馬甲從征準噶爾授藍翎侍衛乾隆二十三年正月隨領隊大臣努三等偵報賊哈薩克錫喇擒其黨摩羅達什扎卜等於拜塔克授三等侍衛十月隨將軍兆惠勦回西霍集占於葉爾羌二十四年二月授二等侍衛閏六月隨參贊大臣明瑞追霍集占至霍斯庫魯克賊六千餘據嶺拒我兵北至者九百莽喀察奮勇陷陣鏖戰三時賊潰斬五百餘級捷 聞得 旨嘉獎擢頭等侍衛 賜丹巴巴圖魯號二十五年 命在乾清門行走 上以西域既定頒賞論功 特詔圖諸功臣像於紫光閣掄其功尤赫者五十人 親製題贊次則斬

將舉旗建一績致一命者亦圖其形而令儒臣系之以詞又五十人莽喀察與焉 贊曰控弦疆場橫槩沙磧還經黑水中流投策蠶屯蟻聚跳盪隻身捉生燒寨勇著索倫二十七年敘功授騎都尉又一雲騎尉世職三十二年派往雲南軍營 賜銀百兩竝給副都統銜三十三年 命爲御前侍衛三十六年九月隨將軍溫福赴金川軍營授領隊大臣十二月大軍由向陽坪進剿巴朗拉賊碉莽喀察偕巴圖魯委署翼長占關納等以兵四百五十自山右奮攻奪碉及木卡六尉被創回臥龍關調治溫福以奏 詔來京授蒙古副都統遇缺坐補三十七年二月以創卒 諭曰莽喀察打仗奮勉傷發身故殊堪軫惜著加恩交該部照陣亡例議卹

尋議給騎都尉併前世職爲二等輕車都尉 賜祭葬入祀昭忠
祠金川平復 命圖形紫光閣 御製贊曰索倫善射其中稱最
西師建勳紫閣形繪逞其猿臂搜彼蟻封不虞創重歎惜何窮嗣
子綽爾岱襲世職

右 國史館本傳

宋元俊

宋元俊江南懷遠人乾隆元年武進士十五年授四川成都營守備二十年十月遷懷遠營都司時孔撒麻書兩土司構釁金川綽斯甲步遣兵燬孔撒喇房圍革布什咱丹東官寨及格羅斯納喇嘛寺等處德爾格忒頭人據麻書官寨土司登波瓦布出走元俊奉檄驅德爾格忒兵令麻書土司回官寨集孔撒麻書並金川綽斯甲布革布什咱綽沃白立章谷瞻對頭人公斷控案使頂經立誓共敦和好二十七年遷松潘鎮遊擊二十八年調阜和營遊擊二十九年金川土司郎卡侵丹壩綽斯甲布丹壩等九土司請剿金川署四川總督阿桂提督岳鍾琪奏令元俊偕署副將長清諭各

土司會勦三十一年遷漳臘營參將三十四年因造衙署兵房估價變遷議降一級調用三十五年正月 命仍發四川以遊擊用四月小金川土司澤旺叛阿爾泰檄元俊傳僧格桑剗切開導僧格桑悔罪退所占墨穆爾吉日古魯地方及所掠鄂克什番民十月補阜和營遊擊三十六年四月革布什咱頭人結郎卡子索諾木據革布什咱官寨戕土司策楞多布丹阿爾泰奏令元俊前往宣諭五月小金川圍鄂爾什達木巴宗等處侵明正土司據納頂寨九月元俊稟請由納頂進攻明正之索布大寨分隊渡河夾攻於是參將薛琮等率綠營土練並巴旺布撫克底土兵潛上山梁元俊與都司李天佑等渡河夾擊獲石卡十八斃賊番二十餘墮

崖溺水者無算乘勝進攻納頂邊谷喇卡百五十餘十月收復仲
濃大寨索木密剛瑪里五處戮小金川頭目三人賊番二百餘生
擒五十餘克復明正土司喇寨七百餘又攻得小金川噶中拉莫
茹納扎功拉等處 諭曰遊擊宋元俊勇往立功殊堪嘉獎遇有
川省副將缺出卽行奏補十二月分攻賊喇賊放槍拒我兵奮勇
占喇卡賊驚竄生擒四人陣斬百三十人賊退守官寨我兵合圍
並擊敗來援賊三十餘級納咱地方全復阿爾泰與欽差侍郎桂
林以 聞 諭曰在事敢奮著績之副將宋元俊著賞給總兵銜
以示獎勵旋授松潘鎮總兵時賊據喇嘛寺阻我兵取甲木路桂
林令元俊等密赴山梁遣守備陳定國於近寺處設伏次日同時

突攻木柵賊猝不及備我兵躍入戮賊番九十三獲木城八小木
城石碉二十六喇嘛寺碉寨二十八據墨爾多山梁 上嘉其布
置合宜官兵進取卡了天佑定國攻西面山梁碉寨元俊同巴圖
魯侍衛六十一參將巴克丹布等由喇嘛寺繞郭松參領普甯由
西面山根沿河會攻甲木侍衛哈青阿參將薛琮等由東面山根
直攻卡了用夜半潛赴山梁黎明突出分擊自卯至巳乘賊懈登
山賊不及進碉斬首二十獲平碉十大小石碉十一石卡十七哈
青阿直抵卡了甲木郭松兵合復戮賊三十獲平碉九十七石碉
三十五石卡三十一卡了郭松甲木地方全復事 聞 諭曰宋
元俊隨征小金川以來屢著勞績已加恩擢用總兵今據桂林等

奏攻克卡了情形宋元俊甚爲奮勇著賞戴花翎以示獎勵三十
七年二月元俊同侍衛等攻勦東面山梁薛琮等率川黔兵繞出
東山梁後夾攻擲火彈燬其木城斃賊番四十六得木城六石卡
二十一元俊又以革布什咱地方縣互二百里稟商桂林宜分兵
五路一由郭宗濟野宗攻木巴拉博租一由章谷渡河夾攻俾賊
前後受敵兩兵會集卽分兵先拒墨資溝截金川來路進取吉地
官寨一由巴旺之高石山嘉舉山等處分路薩瑪多監藏布覺取
吉地一由茂鈕攻沙衝一由喀勒塔爾攻黨哩會兵取丹東疏入
諭曰襲取革布什咱旣可掣金川助兵之勢並可絕索諾木冀倖
之心自爲兩得桂林當與宋元俊熟商妥協辦理三月元俊同遊

擊吳錦江等由章谷渡河先據格藏橋哈青阿天佑從郭宗濟野
宗直取木巴拉博租元俊夾攻賊驚潰戮賊百八十餘生擒九人
克木巴拉博租薩瑪多監藏布覺等處收復碉寨招撫番民甚眾
議敘軍功加一級紀錄二次是月元俊攻獲吉地官寨及墨資溝
參將常太等克黨哩都司李天貴等克沙衝 上嘉之四月 諭
曰桂林既已攻得墨資溝達烏一帶險要見在進攻僧格宗賊番
甫經受創心膽皆驚自必望風披靡官兵即可乘勝直入迅擒賊
巢但僧格宗爲小金川咽喉恐賊眾捨死固拒該處賊寨較大或
尙須多兵分剿俟全得革布什咱後卽令宋元俊回至僧格宗碉
卡易於攻破不須元俊攻助卽毋庸急於調回朕之意格布什咱

若經卽得其地已於金川相近此時索諾木似尙未能多爲准備
宋元俊見統兵練亦不爲少若出不意乘勝直進扼金川噶拉依
之險官兵進剿尤爲得力果能如此則宋元俊之功不小但亦須
審度萬全不可不惜兵眾冒昧輕進此等行軍機要朕亦不爲懸
斷著桂林與宋元俊迅速剗商熟籌妥辦是月元俊圍丹東攻奪
關門戮番眾五千餘復革布什咱地方三百餘里民戶二千餘桂
林復遣定國紆道調綽斯甲布兵先據甲爾壘壩元俊令駐劄交
界處聽候調遣 諭曰桂林奏革布什咱之地方全行收復辦理
頗爲迅速惜所籌未能妥合前遣陳定國往綽斯甲布調令發兵
占據甲爾壘壩該酋業已發兵今旣盡得革布什咱之地正當乘

勝進勦金川攻其無備乃宋元俊飭令綽斯甲布番兵暫駐界上聽候調遣失此好機會甚爲可惜蓋宋元俊見革布什咱全行收復意已足矣遂不復計及金川尙未免狃於綠營習氣使宋元俊卽乘勝徑擣金川據彼噶拉依諸險其功績爲何如朕賞功之典又當何如惜乎所辦僅止於此此次全行收復革布什咱本應予以優敘因此一失功過祇可相抵矣又 諭曰宋元俊收復革布什咱因其番眾內應胸有成算是以用力少而成功速至前諭乘閒進據噶拉依一節宋元俊未籌及此且所帶兵練無多原不能必其果有把握桂林見在進攻價格宗爲埽穴擒渠之計宋元俊當回至桂林軍營隨同進勦時元俊稟桂林會綽斯甲布兵截金

川來路檄霍耳章谷孔撒麻書德爾格式等各土司兵聽候調遣使索諾木聞風生畏桂林似宜併力小金川早擒僧格桑飭元俊仍由達烏進攻諭曰所辦俱合機宜惟元俊檄調金川連界之霍耳等土司預撥番民聽候調遣殊爲失算索諾木黨惡助兵罪在不赦然逆酋此時尙未計及官兵之將伊并辦正當乘其未備迅事勦擒庶得神速制勝之道乃預檄土司發兵使逆酋聞之早爲防拒甚屬非計及此自當併力攻勦小金川速擒逆豎乘勝進勦金川出其不意正合機宜五月元俊與原任四川總督阿爾泰劾桂林至卡了修屋居住終日酣飲勒取供用攻取達烏傷兵六百餘薛琮攻墨壘溝糧盡請援援遲全軍盡覆桂林虛詞具奏密

令提督汪騰龍交總兵王萬邦銀五百兩贖取所遮官兵以圖掩飾 敕革桂林職令阿爾泰署四川總督 命額駙尙書公福隆安往審未至六月 詔元俊統兵赴綽斯甲布率土兵進勦金川尋奏兼辦金川則小金川易滅小金川一滅則金川無難蕝事今各土司窺破金川蠶食計競懇出兵助勦臣派都司李天佑領兵五百往諭綽斯甲布以兵繼進派遊擊沈寬守備袁敏由綽斯甲布往三雜谷調土兵二千五百隨官兵從曾頭溝進攻小金川我兵自果洲山失利士氣消沮見在兵力併辦金川不敷調遣請敕調湖北湖南近山營分兵并撥山西甘肅兵共二萬一萬由綽斯甲布之俄坡日旁兩路進牽制金川分五千從汗牛直攻美諾

以五千益達烏一路併力直前其見雷革布什咱之兵卽由正地
進擣中堅合之西路從曾頭溝別斯滿鄂克什三路併舉小金川
可平隨以五路兵進剿金川亦可刻期告捷各省官兵如七月內
齊集分進兩月內可埽滅小金川 諭曰宋元俊奏駕馭各土司
所見頗爲合理乃稱請調湖南湖北近山營分之兵再於山西陝
甘兵內撥給數千共得二萬之數分路進剿等語未免過涉張皇
見在由綽斯甲布進攻原係牽制金川使其出兵自衛以便乘閒
攻取小金川俟小金川平定後再併力會剿金川此時難以兼辦
也且計節次調赴川省之兵貴州已有八千陝甘已有一萬七千
加以預備之五千覈計共及三萬合之本省綠營及土兵之數不

爲不多況番地跬步皆山調往之兵跋涉不易至於險隘處所仄
徑單行雖多兵亦無從施展而所云七月內齊集軍營之說更恐
遠道不能如期全至著傅諭福隆安會同阿爾泰阿桂將該處情
形通盤籌畫並同宋元俊詳悉覈計是否必須添兵接濟覈實酌
議以期萬安 上諭軍機大臣曰總兵宋元俊看來尙能辦事且
熟悉番地情形伊尙屬有心奮勉若用之有方可期得力但其人
似乎狡猾好事究難深信若使過於得志難保其不滋驕縱務須
畱心駕馭方爲有益尋福隆安奏審桂林無造屋勒取酣飲事薛
琮告急卽派宋元俊往援元俊欲改由革布什咱取道不果行惟
傷損官兵諱匿陳奏屬實至贖取官兵係司官汪承需聞有巴旺

布拉克底土兵送出迷失官兵信告知桂林支銀酌賞後未見送到銀仍取回 諭曰福隆安查審桂林一案桂林一聞賊人抄截後路之信卽令宋元俊往救並非膜視不顧此必宋元俊旣奉總督派令救援未能卽往以救官兵失挫懼爲桂林所劾先發制人亦與五岱之密奏無異但宋元俊心更陰險故假手阿爾泰思得潛售其術耳見在正當集兵進剿宋元俊又熟悉番情邊務爲軍營得力之人案內情節且不必向其窮究並須設法駕馭令仍鼓舞自勵統俟軍務告竣總覈功罪再行定奪至於用銀贖人一款尤爲最重情節乃桂林供稱並無賞給銀兩之說而汪承霈則供認出自其意殊屬可疑必係桂林揣此一節罪爲最重預囑汪承

需代認試思汪承需係隨往司員軍務非其承辦卽兵丁迷失不出與伊何涉而必欲代籌懸賞覓回之計其事尤爲顯而易見至宋元俊稱係用銀向金川贖回而汪承需代爲擔當冀減其罪卽宋元俊有意陷害過甚其詞皆未可定不可不徹底根究此時宋元俊固不必向其窮詰而汪騰龍見俱在案無難質訊確情以成信讞福隆安復奏嚴訊王萬邦汪騰龍供實支銀備賞巴旺布拉克底土兵後宋元俊復誘令王萬邦作札詭云賞給金川贖回官兵元俊又言恐陝西兵到桂林必令我帶往去則與薛琮同不去則被參劾質之宋元俊亦俯首無辭 諭曰福隆安奏查審桂林案內發銀交王萬邦向金川贖回兵丁一款係宋元俊指使不但

心跡陰險甚至有恐令帶兵前進去則必同薛琮不去則罹參劾之語真是喪盡天良昨以宋元俊傾陷桂林尙係欲圖卸過先發制人與五岱無異而宋元俊熟悉番情尙可用其所長俟將來功過相抵今既審出各種情節竟是一奸狡負恩之人豈可復行姑息貽誤大事宋元俊著革職拏問 諭籍其本籍貨產參贊阿桂奏元俊在川日久熟悉邊情爲附近土司所信見在辦理番情無出其右臣遇事多與詢商冀收指臂之效儻奮勉出力使詐使貪原所不廢如剛愎自用逞其私智卽據實嚴參 諭曰宋元俊前經桂林派令帶兵往援薛琮初以無路可進退回旋欲由革布什咱取道亦未成行已難辭貽誤之咎而於桂林參案從中捏飾陵

供意圖傾害本當按律治罪念其自去歲隨征以來頗知奮勉從
寬仍畱總兵令在軍營益加奮勉以勵後效尋命給還所籍財
產又諭曰宋元俊帶兵往綽斯甲布督率土司兵練進兵如知
感恩奮勉實心籌辦將來功罪原可相抵若竟能乘閒突入擣穴
擒渠必更膺酬勳渥典或意存觀望蹈綠營虛誇積習則取戾更
大宋元俊自遊擊不數月擢至總兵受恩尤重益當力圖自勉朕
辦理一秉大公禍福惟其自取將此嚴切飭諭宋元俊知之七月
元俊同副都統永平博靈阿等潛赴墨壘溝進至郡崢地方乘月
夜督官兵畢登將近賊營大霧我兵騰入遂據第一道山梁乘勝
連舉山梁三道克石卡二十石柵四山峯木柵一戮頭人一據格

魯克石地方八月阿桂奏言金川圖占丹壩官寨綽斯甲布土司發兵往助臣令宋元俊剋日起程元俊請添兵俟續調兵到酌量撥往 諭曰宋元俊帶兵往綽斯甲布即可得其駕馭之力並可控扼金川相機襲擊該鎮見請添兵自應酌量派給以厚兵力九月元俊在卡了軍營卒先是有司籍元俊貲產並繫其子監生宋萼及貲產給還其子未釋四十一年 諭曰宋元俊獲罪本由自取念在川年久亦有微勞伊子著加恩釋放回籍復其衣頂以示朕肆眚施恩之意

右 國史館本傳

公姓宋名元俊字甸芳江南鳳臺人以武進士任四川城守營守

備選阜和營遊擊乾隆三十六年夏金川酋索諾木襲殺革布土
司其黨小金川酋僧格桑亦發兵侵明正土司據斑斕山阻官兵
進路被害者相繼告急總督阿爾泰知公素得夷心命抵賊巢責
問原委公至刮耳崖索諾木迎謁詭以革番內變爲辭公知其詐
歸告阿公曰爾酋倚角爲奸雖陽恭順而陰怙惡非壹大創不可
如興師當先取小金川卽獻三路進兵之策一從斑斕山直探小
金川門戶一從堯嶺截取甲金達山梁救達圍而趨美諾一繞小
金川尾閭由約咱進攻遜克宗阿公以其計奏 聞 上命副將
軍溫福提督董天弼分路進兵總督阿爾泰駐後路居中控制當
是時蜀救甯日久文武恬熙一旦軍興相顧隳暗兩金川地勢奇

險礪卡柴立兵將未言色沮公獨能聚米借籌歷歷指畫於是諸將軍運糧出戰一切惟公是詢公探知小金川所占明正之納頂山梁與巴底巴旺毗連密令參將薛琮挾巴酋暗擊山梁而自統兵從甲楚渡河攻之賊腹背受敵大驚奔潰收復納頂礪寨百餘卽用納頂土百戶爲前導直擣約咱賊愈困聞天兵至卽走遁時提督董公破甲金達副將軍溫公收復斑斕山再克卡了上嘉之擢松濛鎮總兵賞花翎時三十七年正月十日也計進剿小金川未及五月而侵地全收聖諭褒美公愈感奮將直擣賊巢旋奉將軍命調回籌辦什咱事宜受代而行方攻奪河東時小金川求救於索諾木索諾木許之將襲我後路公得巴酋密報遣使

至刮耳崖罵責之索諾木知情得撤回原兵於要隘處增礮固守
公請於制府曰大金川逆形已露不可不誅然犯險強攻徒損士
卒不如卽用革布逃酋其人有報讐雪恥之心尤悉地形可使也
遂密遣番民乘夜踰山約諸酋連結各寨爲內應而自率遊擊吳
錦江等由節木郭度河據勺藏橋舉礮爲號革番從內突出與官
兵合力夾攻斬千餘人進圍丹東角洛收復革境三百餘里事聞
上愈嘉獎賜荷包寵異之先是公別遣守備陳定國潛赴綽斯甲
布土司屯兵甲爾壘壘上聽候調遣人莫知其意及革境全平金
酋畏綽土司之躡其後不敢傾巢出戰大兵雖在東南而制勝則
在西北甲爾壘上雖按兵不動而金革兩處已扼咽喉公算略深

沈皆諸將所莫及時 上意大兵乘勝即可擒取索諾木而公言
兵少未可輕進爲制府所劾調回大營隨即革職鬱鬱不得志病
卒於軍年五十八公長身蓋立音響如鐘髯尺許望而知爲偉人
料敵審勢毫忽不爽初收復革番所用兵不過千許及進攻金川
公建議北路必需三萬人當事者疑公怯不聽所請卒無成功後
副將軍明公廣集漢兵土兵三萬人先通路後進兵其言始驗公
待士信用法嚴與參將薛琮交最厚攻小金川時制府重公命以
遊擊領兵節制諸將公磨利刀與薛約曰某地某日會我後至君
斬我若後至我斬若及公至所期處而薛逾二刻始來公遣飛騎
持刀呼取薛參將頭薛望見笑曰薛頭與賊不與公也奮前奪數

剛反公猶手縛之請罪於制府以功論贖乃已先是馭番者平時視若草芥及蠢動又畏如虎 國家所賞緡帛易以竄濫酋叩頭領謝去歸視大恚笑擲於路公有賞必佳物其人輒喜相告或舁公抵其巢率妻若女環侍左右公賜以茶煙簪珥兒子畜之小不循法立加訶答咸悚息聽命打箭鑪邊關以外官將行李俱畏夾壩出沒惟公與果齋盛太守之箱篋蠻夫爭爲背負或遺於路必擎送行幄諸番小有動靜先來告公以故凡所料判動合機宜死之日番人勢面環哭聲振巖野平居以忠義自許思立功名然性剛能恤下不能事上偶有議論慷慨迅厲旁若無人以致讒忌者眾身後家籍沒兩子戍邊有張芝者以走卒隸公麾下拔至參將

四十二年春大將軍阿公桂平定金川凱旋時芝書公戰狀抱一冊哭陳軍門將軍代爲奏聞邀恩赦其子歸人莫不歎張能報德公能知人

右傳袁枚撰

通志卷之八

二

巴圖濟爾噶勒

巴圖濟爾噶勒厄魯特人乾隆十九年以杜爾伯特部宰桑投誠隸蒙古正黃旗二十年五月大師征準噶爾達瓦齊擁眾萬餘踞格登山崖巴圖濟爾噶勒與協領喀喇巴圖魯阿玉錫新降宰桑察哈什以兵二十餘往探乘夜衝入大軍繼進賊驚潰達瓦齊遁收大蒙古包及礮六降其台吉二十宰桑四親兵五百兵四千餘諭曰喀喇巴圖魯阿玉錫巴圖濟爾噶勒察哈什等遵令乘夜踰營一鼓先登所向披靡尤爲實力奮勉俱加恩授爲散秩大臣加賞男爵世襲八月阿睦爾撒納叛阿玉錫奏巴圖濟爾噶勒黨惡執之諭歸部管轄十一月厄魯特侍衛丹津告訥默庫欲逃叛

命辦事大臣阿蘭泰擒治并將巴圖濟爾噶勒擊解來京二十一年三月巴圖濟爾噶勒將訥默庫背叛情形據實陳奏免其治罪加恩授三等待衛五月擢頭等待衛赴達勒黨阿軍營十一月達勒黨阿奏其效力有勞授散秩大臣二十二年十月解馬赴濟爾哈朗命爲領隊大臣授鑲藍旗蒙古副都統十一月在哨探隊內行走二十三年與侍衛鄂實圍扎哈沁得木齊哈勒拜游牧擒哈哈勒拜及其屬襲執叛賊琿齊於尼勒喀河盡收其游牧四月擒噶勒雜特宰桑特克勒特克隨將軍兆惠等由伊犁進剿回部五月至善斯嶺招降布魯特頭人並所屬六十餘又降阿勒巴齊鄂勒椿等收其馬駝軍械八月招撫塔拉斯布魯特三百餘戶

十月 諭曰巴圖濟爾噶勒原在富德隊內不必隨往葉爾羌卽
向巴祿領兵搜捕哈丹巴阿噶斯餘賊及沿途瑪哈沁等凡奏事
行文列名於次不必受巴祿節制巴祿與巴圖濟爾噶勒當和衷
協力以期集事若能盡剿餘孽并獲哈薩克錫喇則伊二人之福
也十一月 命速赴富德軍營十二月至伊拉里克因馬駝未至
兵皆負糧械徒行巴圖濟爾噶勒奏將已到關展之駝僮送續到
者速爲接濟得 旨嘉獎二十四年正月兵至阿爾吉什時逆賊
霍集占黨侵和闐侍衛齊凌扎布請援將軍兆惠令巴圖濟爾噶
勒與瑚爾起往擊之三月到和闐賊望風遁偵賊騎七百餘屯踞
博羅齊乘霧直前衝擊潰之追越阜窪勒河勒捕百餘收回人四

千餘戶撫定齊喇哈克克里雅三城 御製博羅齊行紀其事詩
曰博羅齊者鄰和闐賊回據險偵我軍先是圍解黑水困元戎遣
救掄二臣一爲瑚爾起吉林舊族世受恩一巴圖濟爾噶勒乃厄
魯特宰桑其勇誠超羣同心協力速赴援率軍數不能盈千途歷
戈壁不毛之地負甲步進無俄延哈勒哈什已垂陷齊凌扎布馳
來言夜急行至伊立齊時賊望風先逃奔集兵拯哈拉哈爾賴天
大霧彌漫漫乘霧直擣賊營後伺怠奮勇攻中堅斬將舉旗獲輜
重孤城恢復餘俱安管辭延陀禱神能致雪冀困李勣終乃自弊
焉此霧或亦敵鮮荅翻爲我用成功全易云天所助者順向猶未
信今信然持盈知足感 帝祐敢肆志詡能開邊尋下部議敘給

雲騎尉世職七月霍集占棄葉爾羌遁追及於阿勒楚爾賊伏兩山聞我兵分三隊奮擊巴圖濟爾噶勒領左翼自辰至午賊大潰追射殺千餘生擒五十奪礮械無算賊逸入巴達克山界巴圖濟爾噶勒與伊柱領兵八百於山後堵禦大兵尾至伊西勒庫爾淖爾賊據險守我師整隊發礮樹回纛降賊萬餘巴圖濟爾噶勒以功賞戴花翎給白金九月富德令侍衛賽音圖等往巴達克山勒獻霍集占派巴圖濟爾噶勒駐兵六倫以張聲勢瓦罕伯克率戶口降二十五年凱旋賚銀幣授內大臣命圖形紫光閣御製贊曰杜爾伯特部中傑驍嘉其心直授職本朝凡與交戰義弗返顧師濟和闐不孤恩遇嗣追敘平定準噶爾及回部功加騎

都尉世職三十四年授公中佐領三十七年卒 賜祭葬如列子

二長察克圖襲騎都尉兼一雲騎尉次普爾普由侍衛隨征金川

有功授三等奮勇男官護軍統領以勦臺灣逆匪林爽文奉 旨

給雲騎尉五十五年卒 賜祭葬如例

右 國史館本傳

宗室增海

宗室增海正藍旗人乾隆五年由閒散授三等侍衛十七年升二等侍衛十八年充侍衛班領二十二年授吉林副都統兼署伯都訥副都統二十五年奏稱伯都訥副都統衙門額設漢字筆帖式二員請以一員辦理清字事件一員改作本處拜唐阿補放之缺於通曉滿洲蒙古字能繙譯者挑取專辦蒙古事件議如所請行二十七年奏摺獲私行買賣人獲王士學等八人照例治罪外將人獲及銀一併入官得旨查出銀兩數在百兩內者不必入官卽分賞原摺之人如在百兩外者作爲三分二分入官將一分分賞著爲例二十八年正月調甯古塔副都統三月奏請添設甯古

塔監獄 從之三十三年三月擢廣州將軍九月奏廣東八旗滿洲兵內查明披甲幼童二百三十九名其中領雙分錢糧者一百三十六名請卽革退其孀孤無倚之九十三名請照見由天津撥米養育兵之例支給餉米如所請行三十四年正月調福州將軍二月因前在廣州任內派員解馬赴滇沿途滋擾交部嚴議尋議降調 上加恩寬免十月調署伊犁將軍十一月授理藩院尙書十二月 諭曰滇省見在撤兵伊犁圖到京後仍可回伊犁將軍任增海俟伊勒圖到後著仍回福州將軍任其理藩院尙書事務有福隆安兼署增海仍可帶銜前往三十五年三月奏報伊犁去年徵收房屋田地租銀共一萬七千餘兩除公用二千八百餘兩

連舊存銀共三萬八百兩得旨從前明瑞奏伊犁駐劄兵丁紅白事件賞項無出請設立滋生銀兩以爲賞卹之用朕以滋生銀兩究屬取利斷不可行曾經嚴飭今觀伊犁存留房屋田地租銀歷存至三萬餘且次年仍可徵收此項銀兩旣非正項著加恩作紅白賞卹之用七月授黑龍江將軍三十六年四月奏稱墨爾根等驛站額設牛隻請停止每年報倒六分之例准其三分報銷下軍機議行九月奏稱呼蘭運糧船隻自佐領兼管以來並無貽誤請將管理墨爾根戰船之四品官一員裁撤卽於墨爾根協領內揀選一員兼管從之三十七年六月調盛京將軍先是盛京將軍宗室恆魯戶部侍郎瓦爾達請動帑項回贖民典旗地經戶部

分析條款令將軍等遵照辦理至是增海等查明候贖地十二萬餘晌咨部動帑回贖並奏請 欽派大臣會同覆勘時瓦爾達已調任倉場侍郎 上命尚書裘曰修瓦爾達前往盛京偕增海及侍郎唐古泰府尹博卿額等覆勘尋會奏一切原查續報動帑徵租指扣俸餉各款均應請照戶部原議辦理此項地畝自回贖之後原業旗人能自耕種准其撤回自種如旗人不能自種而原佃民人偶有拖欠地租令地方官代爲催追儻仍抗不給租方許撤地另行招佃如旗人不能自種而原佃民人又不欠租不得遽行撤地致使原佃民人失其生計庶旗民相安永遠遵守疏入 上嘉允之十二月奏盛京各佐領下所有馬甲多少不等請裁馬甲

添設步甲其餘贖錢糧並隨缺地畝入於正項報銷下軍機大臣會同部議准行 諭曰所辦非是盛京額設馬甲並隨缺地畝皆爲養贍該處滿洲而設今生齒日繁若將伊等應得分例裁汰入官於生計殊屬無益此項裁汰之馬甲三百六十名錢糧交增海等或添設步甲或添設養育兵惟期普被恩施其隨缺地三千一百六十晌如何使眾人均有裨益之處並著增海等定議具奏尋奏裁汰馬甲所餘錢糧應添步甲三百八十八名尙餘銀二千六百一十六兩添設養育兵四百三十六缺於滿洲蒙古漢軍各佐領下仍按鰥寡孤獨人等之多寡酌量添設以資養贍至裁汰隨缺地畝租銀六百三十四兩每年分賞步甲置買皮衣三年內可

以均霑實惠又請將養育兵內勻出之一百四十分錢糧賞給盛
京官學生以資學習部議如所請又奏奉天各城倉務俱係城守
尉協領會同監督辦理惟內倉祇有監督無協同稽察之員請嗣
後於衙門所屬協領內揀發一員送京引見令與監督一體查
辦倉務從之三十八年閏三月奏久患舌腫語言不清請回京
調治至將軍印務交額爾德蒙額署理得旨增海患病當早奏
請醫治何得至今始行具奏增海不必來京著派御醫張鼎令伊
子二等待衛德清阿三等待衛德襄阿帶同馳驛前往醫治其將
軍印務卽著照所請令額爾德蒙額暫行署理五月卒諭曰盛
京將軍增海歷練老成屢膺統轄重寄辦事實心方資倚任前據

奏稱偶患舌疔恐其力疾辦公特令將將軍印務暫交額爾德蒙額署理俾得安心攝養並遣伊子德清阿德襄阿帶同御醫馳往診視以冀速痊旋據奏病證稍減方爲欣慰茲遽聞溘逝實深悼惜著加恩贈太子太保所有應得卹典該部察例具奏尋賜祭葬子謚勤果子德清阿官阿勒楚喀副都統德襄阿鳳凰城城守尉

右 國史館本傳

本草綱目卷之二十一

五

王萬邦

王萬邦山西陽高人乾隆十六年武進士授三等侍衛十九年發
陝西試用二十一年補甘肅涼州鎮標左營遊擊二十二年解馬
赴巴里坤二十三年隨大軍勦回酋霍集占尋駐防烏什二十四
年三月管阿克蘇迤西臺站閏六月參贊大臣舒赫德奏萬邦實
心奮勉 命以應升之缺補用九月調赴葉爾羌二十五年議敘
功加三等二十六年管庫車沙雅爾屯田二十九年遷直隸保定
城守營參將三十四年遷督標中軍副將三十五年擢貴州威甯
鎮總兵三十六年十二月率續調貴州兵二千赴金川南路軍營
三十七年正月總督桂林由約咱進剿噶爾金前山梁萬邦先以

兵一千馳至卽合力仰攻奪賊卡三二月攻東山梁焚其木城賊
敗遁三月偕總兵宋元俊等攻克革布什咱之木巴拉博祖諸砦
收撫番民甚眾四月偕總兵英泰田扎哇巢溝攻阿仰東山梁乘
賊懈督兵鼓勇登直撲賊碉賊驚遁追斬無算大軍乘勝克爾交
喀爾阿噶爾阿格藏巴幹格宗等處直抵達烏官砦克之捷 聞
得 旨嘉獎下部優敘並 賞戴孔雀翎五月宋元俊奏許桂林
在軍營乖張捏飾且發銀五百兩令提督汪騰龍交王萬邦向小
金川贖被遮兵丁 命尙書額駙福隆安馳赴卡了軍營嚴鞫六
月福隆安奏言臣查桂林案內除失機諱匿等款業據供認外其
將銀向金川贖兵一節訊據隨同辦事之司員汪承需供稱承需

因聞巴旺布拉克底番人將迷失官兵送出應給賞告知桂林令知州曹焜同知林雋向糧務取銀五百兩交汪騰龍轉給王萬邦備賞後不見送出隨差拉塔塔爾取回原銀並無向金川贖兵事復研訊王萬邦等據供四月十七日汪騰龍差送銀兩及書云係汪承需交出如巴旺布拉克底番人送出官兵卽酌賞閱數日無信差人回覆汪騰龍卽將銀取回至五月二十四日往大營宋元俊言桂總督業被參其銀五百兩奏內是言向金川贖官兵汝若說給巴旺布拉克底恐受刑萬邦一時不得主見宋元俊言汝祇給我一札將賞金川銀有關 國體若不收懼總督提督見怪若收懼干 國法之語寫入卽無妨礙爾時在伊帳房照寫面交宋

元俊亦寫書稟交書辦騰清與我次日方知桂總督係其參劾實
爲宋元俊所愚隨質之宋元俊自認誣訐贖兵並後供捏札屬實
臣查宋元俊王萬邦俱專閩大員乃宋元俊於奏參桂林後知臣
將到軍營遂恐嚇王萬邦誘令補寫書信以爲查審之地並囑汪
承需不可承認又令汪騰龍不可說出心術殊甚狡詐至王萬邦
於覆訊時雖據供出實情但爲宋元俊所愚隨同捏札亦屬糊塗
汪承需不查事理輕重輒議取賞銀雖經還款實屬輕取妄動均
應分別治罪汪騰龍及知州曹焜同知林儁均應革職奏入奉
旨宋元俊汪承需均著革職拏問同桂林一并解赴行在候訊再
行降旨至王萬邦初爲宋元俊所愚一經詰訊卽吐實情此案得

以明確其情尙屬可原且伊領兵打仗頗爲勇往著從寬免其革職治罪仍在軍營領兵以勵後效三十八年正月大軍進剿當噶爾拉萬邦由納扎木下溝穿箐攻西一帶山梁乘雪夜潛至山峯下卡內賊覺抗拒我兵鼓勇躍入賊窟走遂據山梁奪大石卡三小石卡七奏至 諭獎其功下部議敘十月卒於軍營 諭曰王萬邦在川省軍營兩載以來帶兵打仗尙爲出力之員今因病身故亦屬可憫著加恩卹尋議照陣亡例給與卹典 賜祭葬兄萬里由乾隆十六年武進士選藍翎侍衛二十一年投直隸通永協中軍都司累遷廣西左江鎮標中軍遊擊廣東督標右營參將四十二年告終養回籍四十七年補福建邵武參將四十九年遷延

平副將五十年閩浙總督富勒渾奏參萬里久病不痊請先開缺
仍於舉劾案內附疏聽部議得 旨王萬里係總兵王萬邦之兄
王萬邦前在金川出兵身故今伊兄王萬里於副將任內久病不
痊並無別項劣蹟若入於舉劾案內辦理部議卽應革職但念其
弟曾著勤勞著加恩以原品休致

右 國史館本傳

宗室薩喇善 子恆瑞

宗室薩喇善正白旗人乾隆五年由閒散授三等侍衛九年擢二等侍衛十二年擢頭等侍衛十三年授正白旗滿洲副都統十四年閏七月遷鑲黃旗護軍統領十月授成都副都統十九年命往駐藏辦事二十二年五月差滿回京補鑲黃旗漢軍副都統八月升吉林將軍二十四年二月奏拏獲偷買人蔘之陳中元等十三名搜獲人蔘三千二百七十二兩並查出狐皮及馬匹銀兩等物 上嘉其辦理妥協五月吉林城內失火延燒旗民草房七百餘間什物口糧焚燬殆盡請將倉穀借給兵民秋後歸款預借給官兵半年俸餉爲葺屋之費按季坐扣 上以其被災較重將所

借銀兩穀石均 加恩賞給十二月疏言吉林三姓地方與甯古塔拉林相距俱五百餘里向未設立臺站請由拉林沿松花江迤北至三姓地方添設八臺每臺設筆帖式一員領催一名 從之 二十五年六月奏盛京及拉林阿勒楚喀地方駐劄滿洲日多居民日密商販牲畜不期而集請照甯古塔伯都訥之例設立稅局充本處俸餉俟二三年後再定稅額 從之七月奏稱副都統巴岱查視空濩人夫等船每船人數浮多因欲清查伊等不遵恃眾毆傷領催巴善旋糾人數千赴都統衙門鬩鬩巴岱未及清查各船人數遂給與腰牌令其起身經臣派副都統增海帶兵稽查奏入 諭曰空濩人夫皆係內地之民膽敢不法鬩鬩情殊可惡巴

岱於起事之初果能將爲首鬪鬪之人擒戮餘眾必知做懼帖然無事乃不能迅速辦理反給與腰牌卽令起身殊屬怯懦不堪薩拉善身爲將軍理宜親往查辦乃止遣增海亦屬不知輕重巴岱係薩喇善保舉之人當時誤行薦舉後來看出亦卽當具奏乃至此時始奏伊不能獨辦姑息已甚此時乞濩人夫已經入山各處乞濩若卽遣人往捕勢必驚竄不如從容俟其採回掩捕於事有益卽爲首鬪鬪之人自知罪重此時潛行逃回亦未可知其掩捕訪查之處著薩喇善妥爲辦理儻致逸脫惟薩喇善是問九月奏稱巴岱本應拏問但案內人犯尙未捕獲如先將伊拏問恐各路乞濩人眾聞風竄匿是以暫行解往甯古塔俟將鬪鬪之人拏獲

後再將巴岱擊問質審 上以巴岱恇懦不堪不可不從重治罪
卽正法示眾十月 諭曰前因竇濩人夫肆行鬪鬪副都統巴岱
不能辦理乃反爲所脅給票遣往怯懦之至斷不可容是以將巴
岱正法薩喇善身爲將軍當聞信時卽應將巴岱嚴參並應親往
查拏眾犯迅速辦理乃彼時並未親往及朕傳諭申飭亦未前往
仍以訪拏罪人解至吉林審訊等語具奏殊堪駭異看來薩喇善
竟是天奪其魄福澤盡矣著革去將軍發往伊犁效力贖罪尋薩
喇善子侍衛恆賓以薩喇善瘡疾不能前去具呈情願替行經軍
機大臣代奏 上斥其沽名釣譽有 旨薩喇善仍著前往恆賓
處去侍衛隨伊父前去二十九年伊犁將軍明瑞以薩喇善效力

三年屆滿具奏 上以薩喇善獲罪發往卽逗遛不前自應少爲
畱待四十年恆賓在烏什陣亡 諭曰恆賓前爲伊父告往伊犁
繼奉差來京朕看其大有出息加恩仍補侍衛恆賓又懇告回去
今恆賓在烏什打仗陣亡甚屬可惜若薩喇善無用之物實不如
伊子念恆賓因公捐軀之分著伊父回京三十四年 賞給副都
統銜充庫爾喀喇烏蘇辦事大臣三十五年以遣犯滿達爾中途
脫逃 諭曰薩喇善係棄瑕錄用之人自應感激朕恩一切畱心
乃仍前疎懈卽此一犯不能添派委員任綠營兵丁解送致中途
免脫此皆平日疎懶所致著革職發往伊犁效力贖罪三十六年
賞給三等待衛銜三十八年卒 諭曰薩喇善此次料理策伯克

多爾濟遊牧尙屬黽勉著加恩追贈副都統銜應得卹典卽照副都統之例給與尋 賜祭葬子恆賓恆秀恆瑞恆岳恆賓襲雲騎尉二等侍衛恆瑞西安將軍自有傳恆岳二等侍衛

右 國史館本傳

宗室恆瑞

宗室恆瑞正白旗人由閒散宗室於乾隆二十七年授三等侍衛二十八年升二等侍衛四十年升頭等侍衛四十一年以副都統銜赴藏辦事四十六年署鑲白旗漢軍副都統四十八年授熱河副都統五十一年擢福州將軍會奸民林爽文莊大田等糾眾攻陷鳳山縣臺灣告警福建督臣常青奏請添兵五十三年二月

上命恆瑞挑選駐防滿兵一千名往勦隨以常青爲將軍授恆瑞爲參贊四月師抵廈門五月至臺灣同常青至鳳山南路勦賊出城不十里遇賊萬餘進擊兩次頗有斬獲因賊勢衆多請增調勁旅 命以廣東杭州駐防滿兵三千名閩省兵二千名粵省兵四千名及兩廣總督孫士毅挑備兵二千名益之旋奉 諭曰常青年逾七十精神不能周到恆瑞又係年輕未曾更事之人殊不可恃因 命陝甘總督福康安馳驛至熱河預備差遣六月恆瑞奏稱賊匪連次來犯官兵迎擊輒奔逸臣等料其詭計欲誘官兵深入卽繞出後路而鹽水港等處之賊自北趨郡必更肆無忌憚又據總兵柴大紀及派往鹽水港遊擊楊廷麟告急請援已派總兵

魏大斌等前往並令確探笨港有無失事查鳳山之東港在鹿耳門左已爲賊占諸羅之笨港在鹿耳門右又爲賊擾則見在鹿耳門一口尤爲緊要至鹽水港在諸羅之南府城之北距府城僅五十里今賊眾攻鹽水港固意在諸羅實卽覬覦府城臣等時時兼顧勢難輕進 諭曰賊人狡詐故作窺伺府城實欲斷我糧道攻偏諸羅若諸羅有失則臺灣府城勢更孤懸該將軍等竟宜先往北路會同柴大紀並力擒渠或分兵鹽水港打通糧道此爲上策七月魏大斌兵至鹿仔港遇賊被圍把總麥逢春武成烈劉聯升等陣亡 上以常青恆瑞調度失宜又參將瑚圖靈阿等自山豬毛翻山進攻南潭並不親往應援坐失事機飭之旋奏賊犯郡

城擊卻之督兵進剿至南潭殲賊數百人因天晚路窄收兵 諭
日常青恆瑞等屢次俱稱遇兩路窄收兵而於莊大田是否尙在
南潭並未提及實屬糊塗著嚴行申飭八月奏言軍中偶染暑溼
病者十有三二賊匪聞知屢次來犯經臣等擊退見在各里莊歸
業者千餘人或以官軍南向隱有所恃若遽舍南趨北恐賊乘閒
竊發而附近各莊不無惶惑又奏魏大斌等沿途遇賊打仗適參
將潘翰李隆領兵迎接力戰始抵諸羅見在仍被圍困臣等當派
副將貴林蔡攀龍等由水路往援 諭曰日常青恆瑞以一人統兵
前往北路一人駐守並非令一兵不畱在府城營盤也有何可慮
並不那移尺寸之地柴大紀被圍日久魏大斌又在圍城之中此

時尙不親往救援豈徒以株守爲事耶先是 上以常青恆瑞俱未經軍旅恆瑞身係宗室或存富貴習氣未能和協令督臣李侍堯據實覆奏並詢以伊二人能否辦理此事侍堯奏稱恆瑞深知以國事爲重與常青亦並無意見惟不能親援諸羅未免爲賊所綴可否於武臣中如海蘭察者令其前來會辦卽可及早戴功時已 命福康安爲將軍代常青並授海蘭察爲參贊大臣馳往臺灣恆瑞仍令參贊軍務是月貴林等兵至英莊遇賊陣亡蔡攀龍力戰抵諸羅傷亡大半恆瑞率兵往援被賊攔截收軍改由海路前進抵鹽水港逗遛不前十月奉 旨解任來京嗣以撫諭附近民人造冊投誠 上閱其奏尙屬奮勉命與常青仍帶兵協剿恆

瑞又奏賊占據情形 上以恆瑞惟怯著福康安確切查參是月
恆瑞率侍衛烏什哈達梁朝桂等敗賊於新店收復鹿仔港十一
月福康安等率師抵鹿仔港恆瑞同海蘭察屢敗賊於興化店斗
六門大里杙等處擒斬賊目劉懷清林茂林素等林爽文遁去十
二月進取集集鋪至生番隘口 諭曰官軍屢戰得勝已成破竹
之勢恆瑞因人成事並非自能奮勇前進又福康安派鎮將等攻
勦獨不派柴大紀蔡攀龍二人而於恆瑞擁兵不救之罪不但不
加參劾且屢次聲敘戰功豫爲地步以示公正傳旨嚴飭著恆瑞
來京福康安旋奏恆瑞前在鹽水港不能直達諸羅咎無可辭但
打仗俱親身前往每日招撫村莊巡查營卡並未在營坐守及臣

等自諸羅進兵恆瑞屢次向前殺賊海蘭察等皆所親見臣固不敢徇私袒庇亦不敢因係親誼故爲避嫌應請畱於軍營效力贖罪 諭內閣曰恆瑞觀望遷移及張大賊勢妄言惑聽本應軍前正法朕以彼時官軍勦賊尙未得手慮駭聽聞降旨令其回京乃福康安曲爲庇護又屢於摺內聲敘恆瑞帶兵打仗試思伊爲滿洲大臣眾皆打仗獨伊不打仗逃往何處乎又前因保甯補放伊犁將軍川省無熟悉番情之人故將鄂輝調回成都而以常青仍爲福州將軍福康安具奏時尙未知保甯調伊犁之信何以欲將鄂輝仍畱成都不過因恆瑞本係福州將軍希冀仍畱原任之意豈能逃朕洞鑒乎著傳旨申飭恆瑞仍遵前旨革職來京交部治

罪是福康安愛之實所以害之也五十一年恆瑞同海蘭察等緝獲林爽文於老衢崎二月同總兵穆克登阿等追擒莊大田及其母莊黃氏等四十餘名奏入得旨從優議敘三月諭曰福康安前抵鹿仔港未及三月卽擒獲首逆南北二路全境蕩平恆瑞從前妄請多兵幾至惑眾誤事不可不治罪此奏出自他人必當按律正法姑援議親之條從輕革職發往伊犁效力贖罪十月諭曰恆瑞在臺灣獲罪究爲公事起見尙可寬宥著加恩賞給副都統職銜作爲伊犁參贊大臣幫同保甯辦事五十四年授正黃旗漢軍都統定邊左副將軍五十五年正月調鑲黃旗漢軍都統八月調正白旗漢軍都統六十年八月補授綏遠城將軍九月調

補西安將軍嘉慶元年正月湖北教匪滋事奉 旨令恆瑞帶兵
三千名會同湖廣總督畢沅湖北巡撫惠齡往剿二月恆瑞奏烏
魯木齊都統永保入京 陛見道出西安請暫畱駐以資彈壓得
旨永保曾經軍旅著同恆瑞帶兵剿賊三月恆瑞與興漢鎮總兵
文圖等破賊於竹山復其城獲賊首武明山翁叔原等 上嘉其
功交部議敘永保至軍營合兵由房縣進剿鬼谷子黑虎溝賊匪
奔三里坪畱文圖率兵圍守恆瑞同永保由吧峪五虎壩進至七
里灣適總兵彭之年領兵至賊驚走渡二郛溝竄入保康東北之
白雲寺大山官兵由黃連壩進攻四月抵黑龍溝又至東山長嶺
賊奔喇吧洞 上以三里坪賊經文圖剿淨而恆瑞等日久無功

飭之恆瑞仍遵 旨赴襄陽同河南巡撫景安等剿賊畱文圖剿
喇吧洞五月文圖剿喇吧洞賊盡以兵赴巴東恆瑞所畱西安官
兵亦撤至襄陽遂同頭等待衛明亮領兵由樊城進攻呂堰與景
安等會合進剿屢敗賊於岳家溝劉家集斃賊二千餘人奏入
上以賊首姚之富劉之協並未擊獲一人不值加恩恆瑞等務宜
倍加奮勉勿使逸入棗陽隨州等處是時賊屯聚蔣家壩曲家灣
一帶官兵進至王家岡離棗陽三十餘里與賊寨逼近恆瑞同明
亮等設伏縱擊大敗之六月進攻蔣家壩曲家灣殲斃無算棗陽
圍解旋移營董家岡賊僞呼投降潛抄官兵後路恆瑞等急以後
兵爲前隊翻身迎擊適總兵德齡兵至擊退之賊匪竄回棗陽正

東丁兒山與張家塢賊連營十餘里官兵併力窮追一晝夜破賊營十餘處斬三千餘人生擒百餘人得 旨獎敘賞金盒大小荷包七月自隨州梓山進剿至龍門山屢克之棗陽隨州宜城境內賊平蒙 恩優獎八月自青獅嶺赴鍾祥與永保夾擊鄧家岡賊追至黑沙河大破之餘匪復奔雙溝連夜追擊焚其甄堡九月賊匪分爲兩路一由棗陽東竄唐縣一由白河西竄呂堰恆瑞同明亮等領兵西躡賊退踞葉家店進兵圍之斃賊數百生擒首逆姚之富之母郝氏孫姚幅金等移兵渡白河唐河剿辦棗陽東竄之賊十月以賊匪直奔倉臺未能剿截與永保同奉 嚴飭賊匪旋奔唐縣津鎮一帶恆瑞移營倉臺永保景安偪賊至唐河卽往策

應賊向東南竄走十一月官兵四路並進破賊屯十餘處恆瑞身受槍矛傷 特賞金盒大小荷包十二月進擊姚之富至彭家岡殲擒三百餘名二年正月惠齡等自槐樹岡破賊恆瑞聞礮聲引兵邀擊殺賊二千餘名追至七里岡時永保以玩賊革職解京并以恆瑞參贊失宜 降旨令惠齡景安查奏尋覆奏恆瑞不辭勞瘁頗屬勇往因與永保隔營不能每事商議見在帶兵需人請同慶成舒亮留營自效 諭曰恆瑞慶成舒亮因貽誤在前各知悔懼奮勉出力若能迅速戡功不但可贖前愆並當酌量施恩隨賞給鑲玉如意一柄是後同惠齡等屢敗賊於趙家岡勝廠等處追至劉家集與慶成協擒賊首劉起榮解京伏法有 旨獎勵二

月惠齡舒亮由長岡嶺襲賊於小阜街恆瑞慶成以馬隊繞賊前
斃賊五百餘人躡至曾家店敗之於鄆家河又破之於新城生擒
賊目李潮等及騎馬小兒一名詢知爲姚之富之孫戮之三月追
賊至泰山寺賊聞風遁及之於洛陽店殺賊百餘人進偪温峽口
其夜二更令軍士銜枚疾走四更抵賊所奮擊殺四百餘人生擒
賊目劉順等五十九名次日進擊龍鳳溝用連環大礮轟擊賊驚
亂忽一賊手執大旗招颺賊眾復聚恆瑞從隔岸發矢中其左眼
隨策馬先渡官兵爭赴擒之搜得數珠銅佛自供稱韋成係姚之
富僞都總師並擒姚爽等二十七名皆伏法奏至 賞戴花翎賊
匪旋翻山竄入豫境又分爲三股分竄商南山陽一帶四月恆瑞

馳赴山陽勦辦第三股賊匪進至周家河賊退走山梁官兵仰攻
追偃山嶺數重擒斬七百餘人忽聞賊首王廷詔李全等犯山陽
縣城乃回兵磨溝口遇賊於十里鋪擊退之周家河賊亦爲荊州
將軍興肇截殺西逸恆瑞由商州進勦適陝西巡撫秦承恩追勦
西牛槽賊東竄迎擊於雙路河口擒斬六百餘人五月追賊至黃
龍鋪適惠齡等亦至追擊至豬坪共斬首三十餘是月姚之富王
廷詔李全三股賊匪仍合爲一處由紫陽縣白馬石搶渡漢江恆
瑞等坐遲緩縱賊奉 嚴旨革去花翎六月恆瑞等緣漢江尾賊
至西鄉遇雨六晝夜賊遂分路竄入川省恆瑞等由城口進次平
官渡賊奔開縣與徐添德王三槐合夥擾及雲陽萬縣閏六月大

兵至大涼山下賊千餘人踞山顛恆瑞同明亮等分兵五路登山克之又殲陳家山賊方正潮等 賞玉喜字牌大小荷包賊匪復偪雲陽大兵至殲六七百人餘賊奔夔州香坪桂壩一帶追及於雙河口千總安慶張奇首先殺入賊隊恆瑞等乘之斃賊五百餘生擒唐之英等八十餘名七月進剿大甯賊匪於田家壩西牛槽壩楓木嶺等地方連敗之擒斬共二千餘名獲器械無算賊竄太平縣之白楊廟八月追至金竹坪賊乘夜奔亭子廟將掠官壩壩恆瑞等設伏以待賊至殲九百餘人生擒十一人時當陽逸賊竄入白河縣都統豐伸布等陣亡奉 諭赴興安應援九月抵興安同慶成迎擊賊眾於張家灘旋由牛蹠嶺繞出賊前進至狗脊關

馬鞍鋪蔣家坪奪獲賊營九處馬騾器物無算十月赴西鄉行次沙潭坎與土都司韓光澤破賊於神仙溝追至七里溝韓家壩復大破之賊北趨漢中又破之於白廟崖高峰溝凡三日殺賊二千餘人生擒王廷基等五百八十一名 賞玉喜字牌大小荷包十 一月追賊於毛埡子進抵襄城遇賊黃沙鋪擊殲之是時賊首姚之富李全齊王氏等合股西奔連營二十餘里將渡漢江北竄恆瑞同慶成設伏新街子乘賊半渡擊之擒龔玉等六十餘名進至桑樹灣遇賊高均德恆瑞令帶領撒拉爾官兵之都司馬鍾麒假鄉勇旗號以誘賊而身率兵自山梁下壓慶成等分投策應賊眾披靡殲一千九百餘人生擒八百九十餘人蒙 恩賞同慶成遵

旨由甯羌州赴援保甯十二月抵回龍場賊首王廷詔等犯郡城擊斃其眾七八百人旋同總兵觀成等赴援營山賊分股迎拒短兵接戰都司鍾琪王名望等戰歿總兵富爾賽自城殺出賊潰圍始解三年正月賊目羅其清糾合土賊黃道李鄉約自營山將寇順慶恆瑞同慶成進攻簡家壩黃連埡芙蓉寺等處皆有斬獲因賊勢滋蔓欲俟四川總督勒保陝甘總督宜縣撥兵會剿諭曰恆瑞慶成節次勦賊名雖八百人其實婦女幼孩居半且勒保宜縣等正在會擊王三槐徐添德豈能分兵前來此時賊匪既在老林若能設法擒渠尙屬伊等之功儻防堵不嚴復有勾結惟伊二人是問二月賊奔蓬州恆瑞同觀祥邀擊之賊分隊撲儀隴縣城

恆瑞督兵追殺至蕭家梁賊向東南大山竄逸旋以逗遛奉旨
申飭四月賊從孫家梁衝突十餘次經官兵截回進攻鯉魚嘴羅
其清掘溝斷道恆瑞同觀祥繞出山溝奪賊卡三座殺五百餘人
賊匪潛勾冉文儔滋擾儀隴運道總兵朱射斗等由馬鞍場副將
關聯升等由清風寺分路進剿恆瑞分兵斷磨盤井次日賊潰殲
戮無算五月惠齡朱射斗等進攻李華寺冉文儔敗走恆瑞以兵
繼之殲何家寨賊二百餘人旋聞陝匪龍紹周等由巴州竄至欲
與羅冉二賊合官軍由雙路場迎擊又破之於楊家寨六月都統
德楞泰追賊高均德至石人河飛咨恆瑞等迎擊共殲千餘人恆
瑞仍同惠齡赴老林場剿龍冉二賊連撲賊卡二座進偏山梁槍

破齊發擒趙連等七十餘人牛馬五十餘頭進次黃泥坪與德楞
泰會進備至大神山高冉等賊連擊二萬餘人縣互五十里札木
山腰爲死守計惠齡等進攻打石坡恆瑞等進攻隴家壩德楞泰
由中路由大神山皆有斬獲賊連夜撲德楞泰恆瑞營盤擊卻之
乘雪雨昏黑進擊殺賊千餘人七月賊紮筏將渡渠河德楞泰引
兵進擊恆瑞同惠齡分兵攻香安坪土門壩賊忽從三板橋金家
場鼓譟而來援兵擊敗之旋分三路進攻恆瑞一路殺賊三百餘
人其東西二面爲惠齡德楞泰所破合兵攻馬鞍山射死戴翎賊
目毋文富進攻龍鳳坪賊奔觀音崖分踞箕山南北潛抄我軍後
路大兵回擊伏兵自後掩殺賊二千餘人生擒何世官等一百餘

人隨聞賊首徐添德樊人傑爲將軍富成所追竄至紫觀場與高均德合恆瑞同惠齡德楞泰督兵截勦連戰壁山廟土門鋪觀音寺轉戰至風洞鋪凡四晝夜殺賊四千餘人擒獲千餘人賊窮蹙竄郭家溝仍依羅其清屯聚徐添德逸去八月從插旗山追擊徐添德偪入古戰坪擒斬千餘人遂克鳳凰寺巢賊奔箕山九月攻克白崖寨駱寺橋又克黃泥坪陳家坪小蓬寺等處進偪柏樹山仰山埡距箕山十餘里惠齡德楞泰直前攻破卡柵恆瑞從右山殺入合兵縱擊盡破箕山後二十餘里賊卡凡四晝夜殺賊數千人賊目羅其清李全王廷詔奔大鵬山十月恆瑞同惠齡德楞泰進圍大鵬山十一月克之恆瑞前赴陝西與宜縣秦承恩會勦賊

國朝通志卷之八十一
目張漢潮十二月惠齡德楞泰生擒羅其清於巴州餘匪李全樊
人傑竄西鄉恆瑞以不卽迎擊屢奉 旨嚴飭四年正月 命恆
瑞署理陝甘總督印務尋以兵赴大巴山獲賊龍日哩又赴甯羌
迎擊藍白號賊張應祥包正洪蕭掌櫃等二月賊由七盤關竄至
黃壩驛官兵進抵大安驛賊轉竄廣元遁入略陽恆瑞進攻柳樹
埡而甯羌又報賊日鮮大川將至恆瑞回兵駐大安驛賊竄南江
將近南鄭邊卡乃馳回青石關禦之三月奏請派員駐劄漢中督
辦軍儲 從之四月藍白兩號賊竄秦州恆瑞由太渠出菜子嶺
派員分路堵勦賊竄兩當縱擊殺三百餘人適張漢潮阮學勝大
隊賊匪自畱壩廳至杜家坪急引兵迎擊賊竄唐藏一帶明亮等

自鳳縣驛追 上以明亮恆瑞在二逆之間腹背受敵恐兵力不敷諭令於甯夏或阿拉善回兵內酌量添調五月卸督篆卽領兵勦白號賊馳抵白馬關其地與川西龍安接壤隨分派將弁從花長溝杏紅溝並進冒雨掩擊殲三百餘人湖北義民首易萬里等設伏關門口復殺賊百餘人投出難民二百餘人 上嘉其能保障川西邊界敕部議敘白號賊尋北竄西和禮縣而藍號賊又從米倉山南竄將入川境恆瑞札令甘肅布政使廣厚總兵吉蘭泰北面截勦白號而兼程由賈家店黑馬關抄擊藍號 上以恆瑞能不就易避難諭獎之六月進擊藍號賊於老柏樹殲九百餘人賞戴花翎藍號賊旋竄入川北南江縣恆瑞自鳳縣赴明亮所會

勦張漢潮七月藍號賊折回陝境恆瑞赴南路截勦殺數百人賊
匪五六百人復竄川北恆瑞仍回兵赴石泉順流抵迎風壩至城
固洋縣賊從馬堽道越老林竄去九月追賊清水溝擒十餘人賊
乘霧冒雨過三渡水逸去十月引兵斷龍王溝明亮興肇兵亦至
陣斬張漢潮擒賊目李潮時明亮興肇已有旨奪職訊問又以
恆瑞前次捨監號垂盡之賊竟回陝省顯係趨避且有得受餽送
之事諭工部尙書那彥成切實查參尋奏張逆竄三渡水係由
大山陡崖下竄非三人堵截之路恆瑞棄藍賊回陝乃因陝甘總
督松筠知會有咨文可據惟永保慶成前在楚省得受餽送恆瑞
亦有染指到陝後有無此等情弊已移咨松筠查辦奏入上以

不追藍號賊係接松筠知會尙非恆瑞之咎松筠調度失宜奉
旨申飭十一月自五郎追擊張逆餘黨李得士等進抵大建溝遂
入老林徑趨秦嶺與那彥成合兵會剿冉學勝高遇春劉掌櫃等
賊奔澇峪移兵兩岔河遏之十二月躡賊盤屋鄠縣多斬獲五年
正月追至山陽東溝擒斬千餘人尋聞川匪二萬餘由略陽寇兩
當徽縣恆瑞自褒城入棧迎剿賊眾北竄渡渭河至隴州清水秦
安縣境恆瑞同那彥成等躡追至汪家山分路奮擊大敗賊眾擒
斬三千餘人又救出難民千餘 上嘉之二月同總兵凝德等分
路由秦安剿賊凝德遇賊陣亡參將以下死者五人恆瑞自伏羌
赴援那彥成適至合兵擊敗賊眾又敗之於龍泉溝深都堡時總

兵多爾袞扎普等勦賊洵陽之岔河戰沒。上以甘肅竄匪有六路官兵勦殺不少恆瑞一人祇以那彥成係恆瑞之婿不肯暫離實係公中之私。特諭恆瑞馳赴鎮安五郎等處勦賊三月引兵由秦州回抵唐藏楊開甲高均德等方擾南星等處又有賊數千犯草涼驛恆瑞畱總兵觀祥防守領兵由藍田赴山商一帶勦賊諭曰恆瑞係西安將軍既知鳳縣鎮安有賊自應擇要進擊乃置之不顧惟知趕赴山商伊從前尙有款蹟在朕處存記未曾宣露原係責令自贖之意儻因循觀望必當重治其罪見在恆瑞自己早抵商州著將該處事宜專交國霖辦理卽帶兵自東而西立功自贖不得再有玩延四月奏臣於途次探聞冉學勝等二三萬人

分竄洵陽又有劉天成龐國勝等句結多日臣不敢拘泥前奏已改道由大山至野坪趕赴鎮安率同柯藩等從矛坪青銅關前進不使闖入楚豫 上以恆瑞並未與賊打仗敷衍入奏劾之恆瑞等兵抵兩河關賊復西竄追至大中溪抵紅崖石嘴敗之共斬三百餘人經略大臣額勒登保同那彥成赴五郎鎮安一帶分路並進恆瑞率總兵劉之仁等抄擊至竹凹山斃賊四百餘人生擒周遇順等一百三十餘人訊之賊目伍金柱等糾黨二三萬人將竄商維恆瑞卽由山陽高壩店抄截適額勒登保同提督楊遇春等擊敗賊眾楊開甲張添倫辛聰等從米糧川竄逸恆瑞馳抵漫川關令副將李天林等進擊遇賊伏被圍恆瑞率遊擊李朝龍等親

往援之賊退走追至黃鶯鋪斬賊目羅貴等五百餘人賊分爲四五股逃竄我兵掩殺二十餘里至麓子關前後擒斬六百餘人賊西奔大小壩廟川 上嘉恆瑞親身督戰賞給雲騎尉世職六月同總兵德忠以兵三千人駐守太渠唐藏一帶八月賊伍金柱高二馬五等出略陽竄出沔陽徑奔西鄉提督王文雄戰沒適恆瑞同副都統綸布春等往擊九月自紅椿壩追至大川石賊奔灘口爲楊遇春所敗斬伍金柱餘匪奔雙河溝口與徐添德合突撲我軍營盤擊卻之追至金河口賊已躡淺渡河斃其眾百餘人賊連夜從漁渡壩翻山遁入川境十一月 諭曰恆瑞見在何處勦賊總未據實提及從前恆瑞奏報亦多粉飾或恆瑞染患疾病不能

帶兵著額勒登保查奏十二月覆奏恆瑞久歷戎行節年辦賊尙
屬認真見在西鄉鍾家溝堵截亦甚嚴密惟年近六旬本年四五
月間患病時發時止精力難以支持應請令回至西安藉資彈壓
得旨報可六年卒於任子烏勒興阿盛京城守尉次綱阿塔三
等侍衛兼五品廕生

右 國史館本傳

國朝文獻通考卷一百一十四

四

許成麟

鎮守江南狼山鎮總兵官前廣西提督易州許公之葬其孤子宏猷清猷宜猷等既請禮部侍郎倪公承寬爲銘納隄中復踵子門泣請文其神道之石子以內直無暇久不克爲而清猷等請益勤乃列公生平言行尤著者俾歸勒石以慰孝子之思公歛人也自曾祖榮祿公始徙保定之滿城後又徙易三世皆以公貴 封贈階至一品公以乾隆元年登進士授 御前侍衛歷江西贛州左營遊擊廣信營參將廣東督標左營參將肇慶協城守副將調廣東督標中軍副將以太夫人憂去官服除補湖北黃州協副將擢鎮守江南壽春總兵官調江西南贛總兵官遷提督廣西全省總

兵官以公事註吏議當鑄級仍授江南狼山總兵官積階至榮祿大夫春秋六十有一終於通州官舍公敫歷中外三十餘年精勤如一日文武僚屬皆推誠相與終始無閒言視兵民一體未嘗以刻覈從事其在廣信遇歲旱米價翔踊民待振者十室而九郡守適以事它出知縣不敢任其事公遽以狀白行省出積穀數千斛減價糶之民乃得安在肇慶日增城民王亮臣等聚眾謀逆公奉制府檄入藍分華峯諸山場搜洗巢穴皆駢首就擒無一漏網者公初莅贛州有威惠及總戎南贛兵伍聞公至皆相戒曰勿欺許公粵西左控交阯右界滇黔蠻獠錯居瘴癘時作公巡歷兩鎮七協及諸土司關隘率兩歲而徧輕裝減從未嘗以供億滋累柳州

駐節之所秋冬恆多火災公閱城廂內外多草舍而兵士所處十居六七卽奏請支公庫生息銀假與兵士令各以陶瓦覆屋行之數年火患遂止公又以效力武舉難以得缺因與制府議計通省千把出五缺之後補用武舉一人又以粵西距京遼遠部推武職到任動輒經年事多稽閣奏請照它省預保之例得旨允行大兵之征緬甸也詔粵西協濟戰馬先後凡二千餘匹公督率所屬具芻茭以次遞送又致火藥數萬斤並如期而至公又陳請赴永昌軍營自效上以粵西要地資公彈壓優詔不許公在狼山夏旱率屬步禱烈日中已而得雨盛暑親至海口呂四場閱水師戰船教以陣法竟以積勞成疾至不起嗚呼可謂勤於王事也

已公事親方在宿衛聞父榮祿公之訃一晝夜馳三百餘里比至家號慟欲絕季弟蚤卒撫其孤如己出居鄉恭儉退讓嘗訪友郊外乘一騎一童子自隨見者不知爲貴人也其它敦交好義多有可稱述者不具書公諱成麟字瑞符號慶堂考存智祖考天霖曾祖考有倉皆未仕夫人同里崔氏生子二人國學生宏猷附貢生清猷側室畢孺人生子二人國學生宣猷微猷女四人皆適士族孫二人元會保定府學生元愷曾孫一人其葬以某年月日銘曰桓桓許公萬人俊敦詩說禮學自奮胸藏六韜演八陣對策大廷科第進宿衛三殿恭以慎進止位不失尺寸宣力江右初啟軻分闡嶺外益有聞 帝眷優渥擢方鎮肘後常繫斗大印令肅千軍

整鞞勒惠孚百城頌韶訛離江清深狼山峻紀公威德磨不磷服
官卅載篤忠盡甲子甫周斂何靳佳城鬱鬱松柏隱我文紀實可
傳信

右神道碑錢大昕撰

國朝定制凡御前朝夕侍側者名御前侍衛其次曰乾清門侍
衛無論王公武大臣侍衛等皆充之其六班值宿者統名領侍衛
府侍衛以分等級近日武進士改充侍衛者其門榜皆書御前侍
衛相沿成習實爲僭妄余爲散秩大臣時曾屢向侍衛處主事等
言之令其回堂飭禁彼皆以爲不急之務未卽更正不知實爲紊
亂官階也近讀錢辛楣詹事所作許提督成麟神道碑亦誤書爲

K820.49

2

1573322

文獻通考卷之九十四

國朝典故卷之九十四

臣

御前侍衛公爲當代考据名家乃亦未諳 本朝典故何也

右錄宗室昭榘撰

167-886



21101000160818